

L.P.A.



БИБЛІОТЕКА

БІБЛІОТЕКА



75
L 58

БИБЛИОТЕКА
ИНСТИТУТА ВОСПРОВЕДЕНИЯ, МОСКВА

75
ФЛ

Испол

#10870
202139





DO^N PETRUS ARLENSS.
DE SCUDALUPIS. M.B.O.

Persequitur fortuna, tegit Constantia, fortis
Friter id rauque feror, sic data fata sequor.

CAMILLI LEONARDI
SPECULUM LAPIDUM,
ET
D. PETRI ARLENSIS
DE SCUDALUPIS,
PRESBYTERI HIEROSOLYMITANI,
S Y M P A T H I A
SEPTEM METALLORUM
AC SEPTEM SELECTORUM LAPIDUM
AD PLANETAS.

ACCEDIT

MAGIA ASTROLOGICA

Petri Constantii ALBINII
VILLANOvensis.

U-3818 N.

1820m 4262



HAMBURGI

Apud CHRISTIANUM LIEBEZEIT, 1717.

СОЛЯНОВЫМ

МИССА ПРИНОСИ

ЗДЕСЬ ГЛАДИУСЫ
СИРЕНЫ И ДРУГИЕ
ПРИРОДНЫЕ КРАСОТЫ

АЛЛЕЛУИА ЧИТА

СЛОВО БЛАГОДАТЬ И МИЛОСТЬ
МИССА ПРИНОСИ СИРЕНЫ И ДРУГИЕ
ПРИРОДНЫЕ КРАСОТЫ

АДЮСИЮИ ГАН АТЕЧА
НИКСА НИТИАХОСИЯЕ
СИРЕНЫ И ДРУГИЕ

Х РУБ

УИД СССР

НАУЧНАЯ
БИБЛИОТЕКА

ФГИМО

GENERO SISSIMO AC ILLU-
STRISSIMO
PRINCIPI,
CAROLO GONSAGEO
CLEVESIO,
NIVERNENSIVM ET RETELEN-
SIVM DVCI
PETRVS ARLENSIS DE SCVDALVPIS
P. H. S. D.



ANTA est tua erga litteras omnesque literarum studiosos beneuolentia, Princeps illustrissime, quantum ego perspicio ex iis libris, qui à doctis hominibus indies aut sub tuo nomine, aut non sine honorifica mentione tui nominis, tam Latinè quam Gallicè eduntur, vt mihi nullum inter litteratos locum tenere posse visus sim, nisi aliquid etiam à me profectum sub tuo nomine appareret : quo. & me. erga te voluntatis & obseruantiae significacionem darem, & ingrati animi notam effugarem, si tuorum erga litterarum litterato-

*rumque studia meritorum magnitudinem
minus agnoscere.*

Ego igitur, Princeps illustrissime, do dicoque tuæ Celsitudini hanc meam, quam leuioris operæ, Metallorum ac septem Lapidum Selectorum ad Planetas Sympathiam: Pictores antiquos imitatus, qui picturas suas exposituri, columnæ alicui celse ac sublimi appendebant, ut inde conspicientium oculis pulchriores ac venustiores vide rentur. Siue enim stemmata, siue virtutem, siue etiam doctrinam considerem, quis inter huius seculi Principes te sublimior, quis cel sior, quis etiam doctior? Tu non ex illorum Magnatum numero, qui prorsus ab omni libro rum commercio ceu re noxia semper alegati sunt: perinde quasi hæc demum nobilitas solas sit英雄ica, nihil omnino vel scire, vel agere, præter aleam, venatus, moriones,英雄is etiam sordidiores voluptates. Tu virtutibus omnibus decorus inter æquales tuos refuges,

Velut inter ignes

Luna minores,

Tu eximium Galliæ decus, maximum lumen英雄 ornamentum. Tua denique tota veteres, Heroum, Ducum, Marchionum, Regum英雄 Imperatorum exornant undique ceræ Atria. Sed

Sed quid memorem antiquos, cum Princeps generosiss. Ludov. Gonzaga pater tuus, pater patriæ superioribus annis cœtum furiarum horrificum post inconclusos multiplices casus ceruicibus Franciæ totius insidentem, tanto Gallorum gaudio represserit, quanto post eorundem malo mortem obiit, citius quam oportuit, non sine bonorum lacrimis, quibus integritas regni cordi est? Tu etiam hæres tantæ virtutis, Princeps illustrissime, qua lætitia nuper Francorum omnium ac Italorum corda perfudisti, cum à Rege Christianissimo inter cæteros regni sui Proceres delectus es tanquam magis dilectus, ut Legatione omnium Legationum gloriosissima fungereris, ac Romam, velut alter Cato triumphatus, ingredereris? Quis dies pulchrior vniuerso mundo vix unquam illuxit? Potuit quondam, (inquit Valerius Maximus) M. Catonis ex Cypro cum regia pecunia reuertentis appulsus ad urbem vide ri memorabilis, cui nauie egredienti Consules, & cæteri Magistratus, & vniuersus Senatus, populusque Romanus officii causa præstofuit. Sed quam notabilior celebritate & frequentia occurrentium introitus ille tuus, qui cum Regis omnium regum Christianorum

Christianissimi regiis ad summum Ecclesie
 Pontificem mandatis adveniebas? Quod Ci-
 cero de reditu suo in patriam, hoc de tuo illo
 ad urbem omnium urbium nobilissimam ad-
 uentu merito dici potest, Vnum illum diem ti-
 bi quidem immortalitatis instar fuisse, cum
 Senatum egressum vidisti, populumque Ro-
 manum universum, cum tibi ipsa Roma pro-
 pe conuulsa sedibus suis ad complectendum te
 Legatum sibi missum progredi visa est. Effu-
 si obuiam Ciues triumphali circa currus
 tuos exultauere laetitia, Ἐ (quod Suetonius
 ait de quodam Imperatore) sexus, ætas, ordo
 omnis ad vigesimum usque lapidem effudit se.
 Dicam etiam quod Dionem de triumpho Au-
 gusti scripsisse comperi. Εἰσίοντι σοὶ οὖτε ιερέες,
 ναὶ ή βεληνή, οὐ τε δῆμος, μετά τε τῶν γυναικῶν,
 ναὶ μετά τῶν τεκνῶν ἀπαντήσαν. Dicam Ἐ
 cum Tacito de altera simili solennitate, inue-
 nisse te obuias tribus festo cultu, Senatum,
 coniugum ac liberorum agmina per sexum
 Ἐ ætatem dispositā, extructos quà incede-
 res spectaculorum gradus, quomodo trium-
 phi visuntur. Omnia denique vidisti refer-
 ta ac laborantia, ac ne eum quidem vacan-
 tem locum, qui non nisi suspensum Ἐ insta-
 bile vestigium caperet, oppletas undique vias
 angustumque tramitem relictum tibi: ala-

crem hinc atque inde populum ubique per gaudium paremque clamorem: tam æqualis ab omnibus ex adventu illo tuo pompatico lætitia percepta est, quam omnibus optatus aduenisti, quæ tamen ipsa cum ingressu tuo creuit, & pene in singulos gradus adiecta est.

Te igitur, Princeps illustrissime, cæteros inter Principes tantum caput extollentem, Quantum lenta solent inter viburna cupresfi,
 huic meo, quicquid est libello, patronum delegi: ut qui Principis in cognitione rerum abditarum cupidissimi es hæres, curiosam
 hanc & paucis adhuc cognitam Metallorum,
 & Lapidum ad Planetas Sympathiam, sub
 umbra saltem tuæ Celsitudinis protegere digneris, ac benignitate tua defendere, quod
 temeritate mea incipit esse publicum. Iacta
 est alea: bene cadet, si extare poterit para-
 zissimum erga te obsequii mei litteris consi-
 gnatum testimonium gratique insanguinem
 antiquum & verè regium Gonzagæorum, à
 quo multæ Potestates & Regna suum acce-
 pissem decus profitentur animi qualecumque
 monumentum. Vale Princeps verè felix,
 stemmatis & quæ ac animi ornamenti illu-
 strissime. Lutetiæ Parisiorum anno à par-
 zu virginis, MDCLX. V. Idus Decembr.

AD INVICTISSIMVM
DVCEM NIVERNSEM.

SIcut se referunt Gemmæ, atque Metalla Planetis,
Ad Charites sic se Dux generosus habet.

Certatim uno in eo cælestia corpora stillant.

Quidquid virtutis mens super astra potest.

O felix nimium, quem tanti Principis ambit
Gratia! non hominem crede,
sed esse Deum.

Superanda omnis Fortuna.

HERMETI MAGNO,

D. PETRO ARLENSI
DE SCUDALUPIS,

HAud dubium quin dent formam
inferioribus alta
Sicut quæ in superis ima re-
ferre student.

Vrsas in glacie rigida vidisse sub Arcto,
Quæ cœli docuit, vis sit imaginibus.

Sed Terræ varios umquam quis nosse mea-
tus,

Astrorum & cursus, sympathiamque
potest?

Omnem tu sensum superaueris unus, Olym-
pum

Coniugio stabili dum bene iungis Opi.

Clara Deum soboles magnum Iouis incre-
mentum,

Germanæ uxoris maximum & hoc opus est.
Dat cura quietem.

Ejusdem ad Constantem.

Constans Constantis constans constantia con-
stat.

Cum stat constanti contrâ contraria corde.
Ejusdem de Opere.

Ex auro bases, & sunt structura lapilli,
Vertice sublimi sidera clara ferit.

Ejusdem Magneti.
In centro Matis tu fundamenta locasti,
Erectumque caput fers super astra Poli.

IM DVPLICI AVTHORIS ANAGRAM.
MATE DVPLEX SENSUS.

PETRUS ARLENSIS,
LETVS RESPIRANS,
RARIS EST PLENVS.

LETVS RESPIRANS arctis ac re-
bus in amplis,
Pertentant tacitum gaudia plena si-
num.

Idem.

S I quo vult spirat, vel fertur spiritus,
ergo
LETVS RESPIRANS omnia
læta facit.

Aliud Anagramma.

INscribunt alii ut commendent nomina
libros,
Ast hoc grande tuum nomen honorat
Opus.

SI

SI PETRVS ARLENSIS RARIS
EST PLENVS, abundè
Edere quid mirum, non nisi rara potest.

Dat cura quietem.

Ad Symbolum Authoris.

Quod miserūm gemitus audis, & dura
ferentum,
Quodque feras illis, PETRE, beni-
gnus opeim :
Clemens auxilio Deus est tibi rebus in
arctis,
Σύμβολον unde capis ritè, IVVANDO
IVVOR.

Lazarus Mozenighus N.F.

Aliud Anagramma.

PETRVS ARLENSIS,
LARES TV SPERNIS.

ITaliam, patriosque LARES TV
SPERNIS, vt orbem
Virtuti totum PETRE subesse probes,

Superanda omnis Fortuna
AD

AD EVNDEM
D. PETRVM ARLENSEM,

ERVDITISSIMI ET ILLV.
STRISSIMI IVVENIS D. BAL.
THASARIS CORRANDI DE BOSCO
COLLEG. SORB. SCHOLA-
STICI ALVMNI

C A R M E N.



Icitur astra humeris portasse
micantia cœli
Atlas, quem tanto nomine
fecit onus.

Magna quidem Atlantilaus est, tibi parua
videtur

Cui cœlum & tellus sarcina parua fuit.
Cum terræ lapides variâ licet arte, metalla,
Astra que secretis prodis amica libris:
Fers cœlum terramque simul, mundusque re-
cumbit

Ipse tuis humeris, sed magis ingenio.
Nec te prescit onus, sed magno pondere ma-
ior

Est animus, nullis frangitur ille malis.
Sed veluti magno premitur quæ pondere
palma,
Surgit; & in tenebris clarus ille micat,
Ille

Ille modo obscuras Ditis tentare latebras
Cernitur, inde aliis multa secreta refert,
Et modo per campos currit stellantis Olympi,
Ut discat motus sidereique poli.

Vnde tuum merito aeternum per saecula no-
men

Ornatum meritis implet utrumque po-
lum.

Nec satis alta tuum nomen vulgare per or-
bem

Fama potest: meritis deficit illa tuis.
Deficit illa quidem quamuis non indiga: sed
te

Nulla capit famæ, est quæque sit illa mi-
nor.

Si complet terras, fers terram: si æthera
complet,

Est magis ætheream sustinuisse domum.

Tu terram cœlo jungis, tu sidera terræ,
Astris dum petras jungis, astra petris.

Mox terræ immixtus terræ penetralia ten-
tas,

Mox sublime tuum tollis ad astrâ caput.
Sicque omnem noscis terram, sic sidera cœli,

Sic terræ lapides, igniferumque polum.

Desribunt alii populos, alii aspera bella.

Tu melius Ditis tecta secreta refers.
Illi bella canunt totum vulgata per orbem,

Cognita tu nullis, quæ tibi nota tamen.

Quis

Quis te cœlesti dicet non semine natum,

Qui tot tanta tuo concipis ingenio.

*Cum tractas stellas, præclarum prodis ab
unde,*

Et satis ingenium, quod tibi stella dedit.

Cum verò secretos terræ explorare recessus

Tentas, atque cauas pandere mente vias.

*Mirandum ingenium monstras, arcanaque
noscens*

Omnia quæ nullis innotuere viris.

Natus es (ofælix) omnis quæ præbuit ignes,

Commoda nascenti stella fauensque fuit.

*Effera nec quicquam placidum spondentia
Martis,*

Sidera, mitescunt, falciferique Dei.

Iuncta Ioui Venus alma suos immiscuit ignes,

Lunaque felici, Solque fuere loco.

*Hasque iuvat, stella est radiis his congrua
quæque:*

Hora tibi magno conuenit illa viro.

*Quem non terra capit natalis, temnis & il-
lam,*

*Te minor est, tellus non tibi tota sa-
tis:*

*Ergo tibi cælum debetur, scande per au-
ras,*

*Raraque sic facias ad tua fata gra-
dum.*

Balthazar Corrandus de Bosco.

AU-

AUTHOR, OMNIBUS.

ALiquod iam tempus elapsum est, ex quo Speculum Lapidum Camilli Leonardi meas in manus incidit, & cum ex antiquioribus Authoribus, qui de tali materia scripsérunt, veluti Centonem confectum ipsum vidissem, permultum equidem & magni feci. Succincte enim ac dilucide Lapidum vniuersalem doctrinam explicat, & docet, nec non exactissimam illorum originem, naturam, accidentia, qualitates & virtutes indicat, & ad amissim expendit: colores etiam adeo ordinatè ac distinctè elucidat, ut per illos cuilibet aspicienti particularis cognitio innotescere possit. Ex delectu frequentis huius libri lectionis aliquam Lapidum notitiam percepisse me comperi, ex qua cum interius inuestigandi studium, sumumque desiderium enatum fuisset, eorum quæ de Metallis, Lapidibus, & Plantis fabulæ narrantur, veras causas quæ rere & num inter illos aliqua Sympathia existet, cum cognitio ab aliquo verisimili ortum habeat: Septem tantum Lapides elegi, ex quibus communis Sympathia cognosci

gnosci posset. Non enim illos elegi qui communiter ab Astrologis ad Erraticas spectare censentur (Multi nempe alii ex Astrologiæ principis, multorum Authorum authoritate, peculiarius ad Planetas pertinere, tum ex colorum, tum ex qualitatum origine facile dignoscuntur) sed à communiori via aliquantulum diuertere proposui, non contradicendi studio, sed vt aliqua noua non adhuc forsitan cognita proferens, delectationem ac utilitatem in legendō conferre possem, cum etiam & alios quamplurimos in meam sententiam pedibus ire cognouerim, & non sine apparenti ratione effectuque Sympathia eligatur.

Quam rem propere peregi, & in vnum coadunaui quæ ad rationem Sympathiaæ tantum spectare possunt, vt quid tria in vnum collecta valeant, naturali via demonstraretur. Non enim per vanam, inanem, falsamque Magiam ex illis quidquam evenire posse, apparentibus, verisque rationibus suo loco comprobatur. Annulorum Tabella, vt apponetur curaui, quo facilitiore demonstratione tria coadunatio in vnum appareret: non enim conuenientiori & aptiori via id fieri potuisse

fuisse existimauit, Planeta, Metallum, & Lapis in Annulo visuntur. Non enim ex omni Metallo Annulus, siue quodvis magisterium fieri potest, sicut de viuo Argento: ideoque Prosopopeiam in illo demonstrari oportuit.

Summo sum affectus mœrore, cum post librum de Gemmis & Lapidibus, sigilla & imagines impressas fuisse comperi. Non enim meo ex voto id factum fuisse obtestor. Imo Chalcographis omnino ut non apponenterentur prohibueram. Vana & puerilia cum seriis haud conueniunt, quæ et si in antiquissimo exemplari de Gemmis existerent, simul tamen cum Sympathia minime conuenire iudicaueram. Chalchographi natura sua diuitias congerendi cupidissimi, ut liber ex maiori paginarum congerie maiori veniret prelio, in causa fuere. Et si temporis oportunitas non defuisset, omnino ut auferrent, operam nauasse, sed ex impressionis Registro non mihi permisum fuit. Credo tamen Authores antiquissimos, a quibus talia deprompta fuerunt, non sine studio, summoque labore, obseruantia & subtili inuestigatione illa reperisse: sed adeo a prima sua origine alterata sunt, ut nihil


virtutis inesse manifestissimum appareat.
Sed cuius utilitatis & scientiarum? Nunquid
Lapis insculptus alter a semetipso per in-
sculptiōem erit? Quid insculptio illa?
Numquid influxus cogi potest? Vanitates
equidem sunt, & ridicula inuenta quanti
valeant, & cuius momenti sint in ultima
Sympathiarum parte apparebit. Non enim
tanta audacia in me adhuc viget, ut nunc
etiam falsas opinantium opiniones adau-
geam, cuim potius diminuere, & prorsus
adnullare totis viribus intendam. Tali-
bus vanitatibus nunquam fidem praestiti,
neque praestabo: nec Astrologiae Iudici-
ariarum adeo sum addictus, ut quid secundae
causae valeant ignorem.

Per naturalem Physiognomiam aliqua
naturalia cognosci posse arbitror, ea tan-
tum puta quae ex vultuum intuitu per
membrorum situationes apparent. Physi-
ognomicus enim per Physiognomiam, ut
sic, non aliud nisi vitia & virtutes iudicare
potest: qui vero alia occultiora per vultus
inspectionem iudicat, alia ars illi ut adhæ-
reat oportet, vel potius per Enthousias-
mum loquetur. Prædictiones ex pluri-
bus aggregatis altiori & secretiori via de-
ueniunt, prout ex Methoposcopia dici-
tur,

tur, quæ et si in frontis lineis & inspectio-
ne consistit, plurima tamen alia confide-
randa sunt, ut exactius absque errore (li-
bera suppositi voluntate concessa) inde
iudicari, & qualitatum ac naturarum ori-
go cognosci possit. Etsi in tali scientia
versatus, ne iudicet, quoad possit abstine-
re debet, cum apud imperitos & mulier-
culas fama statim volet, quæ iudicantur
non sine dæmonum auxilio fieri posse.
Silere hisce temporibus potius omnibus
consulo, & quæ per Dei beneficia & libe-
ralitatem conceduntur, cum amicis par-
ticipare, a quibus ut Sympathia hæc im-
primeretur fui adstrictus: nec enim pu-
blicare statueram. Sciebam, prout nunc
scio, naturam et si non suo, alieno tamen
vitio, stirpes sæpe inutiles & noxias pro-
creare. Ita scientia Zoylos & sciolos edere
solet, qui cæteros, tanquam infelici (ut
aiunt) ouonatos floccifaciunt, & illorum
monumenta ac lucubrationes tanquam
vanas, non solum irrident ac illudunt, sed
noxias & censurandas prædicant & ob-
strepitant. Et quemadmodum canina ra-
bie scripta aliena rodunt ac lacerant: ita
ad instar canis non solum arcendi, sed &
fustigandi.. Sed quid mirum? Momo

enim nec sumimi Iouis opera placent. Sed si aliquod ex ipsis lepidum Caput aliqua in publicum proferre vellet, tunc illorum summa, absoluta, heroica, & propediunia scientia innotesceret, & quisque magnificum AVE pleno ore illi daret. Si leant igitur, vel potius per scripta loquantur, & seipsoſ publicent.

Teamicum Lectorem, benigno animo ut corrigas rogo. Ego vero etſi laudem minime appeto, virtutem tamen laudatam augmentum sumere scimus. Quod si hos meos, licet paucos, labores tibi arrisifſe cognouero, Monarchiæ Animæ libellum breui tempore tibi me traditurum polliceor: In quo omnes compositi operationes tam internas quam externas sigillatim demonstrabo, & ab uno dunataxat, & absoluto principio deuenire per trinam intellectionem necessario apparebit. Omnes & singulæ scientiæ & artes ibi tanquam in Theatro conspicientur: Eorum origines, inuentores & operatores notabuntur. Animam vero absolutum dominium in eas exercere, sedentem in throno, manifestabitur. Opus magno labore & studio compactum. Interim fruere, vale, & felix viuas.



LAZARVS MOZENIGHVS
N. F. D. Petro Arlensi de
Scudalupis
F. P.

JANTA est tua erga omnes
humanitas, Amicorum optime,
ut noua indies incrementa su-
scipere videatur. Sæpe enim
antehac non modo mihi professus es exi-
mum & singulare tuum studium in omni
genere officii, sed etiam omnem operam, cu-
ram, industriam, cogitationem, mentem de-
nique omnem in amore meo te fixisse ac lo-
casse demonstrasti. Quid nouissimas detectio-
nes memorem? Neque me tot tamque va-
riis doctrinæ generibus præeditum esse con-
zeor, ut tua scripta pellectione leuans, ea aut
emendare, aut tanquam Aristarchus in eis
aliqua obelisco notare valeam. Tantum
quid de illis sentiam, & num illa in publi-
cum emittere debeas, paucis me hortatus es

ut tibi explicarem: in quo certe superare
visus es, quod in me adhuc deficere comperi.
Quia tamen vicit amor tuus adhortationi-
bus suis, & effecit ut labores tuos gratos &
probatos iri credens, consilium tuum proba-
rem & laudarem potius, quam de illis sen-
tentiam aliquam proferrem eruditione tua
indignam: hoc unum acceptum ut habeas
rogo. Tanta tua est inscribendo eruditio,
tanta acies iudicii in doctrina, tanta va-
rietas in scientia, ut quod semel tibi placuit
edere, ceteris displicere non posse existimem.
Iungendo simul Lapidem Metallis, & Metal-
la Planetis, Terram in Cœlum, & Cœlum
in Terram transisse demonstras. Cœlesti-
um enim virtutum Sympathia producit at-
tractionem, & in hæc inferiora deductio-
nem: Antipathia vero resistentiam parit.
Ecquid aliud Magia naturalis, quam unius
rei ad alteram deductio ex cognatione natu-
ræ producta? Qui profecto rerum uniuersalium
Sympathiam & Antipathiam abso-
lutissime nouerit, effectus in natura tam ad-
mirabiles producere valebit, ut imperitum
vulgus eos non aliter quam tenebrarum
Principe iuuante fieri potuisse facile sibi
persuadeat. Doleo tamen vicem tuam, doleo
& tuum mœrorem. Doleo, inquam, & cum
affectu

affectu dolere debo, hanc tuam Sympathiam
Speculo Gemmarum in impressione fuisse
coniunctam, ac tam firma copula colligata
ex Typographorum auaritia. Licet enim
eam supra Lapidum fundamenta ex edifica-
veris, & merito illi Camilli Leonardi Speculo
accesserit, Sigilla tamen & Imagines appo-
ni non debebant, tanquam res ridiculæ, pue-
riles, gerrisque ipsis Siculis vaniores, &
quæ procul dubio meram probitatem minime
redolent. Quamvis enim prisci illi Sapientes,
ac docti viri, non sine studio magnoque labore
eas a Philosophiæ, naturalisque Magiæ syl-
vis excepserint, ac in fasciculum unum col-
legerint, non ut Necromantiæ ritibus, eius-
que impiis ac vanis artibus deseruirent: Ea-
rum tamen abusus postea inoleuit, ut quæ
tunc pura, erudita, niueque ipsa candidiora
erant, impiæ nunc, vana, nigroque simillima
coruo circulatoribus nescio quibus authori-
bus circumferantur. Usus ad bonum finem
rendens, optimeque digestus laudem mere-
tur: Abusus vero sibi ipsi poena supplicium
que durissimum existit. Apes ex omni florum
genere mel suum conficiunt, non ut inde ve-
nena parentur. Mens bona, bonum since-
rumque animum designat. Impressores equi-
dem haud laudare possum, qui auaritia di-

stante, libri que volumen maius affectantes, bona malis, seria puerilibus, puraque impuris miscuerunt, ut ex foliorum ampliore compagine, amplius quoque lucrum facere possent, spretis omnibus admonitionibus abortationibusque tuis. Nec tamen propterea renuas consolari: mos enim illorum est ubique terrarum notissimus.

Scripta igitur tua perlegi, delectabili referata varietate: sed in illis meram probitatem, meram doctrinam, meram bonarum litterarum cognitionem (hæc enim vera & interna bona sunt) præcipue miror. Miror, inquam, felix tuum Museum ab amicorum insidiis buc usque fuisse tutum. Quid velim iam, credo, percipis. Cur talentum ad lucrum tibi commissum diutius abscondisti? Cur fructus iam acquisitos, uberesque seges iam maturas non profers? Ecce terram effossam, illud non abscondisti, suspicor, neque te reposuisse in sinu Parentis huius omnium communis uspiam appareat. Nonne ex Trimegisto iam pridem didicisti Eumenidum chorum maximas acerbasque poenas ab illis repetere, qui nullos sibi superstites liberos relinquunt? Tu ergo te ipsum iudica. Quantum enim in me est, summo semper desiderio sum affectus, ut vela ventis commit-

tens,

tens, huncce tuum laborem in publicum emit-
teres. Confuetudo nobis communis, nobis
quoque studia communia fuere. Tu ami-
citiæ legibus vincitus, librum edendo, liber
eris.

Cæterum quæ ex tuæ Sympathiæ doctri-
na ac eruditione percepimus, ex more breui-
ter enarrabo. Scientia hæc Sympathica,
non iucunda tantum & curiosa, sed & utilis
maximopere mihi videtur. Mensa lautis-
sima exquisitis referta epulis, fieri nequit
quin plurimorum palato sapiat. Stylus
equidem tuus apertus, clarus, facilisque
adeo, ut legentium animi ex frasi etiam de-
lectationem, non tedium, percipere possint.
modo enim te flores humiles in amœnissimis
pratis lectos, calathis secernentem, ac opus
quod prius feceras exigentem, modo etiam
ex intuitu mentis Cœlos ipsos penetrantem
conspicor. Nunc ad cœlestes sphæras a ter-
ræ meatibus raperis: nunc ad centrum eius
descendere, surculisque venarum eius immo-
rari te non parum delectat: Tandem in
aëre consistens abditissima quæque Naturæ
secreta his in inferioribus sagaciter ac odo-
racanum vi rimaris. Quid plura? In
quæstionibus nouissimis diu te immoratum,
in discussis extremis tantum (ut aiunt) la-
bris

bris degustasse, digitisque summis attigisse
iuuat. Neque inconsulte quidem aut sine
magna iudicij acie id agis. Quæ etenim no-
ua sunt (ut quæ de Magnete vix dum etiam
antehac tacta profers) maiori disquisitione
indigent. Quæ vero iam a plurimis edis-
serta præteruolas, Lectoremque ad Autho-
res proprios remisisse tibi satis est. In locis
citandis hoc ipsum quod dico demonstras. In
exactissimis enim Tractatibus, Authorem
tantum honoris causa nominas, in obscurio-
ribus vero non Authorem tantum, sed &
textus & Capita peculiariora. Quæstiones
cum antiquissimis & prolatis Authoribus
assumis, & quamvis errores illorum ali-
quos modeste detegas, doctrinam tamen lau-
dibus meritis non fraudaris. Vno verbo,
tam prudenter tuam interponis sententiam,
ut assidere potius, quam dissidere videaris.
Secreta in Chymicis non nisi experta propo-
nis: nec tamen adeo manifesta atque distin-
cta, ut illius artis peritissimi te profanis
euulgare sua mysteria conqueri possint. Pe-
riisset fortassis laurum ut mordereim, ita
mihi illia salierunt ad risum, dum amico Al-
chimistæ virginale aurum petenti sub Ara-
bis nomine te tam solerter ludos dantem legi.
Quod si maximi quidam in arte Magistri de

libro

libro tuo petulanti splene cachinnos tollere
voluerint, non dubito quin eos primam ca-
thedram, primosque accubitus ambientes
tua vehementer Sympathia, propter suam
cum litteris Antipathiam rorsus aferat. Venti-
tabunt sese credo, verbis edentulo ore prola-
tis te nihil, quod penes se non habeant, scri-
psisse, si non potius, te riuulum huncce tuum
tam lucidis fluentem vndis, a suis fontibus
deduxisse palam profiteantur. Istis quid-
libet audendi loquendique, sua quam in cœ-
lum usque tollunt, Ars, liberam semper fe-
cit potestatem: sed tanquam Anseres inter
Olores strepitantes minime sunt curandi.
Hoc tantum vnum sciant, te non magnopere
sollicitum quid crocident. Si quid valent
aut possunt, edant ac per scripta publico com-
mittant. De ipsis merito dici potest, quod
ait Poëta.

Si friges, algent, si dixeris æstuo, su-
dant,
Silente incedis, podagra tardante la-
borant.


Valeas in annos Nestoreos, librumque,
quam primum diuulgatus fuerit, ad me mit-
tas, etiam atque etiam rogo.



CAMILLVS LEONARDVS
*Pisaurensis Physicus Illustrissimo
ac Gloriosissimo Principi Cæsari
Borgiae de Francia Duci Ro-
mandiolæ. S. P. D.*

FT si multis maximisque bellorum negociis celsitudinem tuam hac tempestate impeditam esse intelligamus. Tamen cum pro innata tibi humanitate, Prudentia, litterarumque ac bonarum artium studio quibus praeditus es, Litteratos homines, & qui virtutibus incumbunt, non modo facile, verum etiam libenter audire & animo complecti solitus sis: Libellum hunc nostrum ad te mittere non dubitauimus. Ut animum tuum assiduis curis laboribusque defessum nouitate operis profecto non inutilis legendo oblectare, iocunditateque aliqua reficere valeas. Nos autem quam parum ociosi simus, testis est vniuersa ciuitas tua Pisaurensis Princeps Inclyte: medicinæ enim exercitio theorieque dediti omnem curam cogitatusque nostros, studia laboresque in illius ciuium salutem noctu diuque libenter intendimus. His igitur curis aliisque publicis ac priuatis occupationibus impediti facile potes perspicere quam raro quieti simus. Attamen si quid interea ocii datur interdum, id libentius in litterarum studiis consumere: Et ex communi nostro quo teneamur officio, quicquid possimus ad hominum communitatem ac utilitatem conuertere consueuimus. Ea igitur causa moti libellum hunc de natura Lapidum qui

qui ad salutem utilitate inque hominum conferunt,
qui etiam non sine vigiliis, non sine labore ac longa
perquisitione à nobis fieri potuit composuimus. Quæ
licet per diuersos auctores diuersaque doctorum vi-
torum volumina scripta sparsaque fuerint. Nos ta-
men summa cura, opera ac diligentia quanta potui-
mus ex summis ac præstantibus viris pertractata, in
huiusmodi libellum collegimus: quem Lapidum spe-
culum nominauimus. In quo naturam viresque eo-
rum, sculpturas, multarumque rerum cognitionem
veluti in quodam speculo possumus intueri. Nos au-
tem qui tuæ celsitudini & fide ac more coniuncti su-
mus ut tenemur, & in quo spes nostra posita est, quia
patriæ nostræ pater es, & princeps, libellum hunc
nomini tuo dedicauimus, cum studiosus sis, & armis
non solum ac militiæ, verum & ingenuis literis to-
tis viribus deditus: aut illum si quando per ocium
contigerit, oculis menteque percurras: in quo si
quid obliquum neque recto iudicio tuo comproba-
tum inuenies, ingenii nostri tenuitati ascribes, veni-
amque concedes: non enim omnia possumus omnes.
Vbi vero aliquid lectione dignum comperies:
dignissimis doctoribus illis ex quibus illa excerptio-
nibus attribues. Et propter illorum summam auto-
ritatem ac spectatam dignitatem, libellum nostrum
inter alios tuos innumeros, ut ita dixerim, libros
præstantissimæ bibliothecæ tuæ adponere, ac annume-
rare non dedigneris: vt Camilli auctoris sui cum
illum intueberis in amore faltem ardentior fias. Par-
vum profecto, clarissime ac magnanime Princeps, pro-
tantis tuis in nos officiis munus hoc erit. Sed pro-
tua solita clementia ac benignitate non libellum hu-
iusmodi, cartarumque superficiem: sed auctoris
animum mente inque considerabis. Vale diu felix.
Pisauri, anno salutis M. CCCCC. II. Idibus Septembri,



CAMILLI LEONARDI
Pisaurensis Physici procœmum
super libro qui Speculum La-
pidum inscribitur.

CVM a diuersis doct oribus tam antiquis quam modernis de Lapidibus scriptum sit, non tamen complete ab ullo inueni. Ideo de Lapidibus in hoc libello complete pertractare decreui. Nam in Lapidibus multa consideranda sunt ad eorum esse. Primo materiale: virtutes etiam ac imagines in ipsis Lapidibus sculptæ. Ideo libellus iste qui speculum Lapidum intitulatus est, in tres libellos distinctus erit. Nomen quoque speculi tali ratione inditum est, ut quemadmodum in speculo veræ effigies rerum quæ objiciuntur, representantur, sic & in libello isto omnia, quæ dici ac rationabiliter queri possunt de Lapidibus, dicuntur ac manifestantur.



CAMILLI LEONARDI
Pisauriensis Physici,
De LAPIDIBUS.
LIBER PRIMUS.

Quæ sit Materia mixtorum maximè lapidum.

Cap. I.

Nulla pro certo ambiguitas est apud omnes Philosophos, Illustrissime ac Magnanime Cæsar, quin omnia à natura producta quæ sub orbe lunæ existunt, fore ex quatuor elementis composita, & secundum suum esse specificum ex his quatuor elementis magis ac minus participare ac virtutem habere. Et maximè hæc est sententia summi philosophi Aristotelis tertio Cœli ac mundi, cuius formalia verba hæc sunt: Elementa sunt prima corpora ex quibus fiunt alia corpora. Et idem secundo de generatione ac corruptione: Necessarium est corpora mixta ex omnibus constare elementis & non ex uno tantum. Ac etiam hæc est sententia Illustrissimi Principis Medicorum Avicennæ prima primi doctrina secunda, quod ait: Elementa sunt corpora & partes primæ corporis humani, & aliorum quæ in

corp̄a diversarum formarum minimē di-
vidi possunt ex quorum commixtione di-
versæ species generatorum fiunt. Unde ex
his auctoritatibus ac multis aliis quæ im-
p̄esentiarum omittend̄ sunt , concludi
potest, elementa esse illa quæ concurrunt
ac dant esse existere mixto seu composito :
Sed quomodo ad esse mixtorum concur-
rant im̄p̄esentiarum longum effet indaga-
re, ac etiam vanum : cum in pluribus locis
in physicis pertractatum sit, & maximē à
Conciliatore differentia xvi. Et cum duo
elementa, videlicet terra & aqua majorem
corporeitatem sive densitatem reliquis
duobus elementis habere videantur : Ideo
dicimus mixta his magis abundare quam
reliquis. Sed cum mineralia duplia sint,
aliqua fluxibilia seu liquefactibilia, & ali-
qua non : Dicimus fluxibilia seu liquefa-
ctibilia magis aqueo abundare ut metalla ;
& hoc habetur ab Aristotele quarto me-
theoror. Lapides vero non fluxibles sunt,
licet aqueo abundant, ratione commixtio-
nis sicci terrei, unde dimissis primis fluxibi-
libus, ut aurum, argentum & similia : tan-
tum noster sermo erit de lapidibus. Et pro
principali fundamento nostro auctorita-
tem summi principis philosophorum ad-
ducemus qui ait in libro mineralium. Prin-
cipia ergo lapidum vel sunt ex substantia
lutea & unctuosa : Vel ex substantia in qua
vincit aqua : intelligens per substantiam

Iuteam esse terram. Nec etiam deficiemus ab auctoritate summi philosophi Alberti magni libro mineralium, qui ponit lapides esse in duplice genere, & ait aliquos abundare aqueo cum sicco terreo, ut Cristalus, Birillus, & similia. Aliquos verò cum sicco aqueo, sed magis cum terreo, ut Marmor, Iaspides, & similia. Sed qui magis aqueo ac sicco terreo abundant gemmæ propriè dicuntur à Græco vocabulo gemmo, quod latinè sonat splendeo: nam omnes tales lapides splendidi sunt. Et alii qui ut dixi sicco terreo abundant, neque liquefcunt & in aqua submerguntur. Nam si à tali sicco terreo absolucentur in aqua natarent ac liqueferent ut glacies. Nullus enim lapis est qui ratione suæ terrestritatis in aqua non submergatur dummodo non sit porosus seu plenus aeris. Lapidès verò qui terreo magis abundant, densi ac opaci sunt, nec hi etiam ab aqueo absoluuntur ut ab Aristotele habetur libro mineralium superiorius allegato. Cujus verba hæc sunt formalia: Terra pura lapis non fit, quia continuationem non facit, sed comminutionem: vincens in ea siccitas non permittit eam conglutinari, & sic ex aqueo admixto cum terreo fiunt lapides. Et per aquam intelligit humidum unctuosum seu viscosum, proportionatum cum terreo mediante calido exiccante. Et secundum proportionem seu dispositionem talis humidi cum

siccō terreo, diversi ac varii lapides fiunt. Nam multotiens hæc humiditas non est tanta nec tam subtilis quæ fluere possit ad omnes partes ipsius terræ. Ex qua carentia pars illa terræ non conuertitur in lapidem. Et hoc est quod multotiens in lapidum mineris inter lapides reperitur terra multum densa quæ discontinuationem lapidum facit. Et si sufficiens ac proportionatum humidum habuisset, totus lapis continuus extitisset, ut in multis locis apparet in quibus videmus montes esse unius lapidis. Et multotiens tale humidum dispropportionatur fluxibilitate, licet in quantitate sufficiens sit: & ideo magis residet in una parte quam in alia, & cum à calido ibi condensatur, nodositatem quandam in lapidibus efficit. Et hoc est quod in lapidibus apparent nodositates, ut sunt in montibus dominationis tuæ, quæ nodositates ratione multæ humiditatis vix scindi aut frangi possunt, ut & alii lapides qui aqueo abundant. Unde finem huic capitulo imponamus, ac concludamus quod materia lapidum sunt ipsa elementa, & ut diximus, in quibusdam magis abundat aqueum cum siccō terreo, & in aliquib's magis terreum cum humido aqueo, non tamen totaliter ipsos lapides ab aliis elementis absoluendo, ut sexto capitulo dicemus cum de colore lapidum pertractabimus.

De causa effectiva seu generativa lapidum.

Cap. II.

CAUSA verò effectiva sive generativa lapidum à multis diversimodè assignatur. Sed vanis opinionibus omissis ad veram causam accedamus. Dicamusque cum summis Philosophis quod virtus effectiva sive causa generativa lapidum est quædam mineralis virtus quæ non tantum in lapidibus inest: sed & in metallis ac etiam in his quæ media sunt inter hæc duo. Et cum hujus virtutis proprio nomine careamus, hoc sibi à philosophis dedicatum est, scilicet, virtus mineralis: ea enim quæ propriis nominibus patefacere non possumus, oportet similitudinarie deducere: non quod exempla idem sint quomodo hæc virtus mineralis in lapidibus existat, ut ait Aristoteles. Exemplum enim ponimus non quod ita sit, sed ut sentiant qui addiscunt & sic per exemplum de animali spermate adducemus, quemadmodum virtus mineralis, quam dicimus esse effectivam sive generativam Lapidum, in lapidibus operatur. Nam dicimus quod sperma animalis est superfluum nutrimentum descendens ad vasा spermatica & ab ipsis vasis. Virtus effectiva sive generativa infunditur in ipso spermate, qua mediante talis materia spermatica redditur prolifica, ut in physicis habetur. Quæ tamen virtus non per modum essentiæ agit: sed per modum inhæ-

rentiæ. Ut & quemadmodum dicimus artificem esse in re quæ arte fit : Sic parifomiter dicimus, quod in materia apta in productione lapidis est virtus formans seu efficiens in producendo lapidem hujus sive alterius speciei , secundum dispositionem seu exigentiam materiae , loci ac influxus ubi talis materia parata reperiatur. Quæ quidem virtus a quibusdam cœlestis virtus appellatur. Et hoc est quod dixit Plato quod virtutes cœlestes infunduntur secundum merita materiae : In physicis quoque hoc ostensum est quod omnis virtus formans aut efficiens aliquid in aliqua specie, proprium instrumentum habet , quo mediante suam efficit seu producit operationem. Unde Aristotelis sententiam sumamus libro mineralium , & dicamus quod propria virtus effectiva sive generativa lapidum existens in materia lapidum quæ mineralis dicitur , ex duobus constituitur instrumentis , quæ instrumenta diversificantur secundum diversitatem naturæ seu speciei lapidum. **Quorum** instrumentum unum est calidum digestivum ac extractivum seu exiccativum humidi , inducens formam lapidis mediante terrestri coagulatione , quæ passa est ab humido unctuoso , & hæc caliditas à virtute formativa seu minerali lapidum dirigitur, quæ ab Aristotele dicitur causa calida desiccans. Nec dubium est quod talis

caliditas non foret regulata & excederet super naturam lapidis, incineraret: & si esset diminuta non benè digereret, & sic non posset ad optimam ac perfectam formam lapidis materiam illam deducere, cum insufficientis existeret. Aliud instrumentum est frigidum constrictivum in materia humidi aquei, quod humidum aqueum passum est à sicco terrestri, & hoc est frigidum constrictivum humidi quæ humiditas mediante tali constrictione exprimitur, nec remanet in materia nisi tantum quantum pro continuatione expedit, & ab Aristotele dicitur virtus terræ desiccans ac congelans. Et hæc est causa quòd lapides à calido sicco nullo modo colliquari possunt ut metalla colliquantur. Nam in metallis tale humidum non totaliter exprimitur, quo mediante materia metalli fluxibilis remanet. Unde dicamus quod calidum digestivum ac extractivum humidi, & frigidum constrictivum humidi passi a sicco terrestri sunt propria instrumenta virtutis formativæ seu mineralis lapidum. Et hoc est quod dixit Aristoteles libro mineralium quod lapides duobus modis fiunt, aut congelatione, aut conglutinatione, ut superius narratum est.

De forma substantiali lapidum.

Cap. III.

D e substantiali forma lapidum non mul-
ta
A 4

ta in præsenti capitulo dicemus, cùm hæc materia potius reservanda sit in principio secundi libri: Ubi tractabimus quomodo virtutes in lapidibus insint, cum ipsa forma substantialis sit quæ dat specificum esse lapidibus, & ab ipsa virtute emanare dicamus. Unde impræsentiarum tantum philosophicam opinionem adducemus. Dicemusque quod forma substantialis lapidis est esse specificum ipsius lapidis quod esse ex elementorum comimixtione provenit, cum quadam proportione quæ ad unam determinatam speciem, & non ad aliam dicit: qua mediante, ut in secundo dicemus, virtutes insunt lapidibus. Nec talis forma a materia totaliter provenit: nec totaliter extra materiam funditur. Sed est quoddam divinum super materiam complexionatam cui infunditur, & infra virtutes cœlestes a quibus datur. Dicamus ergo sic, formam substantialē esse simplicem essentiam ipsius lapidis, qua mediante virtutes lapidum ostenduntur quæ virtutes variantur non solum in diversis speciebus lapidum, verum etiam in una specie aut ratione loci suæ generationis, aut ratione puritatis sive impuritatis suæ materiæ, quemadmodum in animatis contingit.

De loco generationis lapidum.

Cap. IV.

Sed cum locus ex necessitate in omnium re-

rerum generatione maximè concurrat,
 & quo sine aliquid generari ac esse non po-
 test, ideo impræsentiarum de loco genera-
 tionis lapidum mentionem faciemus, quæ
 loca in lapidibus non diversitatem tantum
 specierum distinguunt, verum etiam in
 una specie multotiens diversitates indu-
 cunt, ut ex dictis Hermetis colligitur, dicen-
 tis quòd lapides ejusdem speciei variantur
 in potentia ac etiam in esse materiali ex di-
 versitate locorum, cum nihil aliud per cli-
 ma dicere intendant nisi diversitatem direc-
 tionis sive obliquitatis radiorum siderum,
 quæ sidera in inferiora influunt. Dicamus
 ergo quòd pro generatione lapidum nullus
 datur determinatus locus. Cum fere in
 omni parte orbis diversi ac varii generen-
 tur lapides. Nec proprius locus datur in
 determinato elemento, cum videamus ali-
 quando generari in terra, aliquando in a-
 qua, & aliquando in diversis locis, ut à Sa-
 lomone in libro lapidum preciosorum; Ul-
 bi dicit, lapidum diversa sunt genera ac in
 diversis locis generantur: quia quidam in
 mari, alii in diversis terris, alii in flumini-
 bus, alii in nidis avium, quidam in ventri-
 culis animalium, quidam in capitibus eo-
 rum, alii in renibus draconum, serpentum,
 & bestiarum & reptilium. Et non solum in
 locis his dictis lapides generantur, verum
 etiam & in aere, sicut habetur à philoso-
 phis, & maximè ab illo summo philosopho

ac nostris temporibus monarcha præcepto-
re meo domino Gaetano de Tienis, in co-
mento metheororum in fine secundi tra-
ctatus tertii libri, qui dicit, lapides genera-
ri possunt in aere cum exhalatio habet par-
tes grossas terreas admixtas cum humidita-
te viscosa : Et resolutis partibus magis sub-
tilibus & terrestribus condensatis à calido
fit lapis qui ratione suæ gravitatis ad ter-
ram descendit. Nostris temporibus , in
partibus Lombardiaæ lapis magnæ quanti-
tatis ex nubibus cecidit. Plinius quoque
libro primo capitulo IX. scribit, Anaxago-
ram prædictisse, Saxum casurum à sole, & ita
cecidit in parte Thraciæ ad Egos flumen,
quod erat magnitudine vehiculi, colore ad-
usto. Nec miror ex hoc, cùm Aristoteles
dicat libro mineralium ferrum, ex aere ce-
cidisse notabilis magnitudinis. Sed cum
in physicis determinatum sit, quod stellæ
quantitate, lumine, motu ac situ inferio-
rem mundum ordinent, secundum omnem
materiam generabilem sive corruptibi-
lem : Et cum hæc virtus stellarum undique
in orbe vigeat: Ubi cumque ergo materia
apta reperietur, ibi erit locus generationis
lapidis, & sic locus proprius ac determina-
tus pro generatione lapidis nullo modo
dari potest. Necesse tamen est, quod virtus
loci in generatione lapidis ex tribus dica-
tur constare virtutibus : Quarum prima est
virtus motoris moventis orbem : Secun-
da

da est virtus orbis moti quæ ex multis consideratur partibus in ipsum orbem, ut sunt planetæ ac universæ constellationes: Tertia est virtus elementalis quæ est esse calidum frigidum humidum ac siccum, vel commixtum ex his. Est enim prima virtus ut forma dirigens ac formans omne quod generatur, quæ virtus in exemplo ad ista sensibilia inferiora deducitur, ut virtus artis ad materiam artificii. Secunda deducitur ut operatio instrumenti quod movetur ac dirigitur à manu artificis usque ad perfectionem incepti operis. Et hoc est quod dixit Aristoteles, quod opus naturæ est opus intelligentiæ. Unde dicamus, quod in quo cunque loco terra unctuosa per vaporem in se reflexum commiscetur, vel in quo vires terræ naturam aquæ apprehendant & ipsam ad siccitatem trahant ac vehementer inclinent, ibi pro certo locus generationis lapidum existit. Concludamus ergo ac dicamus, quod locus proprius ac magis aptus pro lapidum generatione est terra habens superficiem densam cum condenti humido, ex qua densitate vapore exhalarē non potest. Sed terra rara, arenosa ac cænosa per contrarium existit. Et si in dictis locis generantur imperfecti sunt. Multotiens etiam in aqua maxima virtus est in producendo lapides, non quod proprium aquæ sit: Sed evenit cum per loca mineralia fluat & ipsarum minerarum vir-

tu-

tutem sumat : quemadmodum videmus aquas balneorum acquirere caliditatem. Et cum funditur in terra seu in ipsa aliquid imponitur in lapidem convertere videtur, ut refert Albertus magnus, ac etiam in locis thermarum manifestè apparet cum omnia circumquaque lapidata videantur, ac continuè augmententur. Ut etiam est de mente Aristotelis libro mineralium, qui dicit: aqua autem fit terra, cum vincunt eam qualitates terræ, & e converso ex terra fit aqua, ut ibi habetur. Non multum longè exempla petamus: nonne prope Civitatem tuam, magnanime Cæsar, in Capriolo fonte hoc manifestè apparet, cum ex cursu suæ aquæ, quæ in se mineram habet, omnia Canalia lapidificantur ac sic repleantur, quod aqua fluxa caret? Aristoteles etiam ponit in prædicto libro Mineralium quod vis virtutis mineralis interdum tanta est, quod vertit aquam in lapidem ac omnem quod in ipsa aqua continetur, & ideo est quod interdum in multis lapidibus inveniuntur partes animalium aquaticorum, ac aliarum rerum conversas esse in lapidem. Multa hîc dicenda essent, cùm nonnulla modo in terra, modo in aqua lapidificata repariantur, ut refert Albertus de arbore inventa in littore maris Luci, qui lapidificatus erat cum nido ac avibus.

Etiam in aliis lapidibus inveniuntur animalia, quae in aqua videntur, sicut in

De accidentibus lapidum, & primo de mala seu bona compositione.

Cap. V.

Cum in superioribus capitulis pertractaverimus de his quæ ad lapidum generationem faciunt, ut est materia, efficiens, substantialis forma, ac locus ipsius generationis. Nunc pro complemento eorum quæ ad esse lapidum faciunt, tempus est perquirere de accidentibus, cum ipsa etiam accidentia conferant ad cognitionem subjecti in quo fundantur, ut habetur, de mente Aristotelis primo de anima. Sed cum ipsa accidentia in lapidibus plura sint, in præsentiarum sermo noster erit de bona sive mala commixtione, ex qua in lapidibus multa eveniunt. Nam mala commixtio seu malum esse lapidis interdum accidit ratione humidi: interdum merito terrei, interdum ex indispositione calidi seu frigidi agentis, & interdum ex indispositione loci quæ secundum esse ipsorum in lapidibus diversa inducunt. Nam si terra sicca esset, indecenter & cum humido non bene commisceretur, nec in sufficienti quantitate esset, & locus in quo esset talis materia pro esse lapidis, porosus esset: tunc color pro esse lapidis inductus à virtute effectiva evaporaret, & sic non posset bene partes terræ decoquere, & humido commisceri: Unde talis lapis arenosus ac sabulosus remaneret: adeo quod de facili tereretur ac in sabulum

lum rediret. Si verò talis locus non porosus existeret, & in se retineret temperatum calorem cum sufficienti humido, tunc ex tali terra sicca lapis efficeretur durus, non frangibilis in arenis licet sabulosus apparet, ut manifestè in porfiro, silice ac aliis apparet: nam videntur ut arenulæ in ipsis lapidibus & variantur ac diversificantur in magnitudine ac colore, secundum diversitatem siccitatis terræ ac caloris agentis. Et si talis calor excederet humidum, combureret partes ipsius terræ: tunc lapides discontinui essent, & ut lapilli apparerent. Si autem in tali terra sicca humiditas viscosa imbibita esset, & ex consequenti non fluxibilis, licet calorem regulatum haberet à virtute minerali, ac esset in decenti loco pro generatione lapidis, non unitus ac continuus efficeretur: sed divisus esset in lapillos diversarum quantitatum ac colorum, secundum diversitatem materiæ concurrentis ad esse ipsum lapidum. Si verò talis humiditas pro parte fluxibilis esset & à regulato calore passa, ac in decenti loco & pro parte viscosa & in decenti loco efficeretur lapis diversorum colorum ac partium cum continuitate, ac si glutine tales lapides conjuncti forent, ut in pluribus locis apparet, Venetiis in ecclesia protectoris illius almæ civitatis, & Romæ in pluribus ac multis locis, & in porta studii dominationis tuæ: & in columnis sectis

in pluribus locis, in quibus tot varii ac diversi colores & diversæ res mirandæ apparet, ut inferius dicetur. Optima verò lapidum commixtio per oppositum ante dictis fit, videlicet, quod sit materia non valde sicca, sitque humidum proportionatum & fluidum ad quamlibet partem terræ, sitque calor proportionatus ac regulatus à virtute minerali sive effectiva ipsius lapidis, & sit in congruo ac disposito loco, in soliditate ac raritate: quæ omnia sic disposita reddunt ac efficiunt lapides uniformes dolabiles, ac optimam compositionem habentes, & multotiens splendidos secundum commixtionem seu proportionem aeris ac aquæ. Oppositæ vero causæ a supra dictis oppositum faciunt. Sed multum ad esse perfectum lapidis requiritur calor proportionatus cum ipse principale agens sit, & quo mediante diversa in lapidibus eveniunt, & maxime in his in quibus pro principali materia abundat terreum. Sed in lapidibus qui aqueo abundant, pro principali materia non tot diversitates adsunt, cum pro effectiva virtute habeant frigidum ac siccum terreum. Nam talium partes ratione aquositatis bene ad invicem commiscentur, cum fluxibiles sint ad quamlibet partem: & ideo tales lapides perspicuitatem ac duritiem multam habent.

De Perspicuitate ac Opacitate lapidum, & de eorum Coloribus.

Cap. VI.

PERSPICUITAS, sive opacitas differentias multas in lapidibus inducunt, cum his mediantibus in ipsis colores appareant, ut à Philosopho, de sensu ac sensato habetur, cum dicat quod color est extremitas perspicui in corpore terminato. Acetiam à commentatore Avenroi in eodem loco habetur, quod color causatur ex commixtione corporis lucidi cum diaphono. Ideo priusquam alias de accidentibus in colore lapidum differentias ponamus, necesse est declarare quomodo perspicuitas sive opacitas in lapidibus accidat, & quod ejus perspicuum ac opacum sit. Dicamus primo quod perspicuitas est existentia materialis lapidis cum transparentia seu cum quadam limpiditate, & opacitas est cum obscuritate ac densitate. Unde ex consequenti dicamus lapidem perspicuum esse illum, ad cuius esse materiale plures causæ perspicuum concurrunt, ut ignis, aer & aqua: & per oppositum opacum dicimus, ad cuius esse materiale pro majori parte opacum concurrit, ut terra. Et cum hæ res dicantur visum terminare, quod ex solo colore fit, necesse est eis adhibere nomina alicujus coloris, ut ante diximus, qui color terminatus sit perspicui ac opaci, & sic perspicuum ac opacum in summo contrariantur:

nia-

ac eis attribuimus extrema colorum. Nam perspicuo album datur : Opaco vero nigrum. Unde dicimus album causari ex admixtione ignis clari cum elemento quod est valde diaphanum s. aere. Nigrum vero ex igne turbido cum admixtione elementi minimæ diaphanitatis. s. terra. Sed cum hi duo colores ut diximus. s. album & nigrum, pro extremis habeantur , necesse est, medios colores iis participare , & secundum majorem ac minorem participationem diversi colores resultant qui in triplici genere sunt. s. in rubeo, viridi ac flavo. Et sic omnes lapides ultra extrema jam dicta ad unum istorum reducuntur , ac sub eis continentur ut species sub genere. Sed ut ad perfectam notitiam horum colorum deveniamus , opus est declarare, quomodo isti medii colores in lapidibus causantur & initium a rubeo sumamus. Dicamusque quod rubeus color in perspicuis lapidibus evenit, cum succensa fumositas ac tenuis ignis in perspicuo luminoso infunditur , & omnes tales lapides calidi esse dicuntur , & in hoc genere sunt omnes species carbunculorum, ut balasius, rubinus, iacintus, aquaticus, &c. qui omnes in rubedine conveniunt. Sed differunt secundum magis ac minus in participatione illius igne fumositatis, ac etiam perspicuitatis. Eodem quoque modo dicere possumus de colore flavo perspicuo cuius secundum terrestritatem

subtilem ac perspicuam a calido alteratam
ac combustam variæ species efficiuntur.
Viriditas vero ex aquo perspicuo cum ter-
restri usto causatur, quæ in lapidibus di-
versificatur secundum esse ipsius aquei seu
terrei, ut in supradictis aliis duobus mediis
coloribus diximus, ex qua diversitate viri-
ditas variatur, & in lapidibus varii virides
colores efficiuntur. Possunt etiam variari
colores in uno lapide, ut in Panthero ac
achate, & multis aliis: quæ diversitas so-
lum advenit ex diversitate substantiæ seu
materiæ quæ ad esse ipsius concurrit. Et
ut habetur a Salomone loco superius alle-
gato, dicente: Colores in lapidibus diver-
si sunt, quia nullus color inveniri potest in
cœlo, aere, terra, mari, fluminibus, herbis,
ac arboribus, qui non inveniatur in lapidi-
bus. Multa de coloribus dicenda forent
quæ ob brevitatis causam & ne tædio le-
gentibus efficiar prætermittere decrevi:
cum ex his quæ dicta sunt de particularibus
coloribus, simili modo in aliorum noti-
tiam devenire possimus. In non perspi-
cuis vero albedo ex subtili terreo commix-
to cum aquo causatur. Nigredo vero ex
terreo fumoso ac adusto, & quemadmo-
dum extrema opacorum seu non perspi-
cuorum ex multo terreo abundare viden-
tur, sic etiam omnes colores ipsorum ope-
corum medii, ut rubeus, flavus, ac viridis
ex multo terreo abundare videntur: ut ex-
tre-

tremorum naturam participant, quod tam terreum cum igneo, aereo, ac aquo componitur in productione mediorum colorum, sicut in perspicuis diximus ipsos in aquo abundare. Veruntamen est quod opaci lapides magis aut minus ad perspicuum vergunt, secundum quod magis aut minus de aquo seu aero in sui compositione concurrit, cum haec sint perspicuitatem dantes. Colores quoque ipsorum opacorum in una substantia seu esse lapidis variantur secundum diversitatem partium componentium ipsum lapidem, ac etiam secundum potentiam agentis caloris sicut in praecedenti cap. diximus.

De duritie sive mollitie lapidum.

Cap. VII.

Duritiem sive mollitiem in lapidibus duabus de causis evenire dicimus, quarum una a materia ipsius lapidis dependet, & altera a virtute effectiva sive minerali ipsorum lapidum, quemadmodum diximus in capitulo de commixtione sive compositione bona vel mala lapidum. A materia vero dicimus cum materia est bene commixtibilis, & hoc ab aquo fit, & ideo lapides qui a predominio in sua compositione aquo abundant, durissimi ac perspicui sunt. Et in hoc genere gemmæ omnes quæ limam contemnunt ponuntur, demoto topatio ut infra dicemus: lapides

vero q̄ri pro esse suo magis terreo abundant, duri sunt aliqui, & aliqui non. Sed non in tanta duritia existunt, ut aquei ex causa ante dicta. Illi etiam duri sunt, qui aquo cum terreo abundant condecenti: ex quo humido licet opaci sint, superficiem lucidam ac quasi perspicuam habent, & hinc sunt ut prophirii serpentini, ac similes qui quasi nec ferro, & vix calibi excindi possunt. Qui vero terreo abundant & non cum condecenti humido, teneri existunt. Ex parte quoque virtutis effectivæ etiam teneri ac duri existunt: nam cum virtus non perfecte proportionatur materiae in desiccando humiditatem superfluam non duri redundunt, cum durities ex temperata siccitate proveniat, ut omnes physici ponunt. Et ideo ut diximus ac dicemus topatii non sunt duri, cum virtus ejus effectiva à siccitate seu ab exsiccatione humiditatis defecerit, & multa ac superflua in eo remanserit, qua mediante non duri existunt. Et quemadmodum de topatio dictum est, similiter dicere possumus de omnibus aliis lapidibus qui pro virtute sua effectiva habent calidum ad siccum suum diminutum. Hic multa forent dicenda, sed pro nunc finem imponamus, & dicamus quod durities a siccitate temperata provenit, quæ a virtute effectiva regulata esse debet cum bona dispositione materiae ac loci, ut in V. Cap. hujus primi libri di-

ximus. Ex quibus rebus oppositis multa accidentia in lapidibus eveniunt: nam aliqui ignem contemnunt, aliqui ab eo consumuntur, aliqui a frigore scinduntur, & in pulverem redduntur, aliqui ab aere indurantur, aliqui consumuntur. Similia ac alia diversa accidunt in multis lapidibus, ab aqua ac sole, & ab extrinsecis alterantibus, quorum causas in praesentiarum vanum foret enarrare, ex antedictis ac dicendis facili modo comprehendere possumus, & maxime ab his qui intellectu vident, cum haec omnia in virtute fantastica ac in imaginatiya consistant.

De gravitate seu levitate, densitate ac ponderositate lapidum.

Cap. VIII.

Gravitas sive levitas accidentia sunt evenientia duabus de causis in lapidibus. Quarum una provenit ex mala compositione, quod accidens magis videtur evenire lapidibus qui pro sui materia habent terruum, & hoc fit ex mala permixtione partium terrae ad invicem cum ipsa aqua. Nam cum à virtute effectiva partes illae aqueae exsiccantur sive resolvuntur quae non bone permixtæ erant cum ipsa terra, remanent porositates in ipsis lapidibus, unde leves efficiuntur. Potest etiam hoc accidens evenire lapidibus ex nimia aëris sive ignis quantitate concurrente, pro esse materiali

ipsius lapidis, & hæc levitas quæ isto modo fit, accidit minus in opacis lapidibus quam in perspicuis, sed prima tantum in opacis gravitas ex contrariis antedictis causis evenit. Nunquam tamen in lapidibus tanta levitas inest naturaliter quod in aquis non submergantur ratione suæ terrestritatis, quæ ad esse lapidis concurrit. Et licet aliqua ligna lapidibus graviora sint, tamen in aqua non totaliter submerguntur ut lapi-des. Ratio hujus est, quod pro esse materia-le ligni non tantum concurrit de sicco ter-reo. Et sic etiam dicere possumus quæ den-sitas sive porositas ex eisdem causis evenire potest, ex quibus levitas sive gravitas eve-nit. Et licet multa alia accidentia evenire possint, hæc pro nunc sufficient : cum ex antedictis ac dicendis, ex omnibus quæ eis evenire possunt, causam reddere possimus : & maxime illi qui in physicis periti sunt, cum res istæ inde dependeant.

*De modo cognoscendi an gemme naturales
sive artificiales sint.*

Cap. IX.

Cum hodiernis temporibus in omni re multi existant deceptores, & maxime in arte gemmaria, cum in pretio existat : ac pauci nisi experti longo usu sint, eas cognoscant, & maxime cum ligatae sunt, & ne ab his decipiamur, & omnia pertractare videa-mur : pro sigillo hujus primi libri hæc pau-

ca adducemus. Dicamusque quod multipliciter deceptores lapidum inveniuntur: Primo ut cum lapides minoris pretii, ac unius speciei apparere faciant alterius speciei & ex consequenti majoris pretii, ut ex amatisto balasium, cum perforant, & foramen tinctura implet̄t seu annullis alligant, prius multum subtiliato, cum folia balasii aut ex saphiro citrino seu bitillo formas adamantum fabricant, & tinctura addita ligant, & pro vero adamante vendunt. Aut multoties ex granato superiorem superficiem fabricant. Inferiorem vero ex cristallo & glutine quodam seu tinctura jungunt, adeo cum in annulo sunt rubini videntur, & sic multæ aliæ deceptiones ex diversis variisque lapidibus fieri possunt, quæ omnes à peritis cognoscuntur. Ideo oportet ut ab annulis cum ambiguitas est, extra hanc turgemmae, & per ea quæ dicturi sumus in secundo hujus facili modo cognoscemus. Alio modo deceptio accidere potest, ut cum non ex vero lapide formam ac colorem alicujus veri lapidis efficiunt, Et haec deceptio ex multis rebus fit, & maxime ex vitro smalto, seu ex quodam lapide, ex quo nostri vitriarii vasa dealbant addendo diversos colores permansibiles ad ignem ut figurarii sciunt, & ut multotiens vidi ex his lapidibus smaragdos esse confectos non ignobiles quantum ad usum. Hi lapides falsificati multis

cognoscuntur modis ; primo lima cum omnes falsi limam sentiant , naturales omnes contemnant , demto smiragdo ac topatio occidentali , ut in secundo libro dicemus : & ideo falsarii hoc magis fabricant cum naturales limam sentiant , & sic lima cognosci non possunt. Secundo vero modo aspectu , nam qui naturales lapides sunt , quanto magis aspiciuntur tanto plus oculus in eis delectatur , & cum ad lumen candelæ opponuntur , nitent ac fulgent. Qui vero non naturales , sed artificiales sunt , quanto magis aspiciuntur , tanto magis in eis visio marcescit ac contristatur , cum splendor eorum continue videatur deficere , & maxime ut dixi cum ad lumen candelæ opponuntur. Cognoscuntur hi etiam cum extra annulos sunt pondere , nam qui sunt naturales ponderosi sunt , dempto smiragdo ; Artificiales vero leves existunt. Una tamen probatio existit quæ nunquam fallit , ac omnibus antecedit : nam qui artificiales sunt , non obstant igni , sed in ipso liquantur , & colorem ac formam deperdunt cum ex fortissimo igne liquantur , ac etiam impossibile est , quin in aliqua parte ejus aliqua puncta ut ampullæ non appareant in substantia ejus , quæ adveniunt ex igneo calore , cum non bene proportionatum reddere possint in eorum compositione ut a natura in veris lapidibus sit. Possunt etiam tales falsi lapides ex aliis rebus componi

poni quam ex vitro nam ex multis mineris,
ut ex sale, atramento metallis, ac aliis re-
bus, ut vidi, ac a pluribus doctoribus ha-
betur, & maxime a fratre Bonaventura in
secundo libro sui compostelli vocum, ex
improviso cognitio naturalium lapidum
ac ipsorum specierum ex magna experien-
tia habetur, & ex continuo usu, ut sciunt
illi qui in tali exercitio persistunt. Et sic fi-
nem imponimus huic primo
libro,

Finis Libri primi.



CAMILLI LEONARDI.
De
LAPIDIBUS.
LIBER SECUNDUS.

Cap. I.
PROOEMIALE.

Peracta prima parte hujus nostri libelli, illustrissime Princeps, in qua de generatione lapidum ac ipsorum accidentium in universali pertractavimus, in præsentiarum in isto secundo de ipsis lapidibus in particulari agemus. Ponendo primo an in lapidibus virtutes sint, ac quomodo in nobis virtutem influant adducendo opiniones antiquorum, & cum vera Philosophorum sententia. Nomina quoque doctorum a quibus libellum nostrum extraxi adducemus, ut quid scripserim ab eis accepisse putas. Et cum oculis prius lapides objiciantur quam nomina dicantur, ut ex coloribus in nomina lapidis deveniamus alphabetum de coloribus cum propriis nominibus lapidum ponam, ad hoc ut cognito nomine virtutem lapidis cognoscamus cum ad proprium capitulum recursum fecerimus. Ultimo, pro complemento hujus secundi libri nomen omnium lapidum secundum ordinem alphabeti ponemus, Colores quoque ac loca in quibus in-

inveniuntur narrabimus, & ultimo vires ipsorum adducemus si a doctoribus reperiantur.

An in lapidibus sint virtutes, in quo varie erunt opiniones.

Cap. II.

Non parva nec inutilis difficultas inter celeberrimos doctores existit de virtute lapidum, cum nonnulli eorum dicant, nullam virtutem inesse lapidibus, quod falsum esse arbitramur, istosque dimittamus cum totaliter a veritate discrepent. Aliqui vero ipsorum dicunt in lapidibus tantum elementalem virtutem inesse ut calidum, frigidum, durum, passibile, ac hujusmodi inhærentia mixtis quæ ab elementali esse procedunt. Negantes quoque omnes alias virtutes inhærerere a forma specifica seu a substanciali esse lapidis, ut venena fugare, victoriam præbere, ac similia. Et isti tali frivolo modo suas rationes ac argumentationes comprobant dicentes : Quæ nobiliora existunt nobiliores virtutes eis decent. Sed cum animata inanimatis nobiliora sint; Ideo nobiliores virtutes animatis decent quam inanimatis, sed cum animata his careant, ergo & lapides cum inanimati sint. Habent etiam alias rationes persuasivas quas ob brevitatis causam relinquamus. Experientia primo contra hos militat cum virtutem in lapidibus propriis ocu-

oculis videamus. Nonne videmus magnes-
tem ferrum attrahere? saphiros quoque
antraces curare ac similia in multis? Non
sanæ mentis esset qui talia negaret, cum hæc
nobis innescant ut prima principia. Ul-
teriorius contra negantes ex usitato verbo ar-
guam, fama quam omnes famant non ex
toto perit, sed cum fama semper tam apud
aliquos antiquos quam apud omnes mo-
dernos fuerit, quod in lapidibus sint virtu-
tes, ergo credendum est doctoribus istis
quod in lapidibus sint virtutes: & auctori-
tas Salomonis in hoc magna est cum dicat:
Diversæ virtutes sunt lapidum, quidam
gratiam dominorum tribuunt, quidam
igni resistunt: alii amabiles faciunt, alii sa-
pientiam dant: quidam invisibiles faciunt:
alii fulmina repellunt, quidam venenum
extinguunt: quidam thesauros custodiunt
& augent. Alii agunt, ut mariti mulieres
diligant. Quidam tempestates marinas se-
dant. Alii infirmitates curant: quidam ca-
put & oculos conservant. Et ut omnia con-
cludam, quicquid humano generi ex cogita-
ri potest per virtutem lapidum valet con-
firmari. Sciendum tamen est, quod in la-
pidibus interdum una est virtus, interdum
duæ, interdum tres & interdum multæ: &
hæ virtutes non insunt ex pulchritudine la-
pidis, cum aliqui turpissimi sint & virtu-
tem magnam habeant: & aliquando for-
mosissimi & nullam habeant, unde pro in-
dubi-

dubitata conclusione teneter apud celeberrimos doctores, quod in lapidibus sint virtutes, quemadmodum in aliis rebus sunt: sed quomodo id sit, variæ opiniones sunt. Una quidem opinio fuit Pitagoricorum qui ponunt virtutes inesse omnibus rebus ab anima, & ponebant lapides ac omnia inferiora animata. Dicebantque animas posse ingredi & egredi aliam materiam per operationes animales, quemadmodum intellectus humanus se extendit ad intelligibilia, & imaginatio ad imaginabilia. Ita & in lapidibus dicebant quod animæ lapidum se extendebat ex propinquitate ipsius lapidis, ad hominem, in substantiam hominis virtutem suam imprimebant, & sic ponebant virtutem in lapidibus esse, ac operari mediante anima quemadmodum fascinatio fit per oculum mediante anima. Dicebant isti quod per visum anima hominis vel alterius animalis ingrediebatur in aliud hominem vel animal & impeditiebat operationem illius animalis, quæ fascinatio seu impeditio non ex solo visu esse existimat, cum visio fiat suscipiendo & non extramittendo. Hujus opinionis esse videtur Virgilius in Bucolicis.

Nescio quis teneros oculus mihi fascinat agnos.

Talis autem fascinatio non solum in hominibus, sed etiam in brutis esse videtur, ut Solinus narrat, ac etiam Plinius, & in me ipso expertus sum quod cum lupi Italici vi-

su

su hominem anticipant, hominis vox rau-
cescit, nec alta voce clamare possunt cum
prius nullum defectum in instrumento vo-
cis haberent : nec hoc solo visu accidere
potest, ut supra diximus : sed ab alia causa,
scilicet ab anima fascinantis. Et hanc opini-
onem secutus est Democritus , qui dicebat
omnia plena esse Diis , ac etiam Orpheus,
qui dicebat, Deos ac virtutes divinas esse
diffusas in rebus, & nihil aliud dicebat esse
Deum nisi illud quod res format ac diffu-
sum est in omnibus rebus, & sic Deos esse
animas arbitrabantur, ac virtutem tribue-
bant rebus mediante anima , quod falsum
ac absurdum est apud omnes Philosophos.
Ideo omissis vanis opinionibus ad veram
accedamus. Antedictis tamen prius con-
tradicentibus respondeamus. Prætermis-
sis illis qui negarunt aliquam virtutem esse
in lapidibus , cum absurdum sit & contra
omnes Philosophos. Sed ad alios, qui di-
xerunt tantum in lapidibus virtutem ele-
mentorum esse, respondeamus. Cum di-
cunt quæ nobiliora existunt nobiliores vir-
tutes ejus esse debent &c. Concedo pro
tunc verum esse, & dico, quod in animatis
nobiliores sunt virtutes quam in lapidibus.
Nullus sanæ mentis dubitat, quod in homi-
ne nobiliores virtutes sint quam in lapidi-
bus. Sed etiam in brutis sic deducitur. Mul-
ta enim bruta existunt quæ nobis temporis
seu aeris mutationem ostendunt, ut a mul-
tis

tis doctoribus habetur qui de mutatione aeris scripserunt, & maxime a celeberrimo viro deauratae militiae domino Nicolao de Comitibus Patavino, qui nostro tempore summus Astronomus fuit, in libello suo de mutatione aeris, Cap. VII. qui ponit, multa animalia ostendere cantu aut congregatione aeris mutationem. Nonne galli cantu suo distinctionem horarum diei nobis indicant? quæ animalia non solum in rebus superioribus virtutem demonstrant, verum & in inferioribus maximam habent, cum ex eorum partibus ac exeuntibus in hominibus maximam virtutem inferant, ut ex medicorum libris habetur, quæ omnia nobiliora esse puto quam sint virtutes lapidum. Unde concludamus illorum argumentum esse nullum, seu nullius valoris ac efficaciam. Contra tertios, ne prolixus siam, dico quod virtus lapidum non est ab anima, nec ab elementis tantum. Sed ut inferius dicemus, ab ipsa specie seu substantiali forma ipsius lapidis ut clare ex philosophorum dictis adducemus.

Quomodo & unde virtutes sint in lapidibus.

Cap. III.

MAgnam digressionem fecimus, nunc tempus est, ut ad rem nostram redeamus ne tædio legentibus efficiamur: certum est, quod in lapidibus sunt virtutes, sed unde

unde talis virtus emanat adhuc non declaratum est. Aliqui ponunt virtutes speciales ultra commixtionales esse in lapidibus ab elementis componentibus ipsos, & sua dicta tantum hac ratione corroborant. Nam quod ex aliqua componitur componentis virtutem habet, quemadmodum rivulus saporem habet sui fontis. Sed notum est quod lapides ex elementis componuntur ut in primo hujus declaratum est, ergo quicquid in lapidibus est tantum ab elementis evenit & non ab alia virtute. Plato ac etiam sui sequaces qui Ideas ponunt, dicunt omnia composita in quacunque specie ideam suam habere influentem sibi virtutem, & quantum talia mixta seu composita puriorem substantiam ex elementis habent, idea sua mediante materia puta ubi infunditur majorem perfectionem inducit: sed cum preciosi lapides sic sint, majorem ergo virtutem idea sua inducit in illis quam in aliis compositis non ita purioribus, & sic mediante idea in lapidibus virtutes speciales attribuunt. Hermes & multi alii Astronomi qui superiora considerant, dicunt omnes virtutes rerum inferiorum ex stellis ac imaginibus cœli provenire. Et secundum quod mixtum compонitur ex purioribus ac impurioribus elementis, ita & virtutes stellarum ac imaginum cœli majorem virtutem influunt. Et cum preciosi lapides puritatem habent elementorum & quasi

quasi ut ita dicam cœlestem compositio-
nem seu admixtionem ut in saphiro , bala-
sio, ac in reliquis apparet , lapides major-
rem virtutem habent reliquis compositis
non ita ex purioribus elementis : unde
Hermes de causa virtutis lapidum ait : scia-
mus pro constanti omnium inferiorum
virtutes a superioribus descendere : supe-
riora enim substantia , lumine , situ motu-
que nec non & figura inferioribus influunt
omnes virtutes nobiles quæ sunt in lapidi-
bus. Patet ergo ex dictis istorum ac Ptole-
mei quod virtutes lapidum a stellis , plane-
tis ac constellationibus sunt mediante pu-
ritate suæ complexionis. Possent aliæ opi-
niones adduci , sed cum vanæ sint , omit-
tamus : nec contra supra dicta amplius in-
sternus : nulla tamen istarum opinionum
magis veritati adhæret quam Hermetis ac
reliquorum Astronomorum, qui pro con-
stanti ponunt , inferiora superioribus latio-
nibus gubernari , ut sententia est omnium
Philosophorum.

De vera opinione de virtute lapidum.

Cap. IV.

ET licet opiniones superius adductæ
possint aliqualiter substentari, non ta-
men vere philosophicæ sunt, cum philoso-
pho conveniat a sola substantia ac forma
rei virtutes attribuere , ut ab Arist. habetur
primo physicorum, dicente, quod materia

Cum forma est omnium rerum causa quæ fiunt in subjecto, sicut materia sive substantia est causa omnium accidentium. Albertus magnus, qui summus ac maximus philosophus fuit, viam naturalem insequens, ponit quod virtus lapidum sit ab ipsa specie ac forma substantiali ipsius lapidis. Nam cum in mixto sint aliquæ res habentes pro causa virtutes elementorum, ut est durities, gravitas & similia. Et quædam res ut virtutes earum sunt habentes pro causa, ipsam speciem. Exemplum quod magnes habeat duritatem, ferrugineum colorem & similia, ex virtute mixtibilium seu elementorum provenit. Sed quod ferrum attrahat, a specie ipsius magnetis evenit, quæ species nobis aggregatum ex materia ac forma indicat, ut de mente Commentatoris est primo Metaphysicæ, qui ponit, quod species non est tantum forma, sed totum aggregatum ex materia & forma, quod dat esse individuale huic materiæ. Nam esse omnium rerum secundum speciem propriam habet operationem ac proprium bonum secundum speciem in qua formatur ac perficitur in esse naturali. Et omnia complexionata instrumenta sunt ipsius formæ: nam desinente forma corrumpitur ac destruitur complexionatum, adeo quod forma continetur a materia sicut divinum ac optimum illius: est enim forma quoddam divinum infra celestes virtutes a quibus datur

datur, & supra materiam complexionatam cui infunditur, & sic forma est una essentia simplex tantum operativa unius quodcumque sit illud proprium illius speciei: nam unius est tantum unum efficere eo quod ab uno tantum unum est. Possimus etiam aliter considerare formam, ut cœlestis virtus quæ multiplicatur in inferioribus ex imaginibus ac circulis cœli, qui distribuunt duodecim signa cum stellis suis supra orizontem rei illius cui infunditur: & sic ipsa forma est multiplex valde secundum virtutes elementales in quibus operatur, & potentias naturales suas quæ circumstant ad essentiam suam simplicem & sic ipsa forma multorum effectuum erit productive, licet forte unicam ac propriam habeat operationem, & hoc est quod fere omnes res non ad unam tantum virtutem determinantur notis operationibus ejus. Sed tantum forma specificans materiam potentior est aliis formis, licet multotiens propria forma ex indispositione materia rum ostendatur ac operetur. Unde Hermes de lapidibus ait, quod lapides ejusdem speciei variantur in potentia ex confusione materiae, ac etiam ex loco generationis per directionem seu obliquitatem radiorum correspondentium supra illa loca. Adeo quod multotiens nullum effectum proprium illius speciei inducit. Unde philosophice considerando, & cum auctori-

tate Alberti magni dicemus: quod virtutes lapidum perveniant ab ipsa specie mediante forma substantiali ipsius lapidis facta in convenienti loco ac a proportionata materia, quæ convenit pro esse talis lapidis. Hæc etiam fuit opinio Platonis dicentis: Dotavit res quædam natura proprietatibus: omnino enim quodlibet secundum quod meretur a specie sua, ut agat quod proprium est ei in specie sua.

De omnibus nominibus doctorum a quibus ea quæ dicturi sumus accepimus.

Cap. V.

ET ne videar ea quæ dicturus sum de particularibus lapidibus ex me tantum dixisse: decrevi in hoc capitulo nomina omnium doctorum a quibus sumpsum, ponere. Et licet inter ipsos aliquam dissensionem invenerim: tamen quod a pluribus comprobatum est accepi. Nullus ergo miretur, si quid dissonum a dictis aliquujus doctoris interdum scribere videar. Sed alios quos nomino, prius inspiciat quam mordaci lingua me calumniet. Nam a pluribus quæ dixerim comprobata inventiet. Quoniam tantum omnium ut plurimum infra scriptorum doctorum fidelis recitator sum, qui de tali materia scripsierunt, quorum nomina hæc sunt: Dioscorides, Aristoteles, Hermes, Evax, Serapio, Avicenna, Joannes Mesue, Salomon, Phy-

siologus, Plinius, Solinus, Lapidarius, Heliemandus, Isidorus, Arnaldus, Juba, Dionysius Alexandrinus, Albertus Magnus, Vincentius historialis, Thetel Rabanus, Bartholomeus de ripa Romea, Marbodus Episcopus, Ortulanus, Liber pandectarum, Cornucopiae, Kirandus, ac liber de natura rerum. Nam ut superius dixi, si quis bene omnium dictorum doctorum scripta intellexerit, me a dictis ut in pluribus comprobatorum non discedere cognoscet, sed eorum sententiis adhaerere. Nam omnes istos pro ducibus hujus opusculi accepi.

Quomodo per colore lapidis in cognitionem nominis devenire possumus.

Cap. VI.

Cum plerumque lapides oculis nostris offeruntur, quorum multotiens nomina ignoramus, ut celeri modo in cognitionem nominis deveniamus, quo cognito virtutem sciamus: alfabetum ex coloribus lapidum institui. Cui nomina lapidum immediate subjunxi. Advertatamen dominatio tua quod multi lapides in colore convenient, non tamen idem sunt. Et cum omnia in alphabeto dicere non possumus; habitis ergo nominibus ad propria capitula dominatio tua accedat: nam ibi magis distincte ex differentiis positis in veram cognitionem deveniet. Etsic mediante colore nostrum intentum consequemur.

Argenteus. Adomamanta.

Aluminosus. Amiantus.

Argenteus. Agirites.

Argenteus. Androa. Azurinus. Armenius.

Albus. Aqueus. Berillus.

Albus. Borax.

Albus, cum pupilla nigra. Belloculus.

Albus. Corallus.

Aqueus albus. Cristallus.

Albus opacus. Corvina.

Aureus. Crifocollus.

Aureus Ignitus. Crifolansis.

Albus Citrinus. Cistolitus.

Aureus purpureus. Crisoprasus.

Albus. Coranus.

Aureus. Crisopis.

Aureus. Calcites.

Aureus rutilans. Estimion.

Aureus. Hammonus.

Albus speciosus. Exebenos.

Albus cum multis coloribus. Kamana.

Albus admixtus nigro. Lincis.

Aureus. Lisimacus.

Alba candida. Margarita.

Aureus. Marchasita.

Argenteus.

Aureas venas. Medea.

Albus perspicuus. Nitrum.

Albus ungueus. Onix.

Albus rubeus. Onychinus.

Aureis guttis seu stellis. Pontica.

Aqueus

Aqueus ut glacies. **Peanites.**

Albus grevis. **Sanius.**

Albus argenteus. **Tale.**

Albus aluminosus. **Tegolitus.**

B.

Bicolor, Demonius lapis.

C.

Cristallinus. **Alectorius.**

Candidus cristallinus. **Astrites.**

Ceruleus. **Alebandina.**

Croceus leoninus. **Agapis.**

Candidus levis. **Asius.**

Cineritium. **Asini lapis.**

Candidus intersectus croceis coloribus.
Alabastrum.

Coralinus croceus. **Ceraunius.**

Candidus oblongus. **Cimelia.**

Candidus venosus. **Cepocapites.**

Candidus. **Cheronia.**

Citrinus. **Corintheus.**

Ceruleus purpureus. **Cranica.**

Cristallinus. **Cambites.**

Crocei coloris cum pupilla. **Draconites.**

Cristallinus. **Enidros.**

Candidus transparens. **Fingites.**

Citrinus aureus. **Falconites.**

Cineritius. **Galatides.**

Candidus lucens. **Gelatides.**

Citrinus. **Gagates.**

Cristallinus varius. **Iris.**

Croceus. **Isistos.**

Croceus. **Lincurius.**

Cristallinus. Ligurius.

Cristallinus nebulosus. Kabrates.

Citrinus lucidus. Karabe.

Cerulea sanguineis guttis. Pontica.

Candidus. Podros.

Cristallinus. Panconus.

Citrinus lucidus. Succinus.

Candidus mellinus. Silenites.

Croceus. Sirites.

Candidus. Solis gemma.

Cineritius. Siphinus.

Croceus cum viriditate. Topatius.

E.

Ex multis venis seu coloribus. Achates.

Eburneus. Arabica.

Eburneus. Chemites.

Ereus cum vena flava. Balanites.

Ex multis coloribus. Cepionites.

Ex multis coloribus. Exacolites.

Ex sexaginta coloribus. Exacontalitus.

Eburneus. Emires.

Ereus cum nigredine. Frigius.

Ex multis coloribus. Hiena.

Ex quatuor coloribus. Licoptalmus.

Ex variis coloribus. Lepiolotes.

Ex tribus coloribus. Murena.

Ereus. Marchasita.

Ex multis variisque coloribus Mitridax.

Ex multis variisque coloribus Oppalus.

Ex multis coloribus. Pantherus.

Ex duobus coloribus. Sardonix.

Ex multis coloribus. Ziazia.

F.

- Ferrugineus cristallinus. Adamas.
 Ferrugineus. Abeston.
 Ferrugineus. Basanites.
 Flavus Calaminaris.
 Ferrugineus. Magnes.
 Flavus ac niger. Nicolus.
 Ferrugineus. Orites.
 Ferrugineus perspicuus. Pirites.
 Flavus perspicuus. Saphirus.
 Ferrugineus. Smiriglius.
 Ferrugineus. Siderites.
 Flavus albescens. Turchion.
 Flavus cum aureis Crepusculis, Zumeme-
 lazoli.

I.

- Igneus cum venis albis. Antracites.
 Igneus. Spilitem.
 Igneus. Carbunculus.
 Igneus aureus. Crisoletrus.
 Igneus rutilans. Ceraunius.
 Igneus aureus. Hormesion.
 Igneus obscurus. Sardius.
 Igneus. Sandanstros.

L.

- Lucidus filosus. Amianton.
 Lucidus nitrosus. Amites.
 Lucidus. Cogolites.
 Lucidus ut speculum. Efestitis.
 Lineis albis lineata. Pontica.
 Lucidus. Ranius.

M.

Mareus. Mirites.

Mareus cum Glauco Zinilaces.

N.

Niger cum venis albis. Achates.

Niger cum punctis rubeis. Absinthes.

Niger maculosus. Augusteum.

Niger purpureus. Alabandicus.

Niger. Aspilatem.

Niger cum venis rubentibus seu albis. Abistos.

Niger lucens. Antifates.

Niger. Andromantius.

Nigri coloris. Amites.

Niger fuscus. Borax.

Niger. Celidonius.

Niger. Calcofanos.

Niger. Ferrugineus. Dionisia.

Niger. Doriatides.

Niger. Egipilla.

Niger. Gelachides.

Niger. Gagates.

Niger cum sanguineis venis aut candidis.
Galaxia.

Niger. Medus.

Niger. Magnasia.

Nigerrimus. Morion.

Niger. Pirites.

Niger. Onix.

Niger cum albis zonis. Onix.

Niger cum ruffedine. Onix.

Niger. Orites.

Niger translucens. Osius.

Niger cum venis albis. Oppicardelon.

Niger translucens. Radaim.

Niger. Samotracia.

Niger cum venis candidis. Veietana.

O.

Oleagenus. Berillus.

Ocreus. Crisites.

Oleagenus pallidus. Diacodos.

Ostreus. Ostraces.

Ostreus. Philoginos.

P.

Purpureus. Roseus.

Purpureus vineus, Amatistus.

Purpureus vinaceus, aqueus.

Pallidus fuscus albescens, Calcedonius,

Purpureus. Celonites.

Palliolus. Diacodos,

Puniceus. Ethices.

Poraceus. Emetrem.

Pallidus gravis. Phrigeus.

Prassinus viridis. Sagda.

R.

Rubeus cum venis croceis. Achates.

Ruffus. Alabandina.

Ruffus lucidus transparens. Balaxius.

Ruffus pulverulentus. Bezoar.

Ruffus citrinus. Bolus,

Ruffus. Celidonius.

Rubeus. Corallus.

Rubeus obscurus. Ematites.

Ru.

Rubeus rutilans. Epistites.

Rubeus. Fongites.

Rubeus. Falcones.

Rubeus lucidus. Granatus.

Rubicundus. Gerades.

Ruffus croceis venis Gagatronicus.

Rubeus aqueus. Iacintus.

Rubeus. Lachinus.

Rubeus. Ligurius.

Rubeus cum albis venis. Prophirius.

Rubeus corallo similis. Tirsitis.

Rubeus. Varach.

S.

Subruffus. Indica.

Sanguineus cum venis nigris. Nassomites.

Serpentinus. Ophites.

Sanguineus. Frigius.

Sublividus. Ranius.

Subalbiolus. Vernix.

Sanguineus. Yectios.

V.

Varii coloris. Amandinus.

Viridis. Amites.

Viridis. Oleagenus.

Viridis Aureus. Berillus.

Viridis. Pallens.

Viridis parum rubescens.

Viridis cum vena flava. Balanites.

Viridis poreus. Crisopraffus.

Viridis marinus. Crisolitus.

Viridis pallens. Caldaicus.

Virid-

- Viridis herbosus. Calorites.
 Viridis. Caristeus.
 Viridis aureus clarus. Crysopilon.
 Viridis aureus Coaspis.
 Varius. Drisolitus.
 Viridis clarus. Doctus lapis.
 Viridis cum guttis sanguineis. Elitropia.
 Viridis aureus. Filaterius.
 Viridis. Frigius.
 Viridis non jucundus. Galerica.
 Viridis cum venis rubeis. Japsis.
 Violaceus. Jon.
 Viridis. Ligurius.
 Viridis cum venis albis. Leucocrisos.
 Viridis. Limoniates.
 Viridis. Medus.
 Viridis crassus. Melochites.
 Violaceus. Orfadus.
 Viridis Prassinus. Prassius.
 Viridis cum guttis sanguineis. Prassius.
 Viridis cum lineamentis albis. Prassius.
 Viridis clarus. Pontica.
 Viridis cum serpentinis maculis. Porphirus.

De particularibus lapidibus secundam ordinem alphabeti.

Cap. VII.

POst sermones istos universales, ad rem nobis optatam, illustrissime Princeps, in præsentiarum devenimus, quæ in particuli est de nomine ac virtute lapidum : ideo

ideo in isto 7. Capitulo per totum usque ad principium tertii libri sermo noster erit de lapidibus secundum ordinem Alphabeti. Nam primo nomina lapidum imponemus, addemusque si plura nomina eis insint, & unde nomen vendicaverint : subjunge- musque colorem lapidum ac eorum species si plures eis insint, & in qua specie meliores existant: locusque generationis sive inventionis aderit. Ultimio pro re magis pre- ciosa ac omnibus magis desiderata virtu- tem adducemus, ut agnoscamus omnia quæ a summo opifice producta fuerunt, ad salu- tem humani generis esse. Cui infinitas gratias reddere debemus, cum non tantum animæ, sed & corpori pro salute semper intentus sit.

A.

ADamas preciosissimus lapis colore
ferrugineum tersum habens ac quasi
cristalli : cuius quantitas nunquam major
quantitate avellanæ reperta est. Cum nul-
li materiae cedat, nec igni nec ferro, omnia-
que contemnat : ex Græca interpreta-
tione nomen sumpsit, quod est indomita vir-
tus. Ponunt aliqui tantum mollescere a
terido hirci sanguine : quod fabulosum es-
se existimo, cum plures ictu mallei frangi
viderim. Nec aliquid tam durum reperi-
tur, quin ab adamante patiatur. Mirum
est ut fertur quod magneti contrariatur,
ipsam ligando ne ferrum attrahat : cuius
sex

sex species a doctoribus magis notæ dictæ a locis in quibus inveniuntur, ponuntur: nam Indicus: Arabicus: Syrtheus: Macedonicus: Aetyopicus: ac Cypricus per ordinem in vicem succedunt. Indicus parvus in quantitate existit: sed in virtute major, & hic est qui malleo resistit: ponderosus ac perlucens cristalli colorem habens. Arabicus huic assimilatur, sed pallidior ac minoris quantitatis. Syrtheus ac Macedonicus splendentis ferri colorem habent. Æthiopicus omnibus obscurior. Cypricus in aureum colorem vergit omnibus vilior ac mollior: omnium specierum virtutes est venena repellere, tamen ipse potatus mortale venenum existit. Beneficis artibus resistit. Vanos metus expellit: jurgia ac rixas vincere facit. Lunaticis ac repletis dæmone prodest: ligatus sinistro lacerto hostes vincere facit: indomitas bestias humiliat: incursionibus fantasmatum ac incuborum subvenit: in agendis rebus gestantem audacem virtuosumque efficit. Adamantis quoque Indici seu Arabici, ut a multis ponitur, est ut magnetis virtus, dirigere ferrum ab eo tactum ad polum arcticum, & ex hoc nonnulli adamantem magnetem vocant.

Achates lapis diversorum colorum existit. Varianturque in eo colores ex locis suæ generationis, quorum species plures sunt, sed septem famosiores existunt, quæ non

non tantum colore, sed virtute variantur, ut lapidarii ponunt. Sicilia primum achatem dedit ab Acheo flumine inventum. Unde ex hac causa Siculus primo ponitur, demum Creticus, Indicus, Ægyptiacus, Persicus, Arabicus, Cypricus. Siculus niger est intersectus vena alba. Creta corallo similem achatem producit aureis venis seu guttis variatum: Indicus ex multis coloribus ac venis variatur: ex quorum intersectione diversæ imagines multotiens fabricantur. Nunc ferarum genera, flores, aut nemora: nunc volucres aut regum protendit naturales effigies, ut in Achate Pyrrhi regis fertur, ac etiam vidi Achatem in quo septem arbores in quadam planicie apparebant, & hi optimi ac omnibus excellentiores existunt: Ægyptiacus vero rubedine ac albedine carens variis venis intersecatur. Persicus succensus mirti odorem spirat, ut aliqui ponunt. Dionylius de situ orbis ponit achates Persicos esse in forma chilindri, qui per decursum aquarum ex montibus in Coaspide flumine ruunt & inter arenas reperiuntur. Arabicus ac Cypricus coloribus diversis variantur, tendentes ad vitream transparentiam. Virtutes Achatum secundum specierum diversitas variantur. Sed inter se omnes in hoc convenient quod homines sollicitos reddunt: sed Siculi propria virtus est viperarum ac scorpionum veneno resistere,

re, si supra puncturam ligetur, aut tritus vino potetur. Indicus venenosa fugat. Visum in aspiciendo foveat. Sitim ore retentus mitigat. Gestanti victoriam præbet: vires corroborat: tempestates avertit: sifstisque fulmina. Creticus visum acuit. Sitim ac venena extinguit: gratum ac facundum gestantem reddit: viresque conservat ac corroborat. Mini superfluum videtur virtutes singulorum exprimere, cum ad invicem coincidant: brevitatis itaque causa omitto.

Ametistus ex purpureis ac transparentibus lapidibus existit violaceo colore permixtus, roseasque flammulas fundens. Cujus quinque species sunt: omnes tamen ad purpureitatem vergunt, coloribus variis injunctam. Indicus colore, decore, ac precio alios excedit, habens purpureum admixtum cum roseo ac modico violaceo. Qui vero sola purpureitate abundant non adeo preciosi sunt. Violaceus vinaceus: ac violaceus aqueus reliquis viliiores sunt. Loca in quibus inveniuntur eis nomen tribuerunt. Indicus principatum obtinet, Arabicus, Armenius, Galaticus, Ægyptiacus, Tarsicus, ac Cipricus per ordinem subsequuntur, licet duo ultimi omnibus viliores ac sordidissimi existant, & de his a doctoribus non fit mentio. Omnes tamen ad sculpendum habiles existunt. Virtus eorum est ebrietatem fugare: nam cum su-

pra umbilicum ligantur, vini vaporēm re frenant, & sic ebrietatem solvunt: cogitationes malas reprimunt: bonum intellectum inducunt. In agendis negotiis vigilem ac expertum efficiunt: sterilem fœcundant, lotione ejus bibita: Venenum extinguunt. Militantes custodiunt, ac inimicos superare faciunt. Ad capturam facilem sylvestrum ferarum volucrumque præparant.

Alectorius cristallini coloris lapis existit cum obscuritate parva tendente ad aquæ limpiditatem: & interdum quasi venas carneas in superficie habens, ab aliquibus Gallinaceus dicitur a loco suæ generationis cum in ventriculis gallorum gallinaceis qui post 3. ann. suæ ætat castrantur, demum per 7. annos vixerint, inveniatur: nec ante extrahi debet: nam quanto vetustior, tanto melior. Cum lapis in gallinaceo perfectus est, non bibit. Nullus tamen compertus est in quantitate magnam fabam excedere: Et ut Solinus refert, tempore Milon. Tarqu. Sup. enituit. Virtus hujus lapidis est, gestantem invictum reddere. Retentus in ore sitim aufert, ideo lugantibus convenit. Gratam marito uxorem reddit, honores præbet: acquisitos conservat: fascinatos solvit, disertum, constantem, gratum ac amabilem efficit: desperatum regnum ac extraneum acquirere facit.

²⁰ Androdamanta sive Androdamas durissimus ac ponderosus lapis est, quasi adamas argenti tersi nitorem habens: est ejus figura quadraturis tesserisve distincta. Reperitur inter arenas rubri maris: nomen ei putant impositum esse ex sua virtute cum iracundias ac impetus animi refrenare faciat, quod ab Arabico venit, virtusque ejus est etiam luxuriam sedare ac corporis gravitatem auferre.

Astrites, astrion, asterius sive asterites, candidus cristallo propinquus lapis existit: lucem velut stellam inclusam continens ambulantem a qua parte lumen suscipit cum in eo videatur esse forma similis flagranti stellæ, aut exurenti flammæ, dicitur ab astro quasi stella & ion imago. Thracia ac Carmenia eos producit qui tactia solaribus radiis candidi esse videntur.

²¹ Alabandina ruffus ac ceruleus ut Cardius lapis est, & taliter imitatur ut vix alter ab alterius valeat colore secerni: a regione Asiae sic dicta, ubi primo inventus est, nomen sumpsit. Sanguinis fluxum provocare virtus ejus est. Bibitus omnem veneni vim exprimit ac extinguit. Varias opiniones de colore hujus lapidis reperio: sed natura a pluribus comprobantur.

Agapis croceus in colore pellis leonis lapis est: ab agape dictus quoddilectionem importat: Cum virtute sua ab hominibus diligatur. Miram in scorponum ictibus

ac viperarum morsibus virtutem habens
vulneri alligatus: linitusque aqua circun-
dato vulnere dolorem statim tollit ac mi-
tigat.

10. Andromantes in colore niger, ponde-
rosus ac durus lapis est: dicunt argentum
ac æs ad se attrahere: quemadmodum
magnes ferrum.

Attritus sanguineum colorem ut emati-
tes in aquam emittit.

Antracites seu antrachas, ardoris colo-
ris lapis, scintillans ut carbunculus: qui a
candida vena præcinctus est, non sustinens
ignem, per unctus oleo color extinguitur,
exardescitque aqua perfusus. Albertus
magnus ponit ipsum pro carbunculo. Sed
non est, ut alii ponunt, quamvis cum ipso
participet in colore ac virtute. Virtus ejus
est pestilentiale aerem expellere, ac ge-
stantem tutum reddere. Apostematibus
suo nomine dictis subvenit, eo quoque mo-
do quo deagape ante diximus.

Amandinus lapis varii coloris existit:
cujus virtus magnificata est in extinctione
veneni, gestantemque victoriosum efficit:
somniorumque ac ænigmatum interpre-
tem instruit varias quæstiones solvere, cum
ei proponuntur.

Abeston sive abestus ferrei coloris lapis
est, quem Archadia ac Arabia producit, ab-
eston dictus. i. e. inextinguibilis: quoniam
accensus perpetuam retinet flamمام. Et

ex hoc gentiles in candelabris templorum coluerunt : ideo quia fortissimam flam-
mam ac inextinguibilem in se retinet, nec
imbrib. seu tempestatibus extinguitur.
Habetque lanugineam naturam, & a mul-
tis pluma salamandræ appellatur : ab inse-
parabili unctuoso humido a sua substantia
ignis fovetur : ideo semel accensus perpe-
tuam lucem conservat sine aliquo liquore
addito.

Asius candidus ac levis ut pumex lapis
est , & cum lingua linitur gustum fal-
sum prebet : constrictus manibus facile in
pulverem vertitur. Ex Alexandria deport-
atur : licet in aspectu non speciosus sit : in
virtute tamen summus est. Nam pthisicos
cum rosaceo zuccharo more electuarii sa-
nat : scrofulas, fistulas, podagram, ac mul-
tas alias ægritudines curare dicitur : ut ex
medicorum libris habetur.

Amianton filosus ac lucidus in colore la-
pis existit : in similitudine aluminis plu-
mosi, tamen cum majori tenacitate : mul-
tis linum vivum dicitur. Nam cum in igne
decoquitur, demum teritur: fila ut linum
emittit quod a sua inseparabili viscositate
ab igne non passa evenit : & more lini fila-
tur. Cum antiqui defunctorum cineres
reservabant ex amianton sacculos conficie-
bant : ipsis mortuorum corpora imposita
conburebant: illæso sacculo hoc agebant:
ne quid extraneum cineribus mortuorum

admisceretur. Valere incantationibus ac magorum beneficiis virtutem suam dixerunt.

Augusteum ex marmorum specie nigri coloris lapis est. Undatim maculae in serpentum speciem insunt: Tiberii Augusti tempore in Aegypto repertus a quo nomen vendicavit.

Alabastrum five alabastrites intercinctus albis venulis ac citrinis colore candidus lapis est: ex genere marmororum ad unguentaria vasā optimus: cum in eo illæsa præserventur. Circa Thebas ac Damascum invenitur probatissimus, ac cæteris candidior in India ac Carmenia. Vilissimus sine candore in Cappadocia. Optimus quoque existit qui mellinum habet colorem, non cum multa transparentia. In medicinis valet ut a Dioscaride ac a multis aliis doctoribus habetur. Gestans causarum victoriosus erit.

Alabandicus niger in purpureum vergens lapis est a loco nomen sumens suæ primæ inventionis: ab igne colliquatur, ac funditur more metalli: utilis ad vitrariam artem cum vitrum clarificet ac albefaciatur. Reperitur in multis Italiae locis & a vitriis Mangadesum dicitur.

Aspilate in Arabia lapis genitus nigri coloris in nido Arabiarum avium ut plurimum invenitur, spleneticos curat. fimo camelii spleni alligatus.

Ab isto nigri coloris lapis est, rubentibus ac niveis venis lineatus, ab igne calefactus per octo dies calorem in se retinet, gravis ac ponderosus existens plusquam sibi videatur sua quantitas ministrare.

Asinius sive Asininus lapis ab asino animali dicitur: quoniam ex silvestri asino extrahitur. Subalbidus & parum in citrinum tendens cum rotunda ac parum oblonga figura in quantitate non magnæ nucis: non durus cum aliquibus anfractibus non multum penetrantibus. Cum frangitur subcitrini smalti lucidi similitudinem retinet. Hic lapis duplex est Maxillaris, s. & Cephalicus. At Cephalicus capiti impositus ejus dolorem sedat ac Epilepsiam curat. Maxillaris quia in maxilla reperitur: Gestantem indefessum reddit: ut nulli in prælio succumbat: quin potius laffatis hostibus ipse resumptis viribus diro cruciatu reverberet. Venenosis animalibus resistit. Sumptus cum vino quartanas febres excutit. In necando vermes puerorum miram virtutem habet: si cum vino sumatur nocumentum aquæ bibitæ in qua steterit venenum corrigit: ac reptilium morsus curat. Prægnantibus auxiliari fertur, & ex aluo mortuum fœtum educere.

Arabica seu Arabus in colore eboris lapis est, nomen ab Arabia sumpsit: in qua primo inventus est. Valere dicitur in doloribus nervorum. In Ægypto quoque

reperitur odorem ac colorem myrti habens, & in usum odoris servatur: Crema-tus dentifriciis accommodatur.

Amiatus sive Amiantus in colore alumini-nis lapis existit: nec in igne deperditur. Veneficiis magorum resistere fertur, uti-lissimus quoque ad medicinalia.

Antiphates ex lucenti nigro lapis est. Odorem ac saporem myrti reddit, si in vino ac lacte coquatur, fascinationibusque auxi-lium præbet.

Amites lapis est aluminis seu nitri colorem habens, durior tamen his existit. In Ægypto ac in Arabia gignitur: Æthyopicus viridis est, cum in aqua dissolvitur la-cteum colorem efficit.

Armenus lapis secundum Avicennam est lapis azurinus: & secundum aliquos est lapis habens colorem inter viridem obscu-rum, & nigrum, frangibilis leviter: levis tactu: carensque asperitate: habetque mirabilem proprietatem in curando hu-morem melancolicum.

Aquilinus lymphaticus in quodam pisce reperitur humanæ vitæ commodus. Nam appensus aut gestatus incommoda quartanæ febris propellit ac aufert.

Anancithidus necromanticus lapis exi-stit, cuius virtus est evocare imagines dæ-monum ac spirituum.

A girites in colore argenti lapis est ha-bens stigmata aurea.

Antitaneus idem quod Crisocolla.

Aquileus idem quod ethices.

Androa idem quod androdamanta.

B.

Balasius purpureo seu roseo colore flam-mescit ac rutilat, & a nonnullis placi-dus dicitur : aliqui putant esse carbuncu-lum colore ac virtute diminutum , quem-admodum virtus fœminæ a virtute maris differt. Pluries compertum est, quod ex-terior pars unius lapidis attestatur balasio interior carbunculo, & ex hoc dicunt bala-sium esse domum carbunculi. Balasii vir-tus est, vanas cogitationes ac luxuriam au-ferre ac reprimere : Conciliare amicorum discordias ac in humano corpore sanitatem inducere. Qui tritus ac potatus cum aqua oculorum infirmitatibus opitulatur & he-patis doloribus subvenit : & quod mirum esse arbitror: si ipso balasio quatuor domus angulos , viridarii , aut vineæ tetigeris: a fulgure, tempestatibus , sive a vermibus erunt immunes.

Berillus oleagini coloris sive aquæ maris Iapidis existit : dicunt novem esse ejus spe-cies, omnes tamen in viriditate pallentes. Nomen habet a regione seu a gente ubi primo inventus est : Reddens sexagonam formam conspicuam. India producit be-rillos albos ut maris aqua infecta ex solis ra-diis: ac tales raro alibi reperiuntur : simi-lies oleo aut aquæ maris curiosa vetustas ma-

gis in precio habuit. Moderniores vero obscuri cristalli colorem habentes, cum magis adamanti assimilitantur, existimaverunt, ac tales a quibusdam Catel dicti sunt. Est & alia species pallidior & ysoberillus dicitur: qui aureo seu glauco colore fulget, & hi Babilonici sunt, huic Cryfopilon pallidior propinquus existit: subsequitur his Hyacinthizontes. Demum Heroides. Post hos Ceruini ac Oleagini obscuri: Crystallini Cristallo similes. Sed Indici omnibus preciosiores sunt: cum multam transparentiam habeant: & hi cum moventur, appareat quod aqua in eis moveatur: & haec est sententia Alberti, licet ab aliis discrepet: Si vero hi in formam pilæ rotundentur: ac radiis solis subjaceant, ignem emittunt ut specula concava: variæ ei virtutes insunt. Alacrem gestantem reddit. Conjugi amorem conservat & auget. Collo appensus vana somnia pellit. Gulæ ac fau- cium & omnes ægritudines ex humiditate capitum pendentes curat, ac ab eis præservat: sumptus ac permixtus cum tanto argenti pondere lepram curat. Aqua in qua stetit demum sumpta oculis opitulatur: potataque suspiria tollit: ac hepatis infirmi- tates curat. Prægnantibus quoque ne par- tum abortiant nec quid incommodi pa- tiantur coadjuvat.

Borax, Nosa, Crapondinus; synonima sunt ejusdem lapidis qui a buffone extrahi-
tur,

tur, cuius duas species, albus & hic melior ac raro repertus: Alter vero niger, fuscus, cum ceruleo calore, habens in medio similitudinem oculi, debetque extrahi a buffone mortuo adhuc palpante: & hi meliores existunt his qui extrahuntur post diuturnam moram sub terra. In veneno mirabilem virutem habent. Nam cum quis venenum sumpserit hunc deglutiat: qui deglutitus intestina circuit: venenosam qualitatem in intestinis impressam extinguit: & per secessum exit ac reservatur. In reptilium morsu juvamentum præstat, Febrisque tollit: Stomachi ac renum dispositiones malas emendat, si ejus lotio sumatur: & nonnulli dicunt si gestetur.

Bezoar rubeus, pulverulentus, levis, ac frangibilis lapis est, Citrinus a nonnullis descriptus est. In veneno omnes prædicant primum locum obtinere. Nam dragma ex eo sumpta quocunque sit venenum extinguit & liberat. Unde ob ejus excellentiam omne liberans ab aliqua ægritudine Bezoar dicitur illius ægritudinis. Et sic etiam generale nomen est ut a Conciliatore de venenis ac multis aliis doctoribus habetur.

Bolus Armenus est vena terræ in Armenia reperta, & inter lapides ex eximia ejus virtute, licet lapis non sit, connumeratur. Cuius color subrufus est ad citrinitatem vergens cum viridi obscuritate. Cuius com-

complexio frigida ac sicca est. Vix summa ab omnibus doctoribus posita. Pestiferis febribus ac ventris fluxibus est remedium præstans Emoptoicis, Spleneticis, Stomaticis opitulatur. Adulteratur multum, ac parum de vero ac bono invenitur, nec unquam vidi bonum.

Beloculus lapis est albus pupillam nigram in medio habens. Ex sua pulchritudine Deo Aelo Syrii dicarunt in sacrificiorum ornamentis. Gestantem in campi belli invictum reddere fertur.

Basanites sive Basaltem ferrugineum colore habens lapis est, in Ægypto ac Æthyopia reperitur, & cum teritur aqua croceum colorem emittit.

Bronia capitis testudinis similitudinem habet: virtus ejus est fulminibus resistere.

Balanites duarum specierum lapis est, una viridis, altera æris colorem habet cum vena flammea per medium secante.

C.

Carbunculus & quibusdam Antrax dicitur, ardentes in violaceum undique vibrat radios: & quasi carbo ignitus videtur apparet in tenebris. In ardentibus gemmis principatum obtinet colore, decore ac precio. Quorum species duodecim sunt: sed nobiliores in Libia apud Trogolidas reperiuntur: non ab igne patitur, nec colorem alterius gemmæ cum appropinquatur suscipit. Sed aliæ gemmæ recipiunt.

Eft

Est enim mas & fœmina, in mari bus stellæ intus ardere videntur: Fœminæ vero fulgorem extra mittunt, & aliqui hos Indicos esse dicunt reliquis preciosiores. Licet dixerimus ardentium species esse duodecim: tantum de quinque magis notis mentionem faciemus. Nam primum locum Carbunculus obtinet: Rubinus subsequitur. Balasius quoque in hac specie computatur. Rubith idem quod spinella, quartum obtinet locum. In ultimo Granata annumeratur. Vires Carbunculi sunt aërem venenosum ac pestiferum fugare, luxuriam reprimere, sanitatem corporis inducere ac præservare. Malas cogitationes aufert, ac amicorum lites conciliat, & ad omne prosperitatis augmentum facit.

Calcedonius sive Calcedon, ut quidam dicunt, in colore pallidus est. Sed saphirinus præstantior: a doctoribus vero tres species magis notæ ponuntur, licet a non nullis plures. Nam hodiernis temporibus tot diversas species Germania producit quod vanum esset enarrare. Nam saphirinum primum occupat locum. Pallidus fuscus parum albescens subsequitur. Ultimus estrubeus extinctus, non transparens. Multotiens hæ premixtæ sunt species, & in uno tantum lapide reperiuntur variæ colores: omnibus locis perfectissimos Æthiopia producit. Nonne etiam in littore Adriatici maris prope tuam civitatem Calce-

cedonii albi pallentes ac etiam fuscī durissimi reperiuntur? Fantasticas illusiones collo suspensi ex melancolia ortas expellunt. Si perforatum trajectumque ex setis asini quis tulerit, in civilibus causis ac certaminibus victor erit. Corporis vires conservat. Nigri seu saphirini raucedinem prohibitent vocemque clarificant. Omnes ejus species libidinem frenant. A temperatibus ac ab adversis casibus præservant.

Chelidonius lapis est inventus in ventre pullorum hyrundinum, cuius quidem binæ sunt species. Nam qui rubeus est gestatus in panno lineo mundo insanis a clanticis prodest, & diurnas infirmitates eradicat: facundos ac gratos gestantes reddit: Attritus aqua more colyrii oculorum ægritudines curat. Niger vero ad optatum finem suscepta negotia conducit. Iras compescit, gerentem quoque gratum ac placidum efficit: dominorum iras mitigat. Alligatus collo in panno lineo croceo febres effugat: Omnesque nocivos humores refrenat ac æquat. Compertum est appensum collo Epilepticos ac ictericos sanare. Nonnulli dicunt quod debent involvi in pelle vituli seu cervi non nati, & sinistro brachio alligari. Debent tales lapides extrahi dum pulli parvi stant in nido, ac de mense Augusti ut perfectiores existant, & pulli non tangant terram nec parentes adfint dum extrahuntur.

Corallus more arbusti in mari nascitur, absque foliis, non excedens bipedalem magnitudinem: cuius binæ sunt species, rubeus & albus. Avicenna ponit tertiam speciem esse nigram. Vidi simul conjunctos in uno stipite album & rubeum. Albi vero ut plurimum perforati sunt: & hi inutiles existunt: non perforati cum summa albedine ac rubicundissimi optimi sunt. Virtutes eorum & maxime rubentis est omnem fluxum sanguinis sedare: gestatus aut ubicunque fuerit in domo vel nave, Manes, Demoniacas umbras, ludibria, somnia, Fulmina, ventos ac tempestates fugat: & a Methrodoro gorgiam nominatur: quod interpretatur typhonibus ac fulminibus resistere, protegitque ab omni ferarum incursi. Stomachicis ac cardiacis passionibus subvenit. Suspensus ut stomachum tangat aut sumptus debilitati stomachi opitulatur, splenis apostematibus ac intestinorum juvamentum præstat. Corras gingivas solidat, putrida ulcera abstergit, ac nocivam medicinam reprimit. Rasure ejus cum vino bibita prodest mingentibus arehulas. Contritus & aspersus aut suspensus inter fructiferas arbores aut in agro cum semine, fertilitatem inducit: & ab eis grandinem nocivosque imbres avertit. A fide digno accepi, ac multotiens expertus sum, ne infantes in epilepsiam incurvant, quam primum ex utero exeunt,

antequam quidquam gustent in ore pueri ponatur dimidium scrupuli rubei coralli bene triti, & deglutiatur: est enim mirabile servativum: quam plures virtutes eis insunt, quas brevitatis causa omitto.

Cornelius rubeus seu ruffus ac transparens lapis est, & hi orientales existunt: in Rheno flumine rubicundissimi ac quasi colorem minii habentes reperiuntur: non nulli ad citrinum diafanum vergunt: lotus carnis similes. Menstrua refrenat: haemoroidas sistit. Dysentericos curat. Collo aut digito gestatus rixas accensosque animos compescit.

Cristallum ad instar glaciei colore ac transparentia lapis est cum non modica duritate. Aliqui putant nivem esse glaciatam ac induratam per triginta annos, & ex annositate in petram esse conversam. Aliqui dicunt a terrestreitate & non a frigideitate lapideitatem acquisivisse.

Oppositi antedictorum sunt dicentes quod hi ut alii lapides cum multo tamen aquo generantur: rationem suam confirmant dicentes in partibus nunquam meridionalibus esse compertum cristallum, in quibus nix existit: Prima opinio a pluribus comprobatur, cum videant in septentrionalibus Alpibus ubi continuo nix seu glacies existit: cum Sol aestivo tempore ferrentissimos suos radios non mittat nisi multum oblique ex elevatione poli, & ibi

ma-

maxima quantitas cristalli abundet. Gignitur etiam in Asia ac Cypro. Præstantior vero in jugis Alpium, Æthyopiæ, & in insula quoque rubri maris, Meron dicta, sita ante Arabiam: Scythia quoque cristallo abundat ad pocula conficienda. Fabricata ex cristallo pila radiis solaribus exposita inflammat materiam suppositam combustibilem: sed prius calefacta pila nequaquam accedit. Hoc apud philosophos rationabile est, nec est præsentis investigationis. Cristallum dormientibus appensum mala depellit somnia: soluit fascinatos: ore retentum sitim mitigat. Et cum melle tritum ubera lacte replet. Ursus quoque cristalli potius ad fabricanda pocula existit quam ad aliud.

Crisoprassus sive Crisopressus colore viridis, similis succo prassii, lapis est interclusas habens guttas aureas: unde nomen vendicat. Nam crisos Græce aurum cum ex colore aureo ac viridi compositus sit: India ac Æthiopia dat. Summa virtus ejus est visum fovere. Affiduitatem in bonis operibus præstat: avaritiam pellit, cor lætificat, passionesque ejus ammovet.

Crisoletus, Crisolimus seu Crisolensis ex auro ignique colore scintillans ac transparens lapis est: sed proprie Crisoletus dicitur Græca lingua nomen sumens: nam crisis Græce, Latine aurum, & oletus totum, unde Crisoletus totus aureus, Æthiopici

optimi sunt : Indici ac Arabici non adeo lucidi ac transparentes existunt, habentes in se fuscam nebulam ac etiam ad citrinum vergunt : Æthyopici in matutinis igniti videntur, in die vero aurei apparent. Ligatus auro & in sinistra manu gestatus dæmones expellit nocturnos, timores ac melancholicas visiones fugat. Præcipua ejus virtus est valere contra incantationes destabilium muliercularum, & earum præstigia enervare : perforatus trajectusque ex setis asini in pellendo dæmones majoris est virtutis : detentus in manu febrilem calorem extinguit.

Crisolitus, hujus quidem lapidis unum genus est, translucens, aurei coloris, habens quasdam ardentes scintillas. Alterum vero quod a pluribus comprobatur, cæruleus ac virens est ac si aqua maris in majorem viriditatem tenderet. Solaribus radiis suppositus auream repræsentat stellam. Reperiatur in Æthyopia. Locatus in auro nocturnis timoribus obstat : dat sapientiam ac honorem : stultitiamque repellit : tritus ac potatus astmaticis subvenit.

Celonites seu Celontes in triplici genere ut quidam volunt existit. Extrahiturque ex magna testudine in colore margaritæ habente testam. Uterinus vero varius ac purpureus est, cuius proprium est igni resistere. Virtus ejus in hoc censeatur digna præconio : quod si quis congruo tempore ab-

abluto ore sub lingua gesserit fertur continuo quasi divino spiramine futura prædiceret. Tempora hæc sunt: die quidem toto primæ lunæ, ac XV. Diebus vero cæteris totius lunaris ascensus ab ortu solis usque ad VI. horam quotidie. Descensus vero toto tempore ante diem virtutis hujuscemodi largitur effectum. Alii duo lapides, cephalicus ac hepaticus sunt, quorum virtutes non exiguae sunt. Cephalicus quidem dictus est sua inventione cum in capite reperiatur: prævalet quidem ad capitis dolorem: resistitque fulminibus. Hepaticus vero ex inventione dicitur, cum aqua tritus ac bibitus ante accessionem quartanæ mirabiliter liberat. Hi sunt quoque lapides dicti Drome. Gestati vero cum radice pæoniae gestantes faciunt summe competentes.

Cogolites seu Cogolites a doctoribus medicinæ Judaicus lapis dicitur, ex sua ibi frequenti inventione similis olivæ nucleo. Intus vero colorem habet aluminis seu argenti: non gratus visui: sed oportunus medelis. Tritus ac aqua solutus, & per os assumptus renes lapidosos soluit: ac arenas vesicæ purgat: & cum convenienti aqua haustus stranguriam removet.

Ceraunius seu Cerraolus lapis est formam pyramidalem habens. Genera eorum bina sunt, cristallinum croceo infectum: alterum colore pyritis. Ferunt ex

nubibus cadere & in loco propinquuo ictui fulminis. Germanicus primus est. Hispanicus vero secundus ut ignis flamma rutilans est. Socatus aliam speciem nigram ponit. Euax his contrariatur, cum ex diversis coloribus esse dixerit. Durissimus tamen est & magnæ virtutis. Nam getantem mergi non sinit, nec turbine aut fulmine percuti : in causis ac prælio victoriam inducit : dulcia ac læta somnia ministrat.

Corvina lapis in capite corvi piscis reperitur & semper bini sunt : colore ejus albus opacus est cum oblonga ac gibbosa figura ab una parte, in altera concava, cum aliquali eminentia in medio : extrahitur palpitante pisce, ac luna crescente, & de mense Maii. Gestatus ut carni adhæreat iliorum dolores aufert : tritus ac sumptus idem facit.

Cimelia ex cerebro piscis sui nominis extrahitur, bini in capite reperiuntur. Tertius juxta spondilem tertiam versus caudam piscis : est rotundus longitudinis digitorum septem. Cujus caput latum est transparens adeo si lumini obiciatur intus spina apparet. Dicunt Magi quod virtus eorum est prænunciare maris ac aeris tranquillitates ac tempestates. Luxuriam per diem excitant si in potu sumantur.

Calchophanus niger est, gestatus in ore fauces præservat a raucedine : ac sonoram vocem efficit.

Caldaicus sive callayca viridi palledine ac crassa : non limpidus : nec visu jucundus: auroque decens lapis est : Media Germaniaque in gelidis rupibus ultro porrigit instar oculi.

Crifocollus in similitudine auri lapis est. Media provincia producit , ubi formicæ aurum eruunt. Magnetis virtutem obtinet : ac aurum auget.

Crifoprassus lapis est in tenebris lucens : colore reciproco ac confuso : velut querqus putrefacta ac in obscuro collocata : in luce vero marcescit , in colore pallidi auri absque aliquo nitore.

Chemites Eboris similitudinem habens, non ponderosus, in duricie marmoris lapis est, illæsa mortuorum corpora a vermibus ac putrefactione longo ævo servare narrant.

Crisanterinus in aureum colorem vergit , frangibilis est: licet incultus : non spernenda est ejus virtus. Collo suspensus phthysicos curat: puerorum collo appensus dolorem ex ortu dentium removet.

Cysteolithos cum aliquali albedine ac citrinitate lapis est inventus in marina spongia , & licet incultus sit, calculosis tam prodest. Si cum potenti vino bibatur: collo pueris suspensus tussim tollit.

Catochites pro Sagda quidam ponunt ut infra habetur, quod non est verum. In Corsica reperiri a Solino ponitur, glutino-

sam rem adhærentem manibus tangentis, dimitit: & ita se annexens corpori ut velut cementum de glutine. In certaminibus victorem reddere vis ejus est, ac magicis artibus resistere, si scrupulum unum assumpseris.

Corvia sive Corvina coloris rufi lapis est, artificiose habetur. Kalendis Aprilis decoque ova accepta de nido corvi, donec durescant: refrigerataque in nido collcentur, ut prius erant. **C**orvus his cognitis vociferare incipiet: a longeque volabit ad hunc lapidem inveniendum: & invento ad nidum accedet: tactisque ovis ut cruda ac prolifica redibunt. Surripiatur lapis subito a nido. Cujus virtus est divitias augere, honores præberet ac multa futura prædicere.

Cambnites colore cristalli parum obscuri lapis existit: hominibus gestans placbit: affabilis ac amabilis ab omnibus erit. Si sinistro brachio alligatus fuerit hydropicos curat. Credo equidem quod idem sit quod Kbrates.

Cepocapites seu cepites candidus lapis est habens nodos venarum marmoris candardis: coeuntes ac imagines diversarum rerum in eo figurantur, ut in Achate fit.

Calorites colore viridis ac si succus herbae expressus esset: quem Magi inveniri tradunt in ventre Sillæ avis: ad Magicas artes valet si ferro includatur.

Cepionidus ex coloribus multis ac translucens a spicientium similitudinem reddens modo Jaspidis, modo cristalli, & aliquando smaragdi.

Corintheus ex marmororum genere citrinus in colore armoniaci in se diversos colores habens, a Corintho nomen sumens in quo magna copia reperitur: aptus ædificiis cum ex eo columnæ, limina, trabes, ac multa alia longo ævo durantia fiant.

Cyanica sive Cyaneus cæruleus coruscans nitore purpuræ, aureis crepusculis variatus, ac interdum cum intermicantibus punctulis diversorum colorum lapis existit. In Scythia reperitur: & est masculus ac fœmina. Mas fœmina nitidior ac purior & ad gratiam intermicantibus aureis puluiculis.

Caristeus colore viridis ab aspectu nomen sumens, eo quod visui sit gratus: viriditateque sua confortans.

Calaminaris flavus, tener, non lucidus, nec translucens lapis existit. Hic si novies in aceto extinctus fuerit: & cum alitis sanguine tenuissime pulverizatus, ad inversas palpebras optimum Collyrium existit.

Crisoprasus ut a Solino ponitur, berilli species est, habens aureum colorem admixtum purpureo.

Coaspis colore viridis cum auri fulgore, nomen a flumine Persarum sumpsit in quo inventus est.

Cimilianitus colore marmoris in medio habens pupillam auream seu crocei coloris, repertus in alveo Euphratis fluminis.

Crisolansis idem quod Crisoletus.

Crisites est lapis habens colorem ostreae: in Ægypto invenitur.

Amites idem quod ostracites ut infra habetur.

Elonia, idem quod Sirites.

Crisopilon species berilli ut in suo capitulo habetur.

Crisoberillus ut supra in capitulo berilli.

Coranus albus ex genere marmororum durior Pario.

Crisopis lapis ut aurum videtur.

Calcitis aerei coloris lapis est.

Carcina est habens colorem cancri.

Rapondinus idem quod borax.

Celicolus idem quod beliculus.

Chrysopteron species Topatii similis
Crisoprassio.

D.

Dæmonius bino colore permixtus, ut iris arcus, lapis est: nomen a similitudine iridis, quæ demon arcus dicitur, sumpsit. Febricitantibus conferre, venena expellere, gestantem ab hostibus tutum ac victorem reddere, virtutem ejus esse dicunt.

Dionysia nigra est, ac guttis rubeis asperfa, dicunt aliqui fuscum seu ferrugineum habere colorem aspersum guttis niveis. In Oriente reperitur, quæ si in aqua soluta fuerit.

fuerit vini odorem tribuit : suoque odore ebrietatem fugat , & vini odorem subvertit ac evaporare facit.

Diacodos sive diacodus colore berillo similis est cum palliditate. Præcunctis exagitat dæmones , ut in aliquid apparere faciat. Nam injectus in aqua cum sua præcantatione varias dæmonum effigies figurat ac potentibus dat responsa. In ore quoque detentus quem dæmonem quis vult ab inferis revocat , & in petitionibus suum adimplebit desiderium. Mortuorum corpora abhorret. Nam si cum eo defuncti corpus retigeris , virtutibus viduatum eum agnosces.

Draconites seu dentrites aut Draconius vel Obsianus qui etiam Kimedius vespertinus vocatur, lucidus ac transparens, cristallini coloris, lapis est secundum aliquos. Nigrum colorem Albertus magnus ponit, figuram quoque pyramidalem non lucidam habere dicit. Nonnulli dicunt lucidum esse ut speculum cum nigredine. Multi hanc quærunt nec inveniunt. Transportatur ex Oriente ubi magni dracones sunt. Nam exciso capite draconis ipso adhuc palpitante extrahitur. Virtutem amittit, si diu post draconis mortem in capite remanserit. Audaces viri in partibus Orientis draconum speluncas explorant: & in has gramen rebus somniferis medicatum imponunt. Dum dracones ad speluncam redeunt co-

medunt ex medicamine, somno gravantur: dormientibus vero caput absindunt, & lapidem extrahunt. Excelsa ei virtus inest in effugando omne venenum & maxime serpentum. Gestantem quoque invictum ac audacem reddit. Ideo Reges Orientis talem lapidem habere gloriantur.

Drosolitus varii coloris lapis est, cuius nominis causa existit, si ad ignem approxinatur, velut sudorem emittit.

Doriatides lapis invenitur in capite murilagæ cum subito exciditur, & ad vescendum datur formicis, color ejus niger lucidus est. Nonnulli volunt quod ex capite galli extrahatur, ut infra capite Radaim. Optata perficere ac ad vota omnia deducere virtus ejus est.

Doctus lapis virens est cum claritate quadam, & credo quod sit Crisolitus ut supra dictum est.

E.

Elitropia sive Elitropus viridis gemma est, ut quibusdam placet, Smaragdo similis, aspersa tamen guttis sanguineis: A Necromanticis vero Babylonensium gemma dicta est. In Aphrica & Æthyopia reputatur. Nominis causa ab effectu ducitur. Est autem hoc argumentum facillimæ cognitionis ipsius. Si in pelui prius linita tamen succo herbæ sui nominis in aqua positâ radiis solaribus subjiciatur, aqua apparbit rubea, & Sol sanguineus, ac si Eclypsim

pa-

patiatur. Demum aqua bulliet: ac extra peluim spargetur, velut ab igne esset agita-
ta. Extra aquam posita solem recipit mo-
re speculi. Adeo quod eclypses solares in-
spiciendo elitropiam videre possumus. In
Cipro etiam invenitur: sed nobilior in
Lybia, teste Solino. Ferunt Magi si quodam
carmine sacrata fuerit, ac quibusdam cara-
cteribus insignita, futura dicere facit: & si
succo herbæ sui nominis inuncta fuerit, vi-
sum fallit: adeo quod gestantem invisibi-
lem reddit. Virtus ejus est, reddere gestan-
tem in columem ac accrescere vitæ tem-
pus, & quemcunque sanguinis fluxum deti-
nere. Venena quoque ei cedunt.

Emathitis sive Emathites lapis est ruffus,
obscurus ac durus, ferrugineum splendo-
rem habens cum sanguinis venis, manus
tangentis inficiens sanguineo colore: si
cum aliquo liquore teritur, illud ut sanguis
efficitur. A sua virtute nomen vendicat.
Nam Emeth idem quod sanguis: Titel ve-
ro, sistens, nam principalis virtus ejus est
sanguinem sistere: quinque species a locis
inventionis dictæ sunt, Arabicus, Aphticus
præ aliis valent. Frigius, Æthyopicus, vi-
liores astimantur, licet Socatus oppositum
dicat. Omnia vilissimus Germanicus,
stiptica est virtus ejus, si secundum artem
medicinae ablutus sit. Galienus vero cale-
factivum ac extenuativum ponit, quod de
non abluto intelligendum est. Emoptoi-
cis,

cis, dysentericis ac menstruatis, & in omni sanguineo fluxu si supra cotem molarem cum condecenti liquore ducatur, usque quo sanguineum colorem acquirat, præstantissimum ac optimum remedium. Si antedictis exhibeatur cum albumine ovi conquassato seu melle & succo mali punici, palpebrarum asperitatem ac visus hebetudinem sanat. Vulneratis serpentum ictibus potatus cum vino subvenit. Curat autem ipsius pulvis supercrescentis carnis materiam. Proficit cum melle mixtus doletibus oculis. Fertur etiam lapidem ex vesica solvere, & si impositus fuerit in ferventi aqua tepescit, ac fervorem emittit. **Comburitur Frigius** ut ad prædicta efficacior sit.

Ethices sive Endes a quibusdam aquileus coloris punicei lapis est. Aquileus dicitur eo quod interdum aquilæ in nido inter ova imponunt in Oceani littore Persiæ, a quibusdam lapis prægnans dicitur: eo quod prægnantis more intra se quendam lapillum continet, intus resonans, & ut diximus, aliqui punicei coloris esse describunt aliqui carneum cum planicie ac luciditate, & medicori magnitudine. Nonnulli dicunt figuram habere oblongam ad rotunditatem tendentem. Varietas scribentium ex varietate locorum oritur, in quibus inveniuntur: mirabilis virtutis tamen est: dicunt si venenatum cibum habenti talis

talis lapis porrigitur, deglutire non poterit: amoto lapide deglutiet. Aliqui dicunt quod debet poni in cibo. Prægnanti sinistro brachio appensus abortum prohibet. Et in hora partus coxæ alligatus adventitia pericula ammovet, & partum accelerat. Epilepticis subvenit. Venenosa fugat animalia: & ideo aquilæ in nido ponunt, ut ova ac pulli a venenosis animalibus intacta præserventur. Amabilem, sobrium, ac divitem gestantem efficit, & ab adversis casibus servat.

Enydros sive Etnydros in colore Cristalli lapis existit ab ydros quod sonat aqua, cum perpetuis guttis stillet. Hujus causa a Philosophis non ignoratur cum frigidissimus sit, continue aerem tangentem frigiditate sua in aquam convertit, ad incensivas febres valet.

Epistides seu Epistrites in colore rubicundus ac rutilans est. In Corintho nascitur. Dicunt si debit is carminibus ac magicis ligaturis ante cor gestatus fuerit: ab omni infortunio tutum reddit. Locustas, nocivosque volucres, steriles nubes ac turbines a terræ fructibus compescit: & a terra in qua positus fuerit.

Exacolitus ex pluribus variisque coloribus ad invicem cœuntibus lapis est. Virtus ejus solutiva est, ut periti medici ponunt. Attritus vinoque solutus colicæ ac illiacæ subvenit passioni si potetur.

Esti-

Estimion sive exmissione gratissimus asper-
etu, rutilans ex auro igneoque colore, lapis
est deferens in extremitatibus candidam
lucem.

Execonthalitus sive Hexaonta lapis est
habens in parvo orbiculo IX. distinctos
colores. In Lybia frequentissime reper-
tus. Tot ei virtutes inesse dicunt quot in
se preciosorum lapidum ornamenta de-
monstrat.

Exebenos sive exebenus albus ac spe-
ciosus est, quo aurifices aurum limpidare
solent: si cum eo fundatur. Tritus ac bi-
bitus amentes sanat. Stomaticos curat,
fætum in utero fovet. Vesicæ dolorem so-
luit; femori alligatus partum accelerat, ac
venereas voluptates frenat.

Eumetis in colore silicis capiti dormi-
entis suppositus nocturna somnia oraculi
modo reddet.

Emites eboris colorem habet ac simi-
lis candido marmori: sed duricie i est mi-
noris. Ferunt sepulcrum Darii regis ex
eo fuisse conditum.

Egyptilla niger lapis est in superficie co-
lorum, cæruleum cum venis aureis habet,
a loco inventionis nomen sumpsit: cro-
ceum colorem vinique saporem, si in aqua
teratur, reddit.

Emetrem gemma est poracei coloris,
quam Assyrii Deo dicatam esse dixerunt:
est superstitiosa gemma.

Effestis seu effestites lapis est habens naturam speculi reddendis imaginibus. In Corintho reperitur. Dicunt si in feruenti aqua ponatur, ea tepefit & soli opposita ignem accendit in disposita materia.

Elopsites lapis ornatu carens, sed virtute supplet quod in decore deficit: Cum appensus Cephalargiam emicraneamque sanet.

Eunophius similis Ethyci cum intus resonet: putant idem esse ac similis virtutis.

Electio idem quod Gagates.

Echistes idem quod Ethyces.

Echidnes lapis est habens serpentinas maculas.

L.

Filaterius lapis est habens colorem Cristi soliti, terrores fugat ac passiones melancholicas. Hilaritatem sapientiamque inducit: ac morigeratum gestantem efficit, & spiritualia confortat.

Fingites colore candidus duricieque marmoris cum transparentia ut alabasterum: ex Cappadocia habetur. Dicunt templum a quodam rege fuisse fabricatum, absque fenestris ex lapide isto, & ex transparentia ipsius claritas diei intus aderat ac si in aperto esset.

Fongites est lapis de cuius colore apud doctores non parva existit ambiguitas. Existimo hoc fore ex diversitate suæ speciei. Nonnulli ex ardentibus gemmis esse

se dicunt. Alii cristallini coloris & intus ad instar flammæ. In Persia reperitur. A multis virtus ejus non ponitur. Evax vero narrat, si quis rubeum fongitem in sinistra manu tulerit, dolores corporis ammovet, ac iram compescit.

Faltones sive auripigmentum & a vulgo arsinicum dicitur: cum per sublimationem dealbatur: rubeum in aureum colorem vergens naturam sulphuris habens, quod Alkimistæ unum de spiritibus vocant. Calefactivam ac desiccativam virtutem habens ex calcinatione nigredinem acquirit. Post sublimationem vero ei inest albedo: & cum ter aut quater sublimatur adustivum in summo efficitur: adeo quod omnia metalla corrodit dempto auro. Pulverizatum ac in vulnere positum supernascentis carnis materiam ammovet: sumptus omnibus animalibus venenum est.

Frigius viridis est, ex combustione rufedinem acquirit. Aptus ad pannos tingendos: in medicinis multum est in usu, ut a Dioscoride habetur: nam si cum savina bibatur, fistulosos ac podagrosos sanat.

G.

Granatus ex ardentibus gemmis ac ex carbuncolorum genere lapis est. Cujus tres species sunt. Rubea obscura ad instar mali granati floris. Altera est rubei coloris cum aliqua citrinitate in similitudinem jacinti. Tertia vero species qua-

su-

furi ana dicitur, rubetum violaceum habet,
& hæc cæteris preciosior invenitur in Æ-
thyopia inter arenas maris. Virtus ejus
est lætificare cor ac tristitiam expellere,
Nonnulli dicunt, quod gestantem a pestife-
ro morbo protegit.

Galactides sive galaricides est lapis in
colore cinereus, vel, ut quibusdam placet,
albus in colore lactis. In Nilo ac in Atha-
leo flumine invenitur: qui in aqua con-
tritus colorem ac saporem lacteum præ-
bet. Sunt qui Galacidem dicunt Smarag-
dum venis candidis circuncinctum. Ex
diversitate virtutis adhuc diversa nomina
fortit. Aliqui vocant Elebron, Magi
Senochitem, alii Graffitem, nonnulli Gal-
batem seu Anachitem: Magi hunc lapi-
dem æternis præconiis extollunt. Nam
magicas scripturas exaudiiri ac umbras re-
vocatas reddere responsa facit. Rixas quo-
que ac maleficia præterita in oblivionem
deducit. Qui vero secum apportaverit, &
regem offenderit vel alium, statim placa-
bit & ad benevolentiam reddet. In causis
victorem, astutum, amabilem, facundum
efficit: nec fascinari sinit. Uvera lactan-
tis suspensus collo replet. Alligatus co-
xæ cum filo lanæ ovis gravidæ partum
facilitat. Verum mente perturbat si clau-
sus in ore liquecat. Tritus ac cum sale mix-
tus immundo ovili aspergatur, ut pastores
Ægyptii ajunt, ovium ubera lacte replet ac

fœcundat & a scabie liberat. Humanam quoque scabiem curare dicunt. Circumligatus denti tollit odorem. Discordias conciliat, si ter tritus cum aqua & exsiccatus in potu cum aqua clara detur. Duos inter se inimicantes in amore conjungit, nec amplius eorum amor separabitur.

Garatronicus & a quibusdam Galgatromeus est lapis ruffus, aspersus venuulis croceis, similisque capreoli pelli. Hic militantibus utilis est. Ferunt Achillem regem cum habuisse: nam cum secum in prælium gerebat, non succumbebat alicui, sed ab hostibus victoriam reportabat; Ipso vero carentes hostibus subjacebat. Orientales magnam copiam habent, & ex ipso ensium capulos fabricant: ne in prælia eentes eocareant: cum ejus virtus sit reddere gestantem victorem.

Galatides sive *Galactica* seu *Gelatia* multis etiam ac diversis nominibus appellatur. Est candidus lucens in figura glandis lapis, durissimusque ut Adamas, frigidissimusque, ut vix ab igne calefiat: & hoc a nimia pororum obstrictione quæ prohibet ignis calorem ingredi. Sua frigiditate luxuriam frenat, iramque compescit: remedium præstat ad omnes calidas ægritudines humani corporis.

Gelachides seu *Garatides* coloris subnigri lapis est, dans gestanti amabilem, mitem ac gratiosum esse. *Ore* retentus recta judi-

judicia proferre facit, ac varias opiniones recte dignoscere: & quid de se alter cogitet scire facit. Ut experientia talem lapidem agnoscamus, doctores ponunt, ut inuncto humano corpore melle loco que muscarum imposito in manu teneatur hic lapis. Nam si a muscis ac apibus illæsus permanet, & dimissio lapide molestetur: verus Garatides est.

Gagates licet gummi sit ut a multis habetur, inter lapides tamen connumeratur: a loco suæ inventionis nomen accipit. Duæ ejus sunt species, citrinus qui Succinum dicitur, de quo infra dicetur: Alter niger & a multis ambra nigra appellatur: & hic proprie est Gagates, licet Plinius ab aliis multum discrepet: in Lycia invenitur. Solinus ponit in Britannia inveniri in copia. Gagates, ut dixi, niger est, levis, aridus ac lucidus, non transparens: & si in igne ponatur quasi odorem habet aspalti. Calefactus ex frigatione ad se festucas paleæ attrahit. Fumigium ejus dæmones fugat: sacras ligaturas ac præcantationes solvit. Gestatus hydropticis confert. In aqua tritus ac prægnanti exhibitus fœtum accelerat: ac quocunque modo mulieri propinatus in potu fuerit, cogit corruptam urinam fundere; Virginem vero minime: Suffumgium quoque mulieribus Menstrua provocare dicunt, Epilepsiam detegere, Serpentes fugare, & eorum morsum cum cervi

medulla sumptum sanare, dentesque commotos firmare.

Gerades rubicundus ac rutilans lapis est, in opposito solis radios ignitos mittit. Virtus ejus est hominem tueri a volatiibus pugnantibus.

Gallerica est lapis viridis, pallens ac nimis crassus, non jocundus, auro decens, unde appellata est.

Garammatica Smaragpo similis per transversum lineam albam habens in magica arte multum valet.

Gafidana olorini coloris lapis est. Hæc quoque gemma concipere dicitur, & intra se partum fateri concussa, quidam putant quod sit Ethyces.

Grogius idem quod corallus, nomen vendicat a virtute sistendi Thifones ac fulmina.

Glosopetra sive gulosus lapis similis est humanæ linguæ, unde nomen sumpsit. Dicunt aliqui non in terra nasci, sed deficiente luna a cœlo decidere. Magi huic non modicam attribuunt potestatem in arte sua: nam ex eo lunares motus ferunt excitari.

Grisoletus idem quod Crisoletus.

Garamantides idem quod Sandastros.

Galaxia lapis niger intercurrentibus sanguineis aut candidis venis.

Galacidem idem quod Smaragdus.

H.

Hyena preciosus lapis est dignus custodia, nomens sumens a bestia sui nominis, cum in oculis ejus reperiatur. Multorum est colorum. Hujus hæc est utilitas, si vera narrantur: Ore abluto linguae subjiciatur, statim facit futura prædicere. Quarantanam ac podagram gestanti non sinit evenire.

Hieracites similis milui pennæ in colore variatus est: nonnulli dicunt nigri coloris, quod idem est, quod Gelachides, cum similis sit virtutis.

Hamonis aurei coloris lapis existit, inter sacratissimas gemmas connumeratur, cornu arietini effigiem habens: in Æthiopia reperitur, cum in contemplatione quis steterit, omnia divina in mente repræsentare facit.

Hormesion aspectu gratissimus, ex igneo ac aureo colore rutilans in extremitatibus, candidam lucem reddens.

Horcus lapis quem Alexandrini Catimiam vocant, niger est ac ad terendum facilis. Hinc ingreditur in solidatura argenti.

Hysmeri idem quod Smeriglius.

Hammochryfos lapis est habens arenas aureas, quadrulas admixtas in ejus substantia.

I.

Jacintorum tres esse species decrevit anti-
F 3 qui-

quitas: ex fulgore sui nominis vocantur. Nam eorum alii sunt citrini: alii granatici: alii quidem veneti: & omnes transparentes sunt: fatisque ex sua denominatione cognosci possunt: cum Citrini a colore citri, Granetici a colore floris mali granati, Veneti autem ex cœruleo colore, qui in ore missi aliis frigidiores existunt: & hi etiam aquatici dicuntur. Aliqui his aliam speciem addunt, & Saphirinos vocant. Omnes tamen ruffedine ac flaveitate admixta superdictis coloribus participant. Gaudet hic præ aliis lapidibus serenitate, tenebrositate marcescit. Commendantur illi quorum color nec nimis densus nec nimis rarus existit: sed ex utroque temperamento perpetua luce fulgentes sunt, neque æqualiter rutilantes. Albertus tamen ponit, Saphirinum jacintum principatum obtinere. Qui flavus ac lucidus valde est carens quasi aquositate, & Æthiopicus est. Nonnulli granaticos meliores esse putant qui ignem sustineant & violaceo colore fulgent. Citrini vero parvam rubedinem habent. Omnium vilissimi Eneti seu Cerulei sunt, qui cum tenui sua citrinitate parum ruddinis habent. Duritia tamen alios excedunt, & vix ab adamante signantur: & hi frigidissimi sunt. Aliæ vero species caliditatem ac siccitatem in primo gradu habent. Virtute omnes æquales sunt, licet colore differant. Corporis virtutes & maxime cordis

cordis vigorant. Tristitiam quidem vanasque suspiciones effugant. Ingenium, gloriam ac divitias augent. A fulgure ac hostibus tutum reddunt. Itinerantibus securitatem præstant, ut nec etiam pestilentiae diversarum regionum nocere eis valeant. Dignosque honores obtinere faciunt: & ab Epidimia tutum reddunt. Aristoteles tamen ponit quod prægnantes ad abortum præparant,

Jaspis Græce, Latine viridis, quoniam virides optimi sunt, & præ aliis valent, Lapis est colore viridis, ut diximus, cum quadam crassitudine habens venas rubeas, cuius quidem multæ sunt species. Nam aliqui sunt in densa viriditate translucentes. Sunt & virides guttis sanguineis notati. Alii rubentes ad instar tegulæ. Nonnulli nondissimiles porphirino rubeo. Adeo tot coloribus variant quod decem & septem ejus species a doctoribus describuntur, & a quibusdam plures. Nam hodiernis temporibus Germania Jaspidum fœcundissima est: & tot ac tam diversos mittit quod vanum esset enarrare. Nostra enim est intentio solum de nobilioribus loqui: & ut in principio dixi, virides Smaragdi cum venis rubeis reliquis preciosiores sunt & maxime cum sunt cum quadam transparentia: post hos virides clari infecti rubedine: rubei opaci istos sequuntur. Citrini omnibus viliores existunt: æqualis virtutis

omnes sunt. Gestatus febrem ac hydro-
pisim fugat, visum clarificat, noxia fantas-
mata expellit, luxuriam cohibet, ac conce-
ptum negat: & maxime viridis cum cro-
ceis venis, prægnantibus seu parturienti-
bus auxiliatur: victoriosum, potentem, ac
gratum gestantem facit. Sed præ aliis vir-
tutibus omnibus speciebus hæc imprimis
ineft, omnem sanguineum fluxum unde-
cumque sit, sistere: debet argento ligari
quoniam suas auget virtutes.

Iris cristallini coloris lapis est: inventus
apud Arabiam in mari rubro, & hodiernis
temporibus in montibus Germaniæ apud
Rhenum fluvium, habens Sexagonam for-
mam, & durissimus existit: Cum autem
pars ejus sub radiis solis tenetur: & altera
in umbra sub tecto in opposito pariete ra-
dios similes iridis cœlestis emittit: & ob
hoc nomen sumpsit.

Idæus colorem ferrugineum habens la-
pis est: reperitur in Ideo monte Cretæ, a
quo nomen sumpsit, humani pollicis for-
mam habens.

Iscistos seu Iscultos croceus est, inventus
in partibus Hispaniæ juxta Gades Herculis:
aliqui dicunt quod idem est quod Aman-
tes, cum ejusdem sit virtutis.

Indica rufi coloris, & in attritu purpu-
reum colorem efficit. Altera ejusdem no-
minis aspectu candida est: A suæ inven-
tionis loco nomen sumpsit: cuius virtutis
sit non ponitur.

Ju-

Judaicus a Iudæa dictus est, quod idem est quod Cogolitus.

Jovis gemma caudida, tenera, non ponderosa.

Jon colore violaceo: reperitur apud Indos.

Iaguntia, aliqui volunt granatam esse.

Ierarchites idem quod Hierarcites.

H.

Kabrates sive Kakabres in colore cristalli cum fusca albedine. Cujus virtus est in reddendo hominem eloquentem, hilarem: præbet honores, benevolentiam, & a noxiis casibus defendit. Hydropem quoque curat.

Kamam, seu Kakamam, est albus variis coloribus distinctus: & a Kaumate dicitur: quod incendium importat: Reperiatur in locis sulphureis, ac calidis: & frequentissime onixæ admixtus. Ejus determinata virtus nulla est, sed virtutem ex sculpturis seu imaginibus quæ in ipso scultæ sunt, accipit, de quibus in tertio dicetur.

Karabe idem quod Succinum, de quo infra dicetur. Quidam tamen aliquam differentiam ponunt: nec tamen in colore, nec in virtute differunt: sed suffumigium ejus magis epilepsiam movet.

Kenne in cervorum oculis genitum fore ajunt, in orientalibus partibus, Cujus virtus est contra venena.

Kimedini Limphatici idem quod Cimidia.

Kinocetus non est omnino inutilis, cum dæmonia ciciat.

L.

Lichinus seu Lychinites inter ardentes gemmas computatur. Rubeus est & & in multis locis generatur. Apud Indos probatissimus. Dicitur lychinus eo quod lucis vigorem excitat: ac si accensa esset lucerna. Binæ dicuntur esse ejus species. Prima ut diximus & ab aliquibus dicitur est remissus carbunculus. Alter vero in purpureum colorem vergit qui calefactus sole aut ex fricatione festucas ad se trahit: durus & difficilis ad sculpendum, & cum ejus sculptura in cæra imprimitur: in se retinet, ac si bestia morsu raperet. Aliqui dicunt quatuor esse species ejus: Sed specificatas non reperio.

Lyncurius est lapis genitus ex urina lynnis animalis tempore indurata. Reperitur ubi talia animalia commorantur, & maxime in partibus Alemaniæ. Nam trinas esse species dicunt, quarum una est scintillans ut carbunculus, Altera crocea in nigredinem tendens. Tertia vero viridis. Virtus est stomachi dolorem compescere, Ictericiani solvere, fluxum sistere, ac ad morbum regium valere.

Lycis lapis etiam ex urina animalis sui nominis genitus est. Sed a superioribus dif-

differt, & quando sub terra existit, mollis est, cum in arido collocatur, durescit. Color vero ejus albus nigro permixtus ad invicem coēuntes, & dum in terra aut in loco humido retinetur, ante suam exsiccationem, fungos generat. Cujus lapidis seu fungorum virtus est calculosis sive lapidosis juvamentum ferre: dolorem stomachi tollit, & ventris fluxum compescit, atque hysterica curat.

Lippares seu Liparia, ad quem sponte sua quasi quodam naturali instinctu animalium omne genus accedit: & nonnulli dicunt, habenti hunc lapidem non est necesse ad feras capiendas alia invenire ingenia: est lapis frequenter inventus in Lybia. Alii dicunt quod ejus virtus mirabilis in tuendis animalibus. Nam cum bestia seu fera a canibus ac venatore infestatur, ad hunc lapidem inveniendum festinat accedere tanquam ad protectorem suum ac defensorem. Nam quando tale animal dictum lapidem conspicit, nec canes nec venator videre possunt, quod valde mirabile esset, si ita foret: tamen a doctoribus ponitur: & in hoc dictum Plinii credo verissimum, cum dicit, quod nullum est tam audax mendacium quod auctoritate careat.

Limacie lapis ab animali, in cuius capite reperitur, nomen sumpsit. Ex capite limaciæ absque cortice extrahitur: quæ in lo-

locis humidis ac petrosis commoratur: debet autem extrahi statim visa astricto capite. Est coloris albi ac parum transparen-
tis, parvæ magnitudinis, similisque frusti
humanæ unguis: dicunt collo appensum
febricitantem liberare.

Lacteus lapis ex citrino colore consti-
tutus est, cum in molari cute cum aliquo
liquore ducitur in lacteum colorem vertit.
Qui si in reumatizatis oculis imponitur hu-
morum cursum prohibet: in principio
quoque apostematum calidorum oculo-
rum valet.

Leucoptalmus ex quatuor coloribus ha-
bens similitudinem lupini oculi lapis est,
unde nomen sumpsit: quidam putant
quod idem sit quod obtallius.

Lisimacus ex marmororum genere lapis
est, habens venas seu guttas aureas.

Leucocrisos lapis ex colore viridis inter-
cinctus albis venis: nonnulli speciem Smar-
agdi esse putant, ut in ejus Capitulo ha-
betur.

Limoniates lapis viridis est in similitu-
dine Smaragdi: non tamen cum tanta vi-
riditate ac transparentia.

Ligurius, ut quibusdam placet, electorio
similis est, & paleas trahit. Stomachi do-
lorem placat: fluxumque ventris compes-
cit, ictericos sanat: visum acuit, & hinc est
quod in aliquibus collyriis oculorum a me-
dicis ponitur.

Lignites in colore vitri cum quadam pulchritudine suspensus collo pueri a fascinantibus præservat, & a maleficiis muliercularum quæ vulgo striges dicuntur. Alligatus fronti sanguineum fluxum ex naribus compescit, mentis alienationem expellit, ac futura prædicere facit.

Lepidotes in similitudine squammæ pisces lapis existit habens diversos colores.

Lymphicus lapis magnæ virtutis. Exhibitus caducos liberat. Involutus tamen in bissino pannno præservat ab omnibus Ophthalmiæ, Faucum, Gulæ, Tussis, ac Cephalargiæ langoribus, non solum præsentibus verum & futuris.

Ligdinus lapis est eximii candoris amplitudinem quasi lancis aut crateris non excendens : primo repertus in Arabia. Asia vero corallinum dat non majoris mensuræ quam sint biña cubita : ac etiam album in ea reperitur in similitudine Eboris.

Lauraces lapides Cephalargiam ac Emigraneam sanant.

Lychnitem genus marmoris lucens cum multa albedine.

Lazolus lapis ponitur in capitulo Zummelazoli.

Litos idem quod magnes.

Leucostyctos idem quod porphirites.

Lunarius idem quod Selenites.

M.

Margarita candidarum gemmarum primum

mum locum obtinet , ex cœlesti rōre
genita in quibusdam conchis marinis, ut
ab auctoriibus habetur. Feruntur hæ con-
chæ matutino tempore in certa anni parte
imum maris petere aëremque attrahere :
ex quo margaritæ generantur : & secun-
dum aëris sumpti claritatem, ita & marga-
ritæ lucidæ ac turbidæ generantur. Est
enim margarita rotunda ut plurimum, &
a quibusdam dicitur unio , cum tantum
una in qualibet concha reperiatur. Et si
ex abundantia aëris assumpti plures in una
concha generantur : insimul globatæ ex-
istunt, ut vidi septem simul globatas, ta-
men omnes ex opposito luminis suam
ostendebant rotunditatem , binæ aut ter-
næ multotiens visæ sunt : quarum perfe-
ctissimus color est argenteus cum quadam
limpiditate. Nec ejus magnitudo ut a do-
ctoribus habetur excessit unciam. Binæ
species margaritarum sunt : una orienta-
lis cuius color candidus, ut tersum argen-
tum cum diaphanitate in superficie : &
hæc perfectior est. Altera vero species
occidentalis dicitur , quæ ex Britannico
mari transportatur : cuius color obtusus
est cum quadam albedine vergente in au-
reum colorem : Orientales omnibus per-
fectiores sunt: & cum magnæ ac rotundæ
existunt, arte tamen perforantur : & in-
terdum a natura non recto ordine : & hæ
viles ac inutiles ad ornamenta : differunt-
que

que a non perforatis, & hoc est quod dicitur circa istas : perforatae margaritae perfectiores sunt minoremque habent stipticatem non perforatis. Cum tantum confortationem intendimus : Ridiculum quidem est si dicta celeberrimorum doctorum non sana mente intelligantur. Cum in receptis dicant Margaritarum perforatarum & non perforatarum, & loco perforatarum arte perforatae ponantur, cum solo accidenti & non complexione differant. Unde ne in errorem deveniamus, & ab insciis differamus. Perforatae margaritae sunt, quæ diuin conchis steterunt : & ipsæ evomuerunt ex perfecta eorum maturatione in mari, & longa mora & perfecta maturatione perforantur, & stipticatem amiserunt : & de his doctores cum perforatas nominant intelligunt : & certum est cum hæ inutiles ad ornamenta existant, ad nos non transportari. Qui vero recte intelligunt in comparatione margaritas ad gallas adducunt, quoniam non perforatae perforatis stiptiores sunt. Habent etiam margaritæ physicales effectus ultra ornamenti commoditatem, in cibo decoctæ quartanam tollunt: Tritæ cum lacte & assumptæ mortifera ulcera sanant: sic sumptæ mirabiliter vocem clarificant. Cor confortant, unde cardiacis ac Sincopizantibus auxilium præstant amoventque Epilepsiam. Fluxum ventris si-
stunt:

stunt: in febribus pestilentialibus cum zu-
charo exhibitæ adjutorium præstant. Ge-
stantem quoque castum reddunt.

Medusa regione sui nominis in qua pri-
mo inventus est, nomen sumpsit. Lapis
est cuius binæ sunt species, niger, & viridis:
sed viridis Medinus dicitur. Niger vero
si super molarem cotem viridem cum lacte
mulieris solutus fuerit quæ masculum pe-
pererit, oculisque imponatur: deperi-
tum visum restaurat. Cum lacte vero ovis
quæ semel agniculum peperit, solutus, po-
dagricos sanat, dolorosis locis linitis. Sum-
ptus per os venenum existit pernitosum.
Hic vero est lapis dictus merito mortis at-
que salutis dator. Viridis vero qui Medi-
nus dicitur cum felle aliviti nigri, & ali-
quantisper magnetis ac aquæ pluvialis con-
tritus, oculis adhibitus per septem dies vi-
sum refovet, ac minima & quasi invisibilia
videre facit.

Marmor notissimus lapis est, & diversæ
ejus sunt species sumentes nomen a Pro-
vinciis seu locis in quibus inveniuntur. Ta-
men verum marmor laudatissimum apud
antiquos est viride, & ex hoc nomen sum-
psit: nam marmor Græce, Latine viridis.
Non tamen omnes species in lapiciniis lo-
cis generantur, ac a montibus exciduntur.
Sed aliquæ sparsæ sub terra generantur: ut
in multis locis hujus nostri libelli sermo-
nem fecimus ac faciemus. In præsentia-
rum

rum vero tantum nomina specierum cum
 suis coloribus repetemus. Virtutes vero
 in capitulis propriis reperies. Lacedemo-
 nium viride est, ut diximus, omnibus pre-
 ciosissimum. Augusteum huic succedit, re-
 pertum in Ægypto, habens maculas con-
 globatas in nodum: Ophiteum album ac
 nigrum cum serpentinis maculis. Purpu-
 ritum seu porphiritum ex Ægypto est ha-
 bens rubeum colorem cum candidis inter-
 micantibus punctis seu globatis lineis. Ba-
 samitum ferruginei coloris est, inventum
 in Æthyopia ac Ægypto, Thebaicum al-
 bum intercinctum aureis venis seu guttis.
 Syenitum apud Syenem urbem reperitur.
 Parium albissimum in insula sui nominis
 gignitur, Onitheum in Arabiæ montibus
 invenitur: nec alibi putaverunt, sed in
 Germania maxima quantitas reperitur ha-
 bens colorem quasi alabastri cum venuulis
 albis. Sunt etiam Lesbium, Corintheum,
 Caristeum, Numidicum, Luculeum quod
 in Chio reperitur, Limensum, Eburneum
 nigrum ab elephante dictum: Carariense
 a loco, candidum, maculatum rubeis ma-
 culis, & interdum nigris. Reperitur etiam
 in multis locis cum diversis ac variis nomi-
 nibus: quod vanum est enarrare, cum in
 Colore ac pulchritudine antedictis affimi-
 letur.

Murina ex diversis coloribus in simul
 iunctis lapis est, ut ex purpureo albo ac

igneo cum quadam repercussione intra se, qualem in cœlesti arcu aspicimus : apud Parthos reperitur. Putant nonnulli ex humiditate terræ condensata calore solis generari. Virtus ejus a doctoribus non ponitur : sed utilis ad vasa fabricanda. Nam Pompejus primo myrrina vasa in Italianum duxit , quæ ex pulchritudine sua in maximo precio extiterunt.

Mirites colore ac odore mirrhæ similis est, confricatus pannis nardi odorem spirat cum suavitate.

Malachites ad Smaragdi claritatem quodammodo se protrahit cum crasso vigore absque transparentia, & a malva nomen sumit : cum quasi colorem ejus habeat : est lapis mollis, in Arabia invenitur, Cypro ac Persia, differenter tamen : nam Arabicus colorem maluæ habet, Cyprius ad glaucedinem tendit : Persicus cum quadam viriditate aereum colorem retinet. Virtus hujus est infantes ab adversis casibus tueri : cu-
nasque a noxiis fantasmatis defendere, ut infantes in omni prosperitate concre-
scant.

Memphitis a civitate sui nominis in qua primo inventus est nomen sumpsit, utilem chirurgis hunc lapidem esse quidam putant: cum stupefactiva sit ejus virtus magis opio. Nam in potu sumptus seu cuni ace-
to attritus, & linitus quæ urenda seu secan-
da

da sunt membra, ea sic stupescere facit, ut nullum penitus dolorem sentiant.

Magnes mirabilis ac incredibilis virtutis est: nisi experientia nos docuisset quæ dicturi sumus, vana existimarentur: lapis est ferruginei coloris cum cæruleitate quadam, nonnunquam fuscæ ac diversi coloris. Inventus primo apud Trogloditas in litore Oceani. Quinque magnetis genera a doctoribus demonstrantur, quæ colorum ac virtutum sunt diversarum, Æthyopicum, Macedonicum, Antiochenum, Alexandrinum, & Asiaticum. Sed summa laus apud antiquos est in Magnete Æthyopico. Nomen ab inventore sumpsit: hodiernis temporibus in multis ac diversis locis reperitur. Ajunt periculosam esse navigationem cum cimbis ferratis in locis generationis, quoniam ratione ferri ibi detinerentur, quod ridiculum esse arbitror. Ut dixi virtus ejus est stupenda ac admirabilis, & si apud nos in usu non foret, mendacia quæ narrantur putaremus. In attrahendo ferrum animalem quasi virtutem habere videtur: & non solum in attrahendo, sed in imprimendo ei virtutem cum quadam symboleitate. Nam ferrum a magnete tractum ad se alterum trahit, ac si magnes esset: videtur cum adamante disceptare, nam cum adamas ei appropinquatur, ferrum non attrahit. Allium quoque ejus virtutem alligat. Ex his nullam rationem reddere

possimus : cum ignota apud Philosophos sit, sed tantum a proprietate occulta provenire ajunt. Tres reperio esse species, una quæ tantum ferrum attrahit, altera quæ humanam carnem ad se trahit, tertia vero quæ Hymmo dicitur, ex una parte trahit ferrum, & ex altera fugat : & hæc tantum apud nos existit: reliquas vero non vidimus. Ferrum tali modo a se eiicit. Nam tacto ferro ex una parte magnetis trahit, ex opposita ejus parte appropinquato fugat : ut experientia docet de acu appenso filo. Periculosa foret navigatio per altum mare sine virtute ac noticia hujus lapidis : Cum navigantibus navigationis sit index, quotiens tetris nubibus ipsorum Sidus index latuerit; nescirent quo navigarent. Primi navigantes ignorantes nauticam rotam, eum paleæ vel ligno infiebant per transversum, & in lancea cum aqua ponebant, ut acus nataret, deinde circunducebant lanci magnetem : acusque eum undique sequitur, quo subtracto quasi quodam naturali motu cuspis acus vertitur in directo sideris arctici poli. Modo præcognito loco sideris motum suum dirigunt. Moderni cum ingeniosi sint ac inventis addere facile sit, nauticam rotam fabricarunt. In qua non tantum locum Poli arctici, verum omnes cœli partes ac ventos cernere possunt. In magnete hoc mirabile est, quod inest ei virtus omnium partium cœli

&

& secundum partem correspondentem cœli : ipsa magnes tacto ferro facit acum seu rotam nauticam verti ad illam partem cœli : & hoc habetur ab Alberto magno in libello de magnetе, ac experientia multotiens vidi. Nonnulli sacrum lapidem vocant : & non solum hæc admiranda quæ diximus, sed plures virtutes summus opifex ei tribuit. Nam gestatus spasmum arthriticum doloremque curat. Hora partus in manu retentus ipsum facilitat. Sumptus tritus cum mulsa purgando soluit hydropsim. Eodemque modo exhibitus vulneribus ex venenato ferro illatis subvenit. Spleneticis sumptus cum succo fœniculi prodest : ac inuncto capite alopecia curat. Pondus unius danich cum saepo serpentis raahi & succo urticæ, si datum fuerit alicui ad portandum, amentem reddit, & eum ex gente, patria, habitacione ac regione sua fugat. Adulteratas quoque uxores lapis hic revelat. Nam si latenter capiti dormientis uxoris fuerit in lecto suppositus : si casta est uxor, maritum amplectitur : Si vero adulterata erit , a lecto statim profilit dormiens quasi coacta horribili fœtore. Gestatus autem reconciliat uxores viris , ac viros uxoribus. Timores ac suspiciones aufert. Gratisum , suasorem in sermonibus eleganterque facit. Hic etiam si tritus fuerit, & super prunas ardentes per domus an-

gulos aspersus, ut fumus eis evolat in altum, protinus fugient morantes in ea: quia videbitur totam domum corruere: hique ita a fantasmatisbus terrentur quod ex domo fugiunt relictis omnibus: & hoc artificio latrones postmodum eorum bona diripiunt, ex commoditate fugae dominorum. Fertur a quibusdam ex hoc lapide parietes ac testudinem cuiusdam templi dempto pavimento constructam fuisse: intra quod idolum quoddam ferreum ponderis librarum mille virtute magnetis in aere suspensum erat. Cujus argumentum hoc est, quod si multarum acuum crunæ ac cuspides huic lapidi confricatae fuerint, sola adjunctione unius ad alteram poterunt omnes substantata prima duntaxat in aere detineri. Quantum hic lapis ad magicas artes valeat, & quod mirabilia facere possumus, dimitto: cum alterius sit perscrutacionis.

Magnasia sive magnosia ex nigro colore in commoditate ad vitrariam artem. Idem quod Alabanticum.

Marchasitarum species multæ ac diversæ sunt: varianturque secundum metallorum diversitatem. Nam alia aurea: alia argentea: alia cuprea: alia vero ferrea: & in colore diversificantur, secundum speciem metalli cuius est: Alchimistæ hoc bene sciunt: ab igne non liquefit: sed per se comburitur, aliqui lapidem abesteni vocant

cant id est luminis : Ideo quia in perdita visione juvamentum præstat. Nonnulli dicunt vocatum esse lapidem luminis, ex eo quod Calibe percusso ignem excutit, & in apta materia ignem accedit.

Medeæ lapis ex inventione Medeæ venefice nomen sumpsit. Habens nigrum colorem cum auratis venis, reddensque saporem vini si in aqua teritur cum croceo colore.

Morion Cyprius ac Gallicus lapis est nigerrimi coloris cum multa transparen-
tia, aptus ad sepulchra.

Mitridax lapis est genitus in Persia qui percussus sole variis coloribus micat.

Melites seu melitites lapis est, tusus in aqua mellitum reddit saporem, variisque ægritudinibus confert, ut a pluribus docto-ribus habetur, maxime a Plinio.

N.

Nitrum inter lapides a doctoribus con-
numeratur, licet non sit: ut etiam de
multis diximus: in colore salis ac perspi-
cuus est: cuius virtus dissoluendi ac attra-
hendi est. Artificios e ex salsedine terræ fit
ubi bestiæ ac homines minxerunt. Quan-
ta sit virtus in bellicis instrumentis notissi-
mum est in propellendo lapides. Nam cum
igne incenditur rarefit: & dilatatur vio-
lenter: unde oppositos & ventositatem
prohibentes lapides propellunt. Ab anti-
quis nunquam compertum est: moder-

na solertia adinvenit : Ex tribus proportionabiliter junctis unum quoddam compositum constituerunt, cui nulla vis resistit : cum omnia frangat, ducat, propellat, ac destruat.

Nicolus bini coloris ex superficie flava cum inferiori nigra, & interdum totus niger lapis est. Putant aliqui, quod sit species Calcedonii. Dicunt quod a Græco nomen sumpsit. Virtus ejus est gestantem reddere victoriosum ac gratum populo.

Nassonites lapis est sanguinei coloris distinctus seu adumbratus nigris venulis : in Syrtibus reperitur.

Nemessitis lapis est optimus quem de ara Nemesiæ deæ dicunt Athenienses elevari.

Nose seu nesus idem quod Alabastrides.

O.

Onix lapis est habens colorem humanae unguis : nam onix Græce, Lane unguis. Transparens est, & raro per se sola reperitur. Variatur ejus species ex varietate colorum cum quo jungitur, & a loco in quo reperitur. Aliqui dicunt duas ejus species esse : alii vero quinque. Primam quæ vera est diximus. Alteram dicunt esse nigerrimi coloris. Tertiam nigram cum venis seu zonis albis, & hanc Arabia mittit. India vero dat Onycem subruffum cum venis albis. Quinta est permixta ex colore nigro ac subruffo. Aliqui

liqui dicunt verum onycem esse in colore Ametisti, Carbunculi, ac Crisoleti, qui colores cum albedine ac nigredine sunt permixti. Hic lapis in somno multa horrenda repræsentat: gestatus rixas ac lites commovet. Pueris salivam auget: partumque accelerat. Epileptici collo suspensus casum prohibet. De Onyce hoc mirabile fertur: appositus oculo infirmo sponte sua ut sensata res oculum intrat, eumque undique circuit sine molestia: & si quid intus noxii invenit, excutit. Humoresque nocivos ac contrarios æquat.

Onicinus licet sit gumma ex arbore sui nominis inter lapides annumeratur, & induratur, eo modo quo de succino dicetur. In colore albus permixtus modico rubeo: suavem fragat odorem si super pruna ponatur more suffumigii: faciem dealbata curat scabiem.

Opalus lapis mirabilis aspectu est, cum ex multis ac diversis coloribus fulgentium gemmarum sit compositus, ut puta ex Carbunculo, Amestico, Smaragdo, ac multis aliis gemmis cum quadam varietatæ æqualiter lucenti visuque mirabili. Solum in India reperitur: cuius magnitudo non excedit quantitatem avellanae magnæ: & in quanto precio apud antiquos fuerit, a Plinio habetur libro trigesimo septimo, qui narrat æstimatum fuisse viginti millibus ses tertiiis. Contra omnes oculorum mor-

bos ejus virtus est. Acuit & corroborat visum: non est inconveniens tot virtutes attribuere, cum tot lapidum naturæ, & coloris se ostendat esse participem.

Obtalius sive obtalmius lapis est cuius color a doctoribus non ponitur, licet aliqui dicant ex multis esse coloribus: Mirabilis est virtutis in præservando oculos a variis ægritudinibus: gestantis visum acuit: circumstantium vero obnubilat: ut videre non possint: si cum folio lauri ac sua præcantatione junctus fuerit, & gestetur caute, quod mirabile esset.

Orites lapis est, cuius tres esse species dicimus: Unus niger rotundam figuram habens. Hic tritus ac mixtus oleo rosaceo perfecte curat ferarum vulnera, ac pestiferos morsus, & illæsum gestantem servat inter cuncta ferarum genera. Alter orites est virens conspersus albis maculis: hic gestatus resistit adversis casibus. Tertius tenuis ut ferri lamina non crebris guttis obsita. Appensus non sinit mulieres concipere. Si vero prægnantes sunt abortire facit.

Orfanus ex violaceo colore existit, sua pulchritudine ac precio Romani Imperatores in sua corona imposuerunt: in tenebris lucet. Orfanus dicitur, quia eo tempore unus tantum erat repertus, ab Imperatoribus diligitur, eo quod regales honores servat.

*Obsius sive Obsianus ex nigro transluc-
centique colore in similitudine vitri lapis
est, cum æquatur ac tergitur umbras ac
imagines reddit more speculi, & pro deco-
re in parietibus ædificiorum ponitur. In
Lybia, Germania, ac Italia invenitur.*

*Ostracites lapis est in similitudine Testæ
ostreæ, a qua nomen sumpsit, in usu pumi-
cis ad cutem levigandam habetur: siste-
re sanguinem virtus ejus est si in potu tri-
buatur. Melleque tritus mamillarum do-
lores compescit.*

*Ophites ex marmororum genere est, ut
supra diximus, serpentinas habens macu-
las, unde nomen vendicavit. Binæ sunt
eius species: Molle, candidum, ac nigri-
cans, durum quadam viriditate aspersum
croceis maculis. Antiqui ex hoc parietes
ædificiorum ornabant. Virtus ejus est, si
collo suspendatur, sedare capitis dolores,
ac opitulari percussis ex ictibus serpentum.
Album vero freneticis ac lethargicis salu-
tem reddere arbitramur: ex Germania
habetur, & conficiunt ex ipso vasa potato-
ria. Aliqui ponunt Ophitem esse lapidem
ex quo fiunt lebetes: tornatur ac secatur
mollitie sua, & in Belgica provincia cum
serra faciunt tabulas ad domos tegendas:
Igne vero durescit.*

*Ostratias lapis est in similitudine jacinti,
sed durior: cuius duricies adamanti assi-
milatur.*

Ophi-

Ophicardelon ex barbarica cognominatio-
ne nomen accipit. Niger est, binas li-
neas albas intercludens.

Okitokius lapis est minor quam echitis:
& ut ipse interius resonat: planus tractu,
accito frangibilis. Virtus: Solutus cum
succo herbæ okimæ, & sanguine okiteri-
tis ac uno capite omidis, pauloque aquæ,
& repositus in vitro vase poterit ostenta-
tionem virtutis sua facere. Nam si digi-
tos quis intinxerit in hoc unguento, te-
tigeritque quantumcunque fortissimum
lignum, metallum, vel lapidem, statim
eum franget.

Onagari idem quod asini lapis. De eo
supra narravimus: dicunt quod onager
Græce, Latine asinus.

Ombria idem quod Ceraunia, de quo
supra diximus.

Ornicus idem quod Saphirus.

Olea ex fulvo nigro viridi ac candido
colore lapis est.

P.

Praessius ab herba sui nominis ex quadam
similitudine in colore nomen sumit.
Dicunt Prassium esse domum Smaragdi.
In Æthyopia gigni tradunt apud Nilum flu-
vium: Tres sunt ejus species: una ut dixi est
viridis cum crassedine, transparens, non
clara. Altera viridis compressa sanguineis
guttis. Tertia viridis, lineata albis conne-
xis seu Calcedoniis notis, virtutis non mo-
di-

Dicæ existit: visum confortat: ac omnes virtutes smaragdi habet, sed diminute.

Panthera lapis est qui etiam Evantus dicitur: habens varios colores mixtos in uno corpore ad similitudinem animalis sui nominis: ex colorum varietate nomen vendicavit: Habet tandem talis lapis in se quasdam nigras, rubeas, pallentes, virides, roseas ac purpureas notas. In Media regione reperitur. Hunc quidem oriente Sole si inspexeris, in omnibus actibus illius diei vitor eris. Dicunt etiam tot varias habere virtutes quot lapidum mixturam habet: nam quilibet lapis dat ei suam virtutem.

Pontica gemma est livore perlucida. Tres ejus species magis notas reperio, & a Ponto nomen sumit, cum ibi reperiatur, ac etiam ex ejus aquæ similitudine: habens cum ipsa cæruleitate rubentes stellas: seu aspersa est guttis sauguineis. Altera aureis stigmatibus micat. Tertia vero lineata longis lineis rubeis admixtis cum cæruleo. Dicitur per eum interrogari ac fugari dæmonem, & cogi ut petenti det responsa.

Peantes seu Peantides, ut nonnulli dicunt, lapis est habens sexum fœmineum, cum certo tempore concipiatur: ac sibi similem pariat: & licet ab aliquibus hoc scriptum sit, mihi non placet: sed potius credo tales in errorem cecidisse ex antiquorum verbis male intellectis. Cum enim dicant talem lapidem esse fœminei sexus,

non

non intelligunt, quod lapis iste concipiatur: sed ex sua virtute præbendo mulieribus concipiendi ac pariendi auxilium: quæ istarum opinionum verior sit, consideranti dimitto: reperitur in Macedonia. Color hujus lapidis est ut aqua frigore congelata.

Pyrites a Pyr quod est ignis, & a vulgo Focarius lapis appellatur: nam cum calibre percutitur ignem emittit: Ab aliquibus vero dicitur Ypestionus. i. Vulcanus. Unde largo vocabulo omnes lapides mittentes ignem Pyrites dici possunt. Marchasita etiam ex ignis productione dicitur Pyrites. Corallus quoque ex intensa rubidine ab aliquibus Pyrites dicitur. Verus pyrites est qui ex celeri ictu ignem præbet, fulvis coloris, obtusus nimis & spissus assidua maris percussione expoliatus admodum, & incultus ut tegula. Diſcorides autem ponit æris colorem habere qui tritus ac digitis astrictus stringentis dextram adurit. Invenitur autem in multis locis. Ad multa medicinalia valere dicitur: & maxime in oculorum ægritudinibus, ac in multis aliis, ut a doctoribus habetur.

Phrygius a provincia sui nominis in qua primo repertus est, nomen sumpsit. In Cypro etiam reperitur. Cujus color pallidus ac mediocriter gravis, ut gleba punica: qui ter calefactus vinoque perfusus rubescit, & ad tingendos pannos utilis existit. In triplici specie esse invenimus: unam

jam

jam diximus. Altera similis est æri usto, & est fæx æris. Tertia licet non vera sit, quia artificialis est & fit ex pyrite per calcinationem in fornace usque quo sanguineum colorem acquirat: tamen in specie Phrigii computatur. Stiptica est virtus ejus, & excrescentes Carnes in vulneribus æquat: Pascentia ac maligna ulcera curat, oculorumque flores compescit.

Prophirites lapis est obtusus, ponderosus, ac durissimus, rubei coloris, distinctus, variis notulis albis, quem superius in Capitulo Marmorum diximus, cum ejus sit species: in usu ædificiorum apud antiquos multum erat.

Podros ex candardibus gemmis est, qui candore suo principatum obtinet dempta margarita.

Panconus Cristallinum colorem habet, cuius magnitudo digitum non excedit, oblongam habens figuram: differt tamen a cristallo, quia angulis caret.

Punicus, binæ species hujus lapidis sunt, in insulis Æoliis reperitur: qui candidus est, perfectior existit ac ponderosus: Vis ejus in medicinis multum valet. Nam ustus, lavatus ac exsiccatus maxime oculis confert: Ulcera purgat, ac cicatrices replete: Ebrietatique resistit, si ante vini potum sumatur,

Præconissus lapis in colore quasi totus saphirinus, obtusus tamen & compressus

Calcedonicis notis delectans oculos ex jucunditate sui ornatus.

Pavonius lapis, qui datus in potum cum modico sudore cogit in incendium amoris illius cuius est sudor.

Pumex omnibus notus lapis est, porosus, ac levissimus, & tener. Est autem plerumque lapis alchimicus, nonnunquam physicus: scriptoribus quoque non inutilis.

Paragonius duplex est, niger ac aureus, nigro utuntur ad metallorum cognitionem, ut sciunt aurifices, cum in eo metalla ducunt.

Pheonicites lapis est in similitudine ac colore glandis.

Philoginos idem quod Crisites.

Q.

Quirinus sive quirus præstigiosus lapis est inventus in nido upupæ. Virtus ejus est, si super pectus dormientis quis posuerit, cogit scelera revelare.

Quidros idem quod vulturis, de quo infra.

R.

Radaim lapis est niger ac translucens. Invenitur in capite galli, quamvis aliqui dicant in capite Gatti maris, ut supra diximus, Capitulo Doriatides. Cum exciditur subito & ponitur ut formicæ carnem edant, consumpta carne reperitur. Gratiam a honores gestanti præbet, & ad imperandum juvat.

Ra-

Ranius, Rabri, Ramii, Synonima. Idem quod Bolus Armenus secundum aliquos, sed a Bolo Armeno videtur differre: cum sublividus sit color hujus, & in album vergat cum luciditate. Ponderosus existit: virtus hujus est veneno resistere, ut bolus Armenus.

Rubinus species est carbunculi, ut diximus: nec ab eo differt nisi quantitate, ac similis virtutis est: cuius duæ sunt species. Una de qua diximus: altera vero obscurior, ac quasi nullius precii.

S.

Saphirus lapis est colorem habens flavum aut cælestem perspicuum ad instar purissimi azuri, & quanto intensior cum flaveitate ac transparentia: tanto perfectior. At ille preciosior existit, qui percussus sole, fulgorem quasi ardenter emittit, & nunquam quantumcunque imago minima sit, in eo ostenditur. Circa Syrtes Libycas reperitur. Sed Indici meliores sunt. Nonnulli gemmam gemmarum venustate, coloris ratione, appellarunt: sed aliqui non a colore: sed a virtute hoc nomen vendicare ajunt. Corpus vegetat: coloremque bonum præbet: libidinis ardorem refrigerat: & castum ac pudicum reddit: sudoremque nimium compescit. Oculorum fôrdes & frontis dolores tollit. Tortiones ventris cum lacte potatus sedat. Pacificum, amabilem, pius, devotum, gestantem reddit:

reddit: ac animam in bonis operibus fir-
mat. Fraudes detegit. Terrores expellit.
Ad artes quoque magicas multum deser-
vit. Necromanciæ quoque operibus sum-
mam præstare dicitur efficaciam. Antra-
ces solo tactu liberat. Tactis oculis in va-
riolarum adventu illæsos conservat.

Smaragdorum quidem plura sunt genera. Sed Scythici inter omnes principatum obtinent. Adeo illorum viriditas est intensa: ut non modo subdita cuiquam lumi aut solaribus radiis, non hebetetur: sed potius omnem vigorem superans vicinum aerem viriditate sua inficiat: & ex hoc denominatur. Nam omne intense viride Smaragdus dici potest. Duodecim species a lapidariis reperio esse descriptas. Sed ut diximus Scythici perciosores ac nobiliores reliquis sunt, Brittannii subsequuntur, Ægyptii, Hermici, Persici, & qui in mineris æris inveniuntur: Hi tamen omnes transparentes, sed in densitate viriditatis differunt: Et adeo est delectabilis eorum color, ut fere nulla sit gemma oculis gratior refectio: Et cum est æquata ejus facies more speculi imagines reddit. Fertur Neronem Cæfarem Smaragdum habuisse miræ magnitudinis in quo gladiatorum pugnas spectabat. Sunt reliquæ eorum species diversorum colorum, ac notulis vitiatae, quæ cacosmaragdi appellantur: quæ cum prædictis duodenarium nume-

rum compleat. Sed tamen sex species supra nomiratae in predictis existunt: nec eorum magnitudo est maxima, sicut cascosmaragdorum, ut a Plinio habetur de obelisco quinquaginta cubitorum in altitudine. In altitudine ex una quatuor cubitorum, ex altera duorum in delubro Iovis apud regem Babiloniæ, ex quatuor smaragdis fuisse. Theophrastus narrat, vidisse Smaragdum quantitatis cubitorum quatuor. Fertur etiam Romæ fuisse quempiam magnum in templo Herculis. Sed ut diximus perfectorum non magna est quantitas. Est autem smaragdorum forma, ne eorum vitia tegantur planta in superficie, ut color æqualiter fulgeat, ac imagines imprimantur. Commodus est hic lapis illis qui castitatem diligunt: cum coitum non substineat, in virginis defloratione si gestetur frangitur, ut Albertus refert. Lasciviae motus compescit: substantiam auget. Daemonicas illusiones ac tempestates avertit: Emitriteum sanat: Placabilem hominibus reddit: Epilepsiae casibus obstitit. Memoriam acuit, & vim dat Rheticis persuasionibus: ac commodus est eis quorum sollicitudo est in futurorum præcognitionibus. Visum defatigatum exintuitu restaurat: ac conservat. Venenosis morsibus, & maxime canis rabidi, leprosis, calculosis, ac venenatis, si tritus sumatur, maximum remedium est.

Succinum ex Gagatis specie, ut ante diximus, licet gummi sit: pulchritudine sua ac antiquorum usu inter gemmas annumeratur. Est ergo flavus translucens habens in se quandam cæruleitatem cum croceitate: & quantum apud antiquos in precio fuerit: a Plinio habetur. Fertur esse gummi arboris sui nominis habentis pini similitudinem. Constat autem non esse gummi populi, ut ex fabula Phaëtonis a Poetis ponitur. Ejus inventio in multis locis est, ut in Dacia, Anglia, Britannia. Sed maxime abundat juxta littus Oceani spectans Aquilonem ex opposito Gessariæ insulæ, quod idem apud Theutonicos Succinaria insula. Densatur gummi hoc sole, rigore, ac temporis diuturnitate. Sed cum multotiens cernimus inclusa esse aliqua parva animalia, festucas, & aliquando deceptores mollificant Succinum, & includunt aliquid extraneum. Cum in arboribus hoc gummi induratum existit: conquassatis arboribus ex ventorum flatu, cum propinquæ sint mari, in eo cadit: Ibique magis induratur, ac splendidior efficitur: demum maritimis tempestatibus in littora propellitur: ac retibus capitur. Et quemadmodum magnes ferrum attrahit, ita & Succinum paleas supercalefactum ex confricatione panni. Virtutes Succini eædem sunt ut Gagatis: sed potentiora ac plura juvamenta ei insunt. Ex natura fluxum ven-

tris inhibet. Omnibus gulæ ægritudinibus remedium efficax est: ut has evitarent antiqui ægritudines, mulieribus ac infantibus monilia ex Succino gestare præcipiebant. Veneno quoque resistit: si supra sinistram mamillam soporatæ uxoris positum fuerit, perpetrata mala confiteri facit. Exhibitus urinam provocat, menstrua accelerat, partumque facilitat. Commotos dentes confirmat. Ex ejus suffumigio venenosa fugantur: si detegere volumus an mulier corrupta sit, per triduum in aqua mergatur, eique exhibeat: nam si corrupta fuerit statim eam mingere cogit.

Sardius sive Sarda inter ardentes gemmas annumeratur. Vilissimus tamen, in usu apud antiquos frequentissimus. Est rubei coloris sanguinei, obscurior tamen & obtusior Cornelio: ac si per vietas ingrederetur in rubeam terram. Sextum quoque habet quoad coloris distinctiōnem. Cum apud Sardos primo inventus sit, ab ipsis nomen accepit. Quinque ex eo annumerantur species. Omnes tamen Babilonicus excedit. Indicus succedit, demum Arabicus, Ægyptius, & ultimo Cypricus. In pluribus quidem locis ubi saxa excidunt, tanquam cor in medio existens reperitur, ut in Paro insula: Mares fœminis excitatius fulgent: nam fœminæ pinguiores sunt & crassius nitent. Onycem alligat, nam eo præsente nocere non pot-

est. Non sinit videre timorosa in somno; Divitias auget. Hilaritatem inducit. Ingenium acuit. Sanguineum fluxum compescit: ac inimicos superare facit. Quidam putant Sardium esse Cornelium, quod falsum est.

Sardonix sive Sardonius compositus lapis est ex Sardio & onyce, plerumque etiam Calcedonio: nonnunquam vero distinctus tribus coloribus, nigro, Calcedonio, & Sardio, & quanto magis colores distincti sunt, tanto Sardonix melior existit. Olim apud antiquos Romanos in precio erat. Virtus ejus est compescere lascivos motus, hilarem ac amabilem reddere. In sigillis conficiendis optimus, cum ceræ tenax non sit.

Selenites, Strites, Siderites, synonima ejusdem lapidis sunt. Lapis est quem quidam dicunt esse transucidum in candido mellinoque fulgore: continentemque lunæ imaginem seu nebulosæ stellæ. Rutilat in obscuro: & a loco inventionis nomen sumpsit. Variæ hujus lapidis species a doctoribus positæ sunt. Primam jam narravimus. Aliam in capitulo Celonites diximus, cum ex hac specie putent. Persici vero æmuli sunt in sua viriditate jaspidis, servantesque tempora lunaris motus, & tanquam damnis cœlestibus anxius crescente seu decrescente luna minuitur, ac crescit color. Hic potentissimus est in

reconciliatione amoris. Toto quoque tempore crescentis lunæ pthisicos juvat. Decrescente vero miros effectus exhibet: ham evenientia prædicere facit. In ore immisso lato prius aquæ futura negotia cogitantur fieri debeant annon. Si fieri debent, adeo in mente figuntur, quod obli- visci non possumus. Si vero non, a corde cito evanescunt.

Samius lapis est dictus ab insula sui nominis, ab inventione prima ex quo artifices aurum tergunt: est albus, gravis, ac frangibilis. Virtus ejus est vertiginem ac mentis alienationem sedare. Si vero potu sumatur, abortum prohibet: si in sinistra geratur, ad antiquas oculorum lachrymas sistendas, ac etiam ad alias ipsorum ægritudines juvat: si cum lacte teratur ac oculis imponatur.

Smirillus lima ac serpens est omnium rerum, dempto adamante, omnia consumit ac corrodit. Est lapis ferruginei coloris ac durissimus: in multis ac diversis locis invenitur. Ad secandos ac æquandos lapides, & ad arma tergenda in usu existit.

Syrius a Syria dictus lapis est: nam dum integer est, aquis non mergitur: Comminutus vero fundum petit. Hujus effectus causa est cum in se inclusum aërem retineat: aëris levitate natat: fractoque lapide evanescit: aér & inde submergitur remanente tantum lapidis gravitate.

Solis gemma carentis coloris est, habens similitudinem berilli, & cum subjicitur solaribus radiis in orbem fulgentes spargit radios: & ob hoc nomen traxit: lapis est miræ virtutis contra potum lethiferi veneni.

Sagada sive Sadda coloris præfici lapis est, cui tanta circa rates affectio, ut ex profundo maris sursum se jaculetur: & rati tenaciter adhæreat: ut nisi abrafa parte ligni cui adhæret, vix ab ea possit evelli.

Sandastrus sive Sadasius lapis est igneæ claritatis, aureis quasi guttis aspersus, quæ stellæ videntur: & quanto magis stellatus seu gutterum numerum majorem continet, quæ intus micant, tanto preciosior habetur. Annumeratus est in numero ardentium gemmarum. Nomen vero a loco primæ inventionis sumpsit. Arabia quoque gignit: in Caldeorum ceremoniis in usu habetur. Mas ac fœmina ex eis datur, & colore dignoscitur. Nam blandior fœminis est flamma, Masculis vero fulvior ac austerior.

Sarcofagus lapis ex quo antiqui monumenta construebant, & ex effectu nomen sumpsit. Nam Sarcos Græce arcam sonat, fagos comedere, unde Sarcofagus arca devorans corpora. Nam humanum corpus intus locatum devorat, demptis dentibus in quadraginta diebus, adeo quod nihil apparet: postmodum non tantum ex illo lapide

Lapide constructa, verum omnia monumenra lapidea Sarcofaga vocata sunt: vivente quoque homine si hic lapis carni alligetur, vim habet corrodendi eam.

Sifinus cineritius in colore non durus lapis est, ad coquinariam artem commodus, ex quo lebetes fiunt: perunctus oleo in igne durescit & denigratur.

Siderites lapis non dissimilis a colore ferri, virtus ejus si quo modo in maleficiis inferatur, discordias excitat.

Stuxites lapis contentus modico decore. Virtute vero non modica, nam tritus & latenter datus in cibo cum Satyrione magnam virgæ dat tensionem, suspensus collo digestionem bonam facit, ac coeundi desiderium.

Samothratia lapis est nigri coloris, ac levis in similitudine ligni usi: ab insula sui nominis dicta est. Reperitur etiam in montibus nostris inter Fanum & Pisaurum sub Catigliani monte: nam sub monte est vena nigra in qua hi lapides continentur, & cum in igne ponuntur odorem aspalti reddunt, in passionibus matricis ejus suffumigium valet.

Spinella ex ardentibus gemmis est, ut in capitulo Carbunculi diximus, cuius color est apertior ac clarior colore rubini: sed virtute similis est ei, & a quibusdam dicitur Rubith.

Sanguineus lapis idem quod Ematites.

Senochitem idem quod Galatides.

Spongius lapis idem quod Cysteolithos.

Sedeneg idem quod Ematites.

Sirites idem quod Saphirus.

Specularis lapis idem quod Phengites.

Sanctus lapis idem quod Saphirus.

Sarda idem quod;

Sinodontides idem quod Corvina.

T.

Topatius Sive Topasion exurentium cum glaucedine gemmarum splendissimus ac egregius lapis est. Cujus binæ sunt species. Una flavi coloris ad aureum vergens cum aliqua viriditate: hæc orientalis est, & limam contemnit, ac reliquis preciosior. Altera vero occidentalis antedicto viridior habens remissum colorem auri, usque consumitur, & a lima patitur, viliorque existit, & hæc species aliqui putant, quod sit Crysopteron. Inventio hujus lapidis primo fuit in insula Arabiæ, Chitis dicitur: Nam cum Trogloditæ prædones huc pulsi a tempestate maris victu carerent, dum herbas ac radices pro victu effoderent, hunc lapidem invenerunt, & ab ipsa inquisitione vendicavit nomen: nam Topasion lingua Arabica idem quod inquisitio. Plinius vero his contrariatur de impositione nominis. Refert quod primo inventus est in insula rubi maris distante a littore per trecenta stadia, cum naturaliter proclivis sit & vaporibus semper ca-

liginosa: a navigantibus quaeritur, cum visione careant, & sic ab hac inquisitione Topazin nomen sumpsit. Fertur Ptolomeum Philadelphum habuisse Topatium trium cubitorum. Dicunt ferventes undas cito tepeſcere, si jactus in eis Topatius fuerit, & ex hac tepeſcentia dicunt laſcivos motus frenari: noxios ac freneticos motus fanat, Hæmorroidas mundat, Lunaticam passionem curat ac avertit, Divitias auget. Iram ac tristitiam sedat. Subitaneamque avertit mortem: ſanguis a vulnere fluens stringitur ſi ſuper alligetur: & gestantem principum gratiam acquirere facit.

Turchion ſive Turquesia lapis flauus in album vergens ac ſi lac pertransiret in flavum colorem, viſui tamen placidissimus a regione nomen vendicavit. Eſt enim vulgaris opinio equitantibus utilem eſſe, ut quam diu ſecum habuerit equitans, equus ejus nunquam ſefforem fatiget, illæ ſumquæ equitantem a caſu reddat. Aspectu viſum corroborat: ab extrinſecis ac nocivis caſibus gestantem tueri dicunt.

Trachius lapis eſt, cujus binæ ſunt species: Niger ſonorū, & alter quaſi viridis, non transluſens.

Thirsitis corallo ſimilis eſt: ferunt ſi in potu ſumātur, ſomnūfū inducere.

Talc Alchimicus lapis eſt, lucidus, lumenous in colore argenti, & ex eo per ſublimationem fit venenum pefſimum.

Tartis lapis in colore pulcherrimus pavoni similis est, generosus, ac visu gratis limus, non minus virtute quam aspectu.

Tegolitus idem quod Cogolites.

Trapendanus species Piritis.

Telitos idem quod Tegolitus.

V.

Varach irreperibilis lapis est apud nos, virtutem habens compescendi omnem fluxum, loco cuius medici ponunt draconis sanguinem.

Vernix sive Armenicus lapis est, cuius virtus dicitur præstare juvamentum Melancolicis, Spleneticis, Hepaticis, & ad cardiacam quoque passionem subvenit.

Vejentana Italica nomen a loco sumens. Reperitur etiam in multis aliis locis, & ab his cognomen sumit. Niger lapis est cum lineis ac notulis cendentibus.

Vulturis lapis ab ave sui nominis dictus est, capite repente absctisso in cerebro reperitur. Gestantibus corporis sanitatem inducit. Mulieribus vero ubera lacte replet. Petita ab impetrantibus in effectum deducit.

Virites idem quod Pyrites.

Vatrachius idem quod Ranius.

Unio idem quod margarita.

X.

Xiphinos idem quod Saphirus.

Y.

Yecticos lapis sanguineum colorem habens, durus ac obscurus, & in usu parangoni ad metalla discernenda ab aliquibus habetur.

Ydrinus & ab aliquibus serpentinus dicitur, reumatizantibus compatitur, & ab omni nimia humiditate humanum corpus curat. Hydropicorum corpora ad pristinum statum reducuntur: si per tres horas cum eo in sole steterint: nam fœtentissimam aquam per sudorem emittent. Dicunt caute utendum esse quoniam non solum extraneam humiditatem, verum etiam naturalem & complantatam ex naturali humido extrahit, venenosos vermes fugat, ac eorum morsibus remedium praefstat. Sumptum vero dicunt lapidem vesicæ frangere.

Ysoberillus species berilli.

Z.

Zumemellazuli sive Zemech, Latine vero lapis lazuli. Color hujus lapidis flavus in colore cœli cum in maxima serenitate existit, non transparens, aureisque crepusculis nitet, ac ignem sustinet, & a sua pulchritudine cœlestis lapis sive stellatus lapis dicitur: præparatus ut medi ci ponunt melancolicas curat ægritudines. Ex eo quoque fit color vocatus azurrum ultramarinum.

Zarites similitudinem coloris vitri habet

bet. Ferunt sanguinem sistere, si collo appensus est, ac mentis alienationem.

Ziazaa a loco nomen sumpsit, ex albo, nigro, multis aliisque coloribus simul permixtis, adeo quod nullus in sinceritate sua permanet: litigiosum gestantem efficit, ac terribilia in somno videre facit.

Zmilaces seu zmilanthis marmorei coloris cum glauco lapis est, invenitur in Euphrate, in medio habens quasi pupillam glauci coloris.

Zoronyfios in Indo flumine ferunt inveniri, magorum gemmam esse narrant;

Et sic finem huic secundo libro imponimus.



CAMILLI LEONARDI.

De
LA P I D I B U S.

LIBER TERTIUS.

De Sculpturis Lapidum, & quomodo scientiae arum difficultis est: sed tantum antiquis standum.

Cap. I.

Rem mihi arduam ac difficilem, Princeps illustrissime, in hac ultima parte nostri libelli sumpsi: nec a multis pertractatam ob maximam ejus difficultatem, cum superius dominationi tuæ pollicitus sim, velle de sculpturis lapidum ab antiquis factis pertractare. Et licet Alberti magni dicta parum per me perterreant dicentis: Antiquorum enim sapientium sculpturam de sigillis lapidum pauci sciunt: nec sciri possunt nisi simul Astronomicæ, Magicæ, ac Necromanticæ sciantur scientiæ. Sed cum hæ scientiæ his temporibus ac elapsis per multos annos in paucis extiterint: Ideo de tali materia pauca reperiuntur. Et cum dictum jam diu divulgatum Commentatoris secundo Cœli & Mundi in mentem veniat dicentis. Melius est modicū scire de rebus nobilibus, quam de vilioribus. Ac etiam dictum Philosophi, quod melius est ali-

aliquid scire quam omnia ignorare: & licet his scientiis non summopere vacaverim: cum tamen ab aliquibus doctoribus tam antiquis quam modernis sparsim invenierim aliquid, decrevi insimul jungere, ne tot nobiles res pereant: ac a modernis omnia cognita fuisse appareat: Et haec omnia ad gloriam & gratiam excellentiae tuæ: cui me unice commendo & dedo.

Qui fuerunt primi sculptores, & quomodo ars successit, & qui hodiernis temporibus optimi sculptores ac pictores existunt.

Cap. II.

Thetel summus ac vetustissimus doctor in libello suo de natura rerum, primos sculptores ponit fuisse Israeliticos dum essent in deserto, qui peritissimi Astronomicæ, Magicæ ac Necromanicæ scientiæ. nec minus in sculpturæ arte, lapides signarunt: quorum peritia non solum in dictis scientiis, verum in omnibus summa extitit: & tam suæ sculpturæ subtilis acuminis compabantur, quod nullus ex posteris hujusmodi operis imitationem audeat attemptare. Et ut dictum est, cum summi in omnisciencia extiterint, non dubium est, naturam seu lapidum scientiam non ignorasse: unde figuræ sive imagines cum convenientibus constellationibus ac cum consimili natura lapidum, in ipsis lapidibus sculperunt: ut simboleitatis ratione virtutes imaginum

ginum essent efficatores. Magna fides adhibenda est verbis Thebit, qui ait : Imagines ac sculpturæ in lapidibus ab antiquis non ad decorum factæ fuerunt : cum multæ res extraneæ in incultis lapidibus sculptæ reperiantur : sed credendum est, quod lapides ex tali figura tunc sculpta virtutem recipient ex cœli influentia : quæ virtus ex situ cœli planetarumque aspectu ac situ eorum multisque aliis requisitis, ut a doctoribus habetur, tempore quo lapis figuratur, infunditur, & sic in eo retinetur : ex usu vero eorum ut recipiatur illa cœlestis virtus in nobis viget. Post vero Israëliticos optimi sculptores Romanorum tempore extiterunt non imbuti necessariis scientiis ad hoc ut virtus illa cœlestis in sculpturis inesset, ut primi fecerunt : sed tantum voluntarie imperatorum, regum ac diversarum rerum imagines sculpsérunt, ut a Plinio libro trigesimo septimo habetur de Pirotele, qui imaginem Alexandri Magni adeo optime sculpsit, ut vetuerit se ab alio sculpi. Post Apolonides ac Crojus in gloria floruerunt : qui divi Augusti imaginem similem expresserunt. Vanum ac tædiosum foret, mi Princeps Illustrissime, tot sculptorum nomina enarrare, qui Romanorum tempore claruerunt, non in sculptura Israëliticis inferiores. Sed quid de sculptoribus nostri temporis dicam : quos ante dictis postponendos esse non arbitror :

bitror: cum eorum opera per Italiam undique vagentur, nec ab antiquis dignoscantur? Claret Romæ hodiernis temporibus Joannes Maria Mantuanus: Venetiis Franciscus Nichinus Ferrariensis: Janua Jacobus aliter Taglicarne: Mediolani Leonardus Mediolanensis. Qui adeo accurate ac laute effigies in lapidibus imprimunt: quod nihil addi aut minui potest. Unum apud modernos reperio de quo apud antiquos nulla extat memoria, de incisoribus seu sculptoribus in argento: quæ sculptura Niellum appellatur. Virum cognosco in hoc celeberrimum ac summum nomine Franciscum Bononiensem, aliter Fraza, qui adeo in tam parvo orbiculo seu argenti lamina tot homines, tot animalia, tot montes, arbores, castra ac tot diversa ratione situque posita figurat seu incidit, quod dictu ac visu mirabile appareat: Adeo quod non solum in his Italia nostra illustrata est, verum in omni genere rerum. Nam in pictoria arte quis præstantior Petro Burgesi, Melozoque Ferrariensi, qui pingendi regulas Geometricis, Arithmeticis, ac perspectivis regulis miro ordine, industria, ac doctrina instituerunt? ut eorum operibus patet: nec etiam hoc ab antiquis tam ample pertractatum fuit. Penicillo quoque quis præstantior Joanne Bellino Veneto, ac Petro Perusino, qui adeo hominum imagines, animalium quoque ac rerum

rum omnium pingunt, ut solo spiritu carere videantur? Inter antiquos celeberrimus fuit Zeuxis qui uvas pinxit, ad quas aves volaverunt: qui suas picturas donare instituit, cum eas nullo satis condigno precio permutari posse arbitraretur. Fure & Protogenes & Apelles, qui proprias imagines ac rerum formas pinxerunt. Et cum ad invicem certassent, exiles ac tenuissimas lineas supra se equitantes penicillo traxerunt, quæ ex exilitate sua quasi invisibles erant. Fulgura quoque ac tonitra, & res quæ pingi non possunt, summa arte ac industria pinxerunt. Non minori laude ac admiratione Italia nostra virum celeberrimum habet qui ob ejus excellentiam inaurati militis Ordini annumeratus est, Andream Patavinum, cognominatum Mantegnam, qui omnes regulas ac pingendi rationes posteris aperuit: & non solum penicillo omnes excedit, verum etiam arrepto calamo seu carbone extinto in ictu, oculi hominum, atatum, ad diversorum animalium veras imagines ac effigies, diversarumque nationum habitus, mores, ac gesta figurat: ut quasi se movere videantur. Hunc non solum modernis, sed antiquis præferendum esse censeo. Et maxime Pansio Sycionico, qui ex enclaustro solum proprias imagines figurabat. Ac etiam Appelli, qui cum ad regiam cænam invitatus foret, interrogatus

a rege a quo invitatus fuisset, ignorato nomine ex improviso arrepto carbone ex foculari invitantis imaginem pinxit: & ex inchoato Rex agnovit. Quot pulchra opera ipsius Andreæ penicillo facta apparent Paduæ, Romæ, Mantuæ, ac in pluribus Italiæ locis? Ex quibus ipsius excellentiam propriis oculis cernere possumus.

Quæ sint imagines productæ a natura, & quæ non, & quæ virtutem habent.

Cap. III.

Longum sermonem deduximus de dignitate sculptoriæ artis: Nunc ad rem nostram redeamus, divisionem sumentes Alberti magni loco præallegato, dicamusque quod imagines a natura in lapidibus tripliciter accidere possunt. Primo modo & hoc dupliciter. Uno modo, cum proprium lapidis ex sui natura sit esse ex diversis coloribus ac lineis, & ex commixtione colorum seu linearum ad invicem concurrentium, ex quibus variæ ac diversæ imagines causantur, ut in marmoribus, achatibus, ac in multis aliis lapidibus diversorum colorum. Fertur quod Pyrrhus Rex Achatem habuit a natura productum, in quo figuratae erant novem musæ cum Apolline pulsante liram. Achatem quoque vidi, in quo septem veluti arbores in planicie apparebant. Aliter hoc primo modo imagines in lapidibus formantur, cum

cum ex inusitato colore supperaddito la-
pidi, figuræ seu imagines causantur: ut ab
Alberto fertur de lapide situato Coloniæ
in capella trium regum, in quo bina can-
didissima capita super se equitantia, lineis
tamen distincta sunt: in quorum frontem
nigerrimus serpens elevatur. Adest etiam
Æthiopis figura onycea veste, floribus or-
nata. Plinius quoque refert, imaginem
Sileni esse repartam in sectione marmoris.
Nonne in tabulis sectis ex columna diver-
forum colorum in quadam porta domina-
tionis tuæ Pisauri variæ res apparent? Mul-
ti admirantur ex hoc & pro impossibili te-
nent, cum oculis propriis non viderint. Sed
qui dictis philosophicis imbuti sunt, hæc &
majora credunt: ut Albertus magnus super
secundo physicorum recitat, ac etiam in
libello de Secretis mulierum, quarto capi-
tulo secundi Tractatus. Henricus quoque
de Saxonia in commento dicti tractatus, ac
multi alii philosophi narrant ac demon-
strant, quod interdum tanta est vis specialis
constellationis in producendo seu in for-
mando aliqua, ut non solum in propria
specie, sed in diversa producantur, quæ im-
possibilia apparent, ut ex dictis philoso-
phorum appetat: de hoc ipsi tamen non
admirantur, cum causam intelligent: nam
admiratio ex ignorantia procedit; Dicunt
enim, quod interdum tanta est vis influxus
cœli ex planetarum aspectu, constellatio-

num, ac situ ipsorum, quod non solum ex humano femine hominum effigies producuntur: sed bruta ac partes brutorum multotiens concreantur. Et sicut hoc in animatis evenit ita & in lapidibus ac in aliis inanimatis accidere potest. Nonne ridiculum foret apud intelligentes credere Satyros, Centauros & similia monstra, fore producta ex commixtione venerei actus brutalis cum humano? nonne multotiens vidimus ex mulierum partu monstra fuisse producta? nec credendum est, ac absurdum foret, talia animalia dicere cum mulieribus concubuisse: sed ut diximus hæc & majora ex influxu eveniunt. Secundo modo lapides sculpti a natura videntur: cum portio alicujus lapidis adhæreat super superficiem alterius lapidis: seu ex eodem lapide aliquæ partes minuantur, ex qua additione sed minutione aliqua imago caufatur, ut arte fit in châmainis: & sic secundum hunc modum possunt esse lapides sculpti a natura ac arte. Sed primo modo tantum a natura & nullo pacto ab arte. Tertio vero modo, ut in proposito nostro est, tantum lapides sculpti inveniuntur ab arte, & non a natura cum pars lapidis cum instrumento aliquo fit abrasa seu incisa: & in ipso lapide producta sit aliqua imago. Quarum imaginum aliquæ voluntariæ, aliquæ ratione sculptæ fuerunt: ut in principio hujus tertii diximus: quæ voluntariae

riæ ac ratione carentes sculptæ sunt: & ex sculptura nullius efficaciæ sunt: sed tantum virtutem lapidis habent. Et hæ ut plurimum sculptæ fuerunt tempore Romano-rum ac nostro. Quæ vero sculptæ sunt, ut in nobis aliquid imprimant, tam ratione lapidis quam sculpturæ, sunt quæ Israeliticorum tempore sculptæ fuerunt, ut diximus: Hi imbuti omni scientia eas sculpserrunt: ac sculpi etiam possunt hodiernis temporibus a peritis viris: & forsan Romanorum tempore aliquæ sculptæ fuerunt, de quibus inferius virtutes ostendam: ac quomodo mediante tali figura astra in nobis influant: & an talis virtus impressa in lapide mediante figura perduret æterno ævo.

Quod virtus figuræ sculptæ in lapidibus virtutem particularem lapidis dearticulat, & quod ejus effectus ex ævo non totaliter deperditur.

Cap. IV.

Licet a materia nostra aliqualiter digres-si simus, pro majori subsequentium declaratione hæc pauca adhuc dicenda esse arbitror, licet etiam pro parte ante dixerimus. Nil materiale a natura producitur, quin habeat propriam speciem & influxibus subjiciatur: ut in principio secundi hu-jus diximus, ac ab omnibus philosophis ha-betur. Sed cum lapides materiales sint a materia, virtutem habent ac etiam a for-ma specifica, cum hæ sint de ratione mixti:

& ultra hoc non absolvuntur ab influxu syderum cum in inferiorem mundum semper influant. Cum vero sculpuntur lapides a peritis ratione sub aliquo influxu, aliam virtutem cœlestem acquirunt, ut ita dicam, ac si ipsa sculptura animarentur. Et virtus lapidis tunc ducitur ab ipsa sculpta impressa ad unum aut ad plures effectus particulares. Quemadmodum similitudinarie dicimus hominis voluntatem esse liberam, & aliquando duci ratione ad determinatam ac rationabilem rem agendam, ad quam dempta ratione non duceretur. Pariformiter dicimus, lapidis virtutem esse coartatam ad determinatum effectum seu virtutem, ad quam forsitan ante sculpturam non erat. Et si consimilis effectus quem intendimus a figura sculpta producere, prius esset in lapide ratione suæ essentiæ: Tunc simboleitatis ratione magis fortificaretur ac efficacior esset ex geminata virtute. Et ut ea quæ diximus magis innoscant ex exemplo deducamus, quamvis exemplum totaliter simile non sit, ut est de mente Aristotelis dicentis: Exempla enim ponimus non quod ita sint, sed ut sentiant addiscentes: tamen aliquam habent similitudinem: Dicimus: in homine duo esse: voluntatem & essentiam: voluntas quidem cum ab anima dependeat, mere libera est, nec ulli subjacet. Essentia. j. esse corporeum cum ex elementis fit, syderibus

bus subjacet. Rationalis ergo voluntas ducta ab anima est, quæ facit hominem aliquid bonum operari, & tunc talis operatio non subjacet syderibus : quamvis mediante corpore fiant: immo anima potentiam corporis dearticulat, quamvis corpus per aliquem influxum contrarium agere deberet. Et hoc est quod dicit Ptolomeus, Sapientis dominabitur astris. Si vero voluntas ab esse corporeo dependeat sine ratione ac discursu animæ : dicimus tunc hominem influxui subjacere. Et ex hoc Plato posuit pueros duci ab intelligentia non errante, cum ratione ac discursu careant. Nam quicquid agunt, solum ab influxu syderum dicuntur agere ; cum in corpus vim habeant & anima a corpore inclinetur ad actionem. Similitudinarie ea quæ in exemplo dicta sunt in lapidibus deducamus. Nam esse lapidis corporeum ab elementis est, ut in primo hujus diximus. Syderibus ergo subjacet ac ab eis aliquam virtutem acquirit : Alia vero virtus eis inest ex specifica ac individuali ejus forma, quæ nunquam ab ipso lapide separatur nisi destruto lapide : quæ plures virtutes dat unius lapidi secundum esse complexionale ipsius lapidis : & sic plures virtutes in uno lapide esse possunt : sicut & plures voluntates esse possunt in uno homine secundum diversas rationes occurrentes in anima ipsius hominis. Sic & in lapidibus ex sculptura ratione

facta virtus lapidis dearticulatur ad particularem effectum magis : ut clare habetur ab his , qui de sculpturis scripserunt. Et quotiens virtus lapidis cum sculptura ratione facta consimilis erit , tunc posterior ac efficacior erit : ut ex physicis habetur. Unde concludamus , lapides sculptos potentiores esse in aliqua particulari virtute, quam non sculptos. Et licet Albertus magnus secundo mineralium dicit, quod virtus sculptarum imaginum in lapidibus non æterno ævo perduret, sed terminetur in certo periodo. Et hæc auctoritas tanti viri quasi pro indubitata conclusione ab omnibus habeatur : non tamen dicta aliorum doctorum spernenda sunt, & maxime Salomonis in libello preciosorum lapidum. Cujus verba hæc sunt : Nisi lapis fractus fuerit aut figura deleta totaliter, virtus non deperditur. Nec mihi incongruum esse videtur: nec erubescimus dicere ea quæ rationibus ac auctoritatibus substantari possunt. Videlicet quod virtus figuræ sculptæ in lapide nunquam totaliter deperditur seu determinatur ad certum periodum : Et pro fundamento ad substantandam hanc opinionem dico, quod esse specificum alicujus individui a quo virtus dependet non removetur ab ipso individuo, nisi ipso corrupto, non sanæ mentis eset qui talia negaret. Tunc ultra dico, quod sculpturæ ut effectum habeant, fiunt per electio-

electiones, hoc est eligimus talēm horam
in qua viget influxus alicujus astri sub quo
intendimus figurare lapidem : & sic per
electionem influxus in lapide infunditur,
& permanet in lapide durante tali figura.
Si ergo talis virtus figuræ deficeret, sequere-
tur dicta Halii Zachis, Guidi Bonatti, ac
omnium Astronomorum vana esse, cum
per electiones instruant virtutes stellarum
ac planetarum in rebus permanere. Et
maxime hoc colligitur a Ptolomeo in se-
cundo capitulo quadripartiti : ubi dicit
quod virtus alicujus rei in principio infusa
durat in re, quamdiu res illa perdurat. Con-
cludamus ergo ex dictis horum doctorum,
quod nec virtus specifica nec virtus figuræ
sculptæ a lapide separatur, nisi fracto lapide
ac deleta figura, quod probandum erat.
Et si dicta ipsius Salomonis bene conside-
ramus, vult, ac nos tenere debemus, quod
virtus imaginum sculptarum in lapidibus
aliquando remittitur ; Sed non totaliter
deperditur : cuius remissionis perplures
causas assignare possumus : quas brevitatis
causa relinquimus : ut ab Astrologis mani-
feste appareat.

*Quomodo in imaginibus virtutes dicantur uni-
versales, & quomodo particulares seu signifi-
cativæ virtutum lapidum.*

Cap. V.

Pertractatis his quæ ad universalem do-
ctri-

ctrinam imaginum in lapidibus congrua erant. Nunc sermonem nostrum ad ea quæ magis particularia sunt, vertamus : sumentesque divisiones dicentes imagines ratione in lapidibus sculptas aut universales esse aut particulares, aut significativas virtutum lapidum. Voco enim universales imagines quæ in quocumque lapide sculptæ reperiuntur, propriam virtutem suam retinent, ut sunt Zodiaci signa. Nam Aries cum igneum sit, in quocumque lapi- de sculptus fuerit, caliditatem inducit. Ve- rum est, quod sua caliditas augetur ac mi- nuitur secundum lapidis virtutem, ut ante dictum est. Particulares vero imagines es- se dicimus, ut planetarum ac constellatio- num cœli. His magicas imagines addere possumus, cum horum omnium virtutes ad particularem seu determinatum effe- ctum tendant. Significantes vero lapidum virtutem in quibus sunt sculptæ bifariam dividuntur, cum aliqua nobis tantum vir- tudem lapidis denotent ex quadam conje- ctura : Aliqui vero sint denotantes virtu- tem lapidum, & habentes influxum a cœ- lo per constellationem : & sic cognita virtute constellationis in virtutem lapi- dis devenimus, uta Thetel habetur. Non dubium quod secundum virtutes gem- marum ab antiquis imagines sculpeban- tur in ipsis lapidibus, ut earum virtutes efficaciores essent : sed ut ultimæ imagines signi-

significativæ lapidum virtutis innoteſcant: exemplum de Achate adducemus. Ex ante dictis in secundo libro Achatum species ſunt plures. f. Siculus, Indicus, Creticus, ac Cypricus: & in qualibet ſpecie virtus specifica alias excedit. Ideo in qua-libet ſpecie iſpſius achatis diversæ ſculpturæ reperiuntur, denotantes virtutem specificam illius ſpeciei. Nam cum virtus specifica Siculi achatis ſit, veneno viperarum obſtare, ut denotetur ſuæ virtutis effectus: in ipſo ſculptam hominis invenies figuram viperam in manu tenentis: ut ex ſculptura virtus lapidis innoteſcat. Si vero in ipſo Siculo achatē Serpentarius qui ex cœli conſtellationibus exiſtit, ſculptus eſſet, cui virtus eſt veneno r eiſtare: nota conſtellatione virtus achatis duplicatur, & ſicut in achatē exemplum deduximus, ita intelligere poſſumus de omni lapide, cujuscunque ſit ſpeciei.

De ſculpturis non Astronomicis, & quomodo in eārum cognitionem devenirē poſſumus.

Cap. VI.

Magicæ ac Necromanticæ imagines ab antiquis in lapidibus ſculptæ nullam habent ſimilitudinem ſignorum seu conſtellationum cœli: & ideo ſolum a peritis in dictis ſcientiis virtutes cognoscuntur. Veriſſimum tamen eſt, ut & in pluribus accidit, nullam in lapidibus figuram ſculptam eſſe, quin pro parte effectus imaginis a vir-

a virtute lapidis cognoscatur. Et ex hac causa, cum in aliquo lapide diversæ sint virtutes : ita & in lapide figuræ sculptæ ex diversis animalium partibus sunt, quæ similitudinarie lapidis effectum ostendunt, ut in meo Jaspite appareat, in quo figura habens caput galli, corpus totum usque ad crura hominis torace tectum, in sinistra tenens clypeum, in dextra vero flagellum, & crurum loco ac pedum duæ viperæ supplent: quæ partes figuræ si bene considerantur, lapidis virtutem indicant, ut in capitulo Jaspidis diximus. Et cum hæ imagines magicæ ac necromanticæ magnæ sint virtutis, ac potentiarum, & a multis doctoribus hinc inde sparsim ponantur: Post cœlestes imagines decrevi annotare, prout a doctoribus ponuntur, ut earum virtutes agnoscas. Non credo tamen omnes posse colligere. Si vero dominatio tua plures invenerit: his addat.

Quomodo imagines sculptæ in lapidibus dicantur habere effectum.

Cap. VII.

ET ne verba mea a Catholica fide videantur discedere ; advertat dominatio tua, cum dico aliquem lapidem cum tali figura habere virtutem producendi tam effectum in homine : non credas necessitari hominem ad illud agendum, quoniam erroneum esset, ut supra diximus :

cum

cum hominis voluntas mere libera sit, nec influxui subjet. Nec etiam intelligens cum dixero, gestantem efficit Imperatorem, potentem, victoriosum, & similia: quod absolute dicam, quoniam falsum etiam esset. Nam si quem ignobilis persona aut fœmina gereret: non verum esse vide-retur. Sed hoc sana mente intelligas: nam in quocunque statu hominem invenit, in illo extollit, ac in aliis potentiores efficit: nam verba mea sic intelligenda sunt & non aliter.

Signa primæ triplicitatis.

Cap. VIII.

Aries, Leo, & Sagittarius: Cum hæc tria signa in qualitatibus tam activis quam passivis simul convenient: Astronomi unius triplicitatis esse dixerunt. Cum secundum ipsos nil aliud sit triplicitas, quam convenientia trium signorum in qualitatibus tam activis quam passivis, diviseruntque Zodiacum in quatuor triplicitates, & quælibet triplicitas continet tria signa, & unamquamque earum uni elemento attribunt: Signis quoque ac partibus cœli, in quibus quodque ipsorum magis viget, ac triplicitati proprios dominos tribuerunt. Nam hujus primæ triplicitatis dominos in die esse dixerunt Solem, in nocte Jovem, in crepusculis Saturnum: eamque orientalem esse posuerunt. Cum ergo in lapide Arie-

Arietis, Leonis sive Sagittarii figuram sculptam invenies, illam scias omnibus frigidis ægritudinibus valere: ut lethargiæ, paralisi, torturæ, ac hydropicis, & febribus flegmaticis opitulari: sed ob dignitatem dominorum suorum, ac ex eorum natura, dicunt gerentes tales figuras reddi gratos hominibus: eosque facundos, hilares, ingeniosos, ac venustos fieri, & ad honores ad dignitates exaltari: & maxime leonis ob solis dignitatem, cum sit ejus domus.

Signa secundæ triplicitatis.

Cap. IX.

Taurus, Virgo, & Capricornus, secundam triplicitatem constituunt, quæ terrea dicitur, & meridionalis, habens frigidam ac sicciam naturam. Domini hujus triplicitatis in die Venus, Luna in nocte, in crepusculis Mars. Cum ergo hæc tria signa sculpta in lapide fuerint, omnibus calidis ac humidis ægritudinibus auxilium præstabant, ut in Sinocha, ac in omni putrefactione sanguinis. Et ex eorum natura ac dignitate suorum dominorum gestantes inclinant ad ruralia opera, ut plantare, seminare, inserere hortos, ac vineas ornare, & similia facere.

Signa tertiae triplicitatis.

Cap. X.

Gemini, Libra, & Aquarius, tertiam

componunt triplicitatem habentem aëream complexionem, quæ occidentalis dicitur. Saturnus in die, dominus est. Mercurius noctem obtinet. Iuppiter crepusculum habet : ex eorum natura hæc signa sculpta in lapidibus ab omnibus ægritudinibus frigidis ac siccis, quæ ex humore melancholicodependent, liberant, ut a quartana, a corruptione memoriæ, canina mania, & ab illisci, ac his similibus. Et ex natura dominorum hujus triplicitatis ferentes tales lapides ad amicitiam, justitiam, ac concordiam inclinant : nec non leges diligere ac observare faciunt.

Signa quartæ triplicitatis.

Cap. XI.

Cancer,Scorpio,& pisces quartam ac ultimam conficiunt triplicitatem, quæ aquæ dicitur : ac Septemtrionalis frigida & humida existit. In die Venus domina est : In nocte Mars : In crepusculis Luna. Ex sua complexione frigida & humida ab ægritudinibus calidis ac siccis liberat : ut ab Ethica, ab Hepatis inflammatione & ab omnibus ægritudinibus coleræ. Et ex propria signorum natura ac etiam suorum dominorum ad injustitiam, inconstantiam, & ad mendacia inclinat : & maxime Scorpionem ferunt Machometi fuisse signum : quia semper falsa ac mendacia instituit ac docuit.

Planetarum sculpturae.

Cap. XII.

Saturni Figura sculpta in lapidibus hæc est, vir senex curvam falcem in manu tenens, habens barbam non multum pilosam. Si sculptam hanc figuram in aliquo lapido invenies, & lapis sit ex Saturni natura; virtus ejus erit reddere gestantem potentem cum continua potestatis augmentatione.

Iovis figura hominis est sedentis in folio seu in quadrupeda cathedra virgam in manu tenentis: In altera vero pilam: inveni etiam tenentem IdoJum, Cancrum, seu Piscem, & ante pedes habentem aquilam: sed apud magicos aliter figuratur: hominis enim figuram insculpunt cum Arietino capite: rugosis calcaneis, ac subtili pectore. Si in lapide figuram istam sculptam invenies, & maxime in Kabrate lapide: scias gestantem fortunatum redi ac amabilem, & quicquid optatur, faciliter acquiritur. Extollit vero hæc ad honores ac dignitates.

Martis imago multipliciter in lapide figuratur, interdum cum vexillo in manu: interdum cum lancea aut cum aliquo instrumento bellico: semper tamen armatus & aliquando equester reperitur. Hujus lapidis virtus sic sculpti gestantem reddit victoriosum, audacem, bellicosum, & in omnibus causis victoriam præstat: & ma-

maxime si sculptum reperies in lapide habente consimilem virtutem.

Solis figura diversimode reperitur, interdum ad instar Solis cum radiis circum-
quaque: Aliquando figuratur ad formam hominis sedentis in solio cum capillis spar-
sis ac profusa veste: in curru etiam figura-
tur: ac si ab equis quadrigis vehatur: ali-
quando circa currum sunt signa Zodiaci:
Virtus hujus figuræ, si in aliquo lapide inveniatur, est gestantem reddere potentem ac imperantem: & venationibus delectantem: substantiam quoque acquirere facit.

Veneris imagines multæ sunt, ut ex magicis habetur: tamen hæ in lapidibus scul-
ptæ inveniuntur: ut mulier cum magna
veste ac stola in manuque laurum tenens.
Virtus est levitatem in agendis dare: ac omnia ad optatum finem deducere: timorem submersionis aquæ aufert: & potestatem accommodat.

Mercurii figura est homo gracilis pecto-
ris habens pulchram barbam: & aliquan-
do sine: cum talaribus tenens caduceam
virgam: & multotiens cum gallo ante pe-
des: aut cum serpente sub pedibus. Ejus
virtus est conferre ad scientiam, ac orato-
rem facere. Mercatoribus quoque ma-
gnum præstat auxilium in eis locuple-
tandis.

Lunæ imagines variæ sunt: aliquando
figuratur in propria figura lunæ cum cor-

nibus, ac si essent diminuta ultra mediata-
tem. Interdum in curru ut puella cum cor-
nibus, & pharetra. Interdum ut nimpha
pharetrata cum canibus sequentibus ceru-
um. Hujus imaginis virtus est præbere
expeditionem in legationibus, ac ex eis bo-
na & honores acquirere : dicuntque in
omnibus agendis rebus celeritatem ac faci-
litatem præstare : & ad optatum finem
omnia deducere.

*De figuris five imaginibus quæ similitudinem ha-
bent constellationum cœli, & ad quid valent.*

Cap. XIII.

Hucusque diximus de sculpturis si-
gnorum ac planetarum : nunc ser-
mo noster erit de imaginibus seu constel-
lationibus cœli : talique modo proceda-
mus : Ponendo primo nomen imaginis.
Secundo quomodo figuratur a doctoribus.
Tertio subjungemus in quo Zodiaci signo
collocetur. Quarto an meridionalis aut
septentrionalis sit. Quinto cujus plane-
tarum sit naturæ. Ultimo quod a nostrum
propositum pertinet, cujus virtutis erit ta-
lis imago : si reperiatur in lapide sculpta : &
primo ab ursa initium sumamus ut astro-
nomi sumunt.

Ursæ imago sic formatur : binas ursas
insculpunt circumvolutas a serpente. Ma-
jor ursa in capite revolutionis continetur:
minor vero in cauda. Ex magnitudine
vero

vero tam draconis quam ipsarum ursarum cum apud Polum mundi arcticum ac a Polo Zodiaci non multum distent : quasi ab omnibus signis pro parte continentur capiendo signum pro naviculari umbra cuius extreum in polis Zodiaci terminatur per lineas transeuntes per principia signorum : & omnis constellatio quæ a lineis alicujus signi continetur, dicitur esse in illo signo : & sic omnis constellatio ubicunque sit in cœlo, in uno aut pluribus signis continetur : ut draconis ac ursæ sunt. Existit constellatio ista tota in septentrionali parte. Naturæ tamen earum variæ sunt. Nam majoris ursæ est Martis ac Veneris. Minoris vero Saturni. Draconis vero Saturni ac Martis : dicuntque omnes doctores, & maxime Magici, quod si hæc constellatio in lapide sculpta reperiatur, gestantem scientem reddit, versutum, cautum, ac potentem efficit.

Coronæ imago similitudinem coronæ regiæ cum pluribus stellis habet : interdum in similitudine regii capitis coronati, figuratur : Existitque in septentrionali parte ac in signo Sagittarii : estque naturæ Veneris & Mercurii : si hæc in lapide qui ad honores ac scientiam virtutem habeat, sculpta fuerit, dat gestantibus honores ac maximam exaltationem apud reges, & regiam gratiam acquirere facit.

Herculis quandoque incurvati imago fi-

guratur. Sic est vir genuflexus in manu clavam tenens interficiens leonem. Ali quando sic vir cum leonina pelle in manu seu in humeris cum clava. In signo Scorpionis collocatur: & in septentrionali parte: Estque naturæ Mercurii: Si sint in condecenti lapide, qui ad victoriam facit, ut in Achate, gestantem reddit in omnibus victoriosum & maxime in campestri bello.

Cigni sive Gallinæ imago in lapide sculpta si reperiatur, est Cigni figura expansis aliis & collo recurvato: Existitque in septentrionali parte. Natura ejus est Veneris ac Mercurii; si hæc in lapide inveniatur sculpta gratum gestantem reddit populo, scientiam præbet, ac divitias auget: podagricos, paraliticos, ac quartanarios liberat.

Cepheus est homo habens præcinctum ensem cum brachiis ac manibus expansis: ab Ariete signo obtinetur: Saturni ac Iovis naturæ est, & septentrionalis. Lapis sic sculptus si gestatus fuerit, cautum ac scientem reddit: si sub capite dormientis ponitur, in somno res delectabiles apparere facit.

Cassiopeja mulieris imago est sedentis in cathedra, habentis manus porrectas ad modum crucis. Aliquando cum triangulo in capite. In signo Tauri situatur, & in septentrionali parte. Ejus natura est Saturni ac Veneris: Si hæc sculpta in convenienti la-

pide

pide inveniatur, virtus ejus erit hominibus sanitatem præbere, infirma ac defatigata corpora restaurare, quietem ac tranquillitatem post laborem gestantibus præbet, amorem ac suavem somnum præstat.

Andromeda puellæ imago est habens crines sparsos ac remissas manus: a Tauro continetur in septentriohe: Veneris naturæ est. Ejus virtus est, si in lapide sculpta erit, rixas ac jurgia inter virum & uxorem ortas reconciliare, & stabilem amorem firmare, & a multis infirmitatibus humana corpora custodire.

Perseus ensem in dextra manu, in sinistra caput Gorgonis habens imago est: locatur in Tauro & in septentrionali parte: vim Saturni ac Veneris habet. Si in lapide sculptus fuerit ab infortuniis gestantem avertit, & a fulgere ac tempestate præservat non solum gestantem: sed & loca ubi continetur: fascinationes quoque soluit.

Serpentarius est hominis figura habentis serpentem cinctum, tenentis in dextra caput, & in sinistra caudam. Est in signo Scorpionis, & in Septentrione, naturam habet Saturni ac Martis. Virtus ejus si in lapide sculptus est, valere contra venena, venenosorum animalium morsus cutare: & si lotura ejus bibatur facit venenum evomere sine læsione aliqua.

Aquila sive Vultur cadens est imago aquilæ volantis cum sagitta sub pedibus, in

Cancro & in Septentrionali parte collocatur: Iovis ac Martis naturæ est. Sed sagittæ Martis ac Veneris: hæ constellationes cum in lapide sculptæ erunt, aut una ipsarum gestantis veteres honores conservat, ac novos acquirere facit, & ad victoriam conferre dicunt.

Piscis sive Delphinus est imago gibbosæ. Piscis est in signo Aquarii & in Septentrione, Naturam habens Saturni ac Martis. Ferunt quod si lapis sic sculptus retibus alligatus fuerit, facit ipsa piscibus impleri: gestantem quoque fortunatum efficit in piscando.

Pegasus sive equus alatus: aliqui figurant medietatem equi cum alis. Aliqui totum equum cum alis & sine fræno. In signo Arietis, & in Septentrionali parte est, naturam habens Martis ac Jovis: si sculptus in lapide inveniatur, gestanti in campesti bello victoriam præbet, & velocem, cantum ac audacem reddit. Si vero collo equi suspendatur, aut in aqua ponatur ubi bibat equus, a multis infirmitatibus eum liberat.

Cæti est figura magni piscis cum curvata cauda ac magno ore: continetur a Tauro & in Meridionali parte: naturam obtinet Saturni. Cum in lapide hæc figura inventa erit, & supra dorsum habeat serpentinum cristatum cum magna tuba; in mari gestantem fœlicitat, ac eum prudentem

tem & amabilem reddit, & ablata restau-
rat.

Orionis armati hominis seu inermis
imago est cum ense seu falce in manu: col-
locatur in signo Geminorum & in parte
Meridionali. Jovis, Saturni ac Martis na-
turam habet. Hæc figura in lapide scul-
pta gestantem reddit victoriosum, & de
inimicis victoriam reportare facit.

Navis navi assimilatur cum retorta pro-
ra & elevato velo, & aliquando sine & cum
remis. Continetur a Leone & in Meri-
dionali parte. Est naturæ Saturni ac Iovis.
In lapide sculpta securum reddit gestantem
in agendis rebus: & non posse periclitari
in mari aut aqua: nec ab aqua damnum ca-
pere facit.

Canis imago est figura Canis leporini
cum cauda curuata. Existit in signo Can-
cri in parte meridionali naturam Veneris
habens. Si in lapide sculpta inveniatur,
ipsum gestantem vim habere dicunt libe-
randi lunaticos, Maniacos ac demoniacos.

Leporis ad similitudinem leporis imago
est cum extensis auribus ac pedibus, ut si in
cursu esset. In signu Geminorum collo-
catur, & in Meridiana parte. Natura ejus
est Saturni ac Mercurii. Virtus hujus scul-
pturæ est freneticos curare, & contra dæ-
monum versutias valere, nec a maligno spi-
ritu gestans poterit lædi.

Centauri est figura Tauri usque ad col-
K 5 lum,

lum, & ab inde supra hominis tenentis in sinistra manu hastam quiescentem supra sinistram spatulam cum appenso lepore. In dextra vero manu bestiolam resupinam tenet cum lebete appenso. In Libra & in meridionali parte situatur. Est naturae Iovis ac Martis : virtus hujus sculpturæ est reddere gestantem constantem ac sanum perpetua sanitatem : & ideo aliqui fabulose dicunt Centaurum fuisse Achillis magistrum, eo quod hunc lapidem insignitum Centauro continuo secum gerebat.

Canis alabore est canis imago sedentis in Cancro, & in meridie locatur. Est Iovis naturæ: si in lapide sculptam inveneris, tecumque portaveris, hydropem non timebis, & a peste aca morsu canis liberaberis.

Sacrarii turibuli sive putei est figura aræ seu putei cum accenso igne, A Sagittario & in Meridionali parte continetur: Naturamque habet Veneris ac Mercurii: fertur si in lapide sculptus erit, habilem gestantem ad convocandos spiritus efficere: ac in eorum conversione esse, & ei obediere. Dicunt etiam gestantem reddere ornatum perpetua virginitate, cum castitatem inducat.

Ydræ seu serpentis imago est serpentis figura habentis supra se urnam circa caput, & corvum circa caudam: Situatur in Cancro, in Meridie: est Sa turni ac Veneris naturæ: virtus ejus est efficere gestantem di-

vitem ac abundantem in omnibus bonis,
astutum, caustum, ac prudentem: & a no-
civis liberat: dicunt resistere omni nocivo
calori.

Coronæ australis figura imperiali coro-
næ assimilatur, eam in Libram ponunt, &
in Meridie: naturæ est Saturni ac Martis.
In augendo divitias ejus virtus est, & ho-
minem hilarem ac jocundum facere.

Agitatoris sive aurigæ imago est homi-
nis figura in curru tenentis hircum in spa-
tula sinistra. Collocatur in signo Gemi-
norum, & in Septentrione, naturam ha-
bens Mercurii. Hæc figura in lapide scul-
pta facit gestantem venatorem ac fortu-
natum in capiendo animalia.

Vexilli imago est in similitudinem ve-
xilli expansi in extremitate hastæ. Situa-
tur in Scorpione, & in australi parte. Hæc
in lapide sculpta efficit gestantem in mili-
tia præesse: ac victorem esse in bello cam-
pestri.

*De imaginibus magicis: & primo de his que
a Raniel posita sunt.*

Cap. XIV.

Expediti de imaginibus astronomicis,
nunc ad reliquas positas a diversis do-
ctoribus, quæ magicæ sunt, descendamus:
nec de ipsis ullam rationem reddere pos-
sumus. Sed tantum Doctoribus creden-
dum est: cum his scientiis hodiernis tem-

poribus careamus, quæ antiquis temporibus clauerunt: ac multi de ipsis scripsierunt: & maxime ille summus Ragiel in libro alarum, in quo perfectam artem tradidit, & sine quo in magica arte nullus perfecte scire potest. Nam in prima ala sui operis ponit has imagines, & dicit multas habere virtutes cum sculptæ in convenientibus lapidis inveniantur: quæ tamen portari ac custodiri debent cum magna reverentia.

Draconis formosi ac timorosi imago, si in Rubino sive in alio lapide consimilis naturæ ac virtutis reperta est, scias virtutem ejus esse in augendo bona hujus sæculi: & hylarem ac sanum gestantem efficit.

Falconis imago si in Topatio reperiatur, ad acquirendam benivolentiam Regum, Principum ac Magnatum facit.

Astrolabii imago si in saphiro sculpta fuerit, virtus ejus erit augere divitias, ac futura prædicere.

Leonis bene formati imago si in granato sculpta fuerit, virtutem habebit præservare honores, sanumque reddere gestantem ab omnibus ægritudinibus: honores quoque præbet & ab adversis casibus in itineribus gestantem custodit.

Asini imago si in Crisolito sculpta inventiatur, virtus ejus erit futura pronosticari ac prædicere.

Arietis sive capitis hominis cum barba imago si in Saphiro sculpta erit, Virtutem habet

habet sanandi ac liberandi a multis infirmitatibus, & a carcere, & ab omni pressura. Estque imago regia cum dat dignitates & honores, ac in altum extollit.

Ranæ figura si in berillo sculpta erit, virtutem habet inimicos reconciliare, & amicitiam inter homines ponere, si discordes erunt: si cum ea ipsos tetigerit.

Camelli capit is vel duarum caprarum inter myrti arbores imago si in onyce reperiatur, virtutem habet convocandi, congregandi ac constringendi dæmones: si secum quis portaverit: & in somno facit terribilia videre.

Vulturis imago, si in Crisolito reperiatur, virtus ejus erit Dæmones ventosque constringere, frenare, ac congregare, defendit locum in quo ponitur a malis spiritibus, & ab eorum infestatione: & si quis secum portaverit dæmones ei obedient.

Vespertilionis imago si in Elitropia sculpta erit gestanti potentiam dat supra dæmones: & ad incantationes valet.

GriFFonis imago si in Cristallo reperiatur sculpta, virtutem maximam habebit replere ubera lacte.

Hominis bene ornati imago ac habentis aliquid pulchri in manibus: si in Cornelio reperiatur, virtutem habet stringendi sanguinem & ad honores confert.

Leonis five Sagittarii imago, si in Jaspite reperiatur, ad venena valet, a febre liberat.

Ho-

Hominis armati cum arcu ac sagitta imago, si in Iride reperiatur, virtutem habet custodire gestantem, ac loca in quibus erit, a malo.

Hominis imago cum ense in manu si in Cornelia reperiatur, virtutem habet præservare locum in quo erit a fulmine ac tempestate, & gestantem a vitiis ac fascinatione custodit.

Tauri imago si in Prassio reperiatur, ad maleficia juvare dicitur: & in magisteriis gratiam præbet.

Upupæ figura cum dragontea herba ante se si in berillo reperiatur, erit virtus ejus invocare aquaticos spiritus ac loqui cohære: Mortuos quoque notos ad se revocare ac de quæsitis ab eis responsa recipere.

Hyrundinis imago in Celonite reperta virtutem habet pacem ac concordiam inter homines ponere ac conservare.

Hominis imago cum dextra manu erecta ad cœlum, si in Calcedonio reperiatur, virtus ejus erit, vincere civiles lites ac gestantem reddere sanum, & itineribus & a causis noxiis præservare.

Dei nomina in ceraunio si sculpta reperiuntur, virtutem habebunt præservare loca in quibus erunt a tempestatibus: ac potentiam & victoriam dant gestantibus contra inimicos suos.

Ursi imago si in Ametisto reperiatur, fu-

gan-

gandi dæmones virtutem habet: & hominem ab ebrietate defendere ac præservare.

Hominis armati imago si in magnete reperiatur, ejus virtus erit conferre ad incantationes & gestantem in bello victorem reddere.

Imagines seu sigilla Chael.

Cap. XV.

Chael unus ex filiis filiorum Israel antiquissimus doctor cum in deserto esse, vedit ac sculpefecit multas figuræ signorum ac planetarum, & maximum effectum in eis agnovit: & ut hæc imaginum virtutes posteris paterent, hunc librum composuit in quo per ordinem multæ virtutes ponunt, ut patebit: sitque benedictus Deus qui terris tales virtutes dedit in salutem humani generis.

Hominis figura sedentis post aratum, cum longa barba vultuque longo ac superciliis curvatis, in cuius collo sint quatuor homines jacentes: & qui teneat in manibus vulpem, ac vulturem: si talis lapis in quo hæc erunt, collo suspendatur: ad omnes plantationes valet, & ad inveniendum thesauros: nam si sub cervice dum in lectum ibis, impones: in somno videbis thesauros ac modum extrahendi. Est & alia ejus virtus, conferre in ægritudinibus brutorum, cum aquam biberint in qua hic lapis lotus fuerit.

Hominis imago habentis ad collum elipeum, & in capite Galeam, tenentis in manu gladium, ac concultantis sub pedibus serpentem in jaspide rubeo sculpta, si collo suspendatur omnes gestans superabit inimicos in prælio, & maxime si commissum fuerit die Martis.

Equi imago habentis crocodillum superfæ in jacinto sculpta virtutem habet reddere gestantem victorem in civilibus causis: & ornatum ac morigeratum efficit: & amabilem reddit: debet in auro ligari, quoniam ex auro virtus ejus augmentatur.

Hominis figura sedentis, ac mulieris stantis ante eum cum capillis sparsis versus renes, & viri sursum aspicientis, si in Cornelio sculpta reperiatur, virtus ejus erit, quod si quis tactus fuerit cum ipso lapide ducetur ad voluntatem ac obedientiam tangentis: & ex omnibus benivolentiam acquiret: sub lapide cum signatur debet apponi parum ambræ ac terebintinæ.

Equi spumantis ac fervidi super quem niger sedeat cum sceptro in manu figura inventa in ematite sculpta: regnandi potestatem præbet ac amissam gratiam restaurat debetque in æquali pondere auri ac argenti ligari.

Hominis sedentis cum accensa candela in manu imago si in crisolito sculpta reperiatur, gestantem divitem efficit, debetque in purissimo auro ligari.

Cerui seu Venatoris, aut Canis, aut Leoparis, figura si sculpta reperiatur, virtutem habet frenandi dæmones, lunaticos, ac freneticos: & qui in nocte militant.

Mulieris imaginem habentis in una manu avem & in alia piscem, si sculptam invenies, scias, ipsam virtutem habere capiendis piscibus ac avibus: debet in argento ligari: valet his qui tale exercitium exercent.

Cornutæ figura quæ sic formatur: Nam anterior pars est equi, posterior vero capræ, si in aliquo lapide sculpta reperiatur dat habitum in alendis ac armandis animalibus five bestiis omnium generum: debetque in plumbo ligari.

Mulieris sedentis cum tuba super equum, seu militis currentis cum cornu ad collum, ac cum arbore ante se figura si sculpta reperiatur in aliquo lapide, venatoribus vendredi gratiam præstat, si secum portaverint.

Hominis flexis genibus sursum respondentis ac tenentis pannum figura, si in lapide sculpta erit, ac tecum portaveris: dat gratiam ac divitias in rebus emendis ac vendendis.

Vulturis imago cum ramo olivæ in ore: si in Pyrite sculpta erit, tecumque portaveris in argenteo annullo, ad multa convivia vocatus eris: & cum in his fueris, omnes te aspicient commestione dimissa.

Scorpionis ac sagittarii figura ad invi-

cem pugnantium, si in aliquo lapide reper-
ta erit: & cum ipsa ceram impresseris: &
cum ipsa aliquos tetigeris malivolos ac
discordes, benivolos efficies: in argento li-
getur.

Arietis ac Leonis medietatis figura, si in
aliquo precioso lapide sculpta erit, si discor-
des cum ea tetigeris, amabiles ac concor-
des efficientur: debetque in argento ligari.

Mulieris in superiori parte, in inferiori
vero Piscis figura: si in Jacinto sculpta erit,
quæ in manu speculum teneat, & in altera
ramum: Eam in annullo aureo liga ac digi-
to tene. Cum vero invisibilis esse volue-
ris, volue lapidem dicti annulli versus pal-
mam manus, & eam claude, & invisibilis
eris.

Hominis armati figura habentis supra-
dexteram crucem cum stellis, si in aliquo
preciosorum lapidum inventa erit, scias
ad fruges ac messes valere: & in qua re-
gione erit, ibi tempestas nocere non po-
terit.

Basilisci seu Syrenes, cuius pars una est
fœminæ, inferior vero serpentis figura, si
in aliquo preciosorum lapidum inventa
erit, virtutem habebit fugandi animalia-
venenosa.

Basilisci pugnantis cum dracone figura
& desuper sit caput hominis, si in Corne-
lio reperta fuerit, & ad collum suspendatur:
ille

ille habebit virtutem superandi omnem bestiam tam terrenam quam marinam.

Hominis nudi inflati figura cum altera hominis figura bene induti, ac tenentis in una manu scyfum, in altera vero ramum herbæ, si in Gagate lapide inventa erit, virtutem habere scias liberandi omnes febricitantes, si per triduum secum portaverit.

Hominis statuam habentis caput bovinum, & pedes aquilæ si in aliquo lapide sculptam inveneris, tecumque portaveris, nullus de te male loquetur.

Hominis imago sculpta in diadoco stantis ac magnæ staturæ tenentis in manu dextra obolum, & in alia serpentem, sitque super caput hominis figura Solis, & prostratum sub pedibus teneat leonem, & posita fuerit in annulo plumbeo cum modico Arthemisiæ ac radice fœnu græci, cum tecum habueris in ripa fluvii, & vocaveris malignos spiritus, ab eis de quæsitis responsum accipies.

Hominis figura stantis ac tenentis fasciculum herbæ appensum collo cum grossitate renum, ac amplitudine spatularum, si in viridi jaspide sculpta erit, scias ipsam auxilium præbere febricitantibus, ac a febre liberare: & si quis artem medicinæ exercet, secumque portaverit, in discernendis ægritudinibus ac cognoscendis medicinis ac herbis, in dandisque potionibus

bus maximam gratiam præbet: In hæmorrhoidibus ac menstruis, & in omni fluxu sanguineo auxilium præbet, & in instanti compescit.

Turturis marini imago si in lapide nigro, de quo parangones fiunt, reperta fuerit, & in annulo plumbeo ligata feratur, non poterit lædi ab aliquo, & a senioribus ac dominis terrarum diligitur.

Aquarii figura si sculpta fuerit in viridi jaspide, & quis secum potaverit, lucrum præbet in emendis ac vendendis rebus, & ab eo mercatores consilium quærent: ac in suum domicilium merces portabunt.

Avis quæ in ore suo folium tenet, & in ejus conspectu sit caput hominis respiciens ipsam avem: si in lapide parangoni sculpta inveniatur, eamque in auro ligaveris ac tecum portaveris, dives eris ac locuples & ab omnibus venerabilis.

Jovis figura, quæ est hominis sedentis super cathedram quadrupedem, & sint ibi quatuor homines stantes ante Jovem, sintque manus Jovis erectæ versus cœlum, & in capite habeat diadema; Si in jacinto sculpta erit ac in auro ligata, & quis talem annulum secum portaverit, seu figuram hujus annuli impressam in cæra collo suspendat, a regibus ac sapientibus quicquid voluerit impetrabit.

Hominis imago habens vultum leonis, & pedes aquilæ, & sub pedibus ejus sit dra-

eo biceps, & cauda sit extensa. In manu vero ipsius hominis sit baculus, cum quo percutiat capita draconis : si in cristallo sculpta erit, aut in aliquo precioso lapide, & ligata sit in auricalco, & sub lapide sit muscus & ambra ; si quis fert secum talem lapidem, uterque sexus omnium inclinabit sibi : ac spiritus obedient ei : & facultatem augebit ac maximas divitias accumulabit.

Hominis sedentis super aquilam, ac in manu virgam tenentis imago, si in effigie lapide seu cristallo inventa erit : & in annullo aereo seu cupreo ligata : si quis hunc annulum in die solis ante ortum ipsius aspicerit, omnes inimicos suos vincet & superabit. Et si in die Jovis aspicerit, victor belli erit, ac libenter omnes homines ei obedient. Sed oportet gerentem vestiri albis vestibus, ac columbina carne abstinere.

Hominis figura equitantis ac tenentis in una manu frenum, & in alia arcum tensum ac habentis gladium cinctum, si in pyrite sculpta erit, & in annullo aureo ligata, & quis secum portaverit, eum victorem reddet in præliis, nec quis ei resistere poterit.

Mulieris imago habentis crines sparsos super mamillas, & in ejus conspectu sit vir quasi adveniens, faciensque ei aliquod amoris signum, si in Jacinto seu cristallo sculpta erit, ac in auro ligata, & sub lapide

fit ambra, aloes, & herba quæ polium dicitur: Ferenti hunc lapidem in annulo omnes obedient, & si mulierem cum eo tetigeris, voluntatem tuam faciet: & capiti tuo supposueris, cum vadis dormitum, quicquid volueris in somno videbis.

Hominis imago sedentis super Piscem, & super caput hominis sit pavo, si in lapide rubeo sculpta erit, & ipsam sub tabulam in convivio posueris, nemo comedens cum dextra satiabitur.

Hominis nudi stantis figura, & a dextra ejus sit puella stans, cuius capilli sint ligati circa caput, & vir teneat dexteram suam super collum puellæ, & sinistram super pettus: & vir aspiciat vultum ejus, & ipsa aspiciat in terram: Si in aliquo lapide sculpta erit, ac in ferreo ligata annullo, & sub lapide sit parum linguæ passeris ac upupæ, mirræ, aluminis, sanguinisque hominis æqualiter parum, qui hunc annullum portaverit, invictus erit, nec ullus poterit ei resistere, nec fera aliqua ei nocebit. Epilepticis quoque valet, si ceram rubeam signaveris cum eo: & si ad collum canis ponatur, latrare non permittit.

Hominis imago tenentis in manu flores, si in cornelio sculpta erit, ac in annullo stanneo posita, & annulus fabricatus fuerit die Lunæ vel Veneris, in prima, octava vel duodecima hora: Postea tange quem volueris cum dicto annullo & obediet tibi.

Hominis barbati figuram habentis vulturum longum, superciliaque curua: sedentis super aratrum inter duos tauros, habentis que vulturem in manu, si in lapide sculptam reperies, scias virtutem habere in plantatione arborum & in inventione thesaurorum, ac victorem in prælio efficere. Serpentes a facie gestantis fugantur. Epilepticos sanat: & omnem timorem ac vexationem malorum spirituum liberat, debetque in annulo ferreo ligari & gestari.

Hominis tenentis falcem in manu super caput suum figura, & sub pedibus crocodilum, si in lapide sculpta erit, ac in annulo plumbeo ligata, & sub lapide sit parum radicis squillæ: qui secum hunc annulum portaverit, ab inimicis securus erit, & in itinere a latronibus.

Hominis figura tenentis gladium in manu ac sedentis supra draconem, si in amethysto reperta erit, ac in plumbeo annulo ligata vel ferreo, & in digito feratur, ei omnes spiritus obedient & revelabunt ei thesauros ac quæsita qualiacunque fuerint.

Aquilæ stantis figura si in ethice lapide sculpta erit, ac in annulo plumbeo ligata, virtutem habet qui secum portaverit capiendo multos pisces, nec nulla fera ei nocabit, & ab hominibus diligitur.

Hominis stantis ac tenentis in manu mucronem figuram, si in onychino sculptam invenies, scias virtutem habere si quis se-

cum portaverit honorari ab omnibus do-
minationibus ac principibus, & similiter
ab omnibus hominibus.

Leporis figura sculpta in Jaspite præser-
vandi gerentem a dæmoniaca umbra vim
habet, ne ei noceat.

Hominis habentis in manu palmam fi-
gura, si in aliquo lapide sculpta erit, reddit
gestantem gratum ac amabilem potentia-
bus ac principibus.

Auctor iste Chael ponit etiam imagines
astronomicas, sed quia ante positæ sunt:
non repetam.

Imagines seu sigilla Thetel.

Cap. XVI.

THETEL, ut supra diximus, vetustissi-
mus doctor tractans de sculpturis la-
pidum, dicit, quod si hæ sculpturæ: quæ in-
ferius dicentur, in convenientibus lapidi-
bus reperiantur, maximam virtutem ha-
bent, & Primo.

Hominis imago in Jaspite habentis scu-
tum in sinistra, & in dextra idolum, vel ali-
quid bellicosum: & loco pedum sint vipe-
ræ: & loco capitis hominis sit caput galli
sive leonis: & cum torace, hic lapis sic scul-
ptus virtutem habet contra inimicos, ac
victorem gestantem reddit, & ad venena
valet. Sanguinem quoque stringit a quo-
cunque loco fluat.

Hominis figura habens fasciculum her-
bae

bæ in collo, si in Jaspide reperiatur, virtutem habet discernendi seu cognoscendi infirmitates. Sanguinem a quocunque loco fluat frænat: dicunt Galienum hunc lapidem habuisse quem semper vehebat.

Crucem sculptam in Jaspide viridi dicunt habere potentiam liberandi gestantem a submersione aquæ.

Fœmina habens in una manu avem & in altera piscem, si sculpta erit in crisolito, ad negociandum multum valet.

Lupi figura si sculpta in Jaspide reperiatur, contra versutias valet, ac insana verba prohibet proferre.

Cerui figura in lapide sculpta virtutem habet sanandi ac liberandi lunaticos & freneticos.

Agni imago si in lapide sculpta erit: gestantem efficit securum a paralyssi ac a quartana febre.

Venatoris figura in jaspide sculpta gestantem efficit habere virtutem sanandi dæmoniacos ac freneticos.

Imperatoris figura in jaspide sculpta cum capite erecto gestantem reddit amabilem ab omni creatura, & quid petierit obtinebit.

Virginis figura cum veste profusa tenentis in manu laurum si sculpta in jaspide reperiatur, gestantem efficit securum a submersione. Nec a dæmone vexabitur, factique potentem ac impetrantem omnia.

Hominis figura habens palmam inscriptam in manu, si in jaspide inveniatur, potentem reddit gestantem, ac principibus gratum.

Sculpturæ seu imagines Salomonis.

Cap. XVII.

Vetustissimum inveni librum de sigillis lapidum, cuius titulus talis erat sine auctoris nomine: Credo tamen fuisse Salomonis quia in eo libro multa opera Salomonis erant.

In nomine domini hic est preciosus libellus quem filii Israelitici in deserto fecerunt, secundum nomen tuum Domine & secundum cursum stellarum.

Hominis sedentis super aratrum figura quæ habet collum parvum, & prolixam barbam: & quatuor homines jaceant in suo collo: & teneat in manibus vulpem: & in alia vulturem: scias istud sigillum si collo appendas, ad omnes plantationes valeare: & ad omnes thesaurorum inventiones. Probationem istius an valeat sic facias: accipe lanam nigraim puram sine tinctura, & involve lapidem, & inter paleas tritici pone, & super ipsum jace cum capite, in somnis videbis omnes thesauros de regione in qua eris, & quomodo illos habere poteris. Amplius aliam habet virtutem, quoniam sanat omnes bestiarum langores si aquam in qua lotus fuerit bibent.

Hominem sculptum in jaspide viridi qui habeat clipeum pendentem collo, & super caput galeam & gladium erectum: & pedibus serpentem calcet: pone ad collum & non timebis ullum inimicum: tamen iners non sis: in omnibus rebus erit victor, & maxime valet in rebus martialibus, debetque in ære ligari.

Equum gerentem supra dorsum calchaticem seu crocodillum: si in jacinto albo invenies, scias valere in placidis ac loquacibus omnibus, & illico ab omnibus hominibus ac bestiis eris amabilis, debetque in auro ligari.

Hominem sedentem & mulierem stantem ante eum habentem capillos extensos usque ad femur, & quod fœmina levet oculos sursum: si in cornelio sculptum invenies, scias virtutem ejus esse, quod omnis homo vel fœmina tacta ab eo sigillo obedient erit tibi ad omnem voluntatem tuam: debent in tanto pondere auri ligari quantum lapis ponderat, & subtus ponı herba betonica & ambra.

Equum spumantem & supra se sit vir tenens sceptrum in manu, si in ametisto sculptum reperies, scias istud sigillum prodesse ad omnes res quas habet qui illud fert, & omnes Principes ac primates obedientes erunt ei. Debet ligari in auro vel argento in duplo ad sigillum.

Fœminam tenentem in una manu avem &

& in altera piscem: si in cristallo sculptam invenies, scias valere ad capiendum aves: debet in argento ligari.

Cornutum animal quod equum subitus se ferat, & equus retro se ducat medietatem capræ: si sculptum inveneris in aliquo preciosorum lapidum, scias valere ad domandum omnes bestias: debetque in annulo plumbeo poni.

Militem super equum currentem cum cornu ad collum, & sit arbor ante se: si sculptum in aliqua preciosa petra invenies, scias valere in omnibus venationibus.

Hominem flectentem genua & sursum aspicientem, & unum pannum teneat, si in turchesia sculptum invenies, scias valere ad emendas ac vendendas res, & caste fer.

Fragulæ figuram quæ in ore ferat ramum olivæ, si in pyrite sculptam invenies, & in annulo argenti eam posueris, in conviviis ab omnibus invitatus eris, & qui ibi erunt non comedent. Sed omnes te aspicient, si in dextra manu in convvio portaveris.

Scorpionis & Sagittarii figuram inter se bellantium si in aliquo lapide invenies, pone illum in annulo ferreo, & si vis cognoscere illius vigorem, comprime figuram in cera, & quoscumque cum illa palpaveris inter se statim discordes erunt.

Arietis figuram cum medietate bovis si
in

in aliqua gemma invenies, liga in annulo argenteo, tange quem vis & eris concors.

Fœminam sculptam & medium pisces
quæ in una manu teneat speculum, & in
alia ramum, si in jacinto marino invene-
ris pone in annulo aureo, & cooperi si-
gillum de cera, & feras in digito. Et quan-
do volueris ire quod nullus te videat, te-
ne petram intus palmam stricte, & habe-
bis effectum.

Hominis arantis, & supra illum sit ma-
nus domini faciens signum, & juxta illud
sculpta sit stella: si in aliqua gemma figu-
ram invenies & honestissime tuleris: in-
qua regione eris a tempestate non peribis,
& fructus terræ similiter in illa non peri-
bunt.

Caput & collum sculptum in viridi jaspi-
de si inveneris liga in annulo argenteo
vel æreo, feras illud & nullo modo peri-
bis: & in annulo scribe istas literas. B. B.
P. P. N. E. N. A. & salvabitur corpus tuum
ab omni infirmitate & maxime a febre vel
hydropisi, & ad capiendum aves dat ma-
gnam gratiam. Et eris rationabilis ac ama-
bilis in omnibus rebus. In præliis ac pla-
cidis summus eris: fœminas ad concipiendu-
m juvat, ac ad parturiendum: pacem ac
concordiam & plura bona dat illis qui eum
tulerint: tamen justissime ac honestissime
feras eum.

Basilisci ac Sirenis maris imaginem, cuius supra medietas est fœminæ, inferior vero serpentis, si in aliqua gemma inveniens: fer tecum, & poteris tangere omnia venenosa animalia sine aliquo nocumento,

Basiliscum & draconem inter se hæsitan tes si in cornelio inveniens sculptos, sitque ibi caput bovis: Pone illum ad collum, si vis bellare cum aliqua bestia silvestri vel marina, cito erit victa.

Hominis nudi inflati & coronati qui teneat in una manu sciscum, & in alia ramum herbæ: si in Gagate imaginem sculptam inveniens, pone in annulo cujusvis metalli: & omnis homo qui habuerit febrem, si illum ferat, statim sanabitur.

Hominis stantis, cuius caput sit bovis, pedes vero aquilæ, figuram si in aliqua gemma sculptam invenies: Illam figuram in cera comprime, & eam fer tecum, & non invenies hominem tibi male loquenter.

Hominis erecti ac magni figuram qui in una manu teneat obolum, & in alia serpentem, & supra hominem sit sol insculptus, & homo sub pedibus teneat leonem: si in diacodo sculptam invenies, illam pone in annulo plumbi, & subtus pone radicem arthemisiæ, radicem fenugreci. Fer tecum super ripam aquæ, & voca quemlibet malignorum spirituum, & habebis ab eis responsum de omnibus rebus quæsitis.

Homi-

Hominis stantis figuram, & habentis humeros magnos ac renes, & in collo onus herbarum, si in jaspide viridi sculptam invenies, fer tecum, & liber eris a febre acuta. Sed si fueris medicus gratiam habebis in medicando. Sed si petra fuerit guttata, pone in annulo argenti, quoniam hæmoptoicos, id est vomentes sanguinem, sanat.

Turturis figuram si in parangone inventeris sculptam, & ponas in annulo plumbeo, qui fert, nunquam vulneratus erit nec malum accipiet. Sed ab omnibus hominibus honorabitur, & maxime a senioribus.

Avis tenentis folium in ore & in ejus conspectu sit caput hominis aut vulturis, figuram, si in parangone aureo sculptam invenies, liga in annulo qualiscunque fuerit, locuples superfluis divitiis, ac acceptus & veneratus eris ab hominibus.

Aquarii figuram si in viridi turchesia sculptam invenies, qui eam fert ex omnibus quæ vendiderit ac emerit lucrum acquires. Ita quod emptores investigabunt eum.

Virij juvenis tenentis in capite coronam & sedentis super thronum quadrupedem, & sub quolibet pede sit vir stans retinens cathedram in collo, sitque circa caput sedentis circulus, & manus ejus sint erectæ ad cœlum: si hanc figuram in jacinto albo sculptam reperies: pone hunc lapidem in argen-

argenteo annulo in æquali pondere ad lapidem : & sub lapide pone de mastice & terebintina. Fac sigillum in cera, & da cuivis, & gerat ad collum vel supra se annulum seu sigillum, & vadat ad regem , vel potentem , vel ad sapientem pura mente, & caste impetrabit ab eis quid voluerit.

Mulieris figuram habentis crines sparsos vel mamillas nudas : & in ejus conspectu sit vir imminens ac cernens ejus faciem : si in jacinto , granato vel cristallo inveneris sculptam & ligaveris in annulo aureo tanti ponderis ut lapis est: & sub lapide sit ambra , lignum aloës , & polipodium , ferens erit placabilis omnibus , & obedient ei, & si supponatur capiti in somnis quæ voluerit videbit.

Viri sedentis super piscem figuram si in jaspide rubeo sculptam invenies, si in panno alicujus hominis imponatur, in conuicio cum dextero brachio comedens non saturabitur.

Viri barbati tenentis florem in manu figuram si in cornelio sculptam invenies, ac ligaveris in annulo stanneo, & fiet annulus in revolutione lunæ , vel die Veneris luna prima, vel octava , & tange quemcunque volueris, veniet ad voluntatem tuam.

Serpentis figuram habentis supra dorsum virum & super caudam corium, si in aliquo lapide sculptam invenies, qui hunc lapidem supra se portaverit, omnibus abundabit & erit astutus.

Viri stantis ac tenentis falcem in manu supra caput suum , sub pedibus ejus sit crocodillus, figuram si in aliquo lapide scilicet invenies , mitte in annulo plumbeo, & sub lapide pone parum radicis squillæ. Portans eum ab omnibus inimicis securus erit: & si eis obvius fuerit, non erit qui loquatur malum.

Viri stantis supra draconem qui in manu teneat gladium, figuram si in Emathite sculptam invenies : pone in annulo plumbeo vel ferreo, & obedient ei omnes spiritus qui in tenebris habitant, revelabuntque ei thesauros levi carmine, ac extrahendi modum ostendent.

Leonis vultus vel draconis habentis duo capita cum cauda delicata, vel viri in cuius dextra sit baculus, & percutiat caput leonis seu capita draconis, figuram si in cristallo sculptam invenies: in auricalcho pone, & sub lapide sit muscum, & ambram: tecum porta, & omnes obedient tibi, & facultatem ampliabis. Sigilla cum eo ceram, & da cuivis, & habebit eandem virtutem.

Viri equitantis ac tenentis in manu ejus frenum, & in alia arcum cum gladio cincto, figuram si in pyrite sculptam invenies, & in annulo aureo ligetur : gestantem victorem reddit in prælio cui nemo resistere poterit. Et si quis hunc annulum in oleo submerserit muscato : & unixerit

vultum suum cum dicto oleo muscato, omnes metuent qui eum videbunt, necei resistere poterunt.

Viri stantis ac habentis loricam indutam, & in capite galeam, in manu vero gladium evaginatum, figuram si in aliquo lapide sculptam invenies, & in annulo ferreo tanti ponderis ligaveris, ferenti hunc in prælio nemo resistere poterit.

Viri stantis, qui sit nudus, & adextris ejus sit puella nuda stans, & ejus capilli sint ligati circa caput, figuram si in magnete sculptam invenies, & vir teneat dextram suam supra collum puellæ, & sinistram super pectus, & vir aspiciat vultum puellæ, & ipsa aspiciat terram: pone in annulo ferreo tanti ponderis quanti est lapis: & mitte sub lapide linguam upupæ, Mirram, alumem, & de sanguine hominis quantum lingua avis ponderat. Ferenti annulum nullus inimicus poterit resistere in conspectu ejus, sive in bello, sive alibi: nec latro nec fera nocens poterit intrare domum in qua prædictus lapis fuerit. Et si epilepticus aquam biberit in qua lotus fuerit, sanabitur. Sigilla cum eo ceram rubeam, & pone ad collum canis, & quan- diu ibi fuerit, nunquam latrare poterit: si quis postea dictam ceram tulerit, inter latrones & canes ac inimicos, nullum ab eis damnum accipiet.

Viri barbati habentis longum vultum &

curvata supercilia, sedentis super aratum
inter duos tauros, bajulante culturam in
manu, & in collo ejus sit caput hominis,
& caput vulpis, figuram si sculptam in ali-
quo lapide inveneris: Ad plantationes ac
ad omnes culturas valet, ad inveniendum
thesauros, & ad bellandum: convertit ini-
micos in caritatem, ac in multis infirmi-
tibus valet. Et si quis eum portaverit,
fugient serpentes a facie ejus. Epilepti-
cos quoque sanat. Et si infans eum por-
taverit ad collum, timorem ab eo expel-
lit, ac vexationem malorum spirituum, &
si eger portabit, sanitatem recuperat, ut
majorem virtutem habeat, debet poni in
annulo ferreo in duplice pondere ad lapi-
dem.

Aquilæ stantis figuram, si in Ethice scul-
ptam invenies, & in annulo plumbeo po-
nes, gerens eum erit acceptus ac amatus
ab hominibus, & animalia obedient ei: &
si in eo sculptus fuerit pisces, & portans
eum vadat ad piscandum, multos capiet
piscis.

Viri tenentis in manu mutationem, fi-
guram si sculptam in euchilo invenies, po-
ne in quovis annullo. Gerens erit timo-
ratus ac veneratus, & dominationes ac
principes eum honorabunt.

Arietis & semileonis figuram, si in ali-
quo precioso lapide sculptam invenies, &
in argenteo annulo ligaveris: si cum eo

discordes tetigeris, statim in concordiam venient.

Equi alati qui Pegasus dicitur, figuram si in aliquo lapide sculptam invenies, optimus est militantibus, & in campestri bello dat audaciam, ac velocitatem bellantibus: & dicitur liberare equos ferentes hunc lapidem ab infirmitatibus futuris.

Ursi ac serpentis circundantis ursum figuram si in aliquo lapide sculptam invenies, astutum ac in proposito permanenter efficit.

Herculis figuram tenentis in dextra clavam interficientis leonem, seu aliud monstrum, si in aliquo lapide sculptam invenies: scias dare victoriam gerenti in campestri bello.

Arboris, vel vitis, vel spicæ figuram si in aliquo lapide sculptam invenies, gerentem in victu ac vestitu abundare facit: & principes sibi benivolos ac placatos efficit.

Mars armatus, vel Virgo stolata cum circumflexa veste, tenens in manu laurum, si in jaspide inventus fuerit, potentem gestantem efficit ad omnia perficiendum, & a morte violenta ac submersione aquæ liberabitur, & a casibus adversis.

Martis figura si inventa fuerit, quæ est militis cum lancea, in aliquo lapide, audacem, animosum ac bellatorem invictum gestantem reddit.

Jovis figura quæ fit in forma hominis,

&

& arietinum habeat caput, in quocunque lapide fuerit gerentem efficit amabilem ab omni creatura, & cito obtinebit quicquid petierit.

Capricorni signum sculptum in cornilio, aut in aliquo alio lapide, in annulo argenteo ponas ac tecum porta: Nec in persona, nec in ære ab inimicis læsus eris. Nec judex contra te sententiam injustam feret. In negotiatione ac honore abundabis, & amicitiam multorum acquires, ac omnes fascinationes quæ contra te factæ erunt, destruentur: & in prælio nullus inimicus quantum cunque fortis fuerit, tibi resistere poterit.

Sigilla seu imagines Hermetis.

Cap. XVIII.

Hermes in libello quadripartiti quindecim narrat imagines: quia possibile est ipsas invenire, de ipsis mentionem facio.

Capitis hominis cum longa barba ac parum sanguinis circa collum, si in adamante reperiatur imago sculpta, scias ad victoriam ac audaciam conferre: & corpus ab illæsionibus præservare. Valetque ad impetrandum gratiam a regibus ac principibus.

Virgo, ut puella, vel lampas, in cristallo sculpta si inventa erit, scias virtutem habere custodiendi oculorum lumen.

Hominis litigantis figuram si in rubino sculptam invenies, ad honores, ac divitias confert.

Hominis volentis in instrumentis ludere similitudo in Saphiro si sculpta erit, hominem exaltat, ac gratiosum omnibus reddit.

Canis leporini figuram in berillo sculptam, scias valere ad maximos honores & famam ac benvolentiam acquirendam.

Galli imago vel trium puellarum si in Achate reperiatur: hominem gratiosum apud homines efficit, & in aeris spiritibus dat potentiam, & in magica arte valet.

Leonis vel murilagæ figura si in granato sculpta erit, divitias ac honores præbet, confortificat, & tristitiam expellit.

Cervi aut colubri imago si in onychino sculpta erit, scias gestanti animositatem præbere, Dæmones fugare, ac constringere & congregare: nocivosque ventos compescere.

Hominis figura in similitudine mercatoris portantis merces ad vendendum: Aut hominis sedentis sub centurione si in smaragdo reperiatur: divitias dat, victoremque reddit, & ab angustia ac a malo sublevat.

Tauri seu vituli imago si in magnetre reperiatur, secum portans secure pergere poterit

terit in omnia loca absque molestia: valet etiam contra omnes incantationes, & ficticia, ad commovendas de loco uno ad alium locum.

Equi aut lupi figura si in jaspide reperiatur, febres fugat, & sanguinem stringit.

Hominis figura sublimati aut coronati si in topatio figurata erit, gestantem efficit bonum, morigeratuni, ac dilectum coram hominibus, honores ac dignitates praebet.

Hominis armati cum ense in manu, si in Sardio, sive Ametisto sculpta reperiatur imago, gerenti acquirere facit bonam ac perfectam memoriam, ac sapientem reddit.

Cerui seu hirci figura si in calcedonio reperiatur sculpta, erit in virtute augendi dvitias, si in capsula pecuniarum conservetur.

Sigilla seu imagines repertae hinc inde a diversis doctoribus, quæ sigilla hic apposui, & si plures reperiantur hic addere poteritis.

Cap. XIX.

Cervi seu leporis imago in jaspide cum cane, seu sit canis solus impressus: Talis lapis potentiam habet lunaticos, melancolicos ac freneticos sedandi, & illos qui in nocte hinc inde vagantur.

Leporis imaginem in jaspide quæ non sit secundum formam signi cœlestis, si tecum portaveris, abullo dæmone seu spiritu lædi non poteris.

Locusta marina in berillo sculpta rixas conciliat, ac matrimonium in amore conjugit.

Imperatoris imaginem habentem caput erectum in lapide sculptam si quis secum portaverit, diligitur ab omni creatura, & si quid ab aliquo petierit obtinebit.

Virgo stolata cum veste profusa sculpta in jaspide, tenensque laurum in manu, gestantem potentem reddit, ac facile ab omnibus impetrantem, nec in aqua submergetur.

Hominis armati, seu virginis tenuis in manu laurum cum veste circumflexa ac stolata figura, gerentem ab adversis casibus liberat, & maxime a submersione: dico si in saphyro sculpta fuerit.

Hominis cum ense in manu imago gestantem victoriosum in bellis reddit.

Hominis armati in equo cum lancea, figura si in smirillo sculpta erit, gestantem victoriosum in campestri bello reddet.

Nocticoracis figura, cum avis sit Palladis, si in lapide qui ad scientiam facit, sculpta erit, hominem facit scientificum ac eloquentem.

Pavonis imago sculpta in decenti lapide
ad

ad divitias, virtutem habet reddere gestantem divitem.

Mars armatus in saphiro gestatus submersionem aquæ prohibet.

Hominis figura interficientis leonem, aut bestiam cum gladio, astutum, potentem, victiosum, ac amabilem gestantem reddit.

Mulieris figura sedentis cum corona in solio, ac flexis manibus, alacrem gestantem reddit.

Venatoris aut cerui seu leporis figura sculpta in jaspide, vim habet vexatum a spiritibus, seu freneticum liberare.

Hominis tenentis laurum seu palmam in manu dextra imago, portantem efficit causarum ac præliorum victorem, amabilem, ac potentem in regione sua efficit.

Hominis alati figura habentis sub pedibus serpentem, ac tenentis caput ejus in manibus, divitem, prudentem, & amabilem ab omnibus gestantem efficit.

Hominis figuram cum hircino capite loco sui scias ad acquirendam gratiam ac divitias valere.

Formicæ trahentis spicam seu granum in aliquo lapide sculpta imago ad divitias acquirendas valet.

Galli figura tenentis in rostro coronam seu zonam in duello, victoriam dat, & maxime si in gallinaceo fuerit.

Falconis seu asturis figura sculpta in cornelio, gestantem victoriosum reddit, ac agilem in agendis rebus.

Aquilæ figura in Kabrate sculpta, seu in Christallo, gestantem divitem, victoriosum, ac eloquentem reddit.

Equus alatus si integer in aliquo lapide erit sculptus, & maxime in Achate, hominem in bello victoriosum, ac providum in omnibus agendis rebus reddit.

E I N I S.



SYM-

**SYMPATHIA
SEPTEM
METALLORUM,
AC
SEPTEM
SELECTORUM
LAPIDUM ad PLA-
NETAS.**

Doct. PETRI ARLENSIS,
De
Scudalupis, Hierosolymitani Presbyteri.

Prœmium.

Cum superioribus tribus Libras satis cu-
riositati sit indultum, & de modo quo
lapides seu gemmæ in terræ visceribus pro-
creantur, nutriuntur, & indurantur: de
virtute & substantia eorum: tandem ad
sculpturæ methodum ex Astrologiæ prin-
cipiis per pauca sint sparsim spatiata & dis-
serta, quæ potius tacta & mota, quam de-
monstrata & producta; Non ut Author in
omni Philosophiæ genere versatus aliquæ
ex ignorantia reliquisse dicatur, sed tem-
pori & occasioni deserviens, posterisque
ansam

ansam relinquens, ut quæ investigatu digna censeantur, pro eorum libitu & nutu aliis demonstrent. Sunt in hujusmodi lapidum & gemmarum genere multa investigatione dignissima, & curiosis apta adeo, ut si ad eorum cognitionem saltem per particulam aliquam devenire potuissent, procul dubio Magiæ naturalis ostium, nobis occultatum & clausum, non apertum tantum, sed dilatatum & notissimum extaret. Quæ virtutes, quæ proprietates, quorum occultæ causæ in lapidibus non insunt; quæ in illis non sunt clausæ rationes & effectus; In coloribus, in formis, in transparentiis, in claritate, in opacitate, in duritate, in splendore, in accidentibus denique multis? Quid de Opalo? ut de aliis prope infinitis taceam? satis enim abunde & diffusius ab Authoribus multis de illorum essentiis & qualitatibus per libros varios fuit disputatum, ab Alberto Magno, a Plinio, a Marsilio Ficino, a Hieronymo Cardano, ab Agrrippa, a Petro Messina, ab Auctore nostro, & ultimo loco anno elapso ab Anselmo Boissio Tractatus copiosissimus, doctissimusque editus fuit. Aliqua de Opalo, pauca ex summo mei in tales lapidem (nescio si potius gemma) affectu inferam, cum tam admirabili virtute sit praeditus, ut nescio quid divinum in illo reluceat & micet: Naturam in illius productione omne suum posse exercuisse credibile tenetur, tam clara,

ra, tam nobili forma & pulchritudine est honoratus, ornatusque, ut omnes vires extendisse, & suam potentiam in opere tali demonstrasse videatur. Quilibet, licet ignarus, statim ac oculos ad contemplandum injectit, anhelat, cupit, loquitur, interrogat, tandem impatiens ad laudes illius canendas prorumpit, & forte nesciens loquitur, tantum ab interno afflatus numine. Merito alios lapides ad se trahere fabulose de illo praedicatur, cum hominum corda violenter, virtute quadam occulta ad se trahat.

De lapide Pentaura in Apollonii Thianæi vita talia somniantur, sed similitudo Opali ad Pentauram unde devenerit, adhuc est incognitum, cum Opalus sit per se notus, & Pentauram adhuc nullus confiteatur se vidisse.

De Opalo merito allegorice alios lapides trahere dicunt : nam cum omnes fere aliorum lapidum colores in illo appareant, virtutes quoque possidere censemur. Nam lapides a colore distinguuntur, qui tantum septem numerantur, Albus, Flavus, Rubeus, Viridis, Cæruleus, Vinosus, & Niger, qui omnes ad septem Planetas referri possunt, Albedo ad Lunam, Flavedo ad Solem, Rubedo ad Martem, Viriditas ad Mercurium, Cæruleus color ad Iovem, Vinositas ad Venerem, & Nigredo ad Saturnum. Nam Lunæ Albedo ex Cristallo inest, Flavedo Soli ex auro, Rubedo Marti ex tinctura a ferro proveniente : Vi-

ridi-

riditas, ad Mercurium ex mixtione duorum colorum devenit, seu etiam ex argento vivo quod in viriditatem resultat, dum ad generationem disponitur: Cæruleus color ad Iovem ex qualitate æris & stanni, quæ præparata ad lapides conficiendos cœruleitatem acquirunt: Vinositas ad Venetrem, quia rubedo illa mista sanguine ad Ametistum pertinet, qui lapis Veneri datus exstat: Nigredo merito ad Saturnum ex terrestri opacitate illi propria. Ab his septem coloribus alii misti colores devniunt, puta subflavi, subrubei, subalbi, ferruginei, pallidi, & alii multi, ut in quolibet lapide appareat, & aliquando misti visuntur. Si igitur color dat distinctionem lapidibus, colorem ergo dare lapidibus esse, fatendum erit: Si colores varii in Opalo dant illi esse omnium lapidum, necessario & virtutes ac proprietates. Quapropter si de illius particulari virtute investigationem facere volumus, illam solam quæramus, quæ diffusiva in omnes lapides reperitur. In Opalo septem illi colores quasi mire conspicuntur, nec tamen omnes alii misti colores adsunt: sed cum ab illis septem cæteri oriantur, eminenter omnes mistos continere dicimus, & ideo omnes virtutes, proprietates, & qualitates, non totaliter tamen, & absolute in ipso censendæ sunt. Rubini, seu Carbunculi rubedo, viriditas Smaragdi, Flavedo Jancinthi,

cinthi, Cæruleitas Saphiri, Vinositas Ametisti, Claritas Adamantis, & Albedo Unionum seu Perlarum. Isti colores apertissime in pérfecto Opalo videntur. Modo infero, si per colores lapides noscuntur, & distinguuntur, accidentia illorum essentiam dabunt, quod cum sit absurdissimum, negandum venit: nam nullum accidens est prius sua substantia. Dicendum ergo colores non esse de essentia virtuali & qualitativa lapidum, sed de compositione humidi & terrei, ut in Tractatu præcedenti ab Authore nostro diffusius fuit disputatum. Opalus vero cum tot tantisque coloribus rutilare videatur, virtutibus aliquibus occultis & manifestis præditum esse credendum est, non ut colores illi efficaciam aliquam illi præstent, sed præminentiam donant, & virtutes, proprietatesque signant, & demonstrant, ut illius lapidis proprietas cuius color appetet, virtutem etiam illius inesse significet: Rubedo namque Rubini sive Carbunculi, ibi eorum virtutes denotat, & operando effectus producere, sic de aliis coloribus qui in aliis lapidibus conspicuntur. De mistis affirmare non auderem, nam cum in Opalo mistio appareat, est tamen mistio adeo distincta & perspicua, ut nulla distinctione distinctior. In Jaspite multorum colorum collectio videtur, tamen confuse: ideo proprietatem istius lapidis in Opalo non credo.

credo inveniri, cum experientia id nunquam demonstraverit. Sic de aliis mistis idem affirmandum censeo.

Colores varii in Opolo ad visionis oblectamentum conferre multum valent, imo ad corda & interiora alteranda efficaciam maximam præstant, & mirantium oculos summopere oblectant. Unus præ aliis ad meas pervenit manus, in quo tanta pulcritudo, decor, & venustas elucebat, ut vere lapides omnes ad se vi trahere gloriari posset, cum aspicientium corda indeflexe, & indesinenter everteret, deverteret, ac alligaret: Grossitie unius avellanæ ab Aquilæ aureæ miro elaboratæ artificio unguib. strictus erat, coloresque tam vividos & varios habebat, ut tota cæli pulcritudo in illo conspiceretur: Decor ex illo exibat, Majestas ex fulgore prope divino erumpens. Radios tam claros & graves emittebat, ut aspicientibus terrorem incuterent. Quid plura? virtutes & proprietates a natura sibi insitas deferenti concedebat: nam corda aspicientium invisibili jaculo jaculabatur, oculos cæcutiebat: pectora licet animosissima fortissimaque concutiebat, totum denique astantis corpus terrore replebat: ad amandum, honorandum & colendum fatali quadam coactione impellebat. Vidi, expertus, & coram Deo testificor, vere talis lapis summo & inæstimabili pretio æstimandus erat,

Non

Non omnes Opali talibus sunt prædicti qualitatibus, & prope divinis virtutibus, cum una altera melior species reperiatur, qui non nisi in aspicioendo alia pollent virtute, neque optimos verosque emittunt colores. Perfectissimi tenentur qui omnino diaphani existunt, absque ulla opacitate, & veram iridem imitari elegantissime conspiciuntur. In ista namque specie omnes supra numeratae virtutes & proprietates adesse censentur, & Indi dicuntur. Sunt etiam alii multi in aliis mundi finibus innati, coloribus onusti, sed non perspicuis & distinctis, ideoque parui valoris & nullius virtutis. Orientales cæteris præstant, ideo magno tenentur precio. Si tamen Opalum aliquis possidere cupit, ad veram illorum speciem ut accedat oportet, & omni jocunditate cum saturitate replebitur, & non tantum a supra numeratis lætiātiam accipiet, sed in aliquibus infirmitatibus juvamen sentiet, & ad cordis hilaritatem tuendam, & conferendam, & locorum contagia, ad melancholiā ad omnes denique malos corporum affectus adjuvari poterit. Unum refero, quod Venetiis cui-dam amico meo contigit: Tali oculorum rubidine adeo cruciabatur, ut nullo limento, nulla refrigeratione levamen sentiret, ex tactu tandem veri Opali singulis diebus per tres hebdomadas ita sanus evasit, ut non tantum perfectam & pristinam sanitatem recuperaverit, sed visum valde

corroboratum & fortificatum acquisiverit: Nam ex tactu & visione illorum colorum oculi recreati & hilares effecti per virtutem intrinsecam, & propriam qualitatem lapidis, ad internam oculorum virtutem per neuorum opticorum foramina & meatus ita penetrarunt, & humores illos lucem præbentes ita roborarunt & vivifarunt, ut nova virtute acquisita, calorem ex nimia cerebri humiditate in salsedinem defluentem expulserint, & visum acutorem reddiderint.

Hic igitur lapis ab omnibus qui deferre voluerint, talis eligatur, ut ad perfectionem accedens, virtutes ejus sentire & frui valeant, & in seipsis semper experiantur.

Cæterum quæ de Lapidibus & Gemmis longa serie ab aliis multis Authoribus scripta & testata fuerunt, nobis referre non licet, tantum quæ ad Astrologiæ & naturalis Magiæ usum spectant, pauca in sequenti Tractatu, posteris monumentum relinquimus, ut voluntati potius quam ostentationi deserviamus. Conabor tamen omnimode sic adnotare, ut quæ via lata omnibus patere debent, non omnino silentio involuam, sed silentio verbis pleno resignem. Quæ scitu digna censemur, omni amoto silentio & ambage, libere perscribam, non ut curiosos pascam, sed ut doctis morem geram. In hoc imprimis obnixe incumbam, illi istic gratias agunt, & illos & istos, me excusatum ut habeant, rogo. Nam

liquor, quem possidet vas, profertur, non
equidem pretiosus multum, non rarus, non
ex quisitus tandem: qui potest & valet, ju-
dicet: qui nescit & ignorat, sileat: audiat,
& doctoribus credat.

De septem lapidibus Planetariis.

Cap. I.

Multos Authores de Lapidibus & Gem-
mis scripsisse & multos alios de Me-
tallis idem fecisse reperio per paucos ta-
men de illorum particulari denominatio-
ne rationem reddentes vidi: non enim
casu aut voluntarie nomina Metallis a Pla-
netis imposita fuisse credibile erit. Quæ
ab Authore nostro in 1. Tractatu de Lapi-
dibus & Gemmis dicta tam in particulari
quam in universali, tam in sculptura quam
in plano, ad Astrologicas observationes
etiam accommodari possunt, ut æquali gra-
du & pondere inter utrumque æquipon-
derare videantur. Nam ex omnibus tam
lapidibus quam metallis ad septem Errati-
cas spectare & nominari conspiciuntur.
Septem igitur lapides seu gemmæ ab Astro-
logiæ studiosis, ad illam investigandam
sapienter ut reor, selectæ fuerunt. Bale-
mis Arabs in suo Tractatu Astrologico, li-
bro 2. c. 8. differens quoniam pacto Astra
vim activam in subterraneis etiam influe-
re valent, conatur probare Metalla & La-
pides non posse vegetare, nisi vis fluxiva,
(Seilen proprio vocabulo) a peculiari Pla-

neta sit illis tributa & concessa. Ideo septem selectissimi tantum lapides, & septem illa metalla tribuenda esse Planetis afferit, & sympathiam inter eos esse, adeo ut simul positis, & omnibus bene observatis effectus mirabiles producere valent. Nos illorum vanitatem illudentes, qui necessitatem in productionibus tenent, demonstrabimus ab Astris aliquam vim coactivam nullo pacto neque in vegetabilibus, neque in quibusvis sensibilibus devenire posse. Tamen ad placitum Balemis summi equidem Philosophi, de septem Lapidibus, & de septem Metallis aliqua demonstrabimus. Posteris contradicendi, illudendi, & veritatem præcognoscendi ansam damus. Nihilominus Arabicam doctrinam summopere laudantes, quid sentiant adnotabimus. Via tamen ordinaria & Aristotelica ab elementis tanquam ab universalißimis principiis omnia annexemus, & suo loco brevissime elucidabimus quomodo unum ab alio dependeat, & quæ Sympathia inter ea existat Physice demonstrabimus.

Lapides igitur Planetarii juxta Balemis sententiam sunt, Turchesia, Corneolus, Smaragdus, Saphirus, Ametistus, Magnes, & Christallus. Adamantem quoque esse Solarem autumat. Septem igitur Lapides istos, & Gemmas septem præcipuis Corporibus cælestibus convenire afferit. Saturno nempe Turchesiam, Jovi Corneolum,

Marti Smaragdum , Soli Saphirum (Adaman tem quoque) Veneri Ametistum , Mercurio Magnetem , & Lunæ Christal lum. Rationes adductas ab illo, tanquam superstitiones non referemus : sed demonstratione Physica id facere conabor.

Similiter de septem Metallis nomina Planetarum possidentibus idem ipse met Author testatur , & conatur probare cuique Metallo proprium & productivum Planetam convenire, non ratione qualitatis, sed productionis, ac si natura productrix extraneis mediis indigere conspiciatur, quasi qualitas & essentia per unionem utriusque conveniat. Saturnum dare Plumbum, Iovem Stannum , Martem Ferrum sive Chalibem, Solem Aurum , Venerem Cuprum , Mercurium vivum Argentum , & Lunam Argentum, & easdem qualitates essentiales illis inesse, absolute defendit, cum non Metalla ex nominibus antiquitus impositis existant. Et tali prædictus doctrina annulos fabricandos esse asserit , talibus constitutis actionibus & observationibus, ut aliquos effectus supranaturales producere possint. Finis sapientiæ Arabicæ ad res impias tendit, cum ex Metallis & Lapidibus quicquam supra vires Naturæ minime possit provenire. Tabellam annulorum inferemus, ut trina illa antiquissima Sympathia videatur, cum in sequentibus illum quomodolibet via naturali elicere conabimur.

TYRCHESIA.



CORNEOLVS.



SMARAGDV.

ADAMAS
VEL SAPHIRVS.

AMATISTA



MAGNES.

CRIST
ALLVS

Cap. II.

Supradictus Author Arabs volens omnime Astrologiam Magiæ accommodare, differens de electione supradictorum Lapidum & Gemmarum, illos certo loco & tempore eligendos esse consulit : nempe dum Planeta Metallo sive Gemmæ peculiaris sit in certo aspectu, & ascendentī conjunctus, & aliis vanitatibus apparentia quædam connectens, dicit tempori & loco parendum esse, locus nempe sub dio, in remotiori, & similia vana & ridicula, ac si virtus alicujus agentis intensive esset in aliena virtute, & extensive in unione utrorumque. Hi vero tali observatione non tantum Magica, vana, & superstitionis, sed puerili & ridicula, rejecta, tantum naturaliter agentes lapides sic eligendi sunt, ut in sua specie perfectissimi existant, ut si quæ in illis virtutes existant, libere & sine impedimento exerceri & demonstrari valeant. Lapides naturales aliquas virtutes possidere non negamus, sed supra naturales, aut conjunctas alicui supposito, majorem vim & posse habere, adeo absurdum appareat, ut demonstratione nulla indigeat. Arabes licet in tali genere ex eorum antiquitate alicujus doctrinæ & valoris apud peritos existant, in tali tamen opinione ex summa illorum ad Astra potestate credentes, in errores plurimos immersos esse fatemur. La-

pides igitur si ad aliquam naturalem operationem eligere desideramus, eo modo elegantur, prout Ars ex illorum perfectione demonstrat. Quod si tantum illi se ptem Astrologici desiderantur, illos non propterea majores virtutes possidere citra naturales firmiter tenendum est, & si cum Metallo & Planeta fuerint conjunctæ, similiter non posse alterari in eorum essentiis, sed tantum ex missione aliarum causarum: virtutes nempe unitæ ad invicem mutuo se corroborant, adeo ut quæ metallo inest, lapidibus communicetur, & pari modo quæ in lapide, cum metallo juxta suum posse participet: ambo vero ad qualitatem illius Planetæ reducuntur, ut suo loco manifestabitur.

Primo igitur, cognitis accidentibus propriam perfectionem lapidis impedientibus, si quæ sunt in lapide, rejiciantur, & omni labe carens perfectissime in suo genere habetur, & pari via de Regionibus in quibus nobiliores inveniuntur. Turchesiam primo etsi Saturno dicatam esse prohibent, non plus tamen illi quam aliis Planetis affirmarem: solummodo sympathia aliqua istius lapidis & aliorum cum Planetis non absolute negari potest, si physicis rationibus ad comprobandum utamur. Quæ vero & qualia sunt, quando de peculiari sympathia tractatur sumus diffusius demonstrabitur. Illa igitur bona & perfecta

fecta est quæ magis ad suum denominatum colorem tendit, ad cæruleum nempe cum albedine aliqua crocea, licet minima, sine interceptione alicujus paruæ lineæ, quia tunc signum erit non habere continuam virtutem ex terreo humore intersecente, & ideo non valide suam virtutem exercere valebit.

Corneolum dicunt esse lapidem Iovidi-
catum. Electio ejus sit talis, ut de optimo
unde quaque eligatur, Orientalis puta. In-
di nobiliores & preciosiores omnibus in
isto climate existunt. Qui in Italia, aut in
quovis alio Europæ loco, illis non æquipol-
lent. Et quamvis Orientales Sardios ap-
pellandos esse censem, tamen a Corneolo
non distant: credo potius non differre
specie, sed accidentibus, puta perfectione
& bonitate: nam ex coloribus aggregatis
& vigorosioribus differentia agnoscitur.
De Corneolo sive Sardio, ex Provincia Ba-
bylonis eligendum esse censeo: isti nam-
que colore, qualitate & præstantia cæteris
præstant: virtutem maximam tenent, &
particularem contra dolores cerebri &
nervorum demonstrant. Nitidus, ab omni
labe alienus, & lucidus juxta suam qualita-
tem esse debet, medium nempe naturam
obtinet, puta de semidiaphanis. Colorem
meliorem crederem, qui inter rubeum, &
putridum sanguinem extat.

Smaragdus Martis lapis. Quæ de isto
N 5 la-

Lapide Arabes tenent non recensebo, fane-
tum ad perfectam electionem demonstran-
dam me accingo. Nam cum ad proxim
ultimo loco devenietur, vera perfectio in
istis septem Lapidibus cognosci poterit.
Orientalem de Provincia Maucia perfe-
ctissimum esse tenent & de veteri rocca, ta-
les enim a natura omni pulcritudine &
amoenitate sunt praediti, & viriditate ita
clara ornati, ut prata semper virentia re-
presentare videantur. Magnitudine pro-
ut haberi possit, nitidus, non glacialis (ta-
les namque gemmae raro absque glacie in-
veniuntur, praeceps si magnae existant) &
oculis appositus reflexionem mittens, alio-
rum aciem consolidare & corroborare pos-
sit & valeat. Et cum ex seduritie maxima
sint praediti, maximas quoque possident
qualitates, ex quo merito fortissimo Plane-
tae dicantur. In ore retentus, caliditati
natura resistens, propriam naturalem fri-
giditatem conservabit, & in hoc suæ per-
fectionis exemplum ostendet, quod ad so-
lis radios appositus propriam viriditatem
conservare valeat, quod in cæteris gemmis
haud eveniet.

Saphirum Soli dicunt dicari, non equi-
dem ut absolute a Sole suas qualitates reci-
piat, nam ex hoc omnes Lrides solares di-
cerentur, cum, etsi a Sole non totalem &
absolutam vim & virtutem recipient, ta-
men aliquas per concomitantiam ab illo
possi-

possident: non enim virtutem generativam omnino a Sole excludimus. Nam cum Sol non absolute in productione Mineralium & Lapidum agat, sed mediatis concurrentibus tantum per abstractiōnem a natura humida, quæ secundaria actio nuncupari quodammodo potest, licet viscositas terræ neque prima absolute dici potest, quemadmodum diffusius a nostro Authore in primo Tractatu ostensum fuit. Saphirus ergo gemma solaris est per proprietatem, non autem per essentiam, ut in sua propria sympathia ostendemus. In electione est advertendum, quod in omni specie sit omni perfectione praeditus, & quæ ad suam propriam essentiam pertinere censeatur: Sed cum albi & violacei reperiantur, mares isti, femellæ illi tenentur: ambo tamen in electione bonierunt, si qualitates proprias in sua specie ostendant: accidentia aliqua, licet minima, virtutes illorum impedire valent. Si albus, tali sit praeditus albedine, ut non pallescat, sed vivo colore niteat, adeo ut ad Adamantem potius tendat, quam ad Christalum. Si vero violaceus, talem colorem possidere debet, quod non adeo sit colore onustus, ut transparentiam amittat, & reflexionem imaginum repræsentare non valeat, sed colore vere violaceo contineat, claro, vivido, & læto. Orientales perfectissimi sunt, & particulari Provincia opti-

matum tenet; Pegum : isti ad eorum virtutes exercendas ab omnibus perfectissimi habiti sunt. Quonam pacto, & quam sympathiam ad Solem habeat, & quomodo in Adamantem vertatur, & cur Adamas etiam Soli dicatur, rationes ad comprobandum suo loco demonstrabimus.

Ametistus Lapis ad Venerem spectare tenetur. Quomodo in illo aliqua perfectio inveniatur, & quonam pacto eligatur, breviter dicetur, rejectis opinionibus Magicis, cum virtus in lapidibus citra ordinem Naturæ nulla consistat, & supra ordinem nihil valeat. Nam si a Natura aliquid in rebus non fuisset insitum, quid valeret opus artis? In ente naturali addidisse ne minimum quidem nullus adhuc jactatus est, etsi multa incepisse visus sit. Ametistus lapis est perjucundus, & pulcher aspetto, persimilis multum Saphiro violaceo: attamen in cæruleo aliqua rubedo conspicitur. Orientales sunt ex se omni perfectione dotati, & adeo duri, ut Adamantibus æquipolleant, & ad illorum splendorem converti possint, prout in illius sympathia ad Venerem demonstrabimus. In electione observandum erit, ne maculae, aut accidentia insint, quia maximi impedimenti essent, præcipue cum Veneri sit dictatus, quæ ad qualitates proprias perfectione omnimoda indigeat. Habet maximas virtutes, & proprietates amicabiliter a natura sibi concessas.

De

De magnete eligendo Arabes repeta-
mus, qui in tali lapide virtutes & propri-
tates supernaturales credunt, quod si ve-
rum esset, forsitan nemo immortalis, quæ
naturaliter possidet & experientia ipsa
comprobavit credenda: quæ adhuc non
apparuerunt, rejicienda: videntes & ex-
perientes enarrant, & demonstrent, Ex
his aliquas suo loco recitabimus, & qua-
nam via, & qua potentia suam demonstret
virtutem, an via naturali, an virtute occul-
ta, an per Sympathiam, conabor ostendere:
& versa falsis connectendo, bonum in ele-
ctione eligatur, malum in rejectione ex-
pellatur. Magnes an lapis sit, an metal-
lum adhuc lis extat. Si metallum, profecto
fusionem pateretur. Pro nun sufficit no-
bis, ut lapis Mercurio dicatus extet, & ex
variis illius actionibus & experimentis con-
tinue apparentibus merito Mercurio Pla-
netæ conceditur, qui etiam ex sua natura
similes joculatorias actiones demonstrare
audet. Etsi virtus & proprietas in Magne-
te non ab Astris, neque a Planeta, sed a pro-
prio & individuali principio recipitur, ni-
hilominus in Physicis sympathiam non
negamus, cum sympathia sit concursus
causarum physicarum effectum ad invicem
producentium. Cur ferrum trahat, cur
propriam virtutem trahendi aliis commu-
nicet & concedat, cur denique tempus,
horas, & loca demonstret, dicant alii:

Quod

Quod si vera, & non voluntaria dixerint,
erunt in virtute magni Apollines. Quo-
nam pacto, cum sit corpus porosum, (ut
multi somniant) poros implere desiderans
(a proprio principio coactus) ad se ferrum
trahere nititur, ut quæ in se vacua extant,
aliena operatione impleantur: & ideo fer-
rum per naturalem sympathiam attrahit,
ut illius qualitatibus imbuat: quæ opinio
quantum valida sit, in sequentibus appare-
bit. Si poros vacuos implere anhelat, cur
potius ferrum, quam cætera corpora attra-
hit? dices, per sympathiam ad ferrum.
Quænam sympathia dici debet? nam sym-
pathia est ad utrumque, talis quæ in Ma-
gnete, talis & in ferro: si Magnes ferrum
trahit, ergo ferrum id facere in Magnete
debet, attrahere nempe Magnetem, ut
multi tenent, & per consequens, ex primo
assumpto corpus ferreum erit porosum.
Si dices, virtus major attrahit minorem,
in Magnete extat major virtus, & plures
continet poros, ferreum vero non tantam
continet virtutem neque tot poros: non
deberet ergo ex altera parte illum expel-
lere, nam si desiderat ferrum ut pabulum,
idem desiderium est in una parte quam in
altera, cum omnes partes sint homogeneæ
& porosæ. Quod si expulsio illa non ex
Magnete, sed ex plaga devenit, eadem dif-
ficultas remanet: non ergo virtus in Ma-
gnete, & sympathia in illis negatur, & at-

tractio Magnetis a ferro non comprobatur: Nam si Magnes ut metallum habeatur, & ferrum traheret, omnia ergo metalla ferrum traherent, tamen experientia contrarium apparet, nullum vidimus unquam metallum ferrum attrahere, neque a ferro attrahi. Si per similitudinem, quæ major similitudo ferri & æris, quam ut unum in alterum facillime convertatur? tamen nunquam unum eorum alterum attraxit. Si ferrum Magnes per se traheret, hæc virtus semper & ubique illi deberetur, sed experientia comprobat contrarium: nam Magnes senio confectus, vel mallo percussus, amittit virtutem trahendi (dummodo per artem denuo non acquirat.) Habeatur ergo de tali Magnete, & ferro demonstretur, videbitur non attrahere neque attrahi, licet perminima particula ferro approximetur. Quod opinantium errorem, nempe attractionem ab invicem fieri, reprobatur. Nam virtus in ferro remaneret, licet Magnetis virtus per senectutem & percussionem abolita esset. Probatur idem experientia ferri a Magnete imbuti, quod aliud ferrum traheret. Imbuas ergo ferrum Magnete, & cognosces si vim attrahendi recipiet. Quod si posideret, non indigeret exteris, nam quod intus existit, non indiget similibus: potius ex intimo consensu ab essentiæ similitudine ad invicem habente relationem proficiat.

cisci potest: quæ etsi ignota appareat, intelli-
me tamen investigans, aliquid scientiæ per-
cipere possit, licet natura potius admirari
quam percipi ambit. Magnes vero habet
virtutem communicativam non solum per
contactum, sed per diffusionem, quia etsi
ferrum Magnetem non tangat, dum-
modo consistat in justa proportione illius
virtutis, recipit qualitatem attrahendi, &
mundi plagas ostendendi, quod de ferro
prædicari non potest. Credo tamen quod
Magnes Magnetem traheret, si in eo es-
sent aliquæ partes ferri: aliter non posse
trahere absolute dicerem. Verum opinio
talis non satis tuta, neque alia, quæ Septen-
trionem tantum indicare perhibet, cum
experientia constet, non magis unam ex
quatuor mundi partibus, quam omnes
quatuor indicare, & non minorem vim
habere in una parte quam in alia, quomo-
do id fiat experientia te docebit. Nam si
acus ferrea attrita leviter a Magnete in par-
te Septentrionali in massa existente, Se-
ptentrionem petet, eadem virtus erit in
cæteris mundi Cardinibus, dum modo si-
mili via acum tractaveris. Qua igitur ra-
tione potius ad Septentrionem aut Meri-
diem, quam ad Occasum aut Ortum id fa-
ceret, quis judicabit? Constat tamen non
mutari ultra æquatorem, & si mutatio ap-
pareat, tam parva videbitur, ut pro nihilo
prorsus judicanda sit.

De miraculis a Magnete derivatis loqui
pudet, cum ex tot tantisque Authoribus
in omni genere doctrinarum versatis & ab-
solutissimis Principibus constet non tantam
praxim in Magnete reperiri, quanta ex
Theoria prædicatur. Sunt equidem mul-
ta quæ solum ex illa vi attrahendi appa-
rent, & dum variis diversisque modis fuit
expertum, varia & mira de illo prædicantur.
modo namque partem ferri imbuti
attrahit, modo idem ferrum expellit, mo-
do majorem, modo minorem quantitatem,
modo in abscondito, modo in aperto, mo-
do una via, modo altera: quæ omnia ab
efficacia majori & minori in lapide existen-
te devenire fatendum est. Nam cum re
vera virtus attrahendi in Magnete, a na-
tura sit illi insita, certum erit, talem virtu-
tem & essentiam illi semper & ubique in-
esse. Sed cum in omni genere datur ma-
gis, & minus, virtus & proprietas in quali-
bet re per modum recipientis extare dici-
tur, talis proprietas in Magnete non in-
funditur ad instans, sed introduc̄tio fit in
tempore, tempus operatur per modum
dispositionis: ideo dum virtus illa attrahen-
di introducitur in lapide, forsitan lapis il-
le non est adeo dispositus in una parte
quam in altera, vel ex superfluitate, vel ex
defectu materiæ, quæ omnia negant & im-
pediunt perfectam introductionem,
quemadmodum in quavis alia productio-

ne idem dici potest. Alia vero pars massæ, sive materiæ, erit sic disposita, ut introduc-
tio non solum perfectionetur, sed exce-
dat & augeatur: & sic videtur sæpe sæpius
in una eademque massa plus perfectionis
in una parte quam in alia inesse. Magne-
tem certissimum est attrahere, & expelle-
re: attrahit ab Australi plaga, expellit a
Boreali, & talis virtus nullo medio potest
impediri: attrahit enim medio vitri, ligni,
& cæterorum, ut in pixide Nautica appa-
ret, sed de perfectissimo hæc experimen-
ta videntur, nam de communi, & non
optime ad receptionem virtutis disposito,
nullum eorum appareat. In Italia ad Al-
bam insulam Hetruriæ, perfectissimus in-
venitur, colore subrufo a parte exteriore,
si vero frangatur intus invenitur colore
subrufo obscuro. Talis mirum in modum
trahit, & maximam efficaciam demon-
strat, ponderosior Argento, aut saltem
Argenti instar. Tradunt in Montibus
Æthiopiæ mineram inesse tali præditam
qualitate & præstantia, ut una pars unius
unciæ partem ferri duarum librarum at-
trahat, & omnes partes mundi ostendat:
qui de tali habere poterit, forsitan aliquas
operationes adhuc tacitas, sed nondum
inventas experiri possit, & præcipue quæ
a Joan. Baptista Porta meo conceive & ami-
co promittuntur, puta de loquutione in-
distantia, quod experimentum sæpe sæpius
ten-

centavi, instrumentaque accommodavi, nec tamen unquam ad finem pervenire potui, licet exactissime totum magisterium peractum fuisset: Ex defactu Magnetis id accidisse fateor. Non potui ex illo absolutissime perfectum recuperare, in quo verum Meridianum conspicere potuissest, ut medio reperto ambæ partes æqualem portionem cum simili meridiano possiderent, & ab omni latere omnes mundi plagæ apparerent. Evidenter a loco suæ nativitatis, expresse excavari oportet. Quomodo reliquæ operationes in tali lapide conspiciantur a multis doctissimis Authoribus conscriptæ & coadunatae, qui videre & legere desiderat, ipsemet Authores consulat. Sunt adeo notæ, ut iterum adnotare, superfluum foret. Aliqua pauca in Sympathia ad suum Planetam suo loco subinferam. Modo de ultimo lapide Planetario aliqua ad electionem demonstrabo.

Cristallum ultimum locum in lapidibus obtinuit, ideo ad Lunam pertinere dicunt: cum ista in ordine Planetarum, ultima sit, sic illud ultimum, & vilius cæteris gemmis æstimatur. Cristallum notissimum, per se: nam ubique invenitur. Licet varias species teneat & repræsentet, ad nostram cognitionem tantum illam adaptamus, quæ in hexagonam figuram tendit, & Cristallum de Rocca sive montanum

communiter appellatur. Dicunt esse aquam in glaciem mutatam, & ex summa frigideitate in durissimam glaciem redactam, adeo ut malleum, ignitionem, & artem politam per belle sufferre valeat. Huic opinioni obstat turma Philosophantium non solum negantium, verum oppugnantium. Nam, quod extre^mum per extremitatem aliquam recepit, per oppositam extremitatem redimi valet: si per extre^mum frigus aqua in glaciem conversa extre^mum sui acquisivit, per aliud extre^mum frigiditati oppositum redimi debet, nempe per extre^mum calorem, puta validi ignis: sed hoc non patet, consequentia derivatur: prae*ter* hoc, si Cristallum aqua congelata esset, utique super aquas nataret, & fundum haud peteret, sed experientia docet Cristallum non natare, & fundum petere, erit ergo lapis. Si dixeris acquisisse ac contraxisse falseam naturam vetustate quadam, ideo fundum petere: ergo lapis, nulloque modo glacies, qui omnino diu durare in tali statu non potest, quin non revertatur in suum proprium & naturale principium. Quin & globi conficiuntur, a quibus sole medio ignis elicetur, & partes oppositæ uruntur. Si aqua condensata esset, nunquid ignis ex illa eliceretur? nunquid ex frigido & humido calor & siccitas generantur? elementa ergo inter se non repugnant, sed novum Chaos efficiunt. Cri-
stallum

stallum figuram hexagonam in mucronem desinentem semper repræsentat. Nam cum materia terrestris & supernaturalis separatur ab aqua, nititur in omni parte se simul unire, & quasi lineæ a centro ductæ circumfarentiam petere videntur, & quia partes oppositas inveniunt, circulum perfectum minime complent, sed a lineis ductæ in exagonam figuram, circulum aliquando perfectum ducunt, dum ab oppositis non inficiuntur partibus. Rejecta opinione, ad perfectionem illius inveniendam properamus.

Cristallum verum & essentiale proprium est videri quod in exagonam figuram terminatur, & nullo prorsus imbutum est colore, sed vere aqueo diafano, transparens, clarum, & nitidum videbitur & conspicetur. In Bœmia sunt lapides qui & Cristallini dicuntur, tamen sunt colore onusti, obscuri, & in mollitie vento similes.

Eligatur igitur tali diaphanitate præditum, ut nihil prorsus in illo appareat: experientia præbebit demonstratione viam. Accipias Cristallum peroptime & perbelle nitidum, & arte polimita peroptime attratum, clarum & transparens, habeas de hinc aquam similiter clarissimam & jucundam, ponas in vase fictili albo, vel melius in vase Cristalino, aut vitreo pulcherrimo, desine aquam residere & quiescere, ponas intus Cristallum jam præparatum, & conspicias:

species: si per optimum erit, nullæ prorsus apparebunt in aqua species Cristalli, sed confuse cum aqua, miraberis utrumque diaphanitatem: sin vero non perfectum erit, vel non adeo nitidum, species Cristalli apertissime apparebunt.

De hujusmodi materia multæ operaciones confici possunt, & variæ, quæ ob sui oblectamentum reticeri non debent. Ideo dum sympathiam quam ad Lunam habet recensebo, aliquas ex illis jocundiores demonstrabo, & quanam via mediante Lunæ claritate, litteras & epistolas a longinquο legere, & aliis pernotescere valeamus. Pro nunc sufficiat, & huic parti finem imponamus, ut post Lapidem ad Metalla pergeamus.

De Septem Mineralium septem Planetis correspondientium preparatione.

Cap. III.

Taliter sub brevitate lapides eligendos esse docuimus & demonstravimus. Satis enim abunde & diffusius multi Autores peracutissimi de hac materia scripserunt. Nunc ad Metallorum cognitionem aliqua curiosa curiosis donamus, quæ et si futilia apparebunt, non inutilia tamen omnino videbuntur. Licet enim talis materia a peritissimis fuit aliquando per inventionem demonstrata, non tamen per investigationem eruta. Quoniam pa-

cito,

cto, quave via Metalla tractanda , & accommodanda erunt, succinete discutietur.

Balemis Arabs in libro superius citato, cap. 10. demonstrans Metalla septem Erraticis convenire, obnixe suas vires intendit, ut probare valeat, Metalla non aliunde nisi a proprio & peculiari Planeta suo denominativo materiam sumere per qualitates illi insitas per similes in Planeta existentes, adeo ut qualitates quæ in quolibet Metallo extant, similes sint illis quas Planeta denominativus tenet: & ex hoc elicit quasdam conclusiones, licet doctas, non tamen omnino currentes & probabiles, ut (juxta suam opinionem) si Planeta ad Metallum accommodetur, & Metallum præparatum, dispositumque Planetæ copuletur, mira, jucunda & supranaturalia producere conspicietur.

Opinio hæc non currit ambobus pedibus: nam non qualitates ad Planetas, sed Planetæ ad qualitates accommodantur. Metalla, sicut cætera mineralia suum principium non a Planetis absolute cognoscunt, aliter omnia generabilia non unum idemque principium, nempe humidum calidum haberent, prout suo loco inferius apertissime demonstrabitur cum ad particularem confutationem devenietur.

Nos eorum præparationem & selectiōnem rejecta confucata veram physicam, & experimenta docemus. Nam quæ Arabes

bes docent, potius Magica quam natura-
lia tenent principia: Magica inquam, su-
specta & erronea. Si Magiae Naturalis ad-
huc ab illis aliquid cognitionis nobis in-
notesceret, haud inanis labor, cum ipsi ex
tribus compositis unum eliciunt, & illud
summe perfectum in suo genere prædicant.
Evidem tria in unum collecta, & unum
per tria reductum aliquid boni & perfecti
parare valerent: secretum in Algebra ab-
sconditum, adhuc minime notum. Mo-
nas in trino, & trias in Monade absque
collexione radicis a paucis (nescio a quo)
adhuc est cognitum. Quomodo de Pla-
netæ, Metalli, & lapidis unione, aliqua
nobis percipi possit, ignoratis veris prin-
cipiis? Præparationes Metallorum ab Ara-
bibus modo incongruo demonstrantur,
nam observationes mutas docent, quæ si-
ne origine existentes nunquam bonum ef-
fectum producere valebunt. Præparatio
debet fieri (juxta illos) ut particulare Me-
tallum in hora & die suo Planetæ congru-
um habeatur, quibusdam vanis ceremo-
niis adhibitis, & superstitionibus, quæ il-
lorum stultitiam apertissime demonstrant,
annectentes etiam observationes Astrolo-
gicas, ut tali operimento eorum impietas
incedat, ut benigno illius syderis aspectu,
absque casu & detimento in exaltatione
& mutua receptione, invicem succedenti-
bus bonum vel malum effectum produc-

re valeant. Quid Metallum potest ex se? o hominum dementia! o hominum erro-nea exhibitio!

Metalla ad opus naturale, faciliori via, licet non omnibus nota, accommodari, præparari, & purgari possunt: ideo quam brevissime poterimus, demonstrabimus, non qua ad Magiam, sed qua ad Naturæ secreta detegenda, investigandaque uti-mur. Ad Plumbum præparandum, quo-niam a Saturno denominationem obtinet, principium ab illo est sumendum. Plum-bum a Philosophis Saturnus appellatur, qua ratione, quove studio infra suo loco demonstrabitur, & Sympathiam esse inter Planetas & Metalla Physic.rationibus com-probabitur: non ut Arabes docent, sed quomodo Schola Naturalium demonstrat: & istius & cæterorum Metallorum cum Planetis veram Sympathiam ostendam. Debemus ergo Plumbum simpliciter so-lum & per se vase ferreo fundere, & a sco-riis optime purgare, deinde iterum lique-facere, & ad aquas Ammoniacas extingue-re ter quaterque, in quibus aquis sint de-succo serpili partes tres minus, albedinem maximam acquiret, & forte admodum evadet, adeo ut aliquas partes de suo prin-cipio perdidisse videatur. Iterum fundas ad Crucibulum congruum, & aquas vali-das communes, in quibus sint dissoluti Smirnii pulveres ad libitum, & ad aqua-

rum proportionem in partes subtilissimas redacti adeo, ut partes nullo medio appareant, & si opus sit, aquas iterum per Alambicum transire facias ad rectificationem usque, tertio extingas post indurationem ad succos herbarum Celidoniae & Ossifragae, ponas ad ignem cum suo sulphure extracto, ut scis rege ignem regimine Physico cum infra scriptis aquis magistrilibus, ut per tres digitos superent materialiam: aqua erit de Cynapino minerali praeparato, tutia, & sulphure ana: ignis lucernæ per circulationem. Tinctum Saturnum invenies, et si in quantitate deficiat, & ad fusionem, ut sol, non resistat, opus terminabitur infra X. dies.

Aliam faciliorem & breviorem ostendam præparationem. Fundas Saturnum a scoriis purgatum cum pice Graeca, quarta parte, tribus vicibus sequentibus semper ad aquas metallicas extinguendo: prima vice duntaxat picem ponas, duritiem acquirat mediocrem, habeas aquas fortes sequenti via destillatas, in quibus induratum Saturnum quinquies, vel pluries extinguas, vel quo usque color ad tuum placitum erit. A quam sequenti via perficies, secunda salis ammoniaci, vitrioli tubificati, auripigmenti, tutiae, & aeris viridis ana, sed de duobus ultimis partem omnium medium: fac aquas s. ar. sed antequam Saturnus ultimus vicibus extinguatur vigora aquas cum cina-

cinabrio minerali ad proportionem, aureo colore praedito, ad fusiones Plumbum apparebit, sophisticum equidem, sed deletabile.

Stannum Metallum a Jove Planeta denominationem tenet, merito post Saturnum sequitur, cum Stannum similiter post plumbum appareat, ideo album Plumbum ab aliquibus nominatur, & aliquas partes Argenti continere quidam affirmant. Georgius Agricola in libro quinto de re Metallica, ubi hoc Plumbum in mineris Metallorum reperitur, ibi Argenti venas extare scribit, ideo a Chymicis cum succo porrorum praeparatur: post purgationem perfectam a scoriis, & omni qua decet diligentia purgatum iterum extinguitur, & in succis herbarum, Salviæ & Verbenæ, cum ovorum albumine pro Metalli quantitate: tali medio stannum praeparatum, accommodatum, & albissimum reperitur, immo Argenti instar absque parte stridoris quem si omnino auferre desideras, ad oleum Martis ter aut quater extinguis, & totalem stridorem perdet, & citrinum habebis: sed ad quid? Aliam ostendam præparationem, ex qua non solum optimum Jovem videbis, sed Lunam ex ipso percipies. Habeas cinabrum commune, fac ipsum in oleo olivarum bullire per tres aut quatuor horas, habeas inde Jovem in calce, incorpora calcem cum albumine ovorum & de præ-

di-

cent. Nonne ridiculum? nonne cachinatio? Aurum novum & virginale a mineralis petunt: Hoc a Provincia Peru expectandum erit, & mercatores illuc adeuntes rogandi, vel ut scintillam Auri puti puri & mineralis pro luxu nobis concedant. Evidem apud illos novum aurum & purum, non aliunde nisi a Mineris posse reperiri per difficile existimatur, Chymicæ non vacant, ignorantia est insculpta, contentur se de Chymica nescire: sit igitur pro Medicina confessio, transeat: secreta Naturæ quavis via investigare Philosophis erit proprium: per Chymicam plura nobis quæ in naturæ arcanis sunt absconsa, manifestantur & aperiuntur: Chymica ergo non detestanda.

Novum aurum habere, non adeo est difficile, ut ab India expetendum sit: ubique locorum & gentium, via non admodum abstrusa & absconsa invenitur. Si per aquas separationis aurum commune transire feceris, purissimum elicies, si tamen fidelitatem arti conjunxeris, ne cum auro aliquæ partes mistæ delabantur, prout aliquando cognovimus: tamen ad Cineritium examen reiterabitur, vel ad cimentum regale: & tali brevissimo itinere a Mineris domesticis virginale aurum accipies. Stultitia vana, & dementia obcaeca, aurum a Minera.

Nos vero non ut ad Magicas operaciones

nes utamur, quoniam pacto fieri possit na-
turaliter demonstrabimus: qua via novum
aurum quasi a minera habeatur, facillima
via extat. Si quis verum & purum Solem,
Aurum nempe, confidere sciret, nihil am-
plius ab eo desiderari posset: actio equi-
dem etsi omnino difficilis, impossibilis ve-
ro minime. Patres nostri Philosophi, hoc
non semel, Deo adjuvante & regente, ten-
taverunt, sed ad optatissimum finem cum
illius lumine pervenerunt, & Physicam
transmutationem invenerunt: experien-
tia adhuc viget, memoria non delenda.
Si igitur aliquis ex sua optima sanctaque
dispositione, puraque voluntate Deo gra-
tus, transmutationem Metallorum inve-
nisset, tunc non auro indigeret minerali,
quia ex se purum Solem possideret.

Homo Angelico intellectu præditus, ab-
strusa Naturæ indagans, aliquando nudam
& absque velamine illam videt, daturque
illi frui: vere philosophantibus, non sico-
fantis id permittitur. Nonne per pro-
jectionem id fieri potest? Nonne illum vi-
dimus? Nonne id factum publice fuit?
Non de illa Bragadina impostura loquor,
non de aliis similibus. Finis enim illorum
ostendit imposturam & falsitatem, & Ba-
varicas pœnas tandem pro mercede & ho-
nore recipient. Non de alia projectione
ab Angelo Siculo jam facta commemoro,
cum falsam fuisse ipsem in tormentis
fassus

fassus fuerit, nam de auri tinctura illam constare demonstravit, etsi multiplicatio nem ex illo pulvere posse fieri impudenter crocitabat. Tandem a clementissimo Principe vitam simul cum morte pro sua stultitia & arrogantia recepit, cum ad perpetuos carceres illum destinasset. Equidem aureo laqueo suspendi, condigne merebatur, cum plus quindecim millia aureorum in promissis non servatis, neque unquam ab illo fure servandis impendisset, vel potius surripuisse. Non denique de quavis alia falsa projectione variis in locis, & a variis personis demonstrata, recolo. De illa quæ anno elapso a Georgio Scoto publice, sine fuco demonstrata, loquor, & memoriam posteris trado. Non enim private, non intra muros clandestine, sed palam & in hominum cœtu aurum ex quovis Metallo ab aliis sibi exhibito conficiebat. Qui vidit, interfuit, & ab illo pulverem accepit, testimonio veritatem denuntiat. Et ne impossibilis transmutatio omnino videatur, & veritati fidem minuat, unum experimentum huc inferam, ut occasionem omnino incredulitati & infidelitati auferam: ut si transmutatio in aliqua parte Metalli, licet minima, facili via fieri potest, cur non in cæteris partibus, cum metalli partes sint homogeneæ & similares? & si de vivo Argeno Metallum conficitur, & ipsummet metallum ite-

iterum in vivum argentum transformatur, cur de auro, argento, aut de alio Metallo id fieri nequit ? Natura viam demonstrat, Ars opus perficere debet : præcipue de illis quæ via physica peraguntur, non de tincturis sophisticis, non de multiplicationibus vanis, non de mineris absque metallo, non de solutionibus absque sulphure, non tandem de Chymicis actionibus , sed de vera, reali , & essentia Metallorum transmutatione attestamur : sive per projectiōnem, sive per cæmenta & fixationem, sive per quoduis aliud physicum medium, dummodo experientia veritatem demonstret, certi esse debemus.

Amalgama igitur Saturnum cum Mercurio in partibus æqualibus , deinc in dictam amalgamam proiice de sulphure croceo fuso ad instar totius amalgamæ , movendo cum baculo ne ignis accendatur, ideo paulatim in vas pro singulis vicib. projicias : finito postea per se refrigerari : super marmore materiam totam peroptime contento , ut simul partes uniantur, imbibas materiam vino acerrimo, ter desiccando, toties imbibendo: Tandem in materiam in crucibulo fundito, tantundemque igni concedito , quousque partes sulphureæ evolent , proiice materiam in virgam , quæ frangibilis admodum optime erit, terito peroptime, cimenta cum pulueribus, argentum limatum partibus æqualibus.

bus. I. s. s. per duas horas ad summum clementari finito, cum graduatione ignis fundas, & finito per alium dimidiæ horæ terminum, define vas refrigerari, frangito, accipias materiam, ad cineritum ponito, & argentum purum elicies, quod ad aquas separationis de more ponito, & ex argento parte aliqua fixa in aurum, fundum petet, aurum verum, reale, & ad omne examen habebis: Dum cimentabis vas bene claudas, & per digitum superius pulveres vitri triti superponas, aut aliam materiam, ut virtus magis permaneat in se unita & vigorosior. Ecce realis & vera transmutatio, experiatur, & illa non sophistica cognoscetur, sed ejus veritas per pondera omnium ingredientium comprobabitur. Quonam medio omnes argenti partes in aurum convertantur, Philosophantibus per investigationem facillime patebit: si una pars erit talis, aliæ similes ab incepto desistere non valebunt, cum virtus in operatione non cesset aut debilitetur. Ultrum aurum igne comburatur, difficiles extant variorum opiniones, nos in hac materia nihil inferemus, nisi memoriam vituli aurei per idolatriam a Moysè in deserto combusti: non enim cineres populo ad expiationem dati fuissent, nisi auri partes in cineres conversæ fuissent. De auro illo potabili, aut potius imaginario videant alii. Alias operationes & præparations demonstrarem,

rem, sed ne curiosis noceam, pedem retraho.

Venerem Cupro præsidere dicunt, nescio qua ratione Æs Cuprum vocant: Cuprum namque Calaminæ confusum extat, æs vero purum: de Ære erit sermo. Arabes cum talia nugentur, quæ ad ludibria tendant, recensere in hac præparatione erubesco; reiificantur, & ad naturalem æris præparationem accedamus. Habeatur æs minerale, quod pilosum sive de Rosetta vocant, subtiliter limetur, limaturæ cum acerrimo aceto bulliant usque ad quartam illarum consumptionem, accipias tartarum perfectum cum calce viva præparatum & alumine roccæ, ponas iterum ad ignem, & vigora ignem usque ad evaporationem & quartæ partis consumptionem, fundas, & ad oleum, sive ad aquas suæ nativitatis extinguas ter aut quater, & præparatum in prima operatione habebis adeo per optimæ, ut albedo realis in illo consistere conspiaciatur. Iterum reduc materiam in calcem mediante aceto acerrimo ignitionis & extinctionis, calcem ponas ad putrem foveam, s. a. per dies octo, insuper per tres digitos de oleo mortifero cooperias, auferas, & calcem per se desiccare sinito, fundas, & in corpus reducito, dummodo in actu fusionis erit addas de Cane putrido, & de Felle viva ana, sed tertiam materiæ fusæ: desine usque ad evaporationem in-

gredientium, habebis album æs: sed ut ad ignem albedo teneat, sequere operationem, & iterum in laminas tenuissimas reducito, & cimentabis cum pasta communis de oleo mortifero, & tartari partibus mediis, & ad ignem reverberii finito per vinti quatuor horas, opus erit terminatum: sed ut pars illius Cineritum substituat, elabora, quia jam est in via, & proxima utique.

Aliam demonstrabo æris præparacionem. Habeas de Ære, in subtilissimas laminas reducito, cimentabis cum sale communi & tartaro ana ad fornacem reverberii, fundas (post lotionem cum aquis galidis) & toties refundas, quoties tibi bonum videbitur, extinguendo semper ad succos herbarum Celidoniae, Albi leandri & Malfani ana, in quibus immisceas de oleo tartari, & oleo mortifero duplum supradictorum, albissimus erit non semper ad ignem remanebit, sed per tres aut quatuor ignitiones albissimum apparebit, tandem maculas emittet, prima præparatio per optimam, non tamen omnibus cognita, nec facilis ad cognoscendum.

An Arabes tales præparationes noverint, procul scio, pro certo enim habeo, eorum præparationes non ad Philosophos, neque ad bonos Dei timore præditos pertinere. Inferius eorum finis audietur, & quorsum illorum nugæ tendant. Mo-

do ad nostrum Mercurium properamus.

Vere in præparatione istius Metalli (si tamen vere Metallum dici debet) nugationes, mendacia , & imposturæ cernuntur. Haud Arabes talia nugasse credereim, nisi partim ex uno eorum audissem. Numquid per horas Astrologicas & observationes syderum, vivum argentum, fixari aut sisti potest ? & si oculis id cernerem, potius opus præstigii, quam naturalem operacionem arbitrarer.

Argentum vivum cum sit sperma Metallorum absque existentia definita & essentiali, verum corpus non debet neque dici potest, neque vere metallum, licet inter illa enumeretur : quod est in via non adhuc finem tangit , & finis attenditur in opere. Metalla jam ex sulphuris partibus aggregata, ex eorum prima materia essentiam & subsistentiam recipere dicimus, tamen sine sulphure aliquam habere subsistentiam experientia quotidie in Ghymicis per extractionem & separationem appareat : in quibus bene operantibus materiæ separatae apparent , & inde nova metalla per multiplicationem cinguntur, quando ignis & pondus in datis proportionibus concurrunt. Mercurius ex se absque præparatione semper idem erit. Solus ad ignem applicatus, in fumum evolat, præparatus sistitur. Igitur de illius præparatione aliqua

subinferamus : & cum ipse sit nihil & omnia ; nihil a geremus, si aliquid modice in istius dispositione non permaneamus. Principiis cognitis facilitas ad progressum tribuitur. Qui Mercurium per optime tractaverit, totam cælestem machinam revoluet.

Ad primam operationem accedens, naturam ipsius bene cognoscat oportet, nam cum ipse sit impurus, lubricus, & mixtus, omnes illius proximæ qualitates ab eo sunt removendæ, ut perfectus existens, obediens in magisterio reperiatur. Accipias ipsum in ea quantitate quam desideras, misceras peroptime (prius enim per Luthim transeat) cum Calce viva , sale præparato communi, & vino acerrimo , destillato, adeo ut massa mollis appareat , & super marmore molas tantundem, usque quo partes vivi argenti non appareant : accommodes materiam in Alambico ad sui capacitatem adeo peroptime lutato ut nulla via expirare & videri possit, coopertorium similiter addatur cum Zona, ut bene claudatur, & commissuræ arctissime jungantur, accommoda igni, & primo in primo gradu calor incipiet, deinde gradatim ascendet, donec in finem ignem ultimi gradus sentiat, emittet guttam clarissimam, in recipiente cum aqua , desine transire, & quando Mercurii guttam amplius non videbis, remove ignem , & refrigerescet , & tertiam partem Mercurii egressam fuisse

reperies, in tantæ perfectionis statum, ut nullam terrestreitatem continere scias, Frange Alembicum, & in materia illa omnes scorias & impuritates reperies. Mercurius sic purgatus & præparatus facillime tractatur, & arte aliqua a paucis cognitis sicutur. Tempora Tempera Tempore, & sic omnia prudenter agentur. Argunt Arabes: Si vivum argentum per artem in aliquod Metallum mutatum fuisset, non amplius vivum Argentum dici posset, cum partes illius non apparerent, & ut sic non amplius Metallum Mercuriale, sed illius Planetæ cujus formam sumpsit, dici deberet: præterea, vivum argentum si alterius forma induitum tale diceretur, omne Metallum argentum vivum dici deberet, cum omnia Metalla per vivum argentum & sulphureas qualitates generentur, & ab humido calido ad eorum esse substantiale perveniant. Possimus ad illorum objectiōnem respondere, vivum argentum, antequam a loco suæ productionis eruatur, habet alias qualitates & essentias, ab illis in esse suo postea acquisitis, tunc enim virtutem (tanquam terra viscosa) possidebat cum qualitatibus extraneis concomitantibus, & hoc illud metallum actuare & disponere, juxta dispositionem recipientis: Tunc sperma erat, & ut tale actuabat corpora disposita ad esse substantiale, & post formam productam suum esse specificum in alio in-

dividuo collocato mutabat, & vivi argenti partes, vel spermatis signa non amplius apparebant, & nomen specificum illius Metalli, in quod formam introduxerat, sortiebatur. Quando vero ante introductionem formarum a loco suæ nativitatis extrahitur, non ut sperma, non ut terra-viscosa, sed partes sejunctas simul unitas demonstrat, & metallum (licet imperfictum) merito nuncupari potest. Patet assumptum: nam si iterum in terra propria, & loco suæ nativitatis reponeretur, nil ut prius daret esse alicui, neque ad formas in quodvis aliud Metallum introducendas esset aptum, neque per se, neque cum quovis alio concomitante principio: ratio patet, quia a suo principio intrinseco per abstractionem deputatum fuit, & vis ejus productiva, generativa & vegetabilis ipso ablatu, dispersa & annihilata fuit, cum non tantum in illo, sed in loco suæ originis consisteret, nempe in situ, in ære, in sulphure, & in cæteris similibus: & si sulphur invisibile extat, virtus tamen illius non desinit suas exercere operationes: Tinctura, & Metallorum concreatio appellatur, sine qua Metalla ad suum esse specificum non pervenirent, naturam calidam & conglutinabilem communiter vocant, quæ et si in Mercurio communi existat, diversimode exerceat & demonstrat suum esse. Quando vero per aliquam Chymicam operatio-

rationem (ecce responsio ad aliud) fuit iterum præparatum & dispositum, ut ipso mediante aliqua productio effici valeat, non via productiva elicetur, quia jam non possidet, sed via dispositiva introducitur, qua introducta, illudmet quod in loco proprio naturaliter agebat, cum arte caloris & humidi idem demonstrare possit, tunc nova forma in illo introducta nomen illius formæ obtinet, in quam fuit transmutatus: non enim Mercurius diceretur, sed aurum vel argentum, si in talibus Metallis facta fuisset transmutatio: aliam formam recipiens mutatus a suo primo esse videtur: talis namque forma in illum introducta fuit non radiis humidis, non a sulphure invisibili & densante, non ab accidentibus alienis, non a viscositate, non a partibus similaribus, non a Natura ordinante, non denique a materia præsente, sed ab omnibus in unum collectis & conjunctis ita dispositis & coordinatis, ut quæ una via naturali operabantur, modo eadem via, sed per artem idem demonstrent. Patet igitur Mercurium in visceribus terræ differre accidentaliter a Mercurio extracto, tamen remanentes formæ virtuales retinent operationes vegetabiles productivas, & vivificativas. Exemplum de semine. Utraque semina in matrice recepta habent omnes qualitates & essentias ad generandum, & producendum necessarias.

nempe virtus seu facultas naturalis, quæ tempore generationis usque ad perfectum statum ejus quod generatum est, augmentando, & nutriendo, operatur, in hepate tenens locum, ut diffusive per venas in totum corpus se spargere valeat, tamen operative alteratrix in una parte vocatur, quia generatam substantiam seminis immutat, & in partes necessarias convertit: in altera vero parte ex mistis qualitatibus, & elementaribus facultatibus substantiam intendit, ut per calidum & humidum molliorem substantiam, puta carnem efficiat: per calidum & siccum, cor: per frigidum & humidum, pilos: per frigidum & siccum, nervos & ossa. Facultas vero formatrix ea operatur quæ effingit ad ejus similitudinem, unde suam attraxit originem, & quæ cavæ cavas, quæ vero solidæ solidas constituit & efficit, & omnia minutissima, & de quavis particula perficit, ita & taliter ut nihil vanum & otiosum ibi compriatur. Sic & taliter in principio vivum argentum agit dispositive, in materia, ut concurrentibus aliis opportunis & necessariis ad formandum metallum disponatur, ita ut tales qualitates infundat, quæ præexistente materia evenire possent. In semine animalis aliæ concurrunt ex supra nominatis, nam post formatricem sunt & aliæ auxiliares facultates, nempe generatrix, auctrix & nutrix. Prima dat genera-

ratio

rato formam specificam, sive per longitudinem, latitudinem, & similia. Secunda dat virtutem generato per mutationem ad augmentum & justam proportionem perficiendi. Tertia & ultima generat & fovet, ut tot ac tantis animalis partibus constitutis sufficiat. Concurrunt etiam aliæ quatuor, Attractrix quæ singulis partibus conveniens nutrimentum concedit & distribuit, veluti illarum instrumento calida & sicca facultate utens: Coctrice quæ mutat alimenti substantiam, calida & humida vi operans: Retentrix quæ purum nutrimentum retinet, frigidi & sicci ope utens: Expultrix, quæ superflua respuit, humidi & frigidi ope necessario gaudens. Eadem via in generatione Metallorum (cæteris paribus) cernitur, qualitates operantur, & quæ ad earum esse pertinent, jam operative agunt & disponunt ad formæ receptæ perfectionem: calidum nempe & frigidum in una materia, frigidum & siccum in alia, humidum in alia, & sic deinceps, prout dispositio agit, ut nihil otiosum, vanumque ad receptionem formarum ibi reperiatur. Et quemadmodum semen jam bene & peroptime ordinatum ad perfectionem pervenire non valeret, nisi residentia spiritus extaret, cuius beneficio & motu tota illa machina organizata tam in sensibus quam in virtutibus suas valeat exercere operationes, ideo spiritus

spiritus necessario introducetur. Hunc dicunt subtilem quandam & aëream esse substantiam, quæ corporis virtutes continue ad suas per agendas actiones excitet: subtile corpus possidet caloris vi generatum, propter sanguinem in hepate scaturientem, per anhelitus & arterias attractus, indeque per venas ad omnia membra diffusus, corpora vivificans mediantibus nervis & muscularis, promovendo motu. Hic primo ad hepar dirigitur tali medio, calore existente in sanguine ebullitio quædam fit in hepate, unde vapor quidam prodit, qui mox per venas subtiles depuratus, in subtilem quandam & aëream substantiam mutatur, & spiritus naturalis dicitur, qui sanguinem subtiliat, & inde ad singula membra dimittitur. Inde ab hepate per venas ad cor transit: ibi motu partium cordis mutua agitatione purior fit: & in naturam subtiliorem conversus, vitalis spiritus incipit esse, quia a corde per arterias ad totius corporis membra se diffundit, & omnem virtutem auget & adjuvat: A corde vero sursum per arterias ad cerebi cellulas penetrans, ibi in animalem spiritum, qui omnium est purissimus, transmutatur: unde persens organicos ad illorum fortificationem & confirmationem dimittitur. Non autem spiritus iste, anima illa a Deo Maximo homini infusa esse credatur, sed tantum instrumentum & vehicu-

hiculum ipfius. Ultrum spiritus iste sit corporeus, an non, alia quæstio, & ad nostrum Mercurium minime spectans. Omnia corpore carere minime est credendum, cum ex illius operationibus contrarium visibiliter appareat, & idem Galenus & Aristoteles affirmantes, concludunt spiritum corporeum esse, summeque tenuem. Experientia ipsa demonstrat in ejectione sanguinis & seminis: nisi enim aliquod corpus cum semine & sanguine mixtum esset, quod sua levitate, tenuitate, atque mobilitate ea corpora quæ sua natura gravia sunt, impelleret, ac sursum elevaret, tanto cum impetu prosilire & erumpere non possent. Experimentum ab omnibus faciliter observandum: altero enim oculo clauso, conspicitur alterius pupilla dilatari, & mox eodem aperto, in suam naturalem magnitudinem redire: signum quod tenue aliquod corpus æqualiter dum aperti sunt utrique dispensetur, quod altero clauso ac constricto, totum ad illum apertum feratur, & pupilla alteratur in virtute spiritus residentis. Quæstionem hanc Medicis relinquimus. Ex semine igitur si in matrice, ordine servato prout diximus, animal producitur, naturaliter & via ordinaria id fieri certum est: Si vero extra matricem & extra suum locum ordo a natura haud observari potest, & veluti mortuum & inutile dicitur, tamen dispositive aliqua

ge-

generatio apparere potest. Ars naturæ imitatrix suas omnes intendit vires, ut quæ natura demonstrat, ea ipsa in quantum potest perficere valeat, & licet in productione animalis sit admodum difficilis, sunt tamen qui jactantur se fecisse ex calore humido, prout in Iulio Camillo in Tract. de materiis legitur : licet de infusione animæ a summo Deo per charitatem creatæ, deinceps infusæ, loqui non audeo, neque ulla via id fieri posse indubitanter credo.

Ad Mercurium redeo, a quo digressio forsitan necessaria. Vivum Argentum in terra tanquam in matrice existit, sulphure tanquam virtute effectrice concurrente, caliditate humida tanquam substantia illa aerea ad generationem Metallorum, in qua est dispositum, dirigente, & operaciones exercente. Extra terram vero alias demonstrando productiones, alia via dirigere opus erit: nam quæ una via natura perficit, ars alio modo idem perficere nititur. Nonne dicimus per artem fuisse fixum Mercurium in Aurum vel Argentum? & quid sunt Metalla, nisi Mercurius congelatus, ut superius ostensum fuit? Applica igni quodvis Metallum, statim in Mercurium resolvitur. Quid est fusio, nisi resolutio compositi? & qui posset, aut sciret, dum metalla sunt resoluta, partes ad invicem separare, subtiliores a grossioribus, terram a sulphure, sine dubio totum fusum metallum in suo

suo remaneret principio. Ideo veri Philosophantes antequam ad transmutationem accedant, prius Metalla ad esse sui principii proximum per calcinationem reducunt, a quibus separatis separandis, cum tartaro, ammoniaco, & vino acerrimo, per foveam calidam Mercurium extrahunt, qui in poris suae materiae existens, aliquod minerale invenire oportet, cuius auxilio & subtilitate poros penetrante inimicum expelli valeat: camphora preparata, & in subtiles partes redacta, hoc perfici posse credunt. De illius preparatione & subtiliatione alias dicetur. Opus ad minus quadraginta diebus perfici non potest: falso assertores per aquas magistrales trium diem spatio id posse expleri, addendo Mercurium sublimatum ad opus. Illusio paret, nam per abstractionem Mercurii, non de Metallo a quo extractio fieri debet, abstraction fit, sed Mercurius sublimatus appositus resolvitur, fluit, & abstraction falsa apparet. Intellexi Philosophum peritissimum per sales magistrales Mercurium ab omni metallo brevissimo tempore extrahere: equidem authoritati tanti amici dicentis fidem habeo, sed in salibus illis magistralibus preparandis tempus non breve requiritur. Sunt equidem sales efficacissimi, non solum ad solutiones, sed ad omnia opera Chymica agenda, accommodandaque: libenter tamen talem experientiam viderem, ut ocularius

Iatus testis potius quam auricularis exta-
rem.

His sic stantibus & bene cognitis non
adeo difficilis via ad Mercurium præparan-
dum & fixandum: facile est ad inventis ad-
dere, satis peritis, pauca indoctis: secreta
non sunt adeo detegenda & propalanda, ut
profanentur. In gratiam amicorum aliqua
subinferam, & experimentum de Merku-
rio in Saturnum demonstrabo.

Fundas Mercurium ab omni prorsus sco-
ria seorsum, & antequam omnino indure-
tur, foveam in illo cum baculo ligneo faci-
to ad materiæ capacitatem, reple foveam
vivo Argento purgato ut scis, desine refri-
gerari, vel ad modicum calorem cum regi-
mine ignis brevissimo, ex tempore totus
Mercurius in verum & essentialiem Satur-
num convertetur, cum quo idem reiterabis
cum alio vivo Argento: sic cum una libra
Mercurii millies Saturni recipere poteris
ad omne opus tam mechanicum quam Phi-
losophicum aptum idoneumque, cum ve-
rum & reale Saturni metallum extet. In
prima namque operatione nil de Saturno
fuit Mercurio permistum: ex pondere
plumbi ante conjunctionem, seu appositio-
nem Mercurii experientia facti veritatem
comprobabis: nam post extractionem vi-
vi Argenti transmutati idem pondus repe-
ries: Quod non de substantia, sed de quali-
tate Mercurio tribuisse cognosces. Ratio
per

per se patet : nam cum Saturnus sit Metal-
lum ex humiditate Mercurio propinquius,
ideo multum de illo possidere censetur , &
de sulphure proprio.

Talis transmutatio nullius utilitatis &
emolumenti extat, imo detrimenti: nec
me hoc dixisse sine aliqua ratione creden-
dum. Si enim (ut ita dicam) lapidem plum-
bificum facillima via habere possumus, cur
non de aliquo nobiliore Metallo idem fa-
ciemus ? via quidem diversa, sed materia ea-
dem : neque hoc tam occultum, ut investi-
gatoribus revelari non possit. Si pars Mer-
curii ex commissione Saturni in Saturnum
sine sui diminutione convertitur, cur ex ea-
dem materia in aliud Metallum id fieri non
poterit ? Adeo visibilis multiplicationis
modus, ars & natura simul junctæ quid fa-
cere non valebunt ? Fermenta Metallum
ad suum principium positum, applica hu-
midum calidum, ut concoctio æquali gradu
introducatur, & naturam imitaberis. Phi-
losophos occulte scripsisse dolet : nihil
apertius, nihil clarior. Sed & aliam conge-
lationem & fixationem demonstrabo.

Habeatur de Mercurio peroptime pur-
gato, purgatione superius demonstrata: in
vase terreo ponas, duos digitos de succis
herbarum Bonifaciæ & Perforatæ ana de su-
per addas, da lentum ignem cinerum gra-
datim ad evaporationem succorum, erit
peroptimum congelatum, non durum, sed

sic dispositum, ut fixationem recipere valeat. Congelatio namque cum succis herbarum melior, & preferenda etiam aliis cum odore metallorum congelationibus. Nam quæ per odores fit, ad fixationem nil valet, cum jam Mercurius illius metalli qualitatibus sit imbutus, ad cujus odores congelationem recipit: intus existens prohibet extraneos, & quo semel est imbuta recens servabit odorem testa diu.

Vivum Argentum mediis necessariis opportunisque per optime ordinatum per intrinsecam repugnantium separationem, quæ adeo illud opprimebant, ut viribus non valentibus operationem exercere, virtus illius summopere impediretur, si per odorem postea alicujus metalli alteretur, cum aptum ad omnes qualitates recipendas reperiatur, facilitiore via tunc imbuitur, quam si præparationem ullam habuisset. Succi herbarum sunt simplicissimi, naturaliter producti, calida exhalatione evanescentes, suas inde virtuales qualitates relinquentes, effectum pro illorum posse in materia bene disposita demonstrant. Succi herbarum Cicoreæ, Urticæ, Viminis, & aliarum vim congelandi Mercurium possident: congelatione peracta, accommoda ad fixationem si scias: sin autem, quæras, & invenies: a me equidem nil scire poteris, fixatio Mercurii a multis adhuc quæritur, si quis invenerit, non annuet sociis.

Alii cognoscentes Mercurii qualitatem ad summum frigidam conantur ipsum calefacere & ignire, ut frigiditate nudatus fixationem recipere valeat, in pila ferrea spissa, peroptime clausa, ut omnino respirare haud possit, igni ad rubedinem tradunt adjunctis aliquibus pulveribus ad tempus, nempe per viginti quatuor horas, relinquunt. Refrigeratam postea pilam aperiunt, & vivi Argenti partes in veram puramque Lunam ad omne examen conversas inveniunt. Experimentum equidem æque bonum & verum, tamen periculosissimum admodum: Nam si casu pila vi & vigore Mercurii & ignis aliquando vel frangeretur, vel aperiretur, omnia obstantia in aerem elevaret, & destrueret, & laxabunda ædificia ruerentur. Aliam tutiorem viam tenendam arbitror, per pulveres nempe, & projectionem, ut volatilis illa Mercurii pars (si totum volatile illo pacto sisti possit) per abstractionem humidi fixationem recipiat. Aliqua in Mercurii operatione, inferius suo loco demonstrabo, dum de Lunæ præparatione loquemur. Sunt & alia secreta per alterationem, transmutationem & fixationem Mercurii, quæ via cum ad eundem tendat finem, illas recensere nequeo. Ostentationes & illusiones Chymicis relinquimus. Ad Lunæ præparationem accedamus, ut huic primæ parti finem imponamus

Quomodo & qua via Arabes Lunam præparant, alii videant, illas neque transscribere neque recensere debeo. Physica præparatio, propior ad veritatem erit. Lunam sive Argentum bene per Cineritium validissimo examine ab omni prorsus mixtura purgatum, & in tenues laminas reductum, cimentabis cum pulveribus, ut infra dicetur: reduc in corpus extinguendo ter ad aquas sulphureas & vivificas, quæ ex igne palpabili & frigido, & ex aqua dura ana conficiuntur, color introducetur, & ex pulveribus cimenti fixationem recipiet. Pulveres fiunt ex servo pessimo amico domini sui per ejus mortem, & de inimico servi per illius potentiam, de primo duplum secundi: addas de misto duorum præparato quantum ambo. Præparatio fit ex igne palpabili, exibito Marte via certissima ad fixationem, sed adhuc occulta: nam non omnes partes Lunæ totalem fixationem recipient, sed adeo sunt dispositæ, ut via facilis quærentibus remaneat. Alia via adest, ut Luna nobilissima, & ad omne examen habeatur: quod opus etsi per quatuor menses terminetur, tamen nihil certius, cum per projectionem ad Mercurium fiat. Licet longum tempus requirat, in gratiam amicorum non reticebo. Habeas igitur de Mercurio a Luna novissime & sine additione extracto, via superius descripta, amalgama cum sulphure

re illius a fæcibus exhibito, & cum Luna præparata ex Cineritio terræ, amalgamam ad Marmor siccando & imbibendo, ter iterando; desicca peroptime, desine per dimidium horæ spatium ad ignem cinerum, lentissime; addas de Mercurio communi purgato purgatione superius demonstrata, ponas ad putrefactionem cum essentia vini, ut quatuor digitis superet materiam, singulis quatuor diebus mutando calorem putrefactionis, ut semper æquali gradu consistat, durabit spatio viginti dierum, extrahe, & totaliter essentiam per declinationem a materia separabis, feldia quæ remanserunt misceas, totam materiam destillabis toties quoties opus fuerit, ut materia per alembicum transeat, iterando semper novam vini essentiam, si tamen materia non fuerit peroptime dissoluta: si enim optimam putrefactionem habuerit, tota in prima operatione dissolvetur. Liquore a materia accepto, in ovo Philosophico adapta, & ad calorem Attenoris colloca, adeo ut undequaque calorem æquali gradu sentiat: regas calorem peroptime, in hoc namque totum opus consistit, in fine videbis liquorem in massam redactum: fiet per mensem ad summum in quo temporis spatio colores per ovum transire conspicies: nigrum primo, flavum deinceps, ultimo album, quod in Cineritium album postea commutabitur, in

quo quiescat. Rumpas vas, tere materiam
in subtilissimos pulveres (erit massa facil-
lima ad fracturam, digitis enim frangetur)
quos ad projectionem supra Mercurium
projicito, in quas partes cadat, experien-
tia te docebit: si enim peroptime opera-
tus fueris, una supra ducentos vel circa
erit, sin autem, augmentum vel decre-
mentum, ex bona, mediocri, & mala
operatione proveniet. Aliquando non
ex operatione, sed ex defectu ingredien-
tium debilitas virtutis evenit, ut per ex-
perientiam aliquando cognovi. Hæc scripsi
ex voluntate amici, doleo: tamen non
tam facilis prout creditur, erit operatio.

Quomodo Luna non solum præpare-
tur, sed ut de novo habeatur, usque mo-
do quoad potui demonstravi. Quoniam
pacto de Luna aurum elicere possumus de-
scribam. Veram & expertam demonstra-
bo & conabor sic velare, ut non omnibus
innoteat. Ex fæcibus Reguli Antimonii
oleum ut scis elicias: eadem via facies, ut
oleum sulphuris similiter habeas. De flo-
ribus sulphuris oleum extrahas. Lunam
in aqua forti sequenti solutam & lapilla-
tam habeas, ponas unciam unam Lunæ, &
duas oleorum in vase vitreo, regas per vi-
ginti dies ad ignem trium parvorum lumi-
num: videbis olea clarescere, & Lunam
paulatim fixam & solarem fundum petere.
Per inclinationem habeas olea, Lunam in
corpus

corpus reduc, non tota erit, sed majores lapillorum partes si opus per optime rexis, non adeo male tractaberis. Aquafit Vitrioli Rom. rubef. salis petræ ana, cinabrii mineralis octavæ partis, adeo ut ad libram unciae quatuor, sed libræ minoris ponderis æquipolleat pondus cinabrii.

Vidi aliquando Lunæ calcem vasa vitrea conficere: viam in gratiam curiosorum demonstrabo: non tamen necessaria, sed ut arti Mechanicæ & Chymicæ deserviam. Argentum per aquam fortè calcinetur, calcem per aquam salis recipito, misceas cum Crisocola vel suda ana: igni reverberii concedatur, & naturam vitri recipere cognosces: inde vas formare poteris, si diaphanitas & transparentia non placuerit, addas de alcali. Velis iterum vitrum in Argentum convertere? componas vas porosum, puta de cineribus ossium, aut ex alia materia simili, sit vas proportionatum ad modum vasis vitrei Argentei, in quo collocabis peroptime, adeo ut resideat: colloca vas in aliud grandius ad capacitem proportionis, igni reverberii concedas, materia vitrea liquabitur, Argentum per poros in aliud vas purissimum transiet: fæces remanebunt.

Hæc sunt naturæ secreta, sicut de fusione Metallorum sine igne, ad omne vas, etiam in papyro, vidimus, & millies experti sumus: arcanum omnino non revelandum,

cu[m] curiosis nocere possem : ac eo magis
cælandum , quod fidi amico mihi reve-
lanti fidem meam astrinx[i].

De præparatione Metallorum ad Ara-
bum gratiam pauca, sed necessaria demon-
stravi , non ut Chymiae omnino inservi-
am , sed ut Philosophis morem geram.
Multæ & prope infinita vel indies visun-
tur , & experimentis comprobanrur , ta-
men raro veritati correspondent. Incu-
riam causam esse credo , vel avaritiam
potius , ne dicam iniquitatem. Multos
multa decipiunt ; rari visuntur. Aliquis
si ob Dei Optim. Max. singulare benefi-
cium ad aliquam cognitionem pervenerit,
non solum ob timores nocturnos silere
oportet, sed etiam , ob strepitantium ora,
cum ad cogitationes malas vituperatio-
nem etiam addant. Libet hic optimam
naestus occasionem , Elogium Chymicum
apponere, a Reverendo Domino Constan-
tio Monacho Oli. amico meo editum, per-
pulchrum equidem, & metaphorice illius
essentiam ad amissim declarans. Religio-
so isti tam arcto amicitiæ vinculo sum atri-
ctus , ut pars mei merito dici possit, vir
omni curiositatis & doctrinæ genere im-
butus, multa quæsivit, investigavit, cogno-
vit, & possidet. Tale est Elogium.

Chymia animal monstruosum equidem,
multa capita possidens, oculos similiter in-
finitos , dentes innumerabiles , licet ni-
gerri-

gerrimos, manus plurimas dextrasque, septem tantummodo pedes, & hos debiles : Gaudam solummodo unicam , longissimam tamen, ac totam mundi machinam cingere nitentem. Quid mirum si illius operatores talibus monstruosissimis membris amiciri continuo nituntur : non considerantes , (miseri) si absque velamine aspicere desiderassent , non Chimeram, non monstrum, sed veram & optatissimam Palladis filiam , non solum viderent, sed complecti & frui pro illorum nutu & voluntate daretur. Avari, versipelles, mendaces, & impostores, monstrum non solum cernunt, sed & ipsi tales evadunt. Modesti, humiles , Deo chari , & veraces, non monstruosam concipiunt artem, sed veritatem adeo vestiunt, ut una simul æternaliter gaudere concedatur. Quid circa plurima occupamini ? unum tantum necessarium erit, minimum equidem, in vobis est, præ manibus tenetis, & haud agnoscitis. Recedite a Monstro ut claram lucem possidere possitis.

De Sympathia Mineralium cum Lapidibus.

Cap. IV.

Jam satis abunde, & diffusius de præparatione & substantia Metallorum differum est : nec non Arabicas vanitates intatas non reliquimus. Ratio nunc postulat , ut rationes audiamus, cur potius uni

Qs

quam

quam alteri Planetarum & Lapidum conveniat, & quæ Sympathia dici debeat, si in rei veritate comperiatur, talem Lapidem sive Gemmam, & tale Metallum non solum nomine, sed re & facto, alicui ex septem Erraticis convenire, an potius talis Planeta uni eorum præesse videatur. Talis doctrina tam ab antiquis, quam a recentioribus diffusius fuit tractata. Aliqua tamen pro nostro arbitratu sub brevitate transcurrere liceat, tum ut Arabum doctrinæ innotescat, tum etiam ut videamus, cur Saturnus seu Plumbum a Saturno deveniat cum Turchesia, cur Stannum a Iove cum Corneolo, & sigillatim de singulis. Non enim sine aliqua adhuc occulta. causa, Plumbum a Saturno, Stannum a Iove, Ferrum a Marte, Aurum a Sole, Æsa Venere, Vivum Argentum a Mercurio, & Argentum a Luna denominatur, & nomen obtinet: cum investigandum sit, an in nomine tantum, vel potius ab aliquo effectu nomina illis imposita fuerint. Sic etiam cur septem illi selecti Lapides septem Erraticis convenient, Si influxus superiorum corporum per illas in inferiora decurrant & veniant. Investigemus pari via, causas essentiales generationis lapidum, utrum sit eadem virtus productiva, quæ in Metallis, ut tali cognitione habita. Sympathia ex illis eliciatur. Non tamen opinionem Arabum sequemur, qui à particulari Planeta,

parti-

particulari Metallo & Lapi virtutem & productionem vegetabilem inesse dicunt: quæ opinio tanquam absurdissima penitus ab omnibus rejicitur.

Ne tempus protrahatur, eandem causam productivam esse in Lapidibus & in Metal- lis reperio. De Lapidibus qui in terra & a terra producuntur, loquor: qui vero in mari, in animalibus, & in plantis, licet habeant fere idem principium, diversimode tamen in via productiva deveniunt, ut inferius videbitur. Cum igitur unum idemque principium, originem, & effectivam causam, communem etiam habere substantiam fatendum esset, nisi humiditas unius a caliditate alterius aliquam accidentalem distinctionem demonstraret: tamen in particuliari substantia simul coalescunt & incidunt, licet in universali, ex quatuor nempe elementis, & diversis illorum qualitatibus quodammodo in effectis variantur, sed in introductione illarum semper effective in ambobus æqualiter concurrunt, juxta elementalem qualitatem & formam. Äqualem igitur primam materiam habere compriatur, non in quolibet eorum in specie diffusivam: sed in utraque virtute in gene- re congregativam, quemadmodum semen in matrice peroptime ordinatum ad femel- lam & marem producendum est dispositum: Et tamen juxta materiae dispositio- nem talem producit, quale in ipsa introdu- ctione

etione semen reperitur, calidus ex dextero (juxta Physicos) marem, frigidius ex sinistro femellam concipere credunt: cum dextera pars ex hepatis caliditate uberior, sinistra vero ex humorum defectu, frigidior, & debilior existat: nihilominus ab uno principio seminali utrumque advenit licet in ipsa productione varietur. Ita & taliter materia præexistens a primo principio diffusivo ad utrumque, nempe lapidem & Metallum producendum est parata: ratione tamen productionis & formæ introductionis differunt aliquando specie. Eadem materia ab una virtuali & diffusiva substantia concreatur: differunt ratione productionis, juxta concurrentium dispositio-
nem. Metalla, licet habeant pro materia sulphur, & vivum argentum, sive terram illam viscosam: lapides terram illam condensatam (idem per diversa) a suo præexistente humido, ambo tamen a virtute humiditatis calidæ, tanquam ex semine derivantur, & procreantur, & ipsamet virtus humida est illa terra condensata in lapidibus, quæ terra viscosa in lapidibus nominatur. Fit enim ab humido præexistente, quæ substantia a pluribus qualitatibus activis denominari debet. Ecce harmoniam. Si igitur unum eorum similares partes cum altero habeat, quidni, si non sympathiam modo, sed & cognitionem quodammodo habere dicatur? Mas non solum sympathiam,

sed & cognationem ad femellam ex eodem
semine productam habet. In Mineralibus
& Lapidibus terra ex se sola respectu humi-
ditatis, est causa generationis illorum: ita
etiam ambobus incrementum tribuere fa-
tendum erit, non Stellas, non Solem, neque
quamvis aliam præexistentem caliditatem,
quia si ita esset, ubique locorum & gen-
tium Lapides pretiosi, Gemmæ & Metalla
invenirentur: cum Corpora cœlestia ean-
dem virtutem exercere possint & valeant
in ista regione & in alia. Experientia de-
monstrat, quod preciosiores & nobiliores
in una particulari parte procreantur quam
in alia. Non ergo aliunde nisi ab ipsam et
terra productrice, quæ feracior in uno loco
quam in alio existit. Sed virtutem superio-
rum corporum non omnino excludimus:
concurrunt enim, sed active & per se, juxta
dispositionem recipientis: terra est disposi-
ta in ista parte, & non in alia, ideo illic semi-
ne plena conspicitur, in qua mediantibus
novis introductisque caloribus, & propria
humiditate, gemmas, lapides, & metalla
producere potest & valet.

Cæterum, de his quæ in mari, in plantis,
& in animalibus nascuntur, fere idem cen-
sendum erit, nempe in tali maris loco vir-
tutem seminalem ad tales producendos La-
pides esse: in talibus plantis esse virtutem
intrinsecam vegetabilem cum opportuna
dispositione. In animalibus vero non tali-
ter

ter erit concludendum : sed ex concursu humorum, ex qualitatibus contrariis ad invicem repugnantibus , quæ ex innatis accidentibus legitimas causas impedire nituntur, quæ in unum a virtute expultrice, ut inde expellat, collecta, ab humoribus male ordinatis impedita, effectus minime sequi valet : hinc in unum partes grossiores coadunatae, humido radicali, & calido naturali adjuvantibus, lapides generantur : quod ex dispositione malo humoris accidere solet. De Metallis idem dicimus, cum plura & nobilia in una regione quam in alia reperiantur. Minera Plumbi in una parte, in alia Argenti, Auri in alia, & sic de singulis: & licet in una Minera aliquando alia mixta reperiatur, tamen abundantior & vegetior appareat in productione unius Metalli, quam alterius. Nam Minera Auri, licet sit de seipsa abundantior, reperitur tamen alia Minera alterius Metalli prope illam. Signum apprens, terram dispositam ad Mineris non unam tantum continere, sed plures: nam si materiae productrices adsunt, non deficient etiam aliæ causæ ad producendum Metalla. Si deficerent, in totum deficere, non autem in partibus, oporteret. Si v.g. producit Aurum, signum erit, ibi terram esse dispositam magis ad Aurum producendum quam cætera Metalla, & magis idoneam esse ad talem productionem quam ad aliam: ideoque feracior de uno

Metallo quam de alio dicitur : licet aliæ concurrentes non sint alligatæ : ubi majo-
res virtutes productrices, ibi major effectus productionis & generationis viget. De La-
pidibus etiam idem affirmamus : nam sæpe,
imo semper, ubi una species Lapidis inve-
nitur, ibi & alia majoris perfectionis. Sed
quod mirum erit, in Rocca unius gemmæ,
simul conjunctæ adsunt gemmæ alterius
speciei, ut vidi Pisis in una Rocca Agathæ
decem Adamantes congenitos existere, ta-
men majoris & minoris perfectionis juxta
locum natalem differre, ut diffusius Aucto-
res multi demonstrant. Non ergo alia po-
tissimum causa nisi terra esse dicitur, ut de-
monstratum est. Ecce qualitas in utroque
non solum ex materia generativa, sed ex
modo generationis & mixtionis quæ ex il-
lorum Sympathia devenire videtur.

De Sympathia Metallorum ad Planetas.

Cap. V.

Dictum est & demonstratum quonam
pacto Metalla & Lrides in causa gene-
rativa & productiva ad invicem conne-
ctuntur, ut ex illis propterea Sympathia
elici possit. Nunc videndum restat, cur
tale Metallum plus uni quam alteri Plane-
tæ conveniat, & cur talis Lapis tali Plane-
tæ dicatur. Iam enim diximus Planetas
nullam prorsus absolutam causam in qua-
vis productione habere, & si haberent, non
alii

alii quam Soli daretur. Demonstravimus etiam æqualem materiam Lapidibus & Metallis extare. Primo igitur Sympathiam Mineralium five Metallorum ad Planetas quæramus, deinceps aliam de Lapidibus inveniemus. Investigatio etiam perdifficillima, cum de Naturalibus non agitur. Si enim Physica esset quæstio, ad nostram prorsus intentionem omnia accommodanda fuissent: licet secundas causas Physice aliquando agere, in eorum effectibus non semper id facere experientia demonstrat. Licet Philosophi ad aliquam necessariam causam omnia accommodare nituntur, ut per causas res omnes cognoscere videantur: non tamen illorum ad Physicas rationes extensio æquali gradu incedit, claudicat aliquando, & ambobus non currit pedibus. Conabor juxta meum posse (debile equidem) ad alias appartenentes rationes illorum Sympathiam reducere. Multi de hac investigatione multa adnotarunt. Convenit ergo primo sub brevitate ex illorum opinionibus aliqua praescribere: dehinc quid moderni dixerint audiemus.

Primo igitur Balemis Arabs in loco superioribus Capitibus citato, cap. 12. post multas disputationes ad suum peculiare Axioma decurrit, quæ opinio licet sit nobilioris investigationis, non tamen ad triplicem illam armoniam spectat cum de

Metallis, Lapidibus, & Planetis sit sermo.
 Dicit ergo ille doctissimus Philosophus,
 Quemlibet Planetam pro suo posse & vir-
 tute unicuique Lapi & Metallo taliter in-
 fluere, ut non solum effectum ad se perti-
 nentem producat, verum etiam ille Lapis
 & tale Metallum sic sint in suo absolutissi-
 mo dominio & posse, ut simul junctis &
 aliquibus observatis, quicquid Planeta per
 se solus potest & valet, tria copulatione
 efficacia & vis in eorum dominio per ad in-
 vicem Sympathiam extet, adeo ut pluri-
 morum effectuum productiones ex illorū
 copula videantur. Corroborat suam
 opinionem ex influxu secundarum causa-
 rum, quæ motu & lumine in inferiora in-
 fluentes, multa ex motu & calore illarum
 continue nobis apparent: nam peroptime
 motus orbium cælestium observati, facili
 via perfectionem in effectibus demon-
 strant. Et cum ex suo Axiomate quilibet
 Planeta habeat vim in peculiari materia,
 ideo absque ulla probabili ratione suam
 defendit opinionem, quæ quanti valeat, &
 cujus sit momenti, docti judicent, cum
 nullies dictum & conclusum fuerit, poten-
 tiā & esse Planetarum non extendi ad
 particularem actionem, nisi juxta eorum
 qualitates & naturam, nec absolute & per
 se solum, sed cæteris necessariis adjunctis.
 Quod si vera esset Arabis opinio, quæli-
 bet sublunaris species & individuum non

perfectiorem vitam ageret, cum motus Planetarum non æquali temporis spatio terminetur: triginta enim annis in materia & specie sibi propria Saturnus suum perficeret opus: & quæ sub Saturno (juxta illum) vegetant, tardissime vegetarent: & e contra quæ sub Mercurio & Venere citius: citissime vero quæ sub Luna, quæ in viginti novem diebus suum terminat orbem. Non debemus ergo tribuere Planetæ vim absolutam generandi, producendi, & fortificandi, cum hoc non tantum apud Philosophantes, verum etiam apud Astrologos absurdissimum appareat. Astrologi tantum Stellis tribuunt, quantum pro influentiis illis debetur, nec Planeta habet aliquam vim in hæc inferiora generativam vel productivam. Idem in aliis eorum significationibus fatendum erit, aliter absurdissimum ac impissimum foret, Corpora superiora non agere inevitabiliter sua significata, Ptolemeo teste in primo Quatrip. c. 4. Opinione Arabum recitata & impugnata, aliam audiamus.

Quidam Rabinus Hebræus, Joseph nomine, in suo Tractatude Tenebris in Lucem, lib. 3. cap. 12. nititur probare non tantum rationibus Gabalisticis fere illudmet quod ab Arabibus dictum fuit, sed etiam addit quod Plumbum ideo a Saturno nominatur sicut alia Metalla ab aliis Planetis, quia unum quodque non tantum in colore, &

pro-

proprietate, alicui proprio assimiletur : sed etiam in fortitudine & virtute. Affert rationem de singulis. Saturnus Planeta humidus, melancholicus & terreus. Plumbeum similes qualitates habere videtur: molle, ecce humiditas ex nimia illius aquae humoris abundantia: melancholicum, ecce qualitas ab humido derivans: colore etiam terreo, & ponderosum, quod ab humore aqueo illi provenit: terreum, quia multam scoriam possidet, imo fere totum in scoriam quasi in terram crassam resolvitur. Idem de secundo Planeta confirmat, de Jove nempe, cui Stannum tribuitur, qui cum sit prope Saturnum merito Stannum prope Plumbeum in ordine naturæ collocatur. Stannum enim non solum ex mollitiæ de terrestreitate Plumbo persimile, sed ex iisdem qualitatibus fere compactum: assimilatur etiam Jovi ex albedine & qualitatibus permixtis, non autem ex absolutis. De Ferro Marti proprio Hebræus faciliori via suam astruit Sympathiam cum Planeta belli Præside. Ferrum merito ad se traxit Mars propter qualitates ferri suis similes, puta calidum & siccum: & ad qualitates omnimode suam accommodare Sympathiam demonstrat, quemadmodum Aurum ad Solem: cum Sol sit moderatae caliditatis & siccitatis, merito pro Metallo aurum iisdem qualitatibus datus illi conceditur: Sol totus luminosus,

moderans & distribuens, aurum tales teneare proprietates dicit. Venus possidet ex Metallis Æs, quod ei ex accidentibus aliquibus assimilatur: cum enim Venus prope Solem extet, merito tale Metallum tali Planetæ dicatum fuit, quin etiam ex qualitatibus idem esse censetur. De vivo Argento multa adnotavit, tandem ex inconstantia & mobilitate illius similitudinem cum Mercurio suo peculiari Planeta elicere nititur, cum ex qualitatibus non adeo fere illi concedatur. Nam Mercurii qualitates non bene cum vivo Argento coincidunt. De Argento ad Lunæ similitudinem & denominationem deveniens, præter qualitates quæ similes omnino videntur, demonstrat etiam albedinem Lunæ, Argenti albedinem denotare: quæ non ut accidentia, sed essentialiter & per se illi inhærent.

In talis sua opinione comprobanda multa scribens, & notatu equidem digna, monumentum suæ doctrinæ aliis reliquit: tamen nos Sympathiam, non similitudinem quærimus. Si vero (ut non absolute transeam) per qualitates ad Planetas Metalla illis competant, multa sunt & prope infinita in ente Naturæ, quæ easdem qualitates possident, & magis propria Planetis, similia ex illis dici possunt, tamen non dicuntur. Sin autem per qualitates denominatio aut similitudo deveniret, utique

potius ab elementis ipsis quam aliunde denominatio fieri deberet , cum elementis proprie per se & non similitudinarie insint : & quæ in aliis sunt qualitates, in Elementis dicuntur formæ. Metalla tales qualitates habentia stricte ad Elementa tanquam ad illorum formas essentiales reduci deberent, non autem ad Planetas, qui etsi possident, non tamen sunt illorum formæ & essentiæ, prout in Elementis. Præterea similitudo dicit communicationem, Sympathia vero effectum : accidens illud, substantia istud, quæ ab invicem differunt. Quæramus ergo aliunde Sympathiam. Nihilominus in tali investigatione doctrinam Hebraicam, optimumque investigandi modum sumimopere laudamus.

Caldæi aliam demonstrant Sympathiam, vel potius denominationem. Siranus Caldæus in sua Astrologia lib. 8. cap. 16. quem in tali opinione Melchodius Syrus, & David Egyptius sequuti sunt. Syrus in Epitome ad Plagas Orientales, in principio, prope finem primi Capitis , differens de Mineris in Oriente extantibus, citat opinionem Sirani. Egyptius vero in Navigatione Asiacæ, in descriptione secundæ Tabulæ, demonstrans, quibus infirmatibus Metalla sint propria, (non enim satis per belle doctrinam medicam Paracelsicam demonstrat) tangit opinionem Sirani & citat eundem locum & Capitulum. Sira-

nus ergo loco prædicto quærens denomi-
nationem Metallorum a Planetis, eur nem-
pe Plumbum Saturnus, Stannum Jupiter,
Ferrum Mars appelletur, & sic de cæteris:
longo verborum circuitu Planetarumque
examine, concludit ex motu situationis &
ordinis illorum, Sympathiam, sive potius
denominationem oriri. Saturnus enim
primo situatur, tardeque movetur: tardi-
tas, dicit ille, a gravitate provenit, Plum-
bum similiter gravissimum extat: non im-
merito igitur assimilatur Saturno, & illius
nomen fortitum fuit. Saturnus ad hæc
primus in ordine cæterorum Planetarum,
quia Pater ab Astrologis nuncupatur. Plum-
bum etiam primum ex Metallis, quia a
primo principio parum distare videtur, &
in productione primum extat, cum ex mix-
tione terreæ qualitatis in concoctione nil
obtineat de qualitate ignea. Stannum si-
militer Jovi peculiare, cum motus istius
Planetæ distet a motu illius primi, puta
Saturni: Stannum distat a pondere Plum-
bi. De cæteris pari passu incedit, adeo &
taliter ut per motus Planetarum denomina-
tionem sive sympathiam Metallorum
extrahere voluerit. Praxim non acceptam,
& nullius considerationis demonstrat. Si
enim a motu Erraticarum Metalla essen-
tiā haberent, Argentum a Luna deve-
niens parvi, aut certe nullius valoris esset,
cum Luna non diu in proprio motu con-
sistat;

sistat: Plumbum e contra majus omniū diceretur, & tali illius demonstrationē tota rerum machina confunderetur. Motus enim cælestium corporum absolute nullo pacto, neque per modum essentiæ, neque per modum subsistentiæ, valent alicui concedere quid minimum. Tali opinione, anemine concessa, ad alias demonstrandas properamus. Ex Neotericis multos vidi- mus Autores, & fere omnes ex qualitati- bus elementalibus sympathiam eligunt & denominationem, & tales sunt omnes a Schola Paracelsica egressi, qui cum Medi- cam profiteantur artem, ab illis omnino recedo: nunquam enim Medicinam co- gnovi; illam præcipue quæ in Metallorum confectione versatur. Ideo cum alterius sit disceptationis illos recensere non valeo. Libet hic tantum opinionem Domini de Stella Medici acutissimi, meique amici ju- cundissimi, apponere, qui non taliter a Schola Paracelsica aberrat: ut quid illius in Sympathia nostra reluceat. Audiamus illum ore proprio loquentem.

Quamvis de corporum cælestium sym- pathia cum inferioribus, quomodoque illa in hæc influant, hæc vero illorum influ- entias recipiant, supra dictum sit: ad ma- jorem tamen illorum quæ proposita sunt & clariorem intelligentiam, non inutile fortasse aut a ratione alienum fuerit, exac- tius paulo philosophari, & pervicaciōri-

mentis acumine causas & effectus naturæ perscrutari. Neminem esse arbitrantes qui non credat formas inferiores a formis superioribus affici, nullumque animal, nullum movens, nullum sentiens aut vegetans sub hac Lunæ Sphæra posse reperiri, quod non aliquam intelligentiam, aliquam stellam sibi præpositam, & quasi præsidentem, a qua vires suas, virtutes & proprias facultates sortiatur, obtinuerit a prima mundi creatione: quod ut clarius elucescat, rationes alias in lucem liceat nobis producere. Constans, firma & altis defixa radicibus in Astrologorum mentes inhæret opinio, unumquodque Zodiaci signum alicui corporis humani membro præesse, signis vero Zodiaci aliquem e Planetis: Exempli gratia Arietem cælestem capiti humano, Arieti vero Martem, hunc autem Ferro inter Metalla. Sic Taurum collo, Tauro Venerem, Venerem Cupro, & cæt. Hanc Sympathiam & harmoniam qui perfectius exploratam notamque habuerit, is demum quæ remedia unicuique corporis membro convenientia, quæ sumenda, quæque admovenda sint, quando purgationi, quando sanguinis missione locus fuerit, sagaci & prudenti judicio assequetur, morborumque & affectuum tam internorum quam externorum causas, origines, signa, nec non remedia specifica & maxime propria adinveniet, præsertim

si salium diversam variamque naturam, formam & proprietatem noverit, ab ipsa potius experientia quam ratiocinatione dubia & incerta petendam. Sic enim intelliget in tota rerum natura nihil corrosivum reperiri praeter salia: quorum ut diverse sunt species, sic etiam diversi & vari mirandique effectus, inter quos (majoris notitiae gratia) in medium si liceat producere aliquos: Quis aquarum stygiarum (quas vulgus fortis appellat) stupendos & omni admiracione dignos effectus non mirabitur? Quis aquam regiam auri corpus & solidius & longe perfectius in aquam liquidam dissolvere suspicabitur? Argentum vero substantiam intactam & integrum relinquere: licet aurum tanto sit præstantius, magis fixum & constans ipso Argento, quanto Sol ipsa Luna præcellat? Et contra quis non mirabitur aquam separationis Argentum & Cuprum in aquam reducere, Auri vero (quatenus purum fuerit) corpus nec aggredi nec dissolvere? Quis præterea sine stupore (solifici fulminis seu fulminei solis, hoc est bombardici pulveris auro purissimo sale Armeniaco & sale tartari conflat) violentum contrariae motum & fidem omnem superantem effectum intueri poterit. Qui omnes effectus cum a diversa & repugnante salium inter se & unicuique propria natura procedant in majore mundo, quis illam in-

minore, hoc est, homine non agnosceret, quandoquidem non absque ratione microcosmus dicatur, necesseque sit, eum majori in partibus suis respondere, si in toto respondeat: certoque constet illius excrementa, sudores, urinas, lacrimas, &c. salis naturam referre, quod fieri nunquam posset, si nulla in ipso salis potestas delitescere: Cujus tam diversæ & variæ species reperiuntur potentia in hominis corpore, quam sunt in terra & aqua, a quib. in illo tot cutis apertiorum, pustularum, erosionum, Ulcerum denique species excitantur & producuntur, quam diversa sunt in membra, diversæ & variæ Planetarum in illa influentiæ, & signorum Zodiaci dominia: quæ qui minus perspecta habuerit, is unum idemque remedium omnibus Ulceribus profuturum & admovendum credet, atque sic toto aberrabit cælo, vixque ulla curabit Ulcera, quod illis non propria, specifica & constellata remedia assumpsit. Hoc nobis illustrandum exemplis. Diximus Martem capiti humano præesse, fingamus, aliquem noli me tangere cruciati, ejusque nasum totamque faciem luxuriante illo, corrorente & serpente ulceri exedi: Maligni hujus ulceris causam efficiem & materialem ad humoris melancolici exuperantem & sævientem malignitatem uno consensu atque ore referent Medicis, quam (si subtilius philosopharentur peni-

penitusque in naturæ penetralia introirent
aut pervicaciōri animo utriusque mundi
inter se sympathiam atque harmoniam
perviderent) ad salis Martis (quod Marti
caput subsit humanum) separationē in a-
suo balsamo, sulphure & Mercurio refe-
rendam judicarent, ab eoque curandi ra-
tionem & methodum auspicarentur, sicque
ictō a Scorpionib. ab iisdem remedium
peterent, cum illis notum foret Ulcus hoc
a sale calibino (hoc male Calepinum suum
consultus Herardus, Dorvecis Calepinum
vocat) procedere. Aliud si lubet adduca-
mus, Ulcere (quem lupum plerique nomi-
nant) alicujus fibræ erodantur, undenam
quæso efficacius, convenientiusque reme-
dium petemus quam a Jovis sive Stanni
oleo balsamoque dulci & constellato?
quandoquidem Jupiter Sagitario, Sagita-
rius tibiis, Stanno Jupiter præsit? his pau-
cis admonitus prudens minimeque male-
volus lector, omnium Carcinomatum,
scrophularum aliorumque Ulcerum curan-
dorum rationalem minimeque fallacem
methodum adinveniet, si salium a suis Me-
tallis extractionem, eorumque cum signis
Zodiaci, & signorum Zodiaci cum corpo-
ris humani membris sympathiam callue-
rit, sicque statim atque Ulcus aliquod of-
feretur, inspecta parte cui inhærebit, illico
cui signo Zodiaci pars illa, cui Planetæ si-
gnum illius subsit, cui autem Metallo hic
Planeta

Planeta dominetur, qualemque tandem sal eligendum admovendumque fuerit, animo concipiet, atque Ulcerum curationem non temere, non eorum originis ignorantia, non remediorum confusione prudens aggredietur, capitisque Ulceribus & pudendorum olea Martis & Veneris, inter quos tanta est benevolentia, ut vix mente possit concipi: Colli & Ventris Ulceribus Veneris & Martis lacertorum vero & toracis Mercurii & Lunæ, tibiarum & pedum Jovis, & Saturni olea convenire percipiet, omnium autem corporis partium ulceribus, vitriolum & sulphur auri mederi: hujus enim tot tantasque virtutes sola testabitur experientia, ut vel solo tactu & illitu Ulcera quævis quantumvisque maligna, & quasi viva enecet, atque sanitati recipiendæ disponat.

Evidem ad Medicas artes, Metalla & eorum sales doctissime accommodavit, & sic Astrologiam Medicinæ connexit, ut sorores uno eodemque partu egressæ conspiciantur. Tamen ad alia pergamus. Concedatur mihi inter tot tantosque viros quid ab aliis percepi hic apponere, & in re tam difficiili & nova, curiosis aliqua donare. Certum est nomina Metallis imposita novissima non extare. Nam qui ab origine seculi nomina rerum imposuit, non casu, non absque lumine id fecisse credibile. Pater noster Adam rebus omnibus nomina concedens

cedens a divino afflatus spiritu subsequen-
tis rei nomina propria omnibus tribuit, ut
in singulis nominibus singulis impositis id
considerari liceat. An Adamum etiam Metal-
lis nomina imposuisse facillimum sit cre-
dere, cum Opificem universalem ob mun-
di ornatam, necessitatemque etiam Metal-
lica semina terræ concessisse credatur. Si in
ente Naturæ erant, prout revera erant, no-
mina illis ab eorum essentiis & proprietate
imposita fuisse, & juxta Naturam ptopriam
effectus deinceps demonstrasse tenendum.
Opinio ista à quibusdam Hebraicis Rabinis
non absolute defenditur, qui in temporis
spatio ab effectibus aliqua nomina ætatem
aptasse dicunt, Adamumque universaliori-
bus tantum, puta in genere nomina impo-
suisse, à quibus cætera tanquam ab illis for-
mata devenisse tenent. Patres opinionem
talem omnino rejiciunt, & negant. Nam si
Deus Adæ injunxit, ut generalia rerum
nomina tantum imponeret, nil illi injun-
xit, cum in illarum productione id fa-
ctum fuisse ex sacris libris habeatur. *Pro-
ducat terra herbam virentem lignumque &c.*
Maria pisces: & de singulis idem factum fuit:
quæ cum ex se generalia nomina haberent,
sequitur Adæ mandatum fuisse, particulare
nomen, puta specificum, imponere, nempe
ad divisionem rerum specificam (in generis
animalis) dare specificum nomen, verbi
gratia, equi, bovis, elephanti; ad herbas
speci-

specificum etiam, Cicutæ, Dictamni, Nardi,
& sic de cæteris. Minerale, nonen genera-
le erat. In creatione universali tale genus
extabat, Adam dividendo in species divisit,
puta Plumbum, Aurum, Argentum, & si-
milia juxta naturas eorum & qualitates: qui
dehinc sequti fuerunt, nomina imposita
ab experientia comprobarunt. Tubal pater
Canentium Cythara & organo peroptime
in talibus Musicalibus instrumentis compo-
nendis cognovit Metallorum essentiam &
proprietatem. Tubalcain malleator & fa-
ber in cunctis ferri & æris operibus simili-
ter mixtionem Metallorum agnovisse fa-
tendum: sic & cæteros in mundi illo exor-
dio sequaces fecisse creditur: Cum interio-
ris naturæ secretis usque adeo quærendis &
penetrandis vacarent. Et quid dubii quin
Adam à Deo omni scientiarum genere im-
butus etiam Metallica secreta sciverit? A-
strologiam etiam, Astronomiam, & cæte-
ra? Ante diluvium Astrolog. vigebat. Ter-
tio vero post diluvium anno Jonicus 4.
Noe filius (post egressionem ab arca filios
habuisse ex scriptura sacra appareat) Astro-
nomiam revocavit, & futura multa Nem-
brotho prædixit de 4. Regnum ortu &
occasu, ei que modum regnandi demonstra-
vit: cuius doctrinam & inventionem se-
quuti sunt Assyrii, qui ex naturali situ suæ
Regionis cælum nudum & undique aper-
tum (ubi syderum motus recte videbant)
obser-

obſervaverunt, inde Caldæi & Ægyptiï. Ideo naturam Planetarum & eorum qualitates obſervantes, interiorem investigacionem facientes, facillima fuit illorum ad inferiora exacta cognitio, & quæ ad Metalla effet cognatio repererunt, quæ poſtea longa temporis ſerie ſub velamine posteris reliquerunt. Hebræi, Caldæi, Ægyptii, Arabes, Græci & cæteræ Nationes multa de Metallis adnotaverunt, multaque ſub illorum Metaphoris de Planetis ſcripferunt. Ægyptii in illis Columnis ſub Hieroglyphicis ſacrisque litteris ſecretiora occultabant. Græci & aliæ Nationes Ægyptias figuræ non tutas omnino cognoscentes viam aliam uitarem & ſecretorem repererunt, qua mediante ſub figuris & parabolis loquutiones extantes extra aliud quam intus audientibus appareret, ita occultarunt, ut videntes non viderent, & audientes nil audirent: qui occultandi modus usque modo fere apud Patres noviſſimos noſtros perduravit, ut in Platonicis scriptis appetat. Quid avis mul- tis coloribus ornata & aëre onuſta ab Ægyptiis in Hifili Praxiomata notata, niſi Metallorum Metamorphosis? Quid Pifces mortui in propria aqua revivificati ab Herſilio Atheniensi in ſua Metamorphofi, niſi Metallorum constructio? Quid denique aqua ignem comburens, mortuosque vivificans apud Raybatem Indum in itinere quadraginta ſeptein Hebdomadarum, niſi

corru-

corruptio & vivificatio Metallorum? Ecce sapientes illos sapienter agentes nomina Metallorum sub velamentis & occultis nominibus occultasse videmus. Quæ vero novissima & vulgaria apparent, nonne idem demonstrant & innuunt? Quid fabulosa Martis & Veneris conjunctio, quos Sole nuntiante Vulcanus ferri reticulis prehendit? Secretum ibi in Chymicis notissimum appareat. Quid Aurei Velleris acquisitio? Quid cæteræ hujusmodi fictiones in vulgarissimis libris extantes? Videmus jam Metallorum a Planetis nomina non novissima esse, neque Chymisticum figmentum. Quænam ratio cur à propriis Planetis nominentur, quærendum, ut veritate comperta veram illorum Sympathiam eliciamus.

Plumbum à Saturno nomen accepit, qua causa? modo quæramus. Saturnus Planeta, cæteris altior, & primus post octavam Sphæram, multum à centro terræ distans, in motu tardus, parum de suo influxu aliis tribuere valet, gravis, tristis & niger existit, filios devorans, senex & infortunium majus ab Astrologis vocatur: difficulter enim semper operatur. Quæramus similitudinem cum Plumbo, ut inde Sympathiam eliciamus. Plumbum cum sit Metallum imperfectissimum, non vere & proprie Metallum dici potest, quia nondum in suam perfectionem per sufficientem concoctionem devenit. Ita à Chymicis appellatur. Multa enim

enim humiditate illud abundare conspicitur, ideo ponderosius cæteris, auro & vivo Argento exceptis. Tardum propterea in quavis operatione appareat, colore subcinericio, tristi, ac prope terreo præditum. Filios devorat, nempe cætera Metalla destruit & rodit, Argento & auro exceptis: nam Saturnum solos masculos devorasse fabulantur. Aurum & Argentum, licet non totaliter fœminina natura prædita sint, tamen gemellos vocamus, cum Soli & Lunæ sint dicata: Sol enim & Luna uno eodemque temporis momento fuerunt producti, duo Luminaria, majus & minus fecit Deus, in qua productione non appareat differentia temporis, ideo gemelli à secretis Theologis vocantur. Saturnus omnes Planetas conturbat & confundit, quando illis est conjunctus, Sole & Luna exceptis: tamen bonam illorum naturam destruere conatur & cupit, impeditus tamen non omnino destruit, ut in cæteris, sed ne totam bonitatem demonstrent, impedit: fortis existens, non impedit tantum, sed illos inficiendo, partes debiliores in aspectibus destruit. Plumbum applicatum Auro & Argento, si validum in examine extat, & si totales illorum partes destruere non valeat, aliquas tamen partes intactas non relinquit. Saturnus major in fortunum ab Astrologis nuncupatur, quia in quovis cœli cardine existens, aliis Planetis mixtus, semper malam demonstrat

qualitatem & naturam, insuper aliorum bonam impedit & destruit. Plumbum, Metallum impurum & noxiū à Chymicis tenetur, quia cuicunque associatur nunquam bonam operationem efficit & bonam Metallorum naturam occupat & destruit, immo ex summa illius humiditate, ubicumque miscetur aliquo artificio, inde extrahi non potest adeo complete, quin aliqua parte suæ imperfectionis alia imbuat. Saturnus similiter ubicumque existit, haut impediri potest, quin omnino malas operationes demonstret. Plumbum cum aliis Metallis privative & nihilative agit: pari passu Saturnus cum cæteris Planetis suam malignitatem exercet. Præterea, ut aliqua non communia simul annexamus, Saturnus Terræ filius nuncupatur, quia inter Saturnum & Terram multæ numerantur similitudines: cæteris relictis plumbi colorem tantum pro nostra Sympathia elegimus, si ex Plumbo colorem habet, quid mirum si ipsummet Plumbum Saturnum appellamus? Saturnus crassior & tardior cæteris Planetis, Plumbum cæteris Metallis crassius & impurius extat. Si Saturnus Marti configurretur, nonne odiosa ista configuratio? eo magis in Signis violentis dominibusque cadentibus. Plumbum mixtum ferro (a Marte denominationem tenenti) amarissimam illam compositionem a Chymicis maledictam appellatam efficit: de-

structio

structio nempe metallorum existit: magis vero si igni vehementiori addatur, omnia Metalla in scoriam & cinem confundet. Et ut huic similitudini finem imponamus, & Sympathiam eligamus, addam, quod cum Saturnus ex Signis Zodiaci Aquarium & Capricornum possideat, quorum unum calidum & siccum extat, alterum vero humidum & frigidum: in illo gaudet, in alio minime: primum opponitur Leonis signo Solis, secundum Cancro signo Lunæ: quæ similitudo simillima. Nonne enim Plumbum ex humiditate & frigideitate Aquario, ex qualitate Sulphuris continentis Capricorno correspondet? Duæ istæ Plumbi qualitates duorum aliorum Metallorum contraponuntur qualitatibus, & eis officiunt. Nam cum Aurum Soli, Argentum Lunæ corresponeat, Si Plumbum ex qualitate frigida & humida Soli contrarias qualitates possidenti misceatur, confundit & deturpat. Si ex qualitate frigida & sicca Lunæ, contrarias, nempe humidas & frigidas tenenti unitur, pessimam facit mixtionem, immo destructionem demonstrat. Quid plura? Si Saturni sidus a plumbo suum colorem mutatur, nonne Sympathia ex similitudine judicanda? Similitudo namque generat amorem, amor vero ex mutata benevolentia Sympathiam gignit. Concludendum ex Plumbi mollitie, quod cum inter Me-

talla sit facillimæ fusionis, imo subita, & absque ignitione, a suo Planeta talem naturam accepisse fatendum. Nam Satur-nus filios tantum mares devorare dicitur, femellas vero conservare: nam individua corrumpens, in terram redacta maternis visceribus concedit. Quid subita illa Plumbi fusio, nisi propriæ speciei resolu-tio? Tamen suum principium, terræ nem-pe partes, semper intactum demonstrat.

At aliam quærendam similitudinem properamus & Sympathiam. Stannum Jovi assimilatur, & similitudo talis Sympathiam demonstrat. Tale Metallum ex aliquibus qualitatibus parum a Plumbo elongatum, merito Jovi immediate post Saturnum existenti assimilatur. Alchi-mistæ Plumbum album, Stannum appellant, cum ex mollitie parum a Plumbo differat, licet scoriosum non persimile videatur. Jupiter ex ærea qualitate albus extat, immo ejus stella non rubicunda, sed potius ad albedinem tendit. Jupiter Sa-turni filius in Græcis allegoriis appellatur: nihilominus filius Patri restitit, bellum gessit, superavit & ejecit. Stannum ut a Plumbo ex qualitatibus deveniens, semi-per illud in quavis Chymica operatione oppugnat, & resistit, imo ambobus simul unitis Stannum suas vires majores demon-strat, & Plumbo obest. Jupiter benignus extat, non malignam habet Naturam ubi-

cumque in Cœli configuratione reperitur, semper bonum & majus fortunium nuncupatur. Tamen si per copulationem alterius noxii occupatur, non destruitur: solummodo debilitatur. Imo si junctus Saturno suas vires omnino debilitat, malam illius qualitatem mitigat: Si vero etiam fortior illo conspicitur, destruit. Quæramus in Stanno & Plumbo tales similitudines. Stannum semper in Chymicis bonum effectum producere videtur. Immo si per optimè tractatum fuerit, operationem omnino perfectam pariet. Et quod Plumbum per suam imperfectionem destrui apparet, per Stanni conjunctionem reparatur, ut in aliquibus mixtis operacionibus Medicinalibus via Paracelsica conspicitur, prout in cordatis pulveribus per alterius operationem preparari aliquando conspexi. Jupiter numquam alios Planetas laedit immo in illorum situatione adjuvat & auget. Stannum in Metallis eundem effectum producit. Tandem (ne palinodiam recensere videar) idem & semper in similitudine Astrologica & Chymica apparet: nam quod Jupiter cum cæteris Planetis demonstrat, idem per similitudinem Stannum cum cæteris Metallis producere videtur. Illud non tacendum per similitudinem experimento comprobata. Jupiter junctus Lunæ, vel in quavis configuratione illam aspiciens, qualitates

illius & radiationes conatur auferre, destruere, vel saltem per contrarias oppositas qualitates mitigare, ut ex illorum contrariis qualitatibus consideranti demonstrabitur. Stannum ex se perfectissimum in suo genere extat, junctum in quavis minima quantitate Lunæ sive Argento, adeo ipsum confundit & alterat, ut omnino tractari haud valeat. Ecce ex qualitatibus, ex accidentibus, ex operationibus multis, similitudinis demonstrationem. Videamus modo si ex dictis per allegoriam & occultam Philosophiam aliqua altioris considerationis percipere valebimus. Danaes mixtionem consideremus, & Jovem in aurea pluvia descendisse, æquali passu Stanno convenire reperiemus. Satur-nus, si Solem aspicerit, ipsum lædit, Jupiter illum exaltat & fortificat. Plumbum aurum destruit, Stannum illud purgat, & nitidius reddit. Tali namque demonstratione Danes Allegoria innotescet. Quid conjunctio Lædæ par Gycnum, nisi Stanni cum Argento? Sed clare demonstrando, quæramus particularia.

Talem occasionem nactus brevissime me excusare desidero: nam si aliquis na-sutulus odorem Astrologiæ nauseabundus fenserit, vereor ne me culpæ latæ insimulet & accuset: cum in terminis Astrologiæ diu me immorari conspiciat, Planetarum testimonio in cœlorum figuris utendo.

Equi-

Equidem talem culpam revoco, non enim Astrologiæ fidem omnino absolute præsto, nec illius testimonio ad mea scripta utor, nisi prout ad similitudinem Metallorum aliquam Sympathiam percipere possum. Quanti Astrologiæ judicium apud me valebat, ultimo loco Cap. ex illius confutatione apparebit. Pro nunc nasutulos admonere volo, ut usque illuc bono odore cerebrum corroborent, ut inde ex nausea non stomachisent, & in memoriam revovent (si tamen tantum valent & sapiunt,) omnia munda mundis. Ad nostri Stannum Jove similitudinem redeamus. Si Iuppiter cum Venere fuerit associatus in quavis cœli configuratione, reddit ad amorem proclivem, ex humorum & qualitatum mixtione. Ideo dum Europæ amore frui voluit, Tauri speciem assumpsisse legimus, quod animal Veneris in Zodiaco est signum. Stannum æri mixtum in metallicis, optima mixtio tenetur. Si Jupiter Marti fuerit associatus, ex qualitatibus illis mixtis reddit ardentes, & iracundiam excitat. Stannum junctum Ferro, unionem fortissimam efficit, & quæ numquam permisceri valet. Si per omnes Jovis conjunctiones percurrimus, eadem similitudo semper apparebit. Ideo Sympathiam ex illa nobis elicere concedatur, cum ex unione effectuum a causis æqualibus devenire apertissime conspicitur. Modo ad aliam

transeamus, ut aliis cognitis novissimam
Sympathiam videamus.

Ferrum, Metallum durissimum terre-
umque, Marti Planetæ ex denominatione
dicatum. Talem denominationem non
casu illi impositam fuisse credendum. Pri-
mo igitur aliqua ex Chymicis similitudo
eligatur, dehinc per proprietates eorum
Sympathiam cognoscamus. Ferrum in
fusionem non reducitur facilis via, prout
in aliis Metallis videmus, sed maxime vi-
gore ignis & longo tempore: tamen ignes-
cit facillime, eoque commodius tractari
& malleari potest. Mars Planeta ex qua-
litate calidus & siccus in excessu: non fa-
cile illius qualitates percipi possunt, &
cum per se existant, minime cognoscun-
tur, ideoque difficillime mitigari valent.
Via tamen cognitiva se demonstrat, quan-
do Soli fuerit in debito & bono aspectu
configuratus. Ex Ferro tinctura elicetur
ad cæterorum Metallorum præparationem
peroptime accommodandam, ex qua Ma-
gisterium efficitur non solum tingens, sed
etiam aliis ingressum donans. Mars si per
se solus reperiatur laedit, si ex ipso per illius
aspectus electiones accipientur, multum
ad exactam aliorum Planetarum fortifi-
cationem conducit. Immo junctus cui-
que signo, illud in suo significatu fortifi-
cat, adeo & per se, & per alios validissi-
mum se ostendit. Mars Planeta cum cæ-
teris

teris Planetis junctus maxime noxius extat, tamen cum Venere deponens suam malitiam & pessimam naturam, bonam conjunctionem efficit, ut paulo inferius per demonstrationem rationem reddemus. Ferrum in aliis Metallis conjunctionem minime facit, junctum æri, nil melius videri potest, imo ambo ista Metalla per aquas separationis separata, simul deinde mixta sic uniuntur, ut divisio nulla apparet. Nonne ex Marte & Venere Cupidinem natum fabulantur? Allegoria patet ex conjunctione istorum duorum Metaliorum. Mixtio illa eligitur quæ a Chymicis pro illorum luxu & delectu habetur. Ex illa namque augmentum in majoris Solis posse fieri autumant. Evidem inter hæc duo Metalla verissimam Sympathiam inesse conspicitur. Mars & Venus in qualitatibus omnino differunt: nam ille calidus & siccus, frigida & humida ista: tamen ut contraria communicant simul, adeo ut ex contrarietate Sympathiam illorum cognoscamus. In aliquo cœli themathe si qua illorum conjunction reperiatur, optimam nati complexionem efficiunt, & generationis & nutritionis temperatissimæ naturæ maximam vim inferunt, cum qualitates unius ad contrarias alterius temperandas accommodandasque, tanquam agens & patiens permultum intendant: Vehemens ardor Martis ab humiditate

Veneris mitigatur, Veneris frigus a calore
Martis temperatur, adeo ut ad omnia vita-
lia munera obeunda peroptime aptentur,
& sic qualitatum oppositio non sibi invi-
cem contrariatur, immo se mutuo adju-
vat & accommodat. Ecce consimilitudo
Metallorum ferri & æris. Ferrum cali-
dissimæ naturæ, æs frigidæ : contrariae
qualitates tamen in operationibus Chymi-
cis : istæ duæ contrariae & oppositæ quali-
tates ad invicem se adjuvant quia unius
contrariam alterius moderat naturam, &
via occulta adeo imitatrices se demon-
strant, ut una in alteram effective & pro-
ductive agat, agensque & patiens dicantur:
ambo tamen ut Planetæ. Nam in haben-
tibus symbolum facilis est transitus. Non-
ne in fusione æris ubi frustum ferri extaret,
numquam fusionem sentiret? Ecce Symp-
athia: nonne in operationibus æris nihil
fieri potest nisi tinctura ferri mediante?
Sympathia equidem apertissima, cum
æquo passu cum Planetis incedat. Signum
Martis Scorpio, si Scorpionem ex Ferro
configuraveris, alios mortuos vivificare
per tactum dicunt. Tamen mortuos om-
nino vivificare posse minime credo, sed pa-
ne ex frigore extinctos in vigorem reduci
ex ferri qualitate id fieri præsumo. Sy-
odus Martis ignito ferro simile conspicitur,
ut intuenti patet. Similitudines igitur &
Sympathiam Ferri ad Martem cognovi-
mus.

mus. Si in sequentibus Metallis, talia repererimus, veram illorum Sympathiam nullus negare valebit a nobis esse repertam, ac facili Methodo demonstratam.

Quæramus modo Auri ad Solem similitudinem & Sympathiam. Et quidem quo ad Similitudinem, haud difficilis erit, cum similitudines illorum ad invicem coincident, & inter se convenient. Sol Planeta, Mundi Lumen, Cœli oculus (evidem Cœlum animal seipsum movens dicitur) medius Planetarum consistens: & prope infinitis aliis epithetis ab antiquis decoratus, quæ suo loco latius dicentur ac declarabuntur. Et quidem omnia pene de Auro Metallo analogice predicari censemur. Hæc non vulgaria vulgaribus damus, neque communia sequentes, sed ad interiora occultaque properantes, veram & propriam Sympathiam in illis invenire debemus, ut non per foramina ut dicunt, sed per januam introire conspiciamur. Motus Solis cum annualis consistat, non longo ut Saturnus, neque brevi ut Luna spatio cursum conficit, sed medium respectu temporis tenet motum. Medium quoque inter Erraticas locum sortitus est, adeo ut ex ipsius motu & virtute omnia inferiora ita & taliter nutriantur & vegetentur, ut quando per accidens illius cessat color, cuncta quasi mortua & infirma appareant, velut in illius eclypsi conspicitur, & formidolose aliquo-

aliquorum infortunium expectatur: quare cum sit medius Planetarum, vim & virtutem tales Auro per Sympathiam tribuit. Aurum inter Metalla medium, & in virtute & in qualitate dicitur, non adeo difficilis fusionis ut æs & ferrum, neque adeo facilis sine ignitione ut Plumbum & Stannum. Sol non ab alio Planeta nisi a Luna officitur, quando per illius interpolationem lumine privatur: non tamen privatur, sed ne ad inferiora descendat, impeditur. Nihilominus Luna a Sole ab una parte lumen recipit & illuminatur. Aurum a nullo ex Metallis majus impedimentum sentit quam ab Argento, Metallo Lunæ proprio: nam per minima pars argenti auro mixta adeo illud obtenebrat, & proprio colore privat, ut non amplius auri partes appareant. Nihilominus Argentum in tali actione Auro unitum qualitates proprias auget, quod in cæteris Metallis haud conspicitur. Nullum Metallum totales Auri partes dirimit & obnubilat, Luna excepta: ratio patet, cum sit illi proxima in substantia: nam bene disposita & accommodata, album Aurum aliquando appellatur, & aurum ex illa elicetur, ut demonstravimus. Sol non essentialie, sed apprens detrimentum a Luna recipit, non in seipso, sed in lumine, quod ne ad nos perveniat impeditur: ideo nobis potius obest quam illi. Aurum pari via nullum nocu-

documentum ab Argento in se recipit, quia per abstractionem mixtorum idem remanet, de sua substantia nihil perdit neque de qualitate, sed potius possidenti obest, cum ab illo in tali existente accidente nullum juvamen sentire valeat. Sol in ariete existens in sua exaltatione manet, in Libra vero in detimento. Aries signum Martis, ferri Planetæ: Libra signum Veneris, Æris Planetæ: Ecce Sympathia. Aurum in tinctura ferri exaltatur & augeatur. In ære deprimitur & est in casu, quia quemadmodum per Crocum Martis augmentum in pondere (cæteris dispositis) acquirit, sic per mixturam æris ratione sulphuris decrescit, & minuitur. Nonne Leo est signum Solis? Nonne Leo ab Ægyptiis Hieroglificum custodiæ habetur? Aurum custos omnium universalissimus. Tanta & talis inter Solem & Aurum extat Sympathia & similitudo, ut ipso Sole clarior appareat. Sed ut quædam curiosis digna dicamus, ad antiquitatem recurramus. Sol ab Hebræis Semes appellatur, quod proprium interpretatur, proprium inquam, cum talis proprietas omnibus prodesse & propitiari possit. Nonne aurum protector & propitiator merito dicitur? Ab Affyriis Sol Adad, id est solus nuncupatur, quia solus & per se agit, & non agitatur. Aurum simili modo universa agit, ipse vero permanens ubique reperi-

peritur. Solis lumen, cum non acciden-
tale, sed proprie & per se illi insit, quem-
admodum & in cæteris astris, tamen illo
**existente tanquam nobiliore cætera lumi-
na cedere coguntur.** Aurum non aliun-
de nisi ab una eademque materia cætero-
rum Metallorum originem trahit, nihil-
ominus cætera Metalla illi tanquam nobi-
liori Metallo cedunt. Nullius hominis
oculus consistere valet, ne in tantillo qui-
dem intervallo (extra obstacula) ad Solis
intuitum, multo minus si in auge fuerit, ni-
si per medium diafanum, ut per aquas,
oleum, vitrum & similia, vel & melius
per parvum foramen in aliquo corpore
opaco existens, per quod visio remissa ad
corpus solare perveniat: aliter ab excel-
lente sensibili visus sensim cæcutiret, &
durare minime posset. Aurum ignitum
quis oculus aspicere constanter & fixe va-
leret, quin statim parvo temporis interval-
lo (obstaculis omnibus demptis) lumen
non perderet? In cæteris corporibus cæ-
lestibus id fieri facillime permittitur, cum
lux illa sit adinstar tenebrarum respectu So-
lis, quo apparente disparent & fugiunt.
Ideo facilis erit illorum intuitus, quod non
similiter de aliis Metallis percussione visi-
bili accidit, cum virtus fortissima non con-
sistat in igne, sed in corpore ignito, quæ li-
cet effectum percussionis visus produ-
cant, tamen non immediate ut Aurum
igni-

ignitum, sed mediate temporis intervallo,
quam experientiam ut nullus hominum
tentet desidero.

Aurum igitur erit Solis simulacrum, &
concludendo ab effectu demonstrativo,
Oriens vel Occidens Sol aureo colore se
induit, ut tali colore imbutus omnibus pa-
tēfaciat Aurum suum esse experimentum,
& proprium nomen illi concessisse. Quem-
admodum vero in ista, sic in cæteris parti-
bus similitudinem & Sympathiam inesse
conspicitur. Reticenda non est mira &
singularis Solis & Auri Sympathia, paucis
credo adhuc cognita. Ex purissimo Auro
puluis fulminalis componitur adeo affabre
confectus, ut in minima quantitate majo-
rem vim possideat, quasi in deculpo alte-
rius communis ex sulphure nitroque con-
fecti : una drachma istius de auro, æqui-
pollet uni libræ communis , impetum
emittens & strepitum cum majori boatu
& tumultu , immo & vehementiorem.
Præterea ille communis ad ictum facien-
dum sursum naturaliter petit, iste de auro
ratione naturæ gravis deorsum percutit,
adeo ut aversus eam partem petat quæ sibi
infra opponitur. Granum unum vel alte-
rum supra aliquod corpus impositum si
accendatur, adeo percutit & disperdit, ac
si tormentum æneum impulsum fuisset.
Usque modo nil ad Sympathiam. Quæ ve-
ro subinferam mirabilia auditu extant;

Pul-

Pulvis talis ex auro igne naturali non acceditur, calore tantum Solis resolvitur, licet calore ignis in debita proportione existente non definat suas exercere potentias: tamen a calore Solis tanquam a suo natura- li movetur & agitur. Quæ Sympathia nobilior? Experientia ipsa millies effectum demonstravit. Quomodo talis pulvis componitur & conficitur transcribere non libet, cum & difficillima sit via, tum ne talis operatio in manus pessimorum deveniat, & ad pessimas iniquasque actiones exercendas aptari possit. Quidam modernus licet de tali compositione scripserit, tamen non adeo clare exacteque, ut inde aliquid certi eliciatur, sancte tamen equidem optimaque peregit, laudandusque ac hono- randus est. Huic Sympathiae finem imponendo ad Venerem cum Ære pergamus.

Venus Planeta post Solem sequens, pro Metallo Æs possidet, & licet aliqui de Auricalco idem somnient, absurdissimum tamen omni ex parte videtur, cum non de Metallis mixtis denominatio fiat, sed de puris absolutisque. Aurichalcum mixtum Metallum, Æs vero purum. Sympathiam ergo quæramus de Ære ad Venerem. Primum dicemus, Venerem prope Solem extare, imo æqualifere motu incedere. Cuprum ex colore auro proximum, imo semper ex illo aliquæ partes auri eliciuntur. In Ære adest tinctura Metallorum inferio- rum,

rum, in Venere adest virtus generativa & productiva in inferioribus : nam ubicumque Venus reperiatur, optimam configurationem efficit, & ex qualitate humida generativam virtutem tribuere est disposita. *Æs Sulphuri mixtum novam efficit materiam, cuius virtus est proxima cæteris Metallis.* Si Venus cum Planeta calidæ qualitatis conjuncta fuerit, effectum in actionibus majoribus producit, & ab Astrologis, (dummodo in proportione) una ex magnis apertioribus appellatur : quæ omnia si de plano considerentur, similitudinem ad invicem cognosces. Sed ad occultiora procedam. Duæ Veneres a sapientibus enumerantur, una in Cœlo sine matre, altera in Terra a parentibus orta productaque. Sapientes omnia, ut prædicti, sub ve lamine occultabant, mos utique per optimus, ne Margaritæ non merentibus neque agnoscentibus concederentur. Duæ illæ Veneres licet a Stoicis diversimode quam a Platonicis considerentur, tamen simul a D. Augustino uniuntur : de cuius sententia Stoici loquuntur. Duas Civitates D. August. struit, cælestem nempe Hierusalem, & turpem Babylonem. Cælestis Venus sanctum & pudicum, terrena vero profanum parit amorem. A prima secunda dependet, & sine illa ullo pacto nequit subsistere. Quæ in terris versatur communis & vulgaris, quæ in cœlis antiquior

& nobilior. Prius equidem cælos firmatos fuisse ex sacris libris habetur, ecce antiquitas primæ. Arida post Cæloruin formationem apparuit, & non statim elementata exsistere. Ideo Stoici Ætheream primam dixerunt, Æream secundam. Illam ex virtute diffusiva & productiva, Cælestem: istam ex humiditate & viscositate, Metallicam & Terream appellavere. Merito Aristophanes Philosophus Venerem appellabat Afroditem, cum in omni sexu, & in omni animante reperiatur, respectu illorum nominum jam dictorum: quod quidem a Cypriis non ignoratum fuit. Nam illam duplii sexu pingere solebant, barba nempe prolixa, & fœminea veste. Venerem a falsedine maris ex Iovis semine productam fuisse fabulantur. Æs similiter talem cum illa Sympathiam habet, quia æs faciliori via a Ferro producitur, tanquam natura humida Jovis cum calida Martis progrediatur. Dicunt Astrologi quod si Venus cum aliquibus ex signis Martis coincidat, puta Arietis vel Scorpionis, insignes Amorum efficit effectus, adeo ut mutuus amor in utrosque intendant. Si Æs cum Ferro junctum fuerit, indissolubilis omnino efficietur devinctio: in habentibus namque symbolum facilis transitus. In Profectionibus Venus semper auget motus respectu aliorum Planetarum. Eandem naturam æs demonstrat cum cæteris

Metallis, quia non solum auget & condu-
plat, verum etiam ex parte sui aliis tribuit
pendere quod in se remanet. Virtus gene-
randi, ut concludam, propria Veneris est:
Æs virtutem generandi possidet, cum ex-
illa perfectissimum omnino absolute vi-
triolum producit, quod de cæteris Metallis
minime effici potest. Addam pro con-
clusione quod a Joanne Pico Mirandulano
acepi, & ipse ab uno Arabe se percepisse
affirmavit, qui exacte & acutissime per cen-
trum copulam Solis & Veneris adverte-
runt, maculam in Sole observasse: quod
cum non sit facilis observationis, quia ra-
rissima est Solis & Veneris conjunctio per
centrum, nec sine summa difficultate per-
cipi potest. Non casu tamen dictum fuis-
se præsumo, cum Æs in auro maculam re-
linquat, quando ignitum super illud impo-
nitur. Igitur non similitudinem solum in
effectibus cognoscimus, sed sympathiam
in esse credimus. Ultimo pro conclusio-
ne dicam, quod si frusta æris in carnibus
mortuis ponantur, illas a putredine præ-
servant. Nam cum Venus virtutem gene-
rativam ex humiditate & caliditate habeat,
generatio corruptioni est contraria: Ideo
Metallum Veneris etiam a corruptione
præservare valet, ut generationi suæ Plan-
etæ non contrarietur. Sidus igitur Ve-
neris omnibus ex partibus demonstratis Æ-
ri correspondet, ut aspicienti patebit.

Nunc ad Mercurii cum vivo Argento symbolum veniamus. Inter Planetas Nuntius currens & regens dicitur , inter Metalla vivum Argentum gubernans & regens, & non tantum currens, sed fluens dicitur. Sympathia inter hos est tam aper ta & clara, ut de ea philosophari & investi gare superfluum vanumque esset, cum non Philosophis tantum, sed parumper in Chymicis versatis pateat. Nos ex more pauca non communia subinferamus , ut Mercurium nostrum cælesti illi annexentes, veram cognitionem cognoscamus. Poetæ fabulantur Mercurium ex Venere Androgeum generasse, dupli maris & fœminæ natura, Hermafroditum vulgo. Hoc tan tum tetigisse sufficit , cum ubique fabulae partes in Græcis libris versatis sint notæ : nos ad nostrum Mercurium Metallicum cum verissima similitudine omnia accom modabimus. Ex vivo Argento Metalla produci jam demonstravimus, & quanam via quove ordine tetigimus : pauca ad ve ritatem allegoriæ demonstrandam subin feram. Communis est Autorum opinio ex Sulphure & vivo Argento tanquam ex radice omnia Metalla constare : radix præparanda ut finis terminetur, si finis ut finis habet rationem optimi ; ergo desideran dus. Sulphur & vivum Argentum sunt quæ ad finem tendunt , productio ipsa est finis operis : generatio sive productio est finis

finis intentionalis Artificis, a quo opus derivatur: sequitur ergo, finem nobiliorem esse principiis. Sulphur in primis erat aqua qualitate humida & frigida, dehinc in ærem reducta acquisivit alias qualitates, nempe humidam & calidam: dehinc in ignem transivit, nempe in qualitatem siccam & calidam: ultimo ex aqua cum igne mixta fit temperatio, & ex illa habetur generatio, Androgei nempe. Ecce ex Venere natura prolificæ, & in productione vivificans: ex Mercurii mixtione cum sulphure invisibili Androgeus natus est, fœmina & masculus, quia ex qualitatibus mixtis mixta datur productio. Ideo non absolute sunt accipienda illa duo principia, Argentum vivum nempe & Sulphurus absolute Mineralia, sed quod ex ipsis mineralibus existit, & in productione finis locum obtinere censetur. Ergo generationem Androgei a Græcis sub velamine cælestis Mercurii absconditam ad nostrum pertinere Mercurium cognoscimus, & similitudo, imo ipsamet rei cognitio partes concedit. Mercurium fratrem Veneris etiam esse fabulantur, non solum ex productione parentum, sed etiam quia ambo semper æquilibre motu incedunt. Vivum Argentum vere frater Æris dicitur, cum in quavis operatione solutiva statim ipsum amplectatur, ei uniatur, & sibi invicem copulentur, & ideo etiam eadem ratione ambo

matrimonio conjuncta veteres dixerunt ;
Sed ne modum generationis Metallorum
in visceribus terræ talem nactus occasio-
nem prætermittam, pauca, sed nova pro-
ducam, Sole in inferioribus agente per ca-
liditatem terra calefit, & parte caloris re-
manente in ventre terræ , Sol iterum ve-
niens reperit calorem in terra absconsum
naturaliter sibi persimilem, ipsumque assu-
mens iterum ascendit & solvit aliquas par-
tes aquæ occurrentes in vapores; & vapores
illi moventur ascendendo ut calorem sibi
proportionatum acquirant. Deficiente Sole
calor minuitur, & in aquas destillat, a qui-
bus fit generatio , quæ ab humiditate exi-
stente provenire dicitur, ut vivum Argen-
tum sive aqua illa crassa disponatur ad con-
ceptionem Metallorum, & ex proprio sul-
fure, ut jam ad sensum patet : tali enim
pacto matrimonium cum Venere, natura
nempe humida contraxisse fabulantur.
Mercurium animarum ductorem esse di-
cunt. Vivum Argentum ductor forma-
rum ad Metallorum species. Ecce modus.
Vivum Argentum si per se existeret, mor-
tuum esset, ut supra demonstravimus, ideo
cum Sulfure illo disposito convenire oportet,
adeo ut si partes proportionales adin-
vicem sibi simul occurrant, statim gene-
ratio aut ad Aurum vel Argentum , sive
ad quod aliud Metallum intercedit : tali
namque medio ad generationem produ-
cendam

cendam ambo concurrere oportet, non ut inter se ulla via ulloque accidente dissentiant, sed proportione actuque mutuo dispositis concurrent simul, ut masculus & fœmina. Ignis & Aer sunt masculina, Aqua & Terra fœminina. Ignis masculus Aquæ. Aer masculus Terræ. Sed ignis non admiscetur terræ absque Aere medio, quia Aer est propinquus igni ratione suæ caliditatis, est vicinus terræ ratione suæ humiditatit: vera similitudo & Sympathia cum cœlesti Mercurio, qui animas ad Orcum ducere fingitur: vere ad Orcum ducit noster Mercurius, vere in generatione efficiens semper existit. Sunt enim singularæ partes adeo inter se similes, ut luci clariores appareant. Sed finem huic Sympathiae imponendo ad Lunam Argenteam accedamus.

Luna ultima inter Planetas, Argento Metallo denominationem tribuit, sed qua de causa hoc fiat disquisitione indiget. Luna a Sole lumen recipit, ipsaque opacum corpus habens, non aliunde nisi ab ipso Sole illuminatur. Argentum per se ratione sui individui nihil valeret, nisi ab Auro probationem reciperet: quo pacto hoc sit verum demonstrabo. Tinctura Solis non introducitur in aliquod Metallum sine mixtione aliquarum suarum partium: Nam licet aliquando aliquod Metallum extinctum apparcat, in fusione tamen tin-

ctura evanescit. Nam per veram subtiliationem corporis intus non penetraverat, oportet autem ut aliquas partes vere permanentes contineat, ut vera mixtio fiat. Luna per mixtionem sive aspectum Solis, tincturam, id est splendorem, recipit, & recipere nunquam valeret nisi a Sole tanquam per unionem aspiceretur. Si vero Sol aliquando per proprios radios calorem aliis tribuit, non diu permanebit, quia corpus non penetrant, sed tantummodo ab extra existunt, quia radii Solis non sunt de illius essentia, sed ab illius lumine tanquam a splendore proveniunt. Luna a Sapientibus mater Planetarum vocatur quia superiorum Planetarum influxus velut semina in se copulat. Argentum mater aliorum Metallorum dicitur, quia per proprias qualitates omnia Metalla virtuaueriter continet. Nam ad transmutationem, alterationem & productionem, argentum directe vel indirecte tanquam primum agens necessario concurrere debet. Et quamvis Luna sit ultima Planetarum, nihilominus quando cum Sole in medio existente communicat, cum cæteris planetis etiam communicare videtur: nam cæteri Planetæ cum a Sole participant, quando cumque cum Sole junguntur, semper vivifica replentur virtute. Argentum semper cum auro communicat, & mediante auro cum cæteris Metallis, quia per illius mixtio-

mixtionem semper aliquam novam operationem efficit, & causa mediate fere omnium operationum Chymicarum dicitur. Luna magis Planeta dicitur quam alii, quia Lunæ decreta magis quam aliorum Planetarum attenduntur. Argentum ex dictis idem demonstrat, quia cæteris Metalibus illud præeminet, auro excepto, sicut Luna in omnibus Planetis Sole excepto. Nonne Luna variat magis in motu? Argentum variat plus quam cætera Metalla. Non loquor de qualitatibus, quia ex tali similitudine Sympathia vera apparet. Alter Sol Luna a quibusdam nominatur, nam ea quæ Sol vi masculina superius operatur, Luna ipsius & aliorum Planetarum fætus suscipiens, inferiori mundo sibi vicino edit, ideo illius motus præ cæteris observatur, quasi omnium conceptum pariens. A Mercurio vim humores commiscentem, a Venere eam quæ conductit ad formas genituræ convenientes, a Marte vim & inspectum, a Jove fomentum rerum omnium & naturalem spiritum, a Saturno compaginum stabilitatem, tandem a Sole qui omnimodam virtutem continet, omnia productiva, & lumen accipit, & omnia pro sua varia complexione demonstrat, & aliis ad cognoscendum præbet. Modo est in Auge, nunc depressa, nunc in extremo sui epicycli distat ab eo: nunc luminis plena, nunc media, nunc vix cernitur, ulti-

mo tandem penitus se occultat. Quæ omnia supremæ Lunæ accidentia, in Luna inferiori, puta Argento, si quæramus, non incongrue singula inveniemus. Primo igitur alter Sol, id est Aurum, nuncupari debet & potest, quia post illud omnium Metallorum est pretiosius & nobilius: aliquando etiam per fixationem in verum Aurum convertitur. A vivo Argento vim accipit tanquam a prima materia, ab Ære tincturam accidentalem, quæ dat ei formam ad alias introducendas (ut a Chymicis percipitur) a calybe & ferro robur fixationis & rubedinis, a Stanno naturalem spiritum nempe corroborandi, & in aliam vertendi formam, a Plumbo gravedinem quæ resistentiæ est robur, ab Auro tandem tanquam omnia continente omnes virtutes, perfectiones, & fœcundarum causarum originem & fontem. Quo modo & qua via per Lunæ artificium ad has operationes cum his Metallis pervenitur, in Chymicis differuimus. Sed ne aliquid intactum in hac occasione relinquam, pauca sub brevitate transcurram.

Dixi jam corpora Mineralia esse de Natura terræ, cuius qualitas est frigida & sicca: dixi etiam quod quantitas ignis in illis est modica, quasi in potentia, puta ad gradum secundum: & quoniam junctæ simul istæ qualitates, aliquod generatum demonstrare valebunt, ideo de talibus principiis differen-

serendum, ut concludam omnem Sympathiam Metallorum. Qualitas aquæ declarat qualitatem Mercurii, qui aqua viscosa realiter dicitur. Qualitas ignis declarat qualitatem Sulphuris, quod in rei veritate natura calida dicitur, Sulphur terræ nuncupata. Aqua illa viscosa cuius natura humida, si invenerit aliquam partem illius Sulphuris, ad invicem uniantur, & quantitas aquæ sit æqualis quantitati Sulphuris, vel ad quantitatem sufficientem ad eorum incorporationem, fit generatio Auri: si tamen decoctio fuerit per sufficientem calorem redacta: sin autem argentum juxta proportionem decoctionis, sic de singulis Metallis: tamen sciendum quod sulfur & vivum Argentum, sive natura illa humida & calida per se non subsisterent, nisi principium condensans, & materia præexistens essent in actu exercito, prout jam diximus. Aurum & Argentum igitur sunt prima Metalla per sufficientem concoctionem producta, meritoque ex illorum diversis qualitatibus cuncta generari dicuntur. Sol calidus, Luna humida: calido vescimur, humido nutrimur. Argentum igitur a Luna denominari per jam exactissimas similitudines merito dicimus, & sympathiam inde cognoscimus. Ad conclusionem hujus tractatus devenendum, & cum sat prata biberint, claudere jam rivulos oportebit. Maculæ illæ in

Lunæ corpore existentes numquam apparent, nec unquam videntur, nisi prope plenilunium vel in ipso plenilunio, & quando a Sole perfectissime ex illius capacitate illuminatur, quæ maculæ non aliunde nisi ab una parte Lunaris corporis conspiciuntur, prout demonstratione appetet, quia si in ambabus Lunæ partibus maculæ illæ apparerent, non opacum, sed luminosum esset corpus: lumen etiam remissum & debile emittit, tanquam ab alio commutuatum & acceptum, nec ut in Sole a quo per reflexionem recipit. Et quia lumen Solis non adeo intense ad totum corpus Lunare per reflexionem percutere potest, cum validam resistentiam ad reflexos radios non recipiat, ideo partes illæ quæ non validas radiorum percussionses sentiunt, maculas demonstrant. Non enim semper in eadem forma conspiciuntur, sed juxta consistentiam corporum. Hanc similitudinem omnimode ad argentum adaptare possumus, ut etiam ex isto accidente sympathiam videamus. Aurum numquam sic & taliter argentum tingere valet, ut omne corpus sit intus, extra, & ex omni parte perfecte tinctum, tanquam partes illæ quæ ab Auro tanguntur, dispositionem habeant, & non partes omnes tingit, sed maculas relinquunt, quia non omnes argenti partes tincturam recipere valent ex mixtione naturæ humidæ, quæ calidæ

calidæ directe se opponens impedit actum introductionis, ut per experientiam in Chymicis apparet. Ideo per pulveres & clementationes totum corpus Argenti prius disponitur, deinceps introducitur: quæ introductio minime perfecta fieri potest, nisi æquali proportione una simul ad similitudinem corporis Solis & Lunæ in plenilunio. Hæc pro Planetarum & Metallorum sympathia dixisse sufficiat, licet varia, tamen non omnino a veritate aliena. Evidem locus amœnus latusque diu præ amœnitate, & rerum variarum aspectu vagantes delectare solet.

*De Sympathia Septem selectorum Lapidum
ad Planetas.*

Cap. VI.

Metalla non sympathiam modo, sed & cognationem cum lapidibus habere superioribus tractatibus demonstravimus: pari enim via, quæ inter illos sympathia & similitudo cum Planetis extat, ex accidentibus, qualitatibus & operationibus in præcedentibus satis abundè descripsimus. Investigandum nunc restat, quam similitudinem, quam nunc sympathiam lapides illi septem selecti à Balem numerati, ad septem Planetas habeant, cum secundæ causæ, si aliquo modo ad productionem Mineralium aut Lapidum concurrant generaliter & absolute, non ad septem

septem tantum selectos concurrere debent, cum virtus semel unita & adjuncta supposito operari utique semper valeat, si tamen agenti absoluto suppositum alligatum non fuerit, tunc enim suppositi actio cessaret, & virtus opus suum minimè exerceret: quando vero libera existit, & absolute potestatem suæ qualitatis exercet, ab accidente quovis nullo pacto impedita potest, quin suas non demonstret, ipsas exercendo, operationes. Accidentia nullo pacto in illa esse possunt, cum a naturali causa æque sint peroptime disposita. Si Planeta habet aliquas virtutes & qualitates, & illas absolute possidet, & ab omni prorsus impedimento alienus, demonstratione essentiali illas in inferioribus exercere potest & valet: alioquin nulla in illo consisteret virtus operativa: potentia quæ ad actum non reducitur, vana dicitur, prout est.

Quaramus nunc, si Planeta habet vim aliquam lapides gignendi, procreandi que cur potius ad unum quam ad plures vis illa se extendit. Idem effectus ab una causa simili produci potest. Et cum jam demonstraverimus Lapides & Metalla ab uno eodemque principio provenire, posita virtute procreandi alicujus agentis, necesse erit ut procreationis effectus producatur. Sequens vero effectus demonstrat non esse adeo alligatam potentiam ex parte agentis sive suppo-

suppositi, quin universaliter demonstret suam potentiam ad tale opus. Si Saturnus, ut dicunt Arabes, Turchesiam producit tanquam suum proprium lapidem, cur alios generare Lapides non potest? Virtus generativa & productiva Saturni estne tantum ad Turchesiam terminata? nonne Turchesia habet ipsamet principia in sua productione, quæ cæteri lapides habent, & a quibus dependent? Si habet, ut vere habet, cur Saturnus talem colorem in istam materiam cum opacitate introducit, & non alios colores & diafanitatem cum minima terræ parte? eo magis cum Saturnus in suis qualitatibus sit fortissimæ introductionis, & si unam formam introducere valeret, utique alias & multas ex suppositis jam adductis. Eadem igitur via, vi, & virtute alias qualitates introducere valeret in alias æque dispositas, optimeque ordinatas materias. Si Turchesia esset Saturno propria, etiam Jovi & Marti esset, cæterisque Planetis, cum æqualem fere virtutem in inferioribus habeant. Si Mars habet vim in Smaragdo, haberet utique in Agatha, in Jaspite, & cæteris ejusdem qualitatis. Non obstant illorum rationes qui dicunt: Talis Planeta ex particulari vi & qualitate tantum in una materia potest demonstrare suum posse. Tunc enim absurdissima sequela appareret, quod posse secundarum causarum in propriis essen-

essentiis esset alligatum, & tantum in aliquibus speciebus specificis, non autem in aliis appareret: cuius contrarium demonstratur: Nam posse illorum æqualiter in quovis disposito agit & aptatur, ut in Astrologia videtur: tantum enim demonstrant in una coniunctione quantum in alia, nisi remissive vel alterative, prout natura conjuncti valet & potest: in productione nil aliud concurrit, nisi materia disposita, & agens ad operandum existens, quæ pro dispositione effectum demonstrant. Aliunde ergo septem illorum lapidum selectorum sympathiam cum Planetis quæramus & veram rationem demonstrabimus: nam si rationes Metaphysicas quæramus, non probabiliora producemus. Physicæ rationes ad mensurationem veram se accommodabunt.

Lapides igitur, cum virtutes vegetandi ex communi omnium opinione habent, vitam etiam habere erit necesse, & accidentibus vitalibus ut cætera viventia suppositos, ætatibus, senectutibus, depressionibus, infirmitatibus, ac denique etiam morti: Si enim vegetabili gaudent vita, quæ vegetabili insunt in illis esse debent, qualitates nempe elementales, calidum, siccum, humidum & frigidum: quæ qualitates eo magis & minus in quolibet eorum reperiuntur, quo magis & minus accedunt ad materiam tali qualitate praeditam,

ditam, intendentem & remittentem ad eorum esse specificum : ut si multum de terra, etiam de frigiditate & siccitate habere est necesse : si plurimum de sulphure, plurimum de sicco & calido : sic de singulis mixtis & illorum qualitatibus, ut in quolibet lapide experientia videndum erit.

De qualitatibus Planetariis.

Cap. VII.

Nunc in abstracto considerandum, quomodo quatuor illæ formæ elementales Planetis insint, & si qualitates nuncupari possunt, prout in Elementis formæ nuncupantur. In Saturno frigiditatem extare apparet, in Jove humiditatem, in Marte rursus caliditatem exactam, in Sole temperatam caliditatem, in Venere humiditatem, iu Mercurio frigiditatem, in Luna denique humiditatem, & in Planetis qualitates dicuntur. Ideo Planeta tali erit prædictus qualitate, qualis in illius natura considerabitur. Saturnus natura frigidus in extremo, siccus ab effectu: Jupiter calidus & humidus temperate, Mars calidus & siccus in extremo: Sol calidus & siccus moderate, Venus frigida & humida temperate. Mercurius frigidus & siccus, Luna denique frigida & humida. Alicui elemento approximari censentur, prout illorum formæ in propria natura

sunt similes. *Saturnus* nempe *terreus* dicitur quia qualitate *terræ* est præditus. *Jupiter* *aërus*, quia qualitate *aëris* est dotatus. Sic de *Marte*, & cæteris, quæ qualitates non sunt in Planetis formæ, sed natura. In elementis vero formæ, ut prædixi, dant esse rei, qualitates indicant essentiam. Corpora cælestia talibus prædictis qualitatibus, non propterea accidentia aliqua aut passiones ex illis sentiunt, quia cum sint in continuo motu naturali & violento, vigilare perpetuo creduntur. Nam si ex qualitatibus propriis aliqua accidentia sentirent, non different ab inferioribus corporibus talibus etiam præditis qualitatibus, immo sic simul uniuntur & coincidunt, ut Armonia quædam ex eorum consensu & benevolentia mutua proveniat, quæ ex distantia locorum, vel potius ex assuefactione & usu minime sentitur. Sonus equidem cælestis & divinus ex concordantia cælestium corporum provenit, qua via, quove ordine satis perbelle a Pythagora elucidatur.

Cum igitur Planetæ elementalibus qualitatibus sint prædicti, quicquid eis inest participare cum aliis concedendum, juxta eorum particularem potentiam & virtutem, & secundum quod unus cum alio contrariæ qualitatis magis aut minus se associaverit aut elanguerit, a quo diminutionem aut augmentum in propria qualitate reciperet.

piet. Hoc supposito, cuiuslibet particularis natura consideranda erit, & juxta illam quicquid valet & potest in quavis productione, utrum debilis vel fortis ad productionem existat: ut cuiuslibet posse cognito, veram causam particularis productionis videamus. Igitur a principaliori Planeta erit exordium. Sol, pater generationis, multas habere virtutes & proprietates videtur, nempe renovativam, nutritivam, conservativam, perfectivam, discretivam, & alias. Renovationem habere dicitur, dum terræ poros aperit, & vegetandi potentiam ad actum ducit, & terræ superficiem varietatibus ornat & vestit. Nutritivam, quia ad interiora radicum & seminum propriis radiis penetrans, calore proprio terræ humiditatem dissolvit, & virtute attractiva quod semini & radici est simile de illa attrahit, & illud in terra nascentium nutrimentum convertit. Conservativam, quia elementa contraria in propriis formis per Solis influentiam conciliantur. Perfectivam etiam virtutem habere dicitur, dum opus a natura incepsum perfectissime terminat. Discretivam, quia per lumen Solis colores omnes discernuntur, puta albedo in suo subjecto existens medio aere qui ab ipso illuminatur. Habet etiam ex motu radiorum virtutem calefactivam, inflammavit, & unctivam. Attrahit a mari fumos & vapo-

res ex forti impressione caloris radiorum, merito namque Pater generationis appellatur. Est enim (ut dicunt Cabalistæ) statuta summi Principis, Mundi cœlestis & terrestris vera lux, & summi Dei exactissimum simulacrum : cuius Essentia Pater, Splendor Filius, Calor Spiritus sanctus : adeo ut Academicci in Jamblico nihil certius & expressius habeant, ut divinam essentiam demonstrare valeant. Tanta enim consonantia Deo respondet, ut merito conspicuus Dei filius nuncupetur. In medio sedet, cæterisque luce, magnitudine ac pulcritudine imperat, illosque illuminare & decorare cernitur. Motus regularis actiones disponit, & qui supra & infra degunt, ab illius motu disponuntur, diurni, nocturni, meridionales, & cæteri hujusmodi ab illo nuncupantur. Et quemadmodum ipse noctis tenebras fugat, sic nocturnæ potentiae ab ipso expelluntur, adeo ut appareant tanquam umbræ mortis, & catuli leonum Deo permittente escam quarentes, in illius ortu speluncis se abdicant, unde homo exit ad opus suum, & usque ad vesperam (in qua per discessum Solis tenebræ iterum apparent) in illo perseverat: Mundi rectorem Assyrii appellabant, quia absolutum imperium universorum demonstrat. Temporum auctor, diei, anni, frigoris, caloris, cæterarumque qualitatum administrator, sicut Ptolemeus ait,

cum

cum in alicujus stellæ locum devenerit, illius vim quam in aere habet excitat, ut cum Marte calorem, cum Saturno frigus, & sic cum cæteris Planetis, ipsumque hominis spiritum animumque disponit, unde comprobatur, tales motus inesse menti, quales singulis diebus Sol adferat. Merito Planetarum armoniam Macrobius appellat, quia ad illam perficiendam, medius existens, idem in suo cœlo efficit, quod voce media cuilibet conceptui ad omnem generationem producendam ex sua tempeste summe dispositus, agens optime commensuratus juxta suum & concurrentium posse cuncta generans, attamen (ut particularia quædam certius loquamur) si aliquid accidens ex parte dispositi inveniatur, nullo pacto actum productionis introducere valeret, non quidem ex sui defectu, cum actus activorum debeat fieri in passo bene disposito: Si v. gr. per virtutem Solis aliqua productiva actio in Metalla vel in Plantas introducatur, ibi aliqua accidentia, puta frigus in extremo, vel materia non sufficiens existeret, tunc virtus solis remissa in tali actione non sufficeret, respectu materiæ male ordinate, maleque dispositæ: Nihilominus non a Sole impotentia derivatur, quemadmodum etiam omnia superiora corpora ex illorum essentia, virtu-

te & qualitate eo modo agunt, quo subordinate ad illorum actionem decurrunt. Ideo qualitates elementales illi insunt, ut ex qualitatibus accidentia aliqua in subiecto materiae per illarum operationes cognoscantur, ut summa frigiditas a Saturno, humiditas a Luna, siccitas a Marte, & sic de singulis. Et cum qualitatum diversitas cuique Planetæ particulariter & diversimode insit & existat non contrarietatem, sed unionem maximam, illis confert & affectum. Nam quæ contraria apparent ad alterius actionem multum proflunt & non impediunt. Qualitates frigidi & humidi, qualitates calidi & sicci contrariae esse conspiciuntur: tamen in introductione formarum mutuo sibi auxiliantur, alterutri cedunt & in unum coalescunt & coeunt. Nam sola siccitas quid per se valeret absque humiditate? & quid frigiditas absque caliditate generare posset? ideo in unum coire oportet, ut actus procreationis ab illis eliciatur. Erit igitur inter illas mutua unio & concordantia. Sic etiam in propriis consistentiis ipsæmet qualitates absolutissime idem demonstrant, non solum ratione accidentis, verum etiam ratione loci, cum etsi elementa ignis & aëris ex sua qualitate sive forma, superiora appetere debeant, & inferiora devitare, Terra vero & aqua e contra, inferiora nempe appetere, & superiora devitare, ex diversis suis

suis formis, cum caliditas respectu suæ levitatis sursum tendat, frigiditas respectu suæ gravitatis centrum quærat: sæpe tamen in uno eodemque corpore permixtæ simul reperiuntur, & simul coincidunt, ut in mixtorum corporibus conspicitur, & paulo inferius, quando de singulis illorum Sympathiis tractabimus, demonstrabitur. In ista tamen occasione de mutua in homine illarum unione aliqua patefacienda erunt, cum elementa, et si aliunde contrarietatem exercent, in homine tamen summa illorum unio, admirabilis concordia, & perfectissimus amor conspicatur, adeo ut omnibus contrarietatibus & inimicitiis depositis, & discordiis sedatis compressisque in unum concorditer juncta ad perfectissimam illius compositi unionem influixerint, & corpus a quibusvis contrarietibus liberum & solutum, corpori cælesti omni contrario carenti quodammodo simillimum construxerint: ideo forma intelligibili & æterna induitur, & ut cælestibus corporibus sit simillimum, etiam simili forma ornatur.

Homo igitur cum forma illa cælesti induitur, contrariam qualitatem illi ut possideat oportet. Forma cælestis subtilissima & levissima qualitate est prædita, Homo vero terreas, grosseas & graviores tenet: Illa sursum naturaliter unde venit petere tentat, iste centrum a quo origi-

nem sumpsit, quærit: Cælestis illa, terrenus iste: Illa ærea, ignea & incorruptibilis: Iste terreus & corruptibilis, & in suum principium convertibilis. Levitas igitur illi, gravedo isti concedatur. Quæ ut per experientiam quotidianam omnibus pateant, demonstratione demonstrabo. Si quis sursum in cacumen aliquod ascendere conaretur, ex corporis gravedine & terrena qualitate, difficilime & maximo cum labore id facere posset: Tamen interno affectu, & vi occulta alas desiderat, & cacumen attingere anhelat: Quæ occulta virtus non aliunde nisi a forma illa intelligibili, puta anima immortali in corpore existente & illud informante, procedit: quia cum levissima, & aërea existat, suas sedes ambit & desiderat, tanquam proprium terminum, & quia a corporis gravedine veluti a carceribus retinetur, suum nequiens explere desiderium, solo tantum interno affectu id desiderat, & quod potest & valet, corpori cui juncta est auxiliatur, virtutem persensus & corporis arterias diffundit, ipsumque adeo corroborat, ut defixum agitatumque compositum omni virtute replete, & motui illius naturæ contrario vim conferat, juxtaque suum posse juvet.

In alio deinceps motu, puta ad centrum diversæ operationes conspicuntur, & apparent. Nam quando compositum, puta homo,

homo, deorsum descendit, & inferiora petit, in præcipitum se dare videtur, & adeo præceps currit, ut si a propria forma non moderaretur, numquam sisteret, & suo principio uniretur. Forma ergo sive anima interno affectu illum retinet & cohibet, quia contra proprium motum currit. Corpus suas exercens qualitates, etsi centrum quærit, tamen retinetur occulta aliqua vi, nempe animæ, quæ interius vigeat ac ipsum ab incæpto prohibet. Tunc enim cælestibus qualitatibus contrarias impedire conatur, & ut potest & valet, corpori, ut a rapidissimo & contrario suo motu desistat, manifestat & annuit: illa quia corporis carceribus reclusa tantum quod ei permissum est, operatur. Quando vero tempus corporis resolutionis advenit, a carceribus reclusa, libere tunc suas exercere qualitates, statim aëreas sedes petit, in cœlum volat, suamque propriam mansionem acquirit. Corpus vero a forma relictum profundum quærit, centrum petit, suoque principio, puta terræ unitur. Hæ sunt uniones contrariæ compositi, quæ inter se semper & ubique junctæ ac consentientes conspicuntur.

In Sphæris vero cælestibus tales qualitates adeo illis insunt, quatenus inferioribus deservire possunt: & cum sit conclusum per rationes adductas, qualitates Planetarias eo modo in inferiora influere,

prout tales effectum producere valent, juxta materiæ dispositionem. Verum antequam ulterius progrediar, cum de corporibus cœlestibus sit inquisitio, aliqua de ipso Cœlo & ejus motu sub brevitate necessaria tangamus. Cœlum igitur, cum sit animal intellectuale, seipsum movens rationabiliter, spiritus vitæ in illo consistere videtur, qui spiritus intelligentia motrix appellatur, non in communi, sed in quolibet illius particulari orbe. De quorum numero cum variæ diversæque sint opinantium opiniones, illas tanquam minus necessarias recensendas esse non arbitror. Cœlos esse animata corpora, & per seipsum moveri consentaneum est: quia si a virtute extrinseca moverentur, accidentalis esset motus, & violentus, proptereaque non diuturnus, ergo motus essentialis propriæ animæ regentis & moventis proprius: quam quidem animam tum ex Philosophorum, tum ex Patrum seu Scripturarum sacrarum testimonio extare compertum habemus, quod recolligere & adnotare superfluum foret, licet ab aliquibus probatissimorum Doctorum tam Græcorum, quam Latinorum opinio contraria sustineatur, nihilominus major eorum pars animam Cœli dat & esse affirmat. Tantum tres demonstrationes a Latinis desumptas describam, quarum prima erit: Illud quod est primum principium vivendi,

di, est viventium forma vel actus; anima est hujusmodi: anima ergo erit cælestium corporum forma vel actus. Hac syllogis-
fandi forma, seu demonstrativa ratione a posteriori Aristot. usus est 2. de Anima, probando quamlibet animam esse physici corporis actum. Præterea perfectius corpus est cælum, ut patet, ideo illi perfectior forma debetur. Anima est omnium formarum perfectissima, ergo forma cœli ratio-
ne suæ perfectionis, qua movetur, intel-
ligit, & vivit, est anima. Dari oportet
(& tertio) medium nec tens extremum,
scilicet intellectum & corpus, medium
namque dicitur, quod particeps est extre-
morum. Talis est anima, nam ex essentia
particeps est æternitatis, ut purus nudus-
que intellectus: Opere vero particeps est
temporis & motus, ut cætera entia corpo-
rea. Averroes secundo Cœli asserit ani-
mam cœli similem esse formæ naturali, &
similem formæ abstractæ. Ex his igitur
patet, animam motricem in Sphæris exta-
re. An numerus æquipolleat Cœlis, an
in qualibet Sphæra singulæ reperiantur,
adhuc longa extat disputatio: neque de
motu triplici, naturali, violento, & trepi-
dante differendum censeo, cum illos ex
successione signorum, vel contra successio-
nem provenire experientia demonstrave-
rit, quia motus noni & octavi orbis simul
conspirant, & a peritissimis in arte Magi-
stris

stris longo temporis usu cogniti fuerunt: non tamen Physicis demonstrationibus comprobarunt, cum Mathematica a materia cuncta separata, Physica vero quæ sunt in materia desideret. Ideo rejectis aliis opinionibus motum trepidantem & ejus causam demonstrarunt: Ægyptiis confutatis, qui annorum quadraginta octo millia in sua historia habere jactabantur. Nam falsitas assertionis ex contradictione appareat. Rejectis etiam Chaldæorum libibriis, qui quadringentos septuaginta milie annos in Nativitatibus ordinandis & complanandis se posuisse affirmabant. Nam ex Laertii adnotatis clarissime eorum vanitas ex Solis & Lunæ deliquiis computatur. Indorum fabulas rejiciunt de septingentis millibus annis confutandis, & alia multa quæ somnia & ridicula apud illos videbantur. Tantum unum motum Cœlorum demonstrant, & quemlibet Planetam suum proprium & accidentalem ex rapidissimo primi mobilis habere. Sic etiam de pluralitate & numero cœlorum: itidemque in Stellis diversitatem motuum observarunt: modo in puncto æquinoctii ut Meto, modo in aliis sequentibus gradibus, ut Imocrates, Hiparcus, Menelaus, Ptolemeus, Albatengus Alfonsus Rex, & Vernerus. Hucusque etiam ad annos præsentes in gradibus viginti novem fere Neotericirepererunt. Nec in Stellis dumtaxat hanc varie-

varietatem adnotarunt , sed in Sole ipso eandem cognoverunt. Qua de re si particularis Planetæ motum considerare volimus , aliquas formas in quamvis materiam introduci minime posse reperiemus, cum opinantium varietas a recta decurrat, adeo ut in Venerem & Mercurium oppositionem deperisse dixerint, imo & Soli oppositos esse. Talem opinionem amplexus est ac defendit Ferrerius in libro de Judiciis Astrorum : nescio si ludendo ac joco potius quam serio hæc scripserit, cum nec Venus a Sole plus quam gradibus quadraginta octo , & Mercurius gradibus vingt novem elongetur.

Motus Erraticarum, et si ratione velocitatis primi mobilis æquali gradu currunt, tamen in illorum peculiari motu variantur omnino, Saturnus tardus, Jupiter non tantum, Mars deinceps & sic de aliis. Frustra enim in iis adnotandis tempus consumeretur, cum per se pateant : qui et si accidentia nobis appareant, nempe tardi, velocies, retrogradi, stationarii, & similes ; tamen in propriis illorum Sphæris taliter non extant , & accidentia ulla non sentiunt, ex motu vero illorum nobis talia demonstrantur. Nam tarditas & velocitas alicujus Planetæ, ex proximitate vel longitudine ejus a terra provenit, cum ex successione Signorum defertur, vel quando contrario motu orbis fertur , ipse vero semper

318 *Sympathia VII. Metallorum,*
semper æqualem, eundemque tenet mo-
tum.

Caliditatem vero nullo medio in Plane-
tis negare possumus, quæ etsi ex Natura,
non tamen ex motu. Si ergo in introduc-
tione alicujus formæ calore indigeat, &
productio absque calore non fiat, calidita-
tem ergo habere est confitendum; licet in
aliquibus per se, in aliis per accidens, cum
Arabibus tenemus. De Solis calore nihil
differendum, cum per se absolute caleface-
re, non virtualiter, sed actu appareat. So-
lem insito sibi calore calefacere Albuma-
ron scripsit, sed & formas elementales in
Erraticis extare, respectu illorum, naturam
quandam calidam, quandam frigidam,
quandam humidam, quandam sicciam.
Quas qualitates singulas non alibi quam
in terra tanquam in termino exercent, &
eorum vires demonstrant. Et licet Terra
omnium Elementorum infima ob ejus a
Cœlo maximam distantiam, natura cras-
sior, frigidior, & inferior existat, & minus
quam cætera Elementa vitalem auram par-
ticipet: nihilominus quia immobilis in
centro undique hæret, & illius singulæ par-
tes in centro firmissime, arctissimeque
conjunguntur ac uniuntur: omnes radios
Planetarum, Stellarum, & Corporum cæ-
lestium suscipit, & congrexientes ac deve-
nientes influxus, ac præter proprias virtu-
tes, etiam alias trium Elementorum simul

in,

in eam deferentes, tanta bona concedunt temperata, ut in illa tot rerum varietates producantur ac appareant. Nam si amor in Elementis non consisteret, ex nimia sua fœcunditate aliorum trium Elementorum odium reciperet, & ab influendo desisterent. In ipsa namque omnia vegetabilia, intelligibilia, & sensibilia, homines nempe, bruta, & plantæ: omnia Metalla, omnes Lrides pretiosi, & denique omnia triplici viventia vita, in ipsa, & ab ipsa, & per ipsam vivunt, sentiunt, & intelligunt. Et si in cæteris aliis tribus Elementis animatia apparent, attamen ad terram tanquam ad fontem omnia recurserunt, & ab ea tributa continue deferunt: nobilior ergo cæteris. Non sine ratione a benignissima Natura ei a cœlo distare concessum fuit. Nam cum terra immobilis semper permaneat, quietem suæ stabilitatis omnino cupit & amat. Quævero ad contrarium ducere possunt, fugit & declinat. Cœlum in continuo motu conspicitur, nunquam quiescit. Istius motus est contrarius quieti & stabilitati terræ, ideo ab illa fugit, & remotissimo in loco, tanquam ab illius contrario permanet, loco & sede tutissima: cœlum tamen per influxus ipsam irrorat, humectat, & fœcundat. Nec audiendi sunt, (nisi differendo ex varia rerum generatione) qui illam mobilem esse autumant, cum talis generatio non

non dicat mobilitatem in Terra, sed fœcunditatem. Quod si juxta illos secundum partes esset mobilis, moveretur etiam & tota: cum Terræ partes sint homogeneæ, mota una parte, moveretur & tota. Nec de triplici Terræ motu, diurno, annuo, & trepidante juxta Copernicum, differemus. Nam si ad triplicem istam motionem, quartam, nempe motum gravitatis ad centrum daremus, omnia physica fundamenta ruerent. Ideo Terram omnino immobilem esse affirmari oportet. Licet Philolaus, Timæus, Seleucus, Aristarchus Samius, Archimedes & Eudoxius in suis scriptis contrariam partem demonstrarent: tamen non serio, sed ut suam subtilitatem & ingenii acumen demonstrarent, id fecisse credimus. Si mobilis esset terra, idem dicendum foret quod in cœna Regis Prusiæ dictum fuit, nam cum quis de Terræ mobilitate disserraret, unus exstantibus Ministro dixit: Amice caute vascula vini observes, ac teneas, alioquin vinum effundetur: terra enim movetur.

Cum igitur Gausæ secundæ in Elemento Terræ, tanquam in termino bene ordinato, optimeque disposito suas virtutes & qualitates demonstrent, oportet etiam ut quicquid ab aliis devenire potest, in tali termino, veluti in loco apto verificetur & conspiciatur: non ut Terra per se sola, & absolute omnes effectus secundarum causa-

rum producat & augeat , sed tantum ex parte sui ad id, quantum in se est, concurrat : & quidem hoc multum esse videtur. Nam licet terminus non sit causa , concedit tamen locum ad causas , causæ æque dispositæ , optimeque ordinatæ dant effectus. In terram , ut præmisimus , tanquam in centrum stabile ac dispositum , ex Corporibus cælestibus & Elementis qualitates omnes & virtutes diffluunt : Si ibi congeries ad productionem inveniretur , productio fieret : unico concludam verbo , Corpora cælestia dant esse generale. Terra specificum , tanquam mas & fœmina . Nam cum totum Corpus cœleste Terram circumdet , maris officio fungi conspicitur. Terra licet stabilitate gaudet , tamen Cœli agitatione agitata tanquam a viro proprio , vires illius veluti semen recipit , & ab igne calorem , ab aëre & aqua reliquas qualitates suscipiens , grava remanet , in sua que stabilitate perseverans , ad coitum proprii viri , tempore omni bene disposito , est parata. Semen receptum sunt rores & pluviæ , quæ virtute secundarum causarum ex motu & lumine , omnes species producibles , & individua composita in materno utere introducunt : Suo vero tempore , pulcherrimos parit filios , & ad fruendum concedit. A Cœlo igitur tanquam a parente , a terra tanquam a matre filios generante , retinente ac conservante ,

te, horum inferiorum productio appetet: Genitores a filiis reciprocum sentiunt effectum & amorem. Nam genitum generantem ut beneficium amat, generans generatum tanquam beneficiatum sum-mopere diligit. Pluviæ, venti, rores, grandines & omnia similia, statim post generationem, ad matrem ut beneficium praestent accurrunt, & amoris impulsu, magno impetu declinant. Lapidès, Metallà, & Mineralia a terra genitrice ortum cognoscentes, quando extra degunt, cleriter & sine intermissione ad sinum matris velocissime currere videntur, nunquā sistentes quo usque eam possidendo amplectantur: Quid de Plantis, Herbis, & Arboribus, quæ tanto studio & amore genitricem diligunt, ut non sine suo interitu se ab illa evelli & expelli patientur? Quin immo sic propriis radicibus tanquam brachiis, infantium instar, materna viscera tenent ac constringunt, ut aliquæ non sine apparentibus lachrimis illam relinquerre videantur. Terra vero pia mater infilios reciproco amore anhelat: nam vitali humore tanquam lacte eos nutrit & pacit. Congruo tempore rorem ab aëre & cœlo postulans, ipsos a nimia caliditate pene exinanitos humectando vivificat, se ipsam dilacerat ut pabulum, vitalemque substantiam, qua nutriantur, conserventur, & incrementum capiant, omni dili-

gentia

gentia & industria eis conferat. Mater equidem benignissima.

Sed & Corpora cælestia suas elementales qualitates in terram veluti in uberrimum locum influentes, eam summopere ad generationem adjuvant & disponunt: modoque Metalla, modo Lrides, modo Plantas juxta illorum virtutes & qualitates generat & producit.

De Peculiari Sympathia Lapidum ad Planetas.

Cap. VIII.

Saturnus omnium Planetarum primus ex natura frigidus & siccus influendo qualitates similes concedit. Et quia per solam frigiditatem & siccitatem generatione non daretur; ideo caliditatem aliquam in humido requiri, ex his quæ prædiximus, apparet, ita ut ea duntaxat introducat, quæ respectu sui posse valet, mediante innato calore, qui cum humido se immiscens ad generationem disposuerit; Tamen ex parte Planetæ, quia maximam partem suarum qualitatum concedit, majorem etiam virtutem in illo acquirit, ut de lapide isti Planetæ peculiari & ejus cum ipso Sympathia apparet ac elucet. Turchesia Lapis Saturinus, quomodo illi sit peculiaris facillime apparebit, si primo naturam & qualitatem lapidis examinaverimus. Turchesia de illorum specie est, qui inter opacos connumerantur. Opacitas est corpus obscurum

multa terrestreitate (de lapidibus sermo)
præditum : terra frigida & humida per-
multum Saturno similis. Saturnini nam-
que terrei & melancholici dicuntur. Tur-
chesia ex mixtione & ex colore Saturno af-
similatur, color ille cœruleus mixtus cum
albedine Saturninus extat, cum ad cineri-
tium tendat, qui color Saturno appropria-
tur : etsi ex tali colore sympathia absoluta
non eligatur, tamen ad essentialē approxi-
mat. Nec obstat alios Lrides tali ope-
citate præditos reperiri, & eadem materia
condensatos, qui tamen Saturnini non ap-
pellantur : Turchesia enim non solum
materia condensata & opaca constat, ut
cæteri lides simili materia, sed tali colo-
re, qui nulli aliorum competere appareat.
Nam dictum fuit lides a colore, non ab
alio accidente distingui, cum multi lides
similes existant in duritie, in transparen-
tia, & in aliis, tamen vel a colore vel a
fulgore inter se distinguntur : Non enim
unquam Lapis vel Gemma reperitur adeo
alicui similis, ut aliqua clausula distinctio-
nem in eo non efficiat. Turchesia perfe-
ctissima censetur, si ad plumbi scobem co-
lor ejus vergat, & talis vere Saturnina di-
citur, & cum illo Sympathiam habebit, si
præsertim continue suum conservare co-
lorem apparebit. Saturnus igitur cum sit
Planeta melancholicus, frigidas qualitates
eum habere opus est. Turchesia frigidis-
sima

sima qualitate est prædita. Semper enim in quovis calido existat, nunquam calorem intrinsecum recipiet, imo potius frangitur, quod experientia patet in deferente. Nam si cadat ab alto lapis frangitur, non ex ictu aut percussione, sed ex motu licet minimo: cum deferens Turchesiam cadit, spiritus ex accidente alterantur, alteratio illa ex ebullitione sanguinis præ timore devenit, calorem maximum in membris causatur, calor in artibus & membris restrictus retineri non valens, per meatus & poros prodire conatur, prorumpit & exit, quicquid reperit inficit & turbat, & quasi virus officit, immo si resistentiam humidi non haberet omnino occideret. Turchesia frigidissimæ naturæ ab extrema caliditate tacta, resistere non valens frangitur & rumpitur, quia calorem insitum sustinere non valet. Hæc est causa illius fractionis, quicquid cæteri dieant, hoc ei ex occulta virtute insitum esse. Quod si in aliis Lapidibus fractio talis appareret, negotiationem prædictorum pateretur. Sed in nullo Lapiде talis fractio in casu deferentis videtur, nisi in Turchesia, ideo ab effectu causa judicanda erit. Quod si a Planeta talem effectum produceret, ut alii tenent, non Sympathia, sed Antipathia inter eos appareret, opponens se malignitati Planetæ, qui si in tali situatione vel oppositione reperiatur, ut casum ab alto

minetur, posse quodammodo suspicari, tam
jacturam a malignitate Saturni, vel
potius a deferente procedere. Sed in rei
veritate naturaliter loquendo, non aliun-
de fractio illanisi ab ebullitione spirituum
in sanguine existentium devenit. Quidni,
si Sympathiam eligere volumus, etiam ex
Metallo eligemus? Nonne Plumbum adeo
est molle, ut percussum non solum cedat,
sed extenuetur? Turchesia idem demon-
strat: nam si percutitur, non tantum ictu,
sed etiam virtuali aliqua potentia suæ qua-
litati contraria, cedit, rumpitur, & dilace-
ratur. Ecce armoniacam sympathiam. Si
ex parvis magna componere liceat, aliam
etiam in animalibus Saturninis reperi-
mus, & hujus Planetæ Sympathiæ finem
imponemus. Saturnus inter alia animan-
tia Camelum tenet: Camelus in illorum
numero reponitur, qui Saturnini nuncu-
pantur, Animal valde triste & melanco-
licum: Animal istud inter cæteras proprie-
ties & qualitates diu labori resistit, sitim,
famem, & inediam summopere tolerat &
sustinet, adeo ut per quatuor, quinque, &
plures dies sine cibo & potu perduret: laf-
sus tandem oculis cæcutiire videtur. Tunc
illorum ductores & gubernatores cum
Turchesia oculos tangunt, & ex ejusdem
pulveribus liniunt: unde illi viuum recu-
perant, & vigorosiores evadunt. Immo
de pulveribus Turchesiæ aquis miscent, ad
potan-

potandum illis præbent, & eorum vires augmentur. Quotidie in Arabia, ubi Gamelorum maxima est multitudo, experientia hoc comprobatur. Dicunt quod etsi Turchesia illius Regionis non sit maximi valoris, neque in numero illorum qui pretiosiores tenentur, tamen Turchesia Saturnina omnino erit. Et quemadmodum in electione istius Lapidis annotavimus, nihil refert ut differant numero, dummodo specie sint iidem, verum enim erit, si de perfectissimis habeantur, eorumque effectus perfectius demonstrare valebunt. Idem exemplificare possumus de herbis Saturno dicatis, quæ in pulverem redactæ Turchesiam adulterant. Sed ne a nostra Sympathia elongemur, finem huic Planetae imponamus.

Corneolum Lapidem Jovi proprium esse perhibent. Jupiter planeta ex sua natura temperatus calidus & humidus extat, aereas qualitates possidet, & quando aliquam formam introducere valeret, nisi per possidentes qualitates fieri non posset. Orbis illius est major Terra nonaginta quinque partibus cum dimidio, ratione longitudinis sui excentrici. Per caliditatem & humiditatem semper suas virtutes demonstrat: quæ absolute ad productiōnem summopere sunt dispositæ, meritoque bonum & majus fortunium nuncupatur. Terra vero sua innata & insita vir-

tute onusta semen recipit, parit, & producit juxta receptionis modum, ut ex superioribus adnotatis demonstravimus. Corneolus sive Sardius merito Jovi dicatur, cum ex sua natura inter medios connumeretur, inter opacos nempe & transparentes: Nam licet per humiditatem transparentiam emitteret, per caliditatem condensantem id facere prohibetur, ac impeditur. Calor enim partes subtiliores in unum colligit, & collectas indurat, adeo ut subtilioribus evanescentibus grossiores remaneant. Clari enim humores per se minime existere valentes in contrariam naturam vertuntur. Qualitates in Corneolo sive Sardio sunt eadem quæ in Jove, & licet effectus similes his qualitatibus in aliis Lapidibus conspiciantur, in Corneolo tamen sive Sardio sunt alio modo & alia via introduc&æ, & ipsi Lapi annexæ, adeo ut vera & realis ejus cum Jove Sympathia appearat. Primo a colore subrubro, qui in aliis Lapidibus sive Gemmis semi-opacis minime invenitur, neque tam nitidi & splendentes absque ulla intersectione, puta parva linea alicujus externi coloris, aut mixtione colorum, ut in Agatha vel Chalcedonio: Et quemadmodum Jupiter semper bonum fortunium dicitur, cum semper talis ex se extet. Ita Lapis iste illi proprius talis semper fuit & apparet. Romani namque Imperatores non alio lapide

lapide in Epistolis scriptisque obfirmandis, nisi isto usi fuere, immo temporibus istis novissimis, raro in alio Lapide illorum effigies apparent. Dignitas a natura sibi insita, cum Jupiter Planeta dignitatibus & honoribus praesit, illosque largiatur. Deferentis animum hilarat, mentem elevat, & praecellentiam demonstrat: quæ proprietates si Jovialibus sunt propriae, alii judicent, cum per se apertissime pateant. Jupiter omnium bonorum morum est largitor, & inclinative dignitates & animi tranquillitatem præmonstrat. Prægnantes mulieres talem Lapidem seu Gemmam prope umbilicum alligatam cum Stanno purgato deferentes, partum tempore opportuno conservat, & prolem liberat. Hoc Naturales experientia comprobarunt, ratione humiditatis & caliditatis ad invicem unitarum, quæ conservationem individualem accommodant. Sed ut secretiora aliqua inferamus, & ut veram & apparentem sympathiam in Lapiде demonstrem, mirabilem illius proprietatem enarrabo, & non credenti per experientiam ostendetur. Si quis quando dormitum in nocte vadit, talem lapidem suo ore intus clauerit, & mente seu corde quicquid scire aut videre desiderat, secum ruminet vel cogitet, talique fantasia imbutus somnum capiat, absque illusione aliqua ea in somnis videbit, quæ ante somnum per fantasiam

excogitaverit, dummodo in cœna sobrietatem amaverit: anima enim tunc operans, a vaporibus stomachi ad cerebrum elevatis interior homo minime impedimentum sentiet: sensus clariores per sobrietatem effecti ea quæ ab anima revelantur facillime memoriæ tradunt, & per reminiscientiam conservant. Lapis in ore retentus (ut Physica demonstratione utamur) per proprias qualitates impedimenta omnia totaliter aufert, & virtutes a qualitatibus sibi inditas & concessas per accessionem aliis communicat, ut puriores claroresque effectus inde exoriantur. Hinc est quod ex ista operatione Sympathiam cum Jove elicimus. Jupiter si in aliqua genitura quartam domum occupante collocatus fuerit, in propria domo non læsus, non combustus, & similia, somnia vera concedit & tribuit, quæ quidem virtus ab iliusmet qualitatibus provenit, sicut in Lapide paulo superius demonstravimus. Non enim Metaphysica erit demonstratio: nam de qualitatibus tantum sermo erit, ut apud Medicos idem tenetur. Arnaldus de Villa nova in suo de Somniis tractatu consilendus, tantum terigisse nobis sufficit.

Jupiter habet in Zodiaco Pisces & Sagittarium. Iste coxis & femoribus humani corporis præest, illi vero pedibus, quæ signa ex caliditate & humiditate simul junctis participant. Corneolus sive Sar-

Sardius, infirmitatibus ex talibus accidentibus provenientibus medetur, nam pulveres illius per tres aut quatuor horas ad aquas baccarum lauri infusi & humoribus applicati apparenti medela medentur, ad calidas tantum lamina stanni subtiliter extracta, ac etiam applicata. Ex Americo Sosio in sua Decade accepi, Dec. sexta, cap. 9. Tali via & doctrina ex trina armonia sympathia apparet.

Mars Jovem sequitur, cui Smaragdum Lapidem concedunt. Causam ab effectu quæramus. Mars Planeta ex qualitatibus naturalibus calidus & siccus, ideo igneus omnino. In Zodiaco Scorpionem & Arietem pro signis possidet, ejusdem naturæ & qualitatum. Smaragdus gemma est præstantissima, maximæ eximiæque virtutis, igni applicata corroboratur, & in virtute augetur: adeo ut ex qualitate Planetæ sibi fortitudinem vendicet. Nam ad Lumen candelæ vel ignis proprium colorem non solum retinet & ostendit, verum etiam clariorum, jocundiorum, & pulchriorum carentibus demonstrat: Amœnitas suæ essentiæ ab ignis lumine dilatatur & augmentatur, adeo ut illius lumine & fulgore ornetur & augeatur, & alios superare videatur. Ecce rationem igneæ qualitatis, qua suo Planetæ associatur, & in virtute conjungitur, & approximatur. Mars ut bellator, vigilantiæ & custodiæ est symbolum.

Ium. Vigiliæ soporem & somnum ejūciunt. Smaragdus hanc etiam proprietatem possidet & demonstrat, nam illum ferentes sic corroborat, vivificat, & spiritus vigilantes efficit, ut diu vigilando in quovis opere perseverare possint. Mars ex Metallis ferrum sive chalibem possidet: Smaragdus auro inclusus colorem minuit, in chalybe vero non solum conservat, sed auget, quod in aliis Metallis minime conspicitur.

Ex ferro pulvis conficitur, Crocus Martis ab Empyricis nominatus, quem medica ars ad dysenterias sedandas & restrin- gendas multum conferre dicit, & ad cordiales torturas & palpitationes aliquando Paracelsistæ in aliqua conveniente dosi patientibus donant. Sinaragdus in pul- verem redactus, via facilitiore & communi, ut suo loco demonstrabitur, idem in prædictis infirmitatibus præstat, ut per experientiam millies probatum fuit. Color Smaragdi est viridis, qui aggregandi, & non disgregandi visionem vim possidet. Color talis corroborans & fortificans vi- sionem, non aliunde nisi a qualitatibus Marti similibus, quia talis color ille pro- prius, devenit: quin immo (per experien- tiam) addatur colori viridi, absque ulla mixtione, parum de nigro similiter abso- luto, sanguineum omnino efficit colorem, qui etiam Marti est proprius. Sanguineus iste

iste color ex viriditate compactus calybi ignito perbelle nitido applicatus sic & taliter illi unitur, ut non solum sit ab illo inseparabilis, verum etiam si dum feruerit elaboretur, effectus in artificio mechanico mirabile demonstret. Nam colores varios, prata, arbores, & loca amœna configurare potest.

Smaragdus in Metallo Martis virtutem acquirere conspicitur. Nam si in ferro liquato, adeo ut fluat, solus & per se absque defensione aliqua, per unius horæ quadrantem collocetur, non solum colore, virtutem, & essentiam non perdet, sed bonitatem & duritatem acquiret. Quinimo si glacialis fuerit, cum aliqua macula, dummodo ex utraque parte non penetraverit, ex Metallo illo candescente sic perfectus exiet, ut non nisi ex forma cognosci possit. Smaragdus ignem superabit, & ab igne superabitur, quia illæsus ab illo exiet, & maculas sive defectus relinquet, in ignem absque defensione intrabit, quia ejusdem qualitatibus praeditus illis unietur, quod in aliis Lapidibus seu Gemmis Planetaryis non appareat, ut suo loco demonstrabitur.

Ad Solis Sympathiam cum Saphyro properamus. Sol Planeta omnium lumenissimus, calidus & ticcus, temperatæ naturæ, Terræ proximior Luna excepta, similes qualitates in terra demonstrans, sua virtute

virtute & calore corroborat, fortificat & ornat, adeo ut ad productionem & generationem fœcundissimæ matris munere fungatur: non solum influendo illam prolificam reddit, verum etiam humores ab illa attrahendo, purgat, & disponit, circulando per humiditatem calidam, & per humidam caliditatem, adeo ut in quavis generatione absque Solis virtute deficeret: Sol & homo generant hominem, dicunt Philosophi, per naturam nempe calidam & humidam. Si aliquid boni a cæteris Planetis in inferioribus appareat, a virtute Solari id provenire fatendum. Qualitates Solares temperatae existentes, virtutem maximam demonstrant: nam etsi aliquæ ex Erraticis easdem fere possident, non temperatas & absolutissimas existentes in virtute deficere oportet: Non enim adeo intendunt ut Solares, aliquando etiam remittuntur, quæ accidentia numquam in Sole conspicuntur. Si in sui deliquio lumen ejus deficere appareat, hoc tantum in sublunaribus videtur, ipse in se manens semper idem, ut supra demonstravimus. Sol igitur rerum omnium in terra existentium ex uno latere duxit & minister dicitur, eorum vero quæ supra Lunam alio ex latere moderatorem se ostendit ac dispositorem. Medius namque existens, Planetis infra & supra existentibus, sic suam virtutem cum illis participat

ticipat & compensat, ut quisque pro suo posse tantum recipiat, quantum ad diffusivam sui virtutem opus habet. Saturno multum ab illo distanti parum influit, Lunæ similiter: Jupiter æquipolleth Mercurio, Mars Veneri: Tali ordine illorum qualitates mutuo se conciliant & moderantur, qualitates Saturni a vicinitate Jovis, Jupiter à Marte, Mars à Sole, Venus similiter à Sole. Hæc moderatur juncta Marti, ex vicinitate Mercurii: Mercurius vero cum sit prope Lunam, omnimodam humiditatem ab ea accipiens, à qualitatibus Veneris temperatur. Sol vero suum motum in anno terminans, per duodecim Zodiaci signa decurrens, quatuor anni tempora ex quatuor cardinalibus, Ariete & Libra, Cancro & Capricorno dividens, novas in terra varietates, & effectus producit. Et quemadmodum in terra nulla res apparet & extat, quæ in firmamento proprium sydus non habeat: Sic quamlibet Sphæram proprium essentialē rectorem, puta intelligentiam habere, erit dicendum. Hinc necesse fuit ut cælestia terrestribus per aërem medium copularentur, ut substantia & virtus omnium rerum inde dimanando modo exquisito distribueretur, ac veluti inferiora cum superioribus jungerentur aëreo spiritu productore, puta intelligentia illius orbis, quem ab Authorе omnium fieri ministeriosanctorum Angelo-

gelorum intelligendum sentio. Tali namque via cœlum veluti anima foret, aër veluti spiritus: Terra vero corporis munus subiret, Sol rector per suam vivificam naturam calidam humidæ unitam formas omnium rerum concederet. Cæteris jam in superiore tractatu adductis, tantum de aëre copulativo spiritu dicam, ut inde Sympathia Saphiri cum Sole appareat. Ipse enim ad Solis mandata productivam introducit speciem. Inde Anaxagoras Aërem omnium rerum semina continere statuit. Imber namque, aër puta condensatus, & Sol cuncta lignunt, humiditas nempe cum caliditate; Ideo quidam summus Philosophus tantum tria Elementa statuit, nempe terram, aquam, ignem: aerem vero negavit, non ut omnino removeret ab his tribus, sed tanquam glutinum & spiritum illa tria connectentem. Et licet Marcilius Ficinus virtutes & qualitates in lapidibus ab Astris devenire teneat, non tamen absolute illius opinio sic tenenda erit, ut terra & alia concurrentia excluderentur; aliter a Sole nihil aut parum deveniret, & Astra æquali passu cum Sole in virtute incederent. A Solis calore in illis existente aliquæ formæ apparent, cum ex gremino materiæ formas producere dicitur, Amor enim non permetteret esse sine germine, & siccus effusus extra se, sic delectatur attrahere omnia

ad se. Modo ad nostram Sympathiam eligendam devenio. Oportuit hic diu immorari, cum de Sole agatur, & de Saphyrō aëris colore prædicto, quandoquidem per aërem illum eligimus. Saphyrus omnium gemmarum speciosissimus est, aëris colore imbutus, à quo ut Solis ministro colorem accipit: nam cum sit Lapis solaris, colore etiam illius ministri induitur, tanquam sibi peculiari. Lapis iste castitatem diligit, cum de aëre puro teneat, coquinatos respuit: Sol similiter castissimus, & impollutus a Secretis Theologis nuncupatur. Rubedo nulla in illo apparet, ut in Ametisto, qui etiam aëris colorem tenet, mistum tamen rubidine, ut suo loco dicetur. Sunt enim Saphiri alii albi, alii cœrulei: mares isti, femellæ illi nuncupantur. Albi vero ut omnino absolute dici possint, & tam isti quam illi in Adamantem facillime verti possunt & transformari, si ferro subtilissimo circumdati, in aurum liquatum ferventissimum per tres horas submergantur, extrahantur, illico colorem perdidisse apparebunt, & duritiem Adamantis acquisisse, similiter adeo, ut nobiliores conspiciantur, & lucidiores. Ecce ratio cur Soli etiam Adamus concedatur inter gemmas. Clare patet igitur, Saphyrum exhalationem terræ tingere, & ex summo calido per aurum Solis Metalium talem evadere, ut ex triplici Sympathia

thia armonia appareat; cum ex colore veritas innotescat, & ab effectibus comprehendetur, ut in sequentibus.

Sol in humano corpore Cordi præsidet: Solaria igitur ad Cordis sanitatem multum conferunt. Aurum cor exhilarat, Saphirus similiter: si salis hujus lapidis quatuor grana per tres dies accipientur, omnem cordis tremorem & palpitationem tollit & aufert, ipsum corroborat, vivificat, & ad incrementum perducit. Sal à Saphiro tali via haberi potest. Saphirum cum duplo sulphuris communis misceas, igne adhibito in calcem reducatur, abluas calcem aqua stillatitia, quoque partes sulphureæ omnino non appareant, & evanescant. Exsiccatam calcem vini essentia perfundito, dein sine macerari, destilla, & quæ in fundo remanserint iterum pari via calcinabis, & toties opus reiterabis, donec totum in aquam distilletur, ex qua sal generatur. Si ipsam coxeris per humidum, oleum à sale etiam recipies. Addam & aliam Sympathiam, quæ de Metallo cum hoc lapide solari elicetur. Jam dictum est Solem cordi præsidere. Si igitur ad veram cordis corroborationem pergere velis, adeo ut numquam in futurum a tali passione molestetur, extingue in aceto Terebentini aurum ignitum ter aut quater, quanto pluries eo melius: in aceto dissolue pulveres Saphiri, addas aquis cordialibus

bus & syrups similibus, accipiatur per mensem, adeo perfecta cordis hilaritas subsequetur, & corroboratio, ut per totius vitæ spatium, nullam prorsus talem patiatur syncopem. Hæc sunt naturæ arcana, quæ in Lapidibus apparent, ut secundas causas bene & congruenter ex sympathia agere pateat. Ad aliam sympathiam deveniamus, ut Veneris cum Ametisto sympathiam cognoscamus.

Venus Planeta naturæ humidæ & frigidæ temperate : tales etiam qualitates in inferioribus demonstrat. Cum Sole fere incedit, & parum ab illo elongatur : ideo hallucinantur, qui illam Soli opponi arbitrantur. In Lapidibus Ametistum tenet, ideo naturam & essentialēm istius Lapidis qualitatem quærendam censeo, ut ea exacte cognita optimeque examinata, facilius ejus sympathiam eligamus. Relictis aliorum de isto lapide opinionibus & vanitatibus, tantum essentialia & vera demonstramus. Lapis iste ex suo amoenissimo & delectabili colore omnibus est gratus, & saepe Indici tanquam veriores & nobiliores desiderantur, ut deferentibus ex illorum virtutibus effectus demonstrentur. Ex sua natura frigidus temperatus extat adeo, ut magis de humiditate participare videatur. Nam prope umbilicum alligatus ebrietatem impedit, & contra fumositates vini validissime repugnat : Si in digito medio

prope ramusculum venæ cordialis gestetur, gratiam multum conferre dicitur, prout naturaliter id devenire appetet: nam ex colore & delectu hoc contingere potest. Si eadem via ut Saphirus in Adamantem vertatur, nobilior evadit & præstantior: non in auro ignito, sed in ære fuso per duashoras ad validum calorem teneas: de Indico Ametisto id faciendum censeo: cæteri ratione eorum fragilitatis parum igni resistere valent. Lotionem Ametisti cum vino præstantissimo semen augere autumant si bibatur, Veneris forsitan natram imitando, vel potius commonistrando. Venus pro Metallo Æs possidet. Æs vulnera sanat, imo vulnera, quæ ab Ære deviunt, facilitiori via & breviori tempore sanantur & medentur, iis quæ a ferro aut ab alio quovis Metallo inferuntur. Ametisti pulveres vulnera sanant, consolidant, & sanguineas sedant. Auricalchi folia si subtus Ametistum Lapidem reponantur, illum vivificant, & splendorem ejus augment: Aurichalchum est mixtura Æris. Ametisti pulveres per calcinationem reducti, & Æri misti in quantitate proportionali, si fusioni tradantur, alias Lapis efficietur multis coloribus prædictus, adeo ut varietatem pennarum columbae videatur imitari: mixturæ tamen addendum de camfora simplici.

Sed ut aliqua ex Arithmeticis demonstrem,

strem, indeque sympathiam eligam, hæc pauca inferam. Venus non elongatur à Sole nisi per viginti octo gradus: talis numerus Ametisti fatali quadam constitutione Sympathiam demonstrat: Accipiantur quadraginta octo partes (sive parvæ, sive magnæ, nil refert, dummodo in præsignato & determinato numero æquipolleant) pulveris istius Lapidis, & tantumdem de Auro purissimo: tradas igni ad fusionem per quadraginta octo horas cum Sale alcali: Exinde habebis lapidem aureum nobilissimum, & diaphanum, qui mirabilis erit, licet sit frangibilis & friabilis, tamen ex illo monilia, ornamenta, & imagines diversæ confici possunt. An a numero, an ab alia occulta virtute id proveniat, nunc non erit disputatio; tantum ex sympathia ad Planetam id fieri autumo, cum ex numero elongationis à sole in lapide apparet, & conjunctio aliunde fieri nequiens, in illius Metallo demonstretur.

De numerorum virtute & potentia quis dubitat? sunt equidem ad omnem naturalem Magiam potentissimi & efficacissimi: ibi adsunt secreta in mundo abscondita, Mathematicæ Philosoph. arcana in illis eluent. Pro nunc nil de illis differendum. Tantum de numero quadagesimo octavo pro sympathia pauca inferam. Numerus iste ex octo senariis conflatur, sex per octo ducti numerum quadagesimum

octavum efficiunt: & etiam ex quatuor duodecimariis: Qui numeri, nempe sex & quatuor, simul uniti, Maximum numerum, nempe decem, constituunt. Decem enim est numerus ille perfectionis, cum non de excessu teneat. Igitur ex sex per octo, & ex duodecim per quatuor ductis, alius numerus, nempe trigesimus constituitur. Sex & octo quatuordecim efficiunt, ecce prior numerus: duodecim & quatuor sexdecim conflant: ambo simul juncti trigesimum demonstrant, qui est numerus gradationis Solis per singula Zodiaci signa. Si trigesimo numero decem & octo addantur, numerus elongationis Veneris à Sole, nempe quadragesimus octavus, eveniet. Multa & alia de istius numeri compositione apparent, cum sit compactus ex quadraginta & octo, quorum ille beatificationis, iste justitiae. Alia quoque occultior armonia ex radice primi cubi & ex duobus æqualibus quadratis demonstratur: tamen à nostro instituto ne elongemur, sufficit sympathiam eligere prout habuimus.

Ad Magnetem Mercurialeм deveniamus: ex qua consideratione videndum erit, cur lapis iste Mercurio dicatur, & num sympathia deveniat a qualitatibus ab effectibus. Licet lapis iste ab aliquibus potius in numero Metallorum, quam lapidum connumeretur: nihilominus illo-
rum

rum opinio erronea est, cum si Metallum esset, ad ignem, ut cætera Metalla, fusionem sentiret; sed experientia contrarium demonstrat.

Et si de Magnetica scientia multos scriptisse, variasque demonstrationes patefecisse scimus: tamen nos de illius virtute, proprietate, & effectibus aliquid novi non afferre statuimus, sed illa tantum recensere, quæ ad nostram sympathiam spectant: difficile enim foret in hac materia novas demonstrationes invenire. Quis unquam valeret ad Tractatum à Giliberto Anglico editum quid minimum addere? Doctissimus vir ea tetigit & demonstravit, quæ vix intellectu percipi possunt. Sympathiam ergo quæramus, ex qua cum Mercurio cælesti, & cum Mercurio terrestri (vivo Argento) aliquam connexionem videntes, illorum sympathia cognoscatur, ut ea optime simul commensurata, quid physicæ considerationes valeant, demonstretur.

Mercurius Planeta natura frigidus & siccus, & tales qualitates possidens, similes aliis compartitur; Et quemadmodum in Metallis cum vivo Argento sympathiam habere demonstravimus, ita in Lapidibus Magnetem similiter obtinet. Quæ igitur sympathia inter hunc Lapidem & Planetam vigeat, videndum est.

Magnes licet Metallum non sit, tamen aliquas partes ferreas continet, non abso-

solute omnes Magnetes, aliqui dumtaxat.
Nam dum una pars minima Magnetis aliam
majorem trahit, non aliunde hoc illi eve-
nit, nisi quia in attrahente non adest fer-
rum, sive partes ferri, quas aliis attractus
tenet: aliter non attraheretur. Aliquas
ergo partes ferreas possidere tenendum.
Experientia didicimus Magnetem in Mi-
neris Metallorum saepenumero reperiri,
particulariter in Mineris Ferri. Metalla,
ut demonstravimus, originem ducunt a
vivo Argento; vivum Argentum sym-
pathiam cum Mercurio possidet. Magnes
in locis ubi vivum Argentum vigeat repe-
ritur. Aliquam ergo communem sym-
pathiam inter Metallum, Lapidem, & Pla-
netam inesse confitendum. Cur potius
alius Lapis in mineris non reperitur? quæ
major ratio de uno potius quam de aliis?
Et si forte fortuna Lapis quidam peregri-
nus ibi reperiatur, cur non attrahit vel at-
trahitur ut Magnes? Mercurius Planeta
ex natura sua vertibilis dicitur & versatilis:
communicans se aliis, attrahit aliorum vir-
tutes & proprietates: modo bonus, modo
malus, juxta locorum situationes. Magnes
est vertibilis semper, immo ad omnes Mun-
di plagas, juxta primam sui originem (ut
infra demonstrabitur) vertitur: modo Ori-
entem, modo Meridiem versus aliis se
communicat, ut per eandem virtutem ef-
ficaciam præstet. Modo videndum qua-
via,

via, quove medio virtus communicativa,
sive participativa illi conveniat, & an pri-
vatio suæ essentiæ in parte, vel in toto,
dici debeat.

Jam dictum fuit in electione hujus La-
pidis, virtutem in Magnere esse habitum
acquisitum ab origine sui principii, & ab
influxu naturali introductionem incipere
& fieri, eo magis & minus, quo in illa juxta
loci positionem fuerit major aut minor
dispositio, adeo ut si loci dispositio fuerit
absolute perfecta, perfectissima inde se-
quetur introductio: Sic de mediocri &
de minima. Magnes quando perfectissi-
mam recipiet virtutem, illam absolute
ostendere poterit, quia habitu perfectæ
qualitatis fuit imbutus, & aliis communi-
care per contactum absque sui ulla di-
minutione valebit. Nam sicut recipiens re-
cipit per modum dantis, sic donans conce-
dit ad modum recipientis. Ferrum non
valeret recipere virtutem introductivam
ad formam, sed dispositivam ad habitum:
Odores communicant suas qualitates aliis
corporibus sine privatione sui habitus, ad
instans incipiunt, & in tempore perficiunt,
adeo ut perfecta introductio odorum in
tempore terminetur. Idemmet odor per
participationem remanet in alio corpore
quemadmodum erat in proprio subjecto,
eo magis & minus, juxta illius vel illorum
dispositionem: imbutus odore, aliis &

aliis communicare & imbuere valebit, si tamen acceptio perfecta ab agente perfecto devenerit: optima namque virtus à primo requiritur, ut absque sui diminutione communicatio fiat. Aliter virtus debilis in tempore debilitaretur, & in tempore etiam omnino deficeret, ut in odoribus appareret. Magnes si perfectissimus in sua specie extat, communicando & aliis concedendo suam virtutem, sive virtutes, nihil de suipsius virtute perderet, quia talis communicatio imbibitio dici debet & potest, quæ per simplicem contactum operatur, & per similem contactum transit in multos, ut de multis annulis per contactum Magneticum simul imbutis appareret. Primus namque recipit a Magnete ipso, deinde alii communicavit, iste alii, & sic de cæteris. Si primus a Magnetica virtute non fuisset per contactum imbutus, decideret à loco suæ consistentiæ, & aliis vicinioribus, ubi virtus Magnerica extat, adhæreret, quæ virtus non extenditur nisi in circulo suæ virtutis. Sympathia equidem verissima & mirabilis in Mercurio Planeta: nam licet per contactum alios Planetas sua qualitate non imbuat, tamen ex iliorum coniunctione perficit finem suarum qualitatum, & vertibilis ad quodcunque opus appareret, & cognoscitur, adeo ut rerum omnium series (ut Platonici & Academicci dicunt) ab illo emanent & decurrant:

Alatinus

Alatus cum Caduceo pingitur, quæ insignia copulationem & operationem illius manifestant. Sympathiam juxta essentiam cujuscumque illorum demonstramus: Nam quisque operatur juxta proprietatem & essentiam suæ naturæ, copulatio amborum partium similitudinem demonstrat, similitudo sympathiam parit. Magnes ubicumque reperiatur, semper & ubique pars quæ Boream respiciebat Borealis nuncupatur, semperque etiam ad idem punctum consistit. Si inde amoveretur, reverteretur ibidem: Sic etiam ad aliam, nempe Australem, idem operabitur. Causam istius operationis demonstrabo. Loca natales sunt magis cogniti & amicabiles, quia ab illis origo, esse, & substantia recipitur. Si ad extremas Mundi plagas quis peregrinatur, semper naturali vi ad patriæ solum fatali via redire cogitur. In animalibus ratione earentibus idem fieri apparet, transeunt quotannis maria, ducunt & reducunt pullos, ut propria loca & cavernas visitent & incolant. Quidni? planetæ si in alieno solo reponantur, aliquæ ex illis moriuntur, vel non germinant, vel non vegetant. Lapidæ, Metalla, & Mineralia, in loco suæ consistentiæ vegetiorum demonstrant productionem, quam alibi: quia ibi natale eorum extat principium. Magnes dum in loco suo natali erat, aliquæ partes Boream respiciebant, partes oppo-

oppositæ Austrum, aliæ partes Orientem,
oppositæ Occidentem. A suo natalitio
loco avulsus, quas Mundi plagas in sua
consistentia possidebat, easdem respicere
& amare cogitur, & quia ab illis virtutem
recepit, illas respicere ac possidere natura
dictante desiderat. Si originem trahere,
cur non virtutes & qualitates recipere fa-
tendum? Virtutes & proprietates in ali-
qua materia recipiuntur respective, effica-
ciores ab uno quam ab alio loco, non ut
locus per se sit absolute aptus ad talem ma-
teriam perfectionandam vel deterioran-
dam: sed influentiæ magis convenient &
decurrunt in una parte quam in alia, Ori-
entales sunt vegetiores Occidentalibus.
Nunquid locus Orientis per se erit talis?
Non equidem, sed quia virtus solaris ma-
jori efficacia & virtute in Orientalibus re-
gionibus, quam in oppositis, pura Occi-
dentalibus, operari valet. Si igitur in cæ-
teris animantibus rationis usu carentibus,
loci suæ originis querendi desiderium elu-
cet, & appareat; qua de re non idem in
Magnete, in quo Natura tot præclara &
admiranda posuit & operatur? Mercurius
Planeta, licet pars aliqua orbis quem re-
spicit, minime dici debet: tamen quia
cum Sole fere semper incedit, & decurrit:
ibi aspicere & volui dicitur, ubi Sol suum
cursum dirigit: adeo ut si Sol in signis Me-
ridionalibus, ille Meridionales tenet: Si

Austra-

Australes Sol possidet, ille Australes, & sic de cæteris, adeo ut semper cum Solari- bus signis Zodiaci suum motum dirigit & perficit, fatali motu in suo lapide se demon- strans. Magnes ut perfectissimus censea- tur, ab extremitatibus virtutes diversas ut ostendat oportet, adeo ut Borealis & Au- stralis ad invicem oppositæ reperiantur: Australis attrahere, Borealis respuere vi- deatur, & ut talis, centrum ut habeat, & linea recta ad extremitates ab illo decurrat, erit necesse. Si igitur acus ferrea Magneti conjungatur, & adeo illi uniatur, ut unum corpus appareat, extrema pars acus erit Borealis, altera pars Magnetis Australis, quæ antequam acus ferrea illi jungeretur, opposita erat Boreali ipsiusmet Magnetis. Pars illa quam acus tangit est Borealis, & virtutem expellendi Ferro per contactum concedit: Amota enim acu ferrea à Ma- gnete, illius virtute imbuta apparebit; & tamen diversas operationes demonstrabit. Nam etsi à Boreali virtutem expellendi ac- ceperit, tamen non Borealis pars illa di- citur, quia altera pars ipsius acus, quando Magneti juncta erat, Borealis erat, tamen ex virtute accepta non aliam partem quam Borealem demonstrabit. Tali igitur de- monstratione partes similes contrariantur: quæ enim Australis non attraheret, & op- positæ attraherent, tamen ex virtute im- buta illam indicabunt plagam quam per- con-

contactum receperunt. Effectus equidem mirabilis, & adhuc minime notus. Nihi-
lominus acus eandem virtutem per ean-
dem partem suo contactu aliis concedit,
quam à Magnete recepit. Eandem viam
absque acu ferrea demonstrare possumus,
ut in ultima parte istius sympathiæ demon-
stratione adhuc non ab aliis, ut opinor de-
monstrata, ostendam. Modo ad nostrum
Mercurium Planetam per sympathiam ap-
plicando, dicimus, semper illum varias
operationes in cœli constitutione demon-
strare. Nam junctus Soli diversam config-
urationem ostendet, ac si junctus esset Sa-
turno : & junctus Saturno itidem diver-
sam à coniunctione Martis : sic in cæteris,
variando, diversa & prope infinita signi-
ficata ab illo eliciuntur. Quod quidem
in aliis Planetis minime appetet. Ubi-
cumque enim inveniantur, semper tales
per eorum proprietates existunt, quales ex
sua configuratione demonstrari valebunt:
non variant significata, neque alterantur.
Ex significatis suam naturam juxta aliorum
coniunctionem minime mutant: licet au-
gentur aut minuantur in significatis, mu-
tatio tamen in illis non extat sicut in Mer-
curio, in quo si infinitæ essent coniunc-
tiones, infinitæ quoque apparerent varia-
ties, quas quidem Natura Magneti lapidi
ex sympathia communicavit.

Quoniam pacto partes oppositæ Magne-
tis

tis oppositas habeant qualitates demonstratione indiget. Nam pars Borealis expultrix opponitur Australi attrahenti. Ratio ex se patet, nempe virtus unius per oppositionem alteram adjuvat. Quæ expulit attrahere nitens, virtute & vi utendo, alteri contrariæ exinde prodest, quia ubi major repugnantia, ibi majori potentia opus est, ex hoc invicem repugnando adinvicem repugnando adinvicem se adjuvant: Borealis expultrix ab Australi inficitur, actio illa confert vim expellendi: Australis attractrix à Boreali infestatur: tamen actio talis ei ad attrahendum multum prodest, & efficaciorem demonstrabit vim, & virtutem. Experietur uno eodemque tempore exhibeantur duæ ferri partes, una in parte Australi, alia in parte Boreali, visibiliter apparebit in utraque parte, majorem vim & virtutem tam in attrahendo, quam in expellendo sic unite demonstrari, quam si actio expulsionis vel attractionis per se solum variis temporibus fieret. Ex quo apparet actionem unius, tam in puncto Boreali quam Australi, alteri prodesse. Mercurius in quavis cœli situatione reperiatur, semper partes sibi oppositas fovet, quia si alicui Planetæ opponatur, illum in significato sive in bonum, sive in malum fortificat: oppositio namque Mercurii non est noxia. Ecce sympathia Magnetica, quæ partes sibi invicem contrarias per propriam naturam fortificat.

Magnes

Magnes Polum ostendit, non adeo tam
men precise, ut in puncto semper ubique
terrarum consistat: aliquando Orientem
versus septem aut octo gradus declinat, ali-
quando minus, magisve. Investigatores
à qua virtute sive potentia talis declinatio
illi accidat, an à terra, an ab aliqua supra
terram plaga, quærentes (in quibus obser-
vationibus multa doctissima equidem scri-
pserunt) tandem à Monte Magnetis prope
Polum Articum per viginti gradus in circa,
declinationem talem illi contingere com-
probarunt, & veram demonstrationem
forte reperissent, nisi quidam modernus
Ispalensis nova observatione cognovisset,
non aliunde nisi à motu Solis juxta positio-
nes & gradus, talem declinationem Ma-
gneti accidere. Nam cum prope Aequa-
torem navigasset, Sole adhuc altiore exi-
stente, nullam mutationem in illo appa-
ruisse; Sole vero declinante, & hæmisphe-
rium relinquente, mutationem se vidisse
dicit: adeo ut in Aequatore ultra decem
gradus consistens evidentissimam declina-
tionem in Magnete, sive in acu Magnetica
virtute imbuta se reperisse concludat Ispa-
lensis, mutationem sive alterationem in
Magnete à Solari motu devenire, & per
motum Solis nobis innotescere. Ulrum
talis observatio vera sit an non, alios ut vi-
deant, obsecro. Nova equidem cum ex-
tet, adhuc usque non observata, atque (ut
reor)

teor) minime cognita, experimento indigere credo. Ad sympathiam summopere præstare possit, cum Mercurius non amplius quam viginti octo gradibus à Sole elongetur. Magnes declinat à Polo decem plus minusve Orientem versus, Sole oriente: peragente vero cursum suum, mutatio ulla in illo, licet in Æquatore citra vel ultra consistat, non apparet. A Solari virtute per concomitantem Mercurium, naturali sympathia alterationem recipere videtur.

Dicunt Magnetem senescere, & vires exinde amittere, sed per calorem vehementem ignis denuo illas recipere. Primum conceditur, nempe de senectute & debilitate virtutis: secundum non absolute negatur, neque conceditur. Nam si Magnes ad ignem daretur, adeo ut ignitionem sentiret; tunc caloris excessus omnem perderet substantiam, deprimentur vires omnino, & proprium esse annihilaretur. Potius per temperatum calorem id fieri debet: per experientiam probatum: ad calorem aquæ calidæ in qua multoties chalybs sive ferrum ignitum fuerat extinctum, Magnes temperatus, modice calefactus, summergatur, & relinquatur usque ad refrigerationem fere, deinde extrahatur, & madefactus reponatur in vase vivi argenti pleno, adeo ut tota massa Magnetis à vivo argento cooperiatur:


non solum vires jam perditas acquiret, sed fortiores recipiet & validiores. Et ex hoc sympathia cum Metallo Mercuriali apparet, eo magis si verum est quod à Cardano testatur, Magnetem argentum quoque attrahere. Consideratio talis aliis relinquenda, cum materia Magnetis à pluribus fuerit disputata.

Jam dictum est partes Magnetis oppositas, oppositos ostendere effectus, nempe Australem attrahendi, Borealem expellendi. Tamen necesse erit, ut à centro linea recta ducta tangat ambas partes, alter talis effectus non appareret, quia oppositæ non debent nominari: tantummodo ex illa parte, in qua virtutem tenet & possidet, attractio vel expulsio appareret. Talis differens actio in ferro à Magnete imbuto non appetet, neque conspicitur: nam semel imbutum à quavis parte alia illi contraria correspondet, necessario propterea centrum retinere videtur. Nam si Ferrum per contactum à Boreali parte Magnetis fuerit imbutum, pars Ferri quæ Boreali opponitur, contrariam virtutem demonstrabit: si per contactum receperit virtutem attrahendi, pars huic opposita expulsandi fungetur officio, cum hac tamen differentia & demonstratione, si pars Borealis quæ ferrum imbuit, per contactum expulsandi dederit facultatem: Ferrum etsi talem facultatem à Boreali recepit,

pit, tamen oppositam exercent, quia pars
quæ in Magnete erat Borealis, in Ferro
est Australi, & quæ per consequens in Ma-
gnete erat Australis, in Ferro est Borealis.
Hoc contingit (ut superius demonstravi-
mus) ratione positionis Ferri in Magnete.
Tamen ferrum ex virtute à Magnete ac-
cepta semper ad illam se vertet plagam,
qua per contactum fuit imbutum. Equi-
dem Sympathia præclara ex hac differen-
tia in Mercurio apparet, cum ex se in con-
figuratione quavis non adeo sit validus &
fortis, quemadmodum per transitum in
aliis apparet, imo ex suo transitu aliis con-
cedit quod minime per se demonstrare
valet. Ad Astrologos hoc spectat, ipsi
sympathiam eligant.

Habeantur duo frustula Magnetis, quo-
rum unum neque in pondere, neque in
virtute, neque in magnitudine, neque in
quovis alio medio differat ab alio: tantum
in numero extet differentia. Si vero tale
haud inveniri possit, tantum unum frustu-
lum absolutissimum æque bonum habeat-
ur, quod in omnibus punctis plagas possi-
deat, Borealem & Australem saltem: si ta-
le erit, proculdubio centrum habebit a quo
linea recta decurrent, ambas partes oppo-
sitæ tanget. Dividatur æquali pondere
transverse, puta per centrum linea trans-
versali, sic & taliter, ut inter partes divisas
nulla prorsus appareat differentia: eleven-

tur in aërem, & tali situ ac proportione con-
stituantur, ut partes divisæ & ab invicem
separatae mutuo se respiciant. In medio
constituatur Ferrum in debita Magnetis
virtute, tunc partes illæ quæ jam nuper
erant simul junctæ, & centrum constitue-
bant, una attrahere, altera ejcere appare-
bunt. Quidni? volvantur partes Magne-
tis, & constiuantur modo quo prius erant,
Australis opponatur Boreali, apparebit
partem illam quæ prius attrahebat, nunc
per oppositum reijcere, eam vero quæ ex-
pellebat, per oppositum nunc attrahere.
Ecce quomodo partes centri per divisi-
onem varias recipiunt virtutes, & diversos
pariunt effectus. Ex hoc colligitur in cen-
tro esse virtutem universalem, quo diviso
partes illas recipit quæ necessario opposi-
tæ illi contingunt. Nam quæ pars oppo-
nitur Boreali Australis necessario erit, pars
vero quæ opponitur Australi, Borealis erit.
Talis differentia semper appareret in quo-
vis Magnete, dummodo in illo centrum
perfectissimum possideat: adeo ut per di-
visionem partium centri semper sit idem:
si vero partes essent continuæ, daretur pro-
gressus in infinitum. Talis demonstratio
in hac Tabella apparet.



Primum A B C. Magnes non adhuc divisus.

Secundum A B C. Magnes divisus.

A. Australis pars. B. Borealis pars. C. Centrum.

Linea est deducta à centro ad ambas partes Magnetis.

In secundo Magnete apparet divisio, & ipsamet littera C. divisa, quæ denotat centrum divisum varias possidere virtutes. Nam medium C. quod opponitur A. pars Borealis erit, alterum medium C. quod opponitur B. Australis prout dictum fuit.

Ecce quomodo C. quod erat centrum, per divisionem efficitur pars, quarum una attrahit, altera expellit: nihilominus ante divisionem erant partes similares & junctæ, quas æquales & similes habere virtutes, proprietates, & qualitates necesse erat. Numquid per divisionem novæ essentiæ

acquiri possunt? numquid divisio ponit aliquid in esse?

Eligamus ergo ex tam miro naturæ effectu sympathiam cum Mercurio. Mercurius talem naturam etiam possidet: nam licet cum uno Planeta, bonum effectum producere conspiciatur, cum alio tamen malum, & cum alio pessimum; nihilo minus semper easdem qualitates possidet: mutando situm etiam naturas & qualitates mutare apparet, nec aliunde nisi per copulationem hæ variationes in illo videntur & considerantur, ut in Magnete qui per divisionem & mutationem suarum partium, diversas qualitates possidere conspicitur, tamen semper easdem tenet.

Pro ultima parte istius Sympathiæ hoc unum addam. Ferrum a Magnete imbutum, diversimode omnino a Magnete operabitur, nec admodum hoc mirum erit. Nam per diversos contactus varios quoque demonstrare effectus omnino a Magnete imbuente contrarios opus erit, ut paulo superius dictum fuit. Imbutio fit per oppositum: oppositæ enim partes adinvicem se tangunt: proprietas tamen conceditur, prout pars imbuens possidet. Partes imbutæ diversam situationem tenentes, diversos quoque effectus ab imbuente demonstrare debent. Ideo ferrum a parte in qua attrahere debet, expellet, in qua vero expellere, attrahet. Immo & in cen-

tro attractiva & expulsiva virtute caret. Quidni? aliud Ferrum per contactum imbuendo, eadem proprietates & effectus in illo apparent: causam variationis si quis quærat, in prima causa, puta in Magnete, appareret, & investigatores qui illam repe-rerunt, consulendos censeo. Nos huic sympathiæ finem damus: cum de Magne-te multi Tractatus extent a doctissimis vi-ris editi, aliqua addere perdifficillimum foret.

Nos ultimam Lunæ sympathiam cum Cristallo lapide quæramus, qua terminata ad triplicem Armoniam disputandam pro-peremus. Evidem maximo cum labore illud me facturum arbitror, cum a veris & physicis causis elicienda sit, ut a Magia Ara-bica omnino elongemur. In hoc obnixe vires intendere conabor. Magiam voco partem illam, quæ Ghotica appellatur, & in ceremoniis, incantationibus, & vanis superstitionibus consistit. Magia vero na-turalis a paucis adhuc cognita: aliqua ta-men principia apparent, prout in sequenti Capite dicetur.

Luna ultima Planetarum prope terram, supra convexum Sphæræ Ignis locum ob-tinet, ut illius ardore sua naturalis fridi-tas temperetur. Humidam & frigidam naturam absolute possideret, nisi a calore ignis aliquod temperamentum, licet mini-mum, reciperet. Influit in faciem terræ

visibili actu, suumque motum in vinginti octo dierum spatio, vel circa, terminat, qui Lunaris annus appellatur. In nullo sydere motus tam visibilis apparet quam in Luna, ratione vicinitatis ad Terram. In motu aquarum ejus vis apparet, cum in fluxu & refluxu ex illius radiis mutationes videntur, unde varii effectus in sublunari mundo conspiciuntur. Sydera, Elementa, cæteraque superiora corpora primario a summo æternoque opifice ad cælestem illam sedem & Mundi pulchritudinem ornandam condita fuere: secundario ad hominum causas, ut ex illis incredibilem utilitatem recipere possint: Imbecillitas hominum contrarium somniavit, nempe ad sui usum absolute producta fuisse. Numquid causa posterior effectu? Luna igitur, Sole excepto, efficaciores in terris effectus demonstrat, & cum ad Elementorum naturam approximat, vires suas intendit. In natura humida tanquam Regina & dominatrix viget, ut in fluxu & refluxu maris apparet, & fere per horæ spatium illum remoratur, quia cum Luna per quatuordecim gradus (quindecim enim æqualem horam conficiunt) retrocedat, motu proprio tardius oritur, ex quo si Oceanus in meridie littora occupaverit, die sequenti hora prima, altera hora secunda recurret: Luna enim totidem fere horis cursum remoratur: ex quo apparet in humidioribus mul-

tum præstare. Cristallum non solum ex aquo, sed ex qualitatibus sibi insitis, Lunæ subest, & cum ea sympathiam habet. Pro nunc rationes eorum relinquam, qui opinantur, materiam istius lapidis esse aquam congelatam, cum in illis electione fundamenta illorum diruerimus. Si sympathiam quæramus, non solum illam inveniemus, sed & cognationem. Ex tali namque Lapide instrumenta conficiuntur, quæ lumini Lunæ in nocte opposita, per multam distantiam res demonstrant, sic litteræ leguntur, & singula facili medio secernuntur, sed & ut amicis familiaribusque, in longinquis remotisque locis commorantibus, quis loqui possit, & responsa accipere. Non admiranda tamen hæc admodum: nam ex forma instrumenti id acquiritur & assequitur. Peroptime igitur forma erit aptanda, accommodandaque, non enim hoc per reflexionem & reper-
cussionem radiorum solis demonstratur. Optica enim omni cum speculo non cri-
stallina materia compacto sed vitrea, fa-
cili medio operabitur, cognita metrica ex
diaphana proportione cuilibet demonstra-
re permittetur. Instrumenta vero no-
cturna ad Lumen Lunæ, alia via alioque
medio sunt adaptanda, & dolanda. Non
solum verum & Minerale Cristallum re-
quiritur, sed forma tali proportione ac-
commodata, ut radii per reflexionem in-

ingredientes non dispergantur, adeo uniti & in unum collecti, ut aliam, minorem percussionem (inde & reflexionem) in angulis instrumenti crystallini, validissime efficiant, & mutuo simul ad angulum medium concurrant & reverberent. Forma Cristalli potius in cona quam in convexa terminari debet, in qua, quibusdam proportionibus metricis observatis, anguli concavi contineri debent. Totum magisterium & secretum in forma instrumenti consistit, quod non de alia materia quam Cristalli effici potest, cum materia vitrea haud ad perfectam instrumenti formam reduci valeat. Affabre namque opportunis necessariisque magisteriis dolari debet. Sympathia ex qualitatibus quas sibi invicem communicant elicetur, non quod qualitates illorum ad effectum perducant, sed qualitates in materia insitae id producunt. Ambo enim æquali gradu ad invicem senectunt, & copulant. Modo ad alia secretiora ascendamus.

Luna motum proprium per viginti octo dierum spatium terminat & absolvit, in quo tempore totum Zodiacum per signa decurrit: qua dere Sapientes ex illius motu viginti octo mansiones Lunæ attribuerunt: in quibus varias diversasque potestates acquirens, varios quoque demonstrare effectus debet. In qualibet mansione per duodecim gradus & minuta moratur,

tur, quæ recensere per longum esset, eo magis cum à doctissimo viro idem per peculiarem Tractatum fuit demonstratum. Cristallum mediante sympathia, viginti octo proportionales effectus in sui lumine & claritate, dum à Luna per reverberationem radiorum illuminatur, demonstrat. Primus vocatur dispositionis, secundus vificationis, productionis, illustrationis, clarificationis, illuminationis, emissionis, reverberationis, ignitionis, contributionis, reflexionis, circuptionis, ostensionis, scintillationis, emicationis, irradiationis, detectionis, participationis, inflammationis, denodationis, percussionis, communicationis, concessionis, visionis, convisionis, devisionis, intellectionis, & tandem ultimus tacitæ loquutionis.

Mutatio status Lunæ, quantum mutationi Cristalli æquipolleat, ex intuitu judicari potest, cum ex varietate unius, alterius varietas appareat. Luna in conspectu Solis, non ut cæteræ stellæ, amittit totale lumen, sed præservat illud mediocriter. Cristallum in quavis positione aliorum lapidum vel gemmarum validissime retinet suum lumen: quod in cætris transparentibus Lapidibus non apparet, quin statim deprimantur. Etiam ab ipsomet Cristallo si ex calore luninis Lunæ similitudinem quærimus, nonne pallori illius Cristalli color assimilatur? Tanta est inter hunc

hunc Lapidem & Lunam sympathia manifestissima, ut illam per demonstrationem elucidare superfluum judicem. Luna habet Cristallum tam proprium & essentiale, ut suum denominativum merito dici possit. Ex natura humida illi copulatur, & ex frigida ab illa ipsum dependet. Nam cum media inter infima (terrestria nempe) & cælestia appareat, ratione suæ humiditalis, solis calore interveniente, superiora inferioribus copulans, vi quadam attractiva, ac virtute copulativa generationi præest. An à Sole lumen recipiat, haud dubium est, et si ex recentioribus quidam lumine proprio eam gaudere, probare conetur. Catenam Argenteam illum, Solem vero Torquem aureum vocans: A quibus omnia per se distincta & causæ universales coincidunt & simul alligantur: ab imis ad suprema pervenitur, & in unitate cuncta subsistunt, ac per unitatem connectuntur: quæ rerum connexio pa latim deprimitur & elevatur. Nam convenit Terræ cum Lapidibus, Lapidibus cum Plantis, Plantis cum Mixtis (quæ Plantanimalia Latini, Græci ζωώφυα vocant) Mixtis cum Animalibus, Animalibus cum Homine, Homini cum Cœlo, Cœlo cum Intelligentiis, Intelligentiis cum Deo. Maximum ergo discrimen inter Solem & Lunam existi, cum illa materialis, Sol formalis dicatur. Ex quibus fallax illorum opinio

nio apparet, qui dicunt, Luna crescente, instar Solis areicere & calefacere, cum contrarium experientia nos doceat, nam crescente ea, sive in suo incremento, cunctæ res humore implentur, decrescente, sive in suo decremento, humores minuntur. Non valet natura humida ad instar Solis calefacere, cum ad calorem intensem ex humida minime valeret. Tamen ut Sol per annum, ita Luna per mensim, cæteris paribus, suam æstatem & hyemem demonstrat. Et si multæ æstates, & multæ hyemes in Solari anno respectu Lunæ nobis elucescerent; tamen si respectives, ut prædiximus, consideratur, non erit absurdum, & à ratione alienum. Sol in quatuor Cœli cardinibus temporum varietatem ad tres menses duraturam demonstrat, puta in puncto Arietis Verem, in puncto Canceris Æstatem, in puncto Librae autumnum, in puncto Capricorni Hiemem. Luna in suo cursu & anno transiens per eadem cardinalia signa & puncta, nonne easdem variationes in inferioribus efficeret valebit, cum ex proprinquitate terræ efficacior erit? Non equidem tamdiu duratura, cuin annus solaris terminetur per duodecim menses, Lunaris vero minus unius mensis: ideo suo motui commensuretur, qui non aliud dici potest in cursu & motu Lunæ, nisi auctio & decrementum caloris & frigoris, prout tempori dabitur

bitur opportunum esse. Luna à Sole iluminata, modo tota clara apparet, modo obscura, modo plena, modo semiplena juxta illorum conjunctionem, oppositionem, & aspectuum sextilis vel quadrati configurationes. Ex hoc etiam Cristalli sympathia apparet. Cristallum non aequaliter semper demonstrat claritatem & diafanitatem, nam ex nimia terræ densitate obscurum aliquando, & perfectissimo humore aquo condensante clarissimum apparet; & sic de cæteris in ipso accidentibus, quæquidem ex suis cum Luna communibus qualitatibus ipsi insunt & contingunt.

Luna est ultima Planetarum, aliorum Planetarum claudens ordinem, tamen si immediate post Elementum ignis connumeretur, prima erit inter Planetas, & cum inferiora disponat, merito cæteris præstare videtur. Cristallum, licet si gemmarum & lapidum ultimum, tamen cum claudat ordinem illorum, merito à tali dispositio-
ne dignitatem acquirit. Luna recipit in-
fluxus superiorum Corporum cælestium,
inferioribus communicando. Cristallum
est dispositum aptumque recipiendi, respe-
ctu suæ materiæ, omnes formas aliorum
lapidum & gemmarum, se aliis per mate-
riam communicando, cum sua materia sit
fere universalis ad dispositionem aliorum.

Patet igitur Lunam & Cristallum ex qua-
litatibus quæ dant esse, non sympathiam
mixtam,

mixtam, sed ab ololutissimam ad invicem habere: Ex Metallo, nempe Argento, idem erit faciendum: nam unitum Cristallo pulcritudinem & virtutem acquireret, adeo ut unum alteri communicet.

Ecce jam omnium inferiorum ad invicem, & ad septem Erraticas sympathiam, pro nostro posse demonstravimus, non adeo (scio) tam exacte ut etiam desiderari possit. Restat ut triplicem Armoniam colligamus, & consonantiam percipere ex tali rerum modulatione valeamus. Infima supremis uniamus, & quid in illis Physicæ considerationes valeant, attingamus.

*Num trina Armonia effectus supranaturales
demonstrare valeat.*

Cap. IX.

Ecce jam Cœlum & Terram, aëre medio, trina compagine copulata. Ecce trium vocum armonia, ab inferioribus ad superiora modulata. Ecce denique a Terræ meatibus, usque ad ultima Cœli spatia unica connexione pertigimus. Aer, Cœlum, & Terra visuntur: Planetæ Metallicis, Metalla Lapidibus, Lrides vero singulis eorum correspondent. Immo sibi metipsis mutua visione colliduntur. Novum Chaos in unum collectum distinctum appetet. Quid mirum, si per naturales ascensus aliquando tota cœlestis machina lustratur; Quid mirum, si unico oculorum

rum intuitu, per intellectualem visionem totum Mundi convexum absque vacuo ullo undecumque apparet? Per trinam intellectualem ad unicam operationem facili methodo pervenitur, Corpori trimetro nil addi potest: nam legem existentem aliis legem dare competit. Mens, Intelligentia, & Angelus, Naturæ Ministri dicuntur. Planetæ, Metalla, & Lapidès in unum per Sympathicam connexionem adunati, multum valere possunt.

Arabes ad Magicas operationes talia ponentes; Annulos, Imagines & Sigilla ex tria sympathia fabricant: quorum virtutes, efficacias & potestates sub quibusdam observationibus compactas mirabilia praestare posse somniant: Animos nempe dissidentium conciliare, morbos pellere, inimicos superare, & multas denique vanitates autumantes, credibiles ex miraculis se denominare jactantur, prout Planeta, Metallum, & Lapis ad tales producendo effectus, ex qualitatibus & proprietatibus sibi insitis, fuerint disposita. Saturnus ad bonorum acquisitionem, Jupiter ad dignitates & honores, Mars ad bella & hostes, Sol ad gratiam Magnatum, Venus ad desideria & affectus, Mercurius ad doctrinam & eloquentiam, Luna denique ad prospera itinera: quæ ad amissim recensende non erunt, ne illorum blasphemiae & mencia proferantur. Illis contradicere conabor,

bor, & per veram & physicam demonstra-
tionem rejiciam. Exempla adducta, tan-
quam falsa, non recitabo, de Hebræo nem-
pe Eleazaro, de Eudemo Philosopho, & ne
incompletæ illorum remanerent blasphe-
miæ, in cœlum etiam os suum posuerunt,
cum de sanctissimo Dei servo Moyse simi-
lia enarrant.

Illorum trium Sympathiam per demon-
strationem cognovimus, quæ non nisi in
rebus physicis mutuus consensus dicitur;
ad invicem se amoris vinculo complecten-
tis Naturæ in illis continuatio apparet,
quemadmodum in Magnete & Ferro, quæ
licet sint corpora disjuncta, & separata, ta-
men Natura suum sequens ordinem, con-
tinuatione in illis utens, ut in unum con-
veniant demonstrat. Lapidum cum Me-
tallis ex mutuis illorum principiis cognos-
tionem etiam demonstravimus, simul eorū
ad peculiarem Planetam sympathiam
cognovimus. Ut vero supranaturales pro-
ducant & operentur effectus, neque Lapi-
dibus neque Metallis concedetur. Astra
influunt in inferiora motu & lumine tan-
tum. Observatio illoru[m] motus ad Me-
talla confienda præparandaque, ad lapi-
des sculpendos characterandosque nihil
præstabit: & si valerent, ex eorum rapi-
dissimo cursu verum punctum & consisten-
tia haud haberi posset. Si enim talis usus
physice extaret, in quotidianis usibus appa-
ret.

Virtus alicujus agentis, licet ex se habeat extentionem, non tamen nisi in materia æque disposita valeret. Influunt equidem causæ secundæ, sed influxus dare necessitatem erroneum esset credere. Ptolemeus licet Astrologorum Princeps, talem necessitatem ab Astris removet: Corpora cœlestia, inquiens, non agunt sua significata inevitabiliter, neque vim coactivam ullam possident. Adinuentus Astrologiæ usus, non ut futura indicet, sed ad motum Planetarum, & cursum cognoscendum, & ut aliquid utilitatis & decoris ad Mundi ornamentum habeatur. Inde hominum curiosa investigatio per umbram pauca percipiens necessitatem progrediendo in illis elicere voluit, & liberam hominis voluntatem Angelico intellectu prædicti deprimere conatus est. Diaboli insuper figmentum repertum sibi met ipsi demonstravit, & Magiæ falsæ destabilibus Mediis cognitis, a veris devians falsa sequutus est, ut a falsis vera percipere posse crederetur. Hinc illas Sigillorum, Annulorum, Characterum ignotorum, Signaculorum, Imaginum, & cæterorum, ideas demonstravit, quorum falsitas & deceptio cum per se apud peritos pateat, contradicere, impugnareque desino. Tantum quæ ad Astrologiam spectant, aliqua tangam, ut ultimo loco de verorum Characterum & veræ Magiæ usualiqua novissima proferam, ut secretorum studiosis de-

ser-

serviam. Axioma vulgatissimum currit, Astra nullam vim coactivam in inferioribus, sed tantum inclinativam ex humorum qualitatibus demonstrare. Quatuor humores in corpore existentes varia accidentia in suppositis producunt, puta humor melancholicus, sanguiniculus, cholericus & pituitosus. Ex quatuor ipsis diversæ animi motiones apparent, prout eorum aliquis in eo prædominatur, & agitat, puta lætitia, tristitia, irascibilis, colera, & similia. Humores vero in quatuor qualitatibus existentes eo magis & minus agitantur, quo majores talibus humoribus suppositæ in illis existunt vires. Qualitates similes in Planetis, (ut demonstravimus) existentes denominationem ab eorum effectibus tribuunt: nam si qualitates Saturni vigent in supposito, Saturninos appellamus, putatristes, cogitabundos, & similes, quæ accidentia ex humore qualitatibus Saturni similili deveniunt: nam melancholia ex nimia siccitate defluit, quæ qualitas Saturno competit: Sic de Martiali, calido nempe ex humore cholericico: de Jovialibus temperatis ex humore simili, & sic de singulis: Non ergo à Planetis seu ab Astris denominatio elicetur, sed per similitudinem humoribus congruam cognoscitur. Merito inclinationem tantum demonstrant, quia qualitates alicujus Planetæ inclinant tali humore ex illius qualitatibus compa-

etc. Inclinate dicunt habere ad aliquam virtutem vel vitium propensionem. Nam cum voluntas sit libera, ad utramque dispositionem se extendere valebit. Inclination^o licet det faciliorem ingressum, & difficiliorem regressum, ad vitium nempe vel virtutem, tamen ubi summa repugnatio, ibi nobilior de repugnantibus victoria. Ille quippe optimus censendus est, qui malis inclinationibus resistens bonos habitus adipisci conatur. Nam licet in naturalibus meritum aut demeritum non appareat, tamen qui vitiis à qualitatibus & humoribus devenientibus resistit, & repugnat, summam meretur laudem. Qui vero insitas virtutes relinquens vitiis se profanat, dedecore & opprobrio vexabitur. Propriæ voluntati in malo inclinati repugnando resistere nil nobilior, nil decentius, nil denique præstantius.

Si enim secundæ causæ ex eorum qualitatibus non inclinationem tantum, sed sua significata inevitabiliter demonstrarent, & ex hoc homo quasi fatali lege & necessitate astriclus astris suppositus & devinctus reperiretur, ne ab Angelis, sed à Brutis non solum minoratus diceretur & apparet, sed illius conditio Brutorum pejor extaret.

Effectus naturales à lapidibus & mineralibus devenire non absolute negatur: à Natura aliqua ex illis plurimum ornata fuisse

fuisse cognoscimus, sed ut effectus legi naturæ repugnantes ex illis progrediantur & appareant, omnino absurdum. Licet attractio ferri in Magnete sit conspicua: tamen effectus naturalis tanquam opus Naturæ dici debet. Natura enim ex operibus continuatis in utroque se demonstrat, puta in attracto & attrahente. Attractio ex se miraculum haud demonstrat. Jaspis sanguinem sistit, & hoc opus naturæ, ex qualitatibus in illo existentibus, puta frigiditate. Natura in tali lapide virtutem & proprietatem demonstrans etiam sanguineas guttas in ipso collocavit, & illum ipsis notavit. Sanguinem sistere non est contra ordinem naturæ, cum ab omni frigiditate talis actio producatur. Opalus multis coloribus à Natura ideo ornatus, ut in illo tales virtutes & proprietates censeantur, quæ in propriis Lapidibus & Gemmis, ubi colores illi extant, cernuntur. Tamen virtus illa ab Opalo deveniens non contradicit ordini naturali. Hilarem gestantem reddere, cor corroborare, & similia, ex vivacitatibus & colorum amœnitatibus, ac ex radiorum effluentiis devenire possunt. Nam per oculorum meatus spiritus emittuntur & recipiuntur, qui ad cerebrum, ad cor, & ad cæteras spirituales corporis partes evolant, ibi quidquid per visibilem prius operationem agitant, confirmatione alienæ virtutis parti-

ticipant. Hinc in deferente & in aspicien-
tibus pari progressu naturales effectus de-
monstrare valet.

Invisibilem reddere , ab armis tutum
præstare, thesauros invenire , & similia,
contradicunt operi Naturæ , cum Natura
ad hoc non se implicit , ideo fallacissimæ,
vanæque indies apparent.

Sympathia Metallorum , Lapidum , &
Planetarum , in hoc volumine descripta-
tantum ad res physicas se extendit. Non
enim Sympathia est effectus rerum Meta-
physicarum. Aliquoties in Medicinis ta-
lis sympathia apparet , & aliquas operatio-
nes suis locis adnotavimus , in Magicis ve-
ro minime , & falsitas evidentissima. Quid
ex se Metalla possunt ? quid per se Lapi-
des ? Characteres in illis incilos nullius es-
se momenti , nullumque significatum ha-
bere demonstrabo. Planetæ qua via in-
fluant demonstravimus , Metalla per Sym-
pathiam Erraticis convenient , Septem illi
selecti lapides cuique Planetæ dicantur.
Sunt etiam & alii lapides ad Planetas spe-
ctantes , nulli tamen eorum ex proprieta-
te & essentia tam essentialiter per Sympa-
thiam illis appropriantur , quam cæteri illi
selecti , & per veram Sympathiam descripti ,
Efficaciorem in illis septem enumeratis
per qualitates & proprietates naturalem
sympathiam cognovimus.

Virtus igitur in Lapide alicui Metallo
unita

unita efficaciorem se in Physicis ostendet, quam si per se sola extaret: virtus Metal- li, & virtus Lapidis per eorum qualitates aliquid boni præstare valebunt: virtus uni- ta fortior, si Planetarum influxus per qua- litates etiam illis uniantur, augmentum in Physicis erit. Saphirus Solaris lapis Auro unitus effectus naturales ex mixtione qua- litatum in Medicina demonstraret, prout etiam sympathiam cognovimus. Sic de cæ- teris Lapidibus & Metallis alicui Planetæ propriis, à quibus tantum qualitativa vir- tuts a principio illorum productionis acce-pta efficacior in effectibus apparebit. Patet ergo contra Arabes ex illa trina coñexione non nisi naturales effectus cognosci posse.

Et cum experientia comprobatur virtu- tes aliquas in quibusdam lapidibus reperi- ri, virtutes habere ulla minime negan- dum est, cum jam demonstraverimus ab elementis siue ab eorum formis recipere virtutes & essentias. Si aliquando in illis supranaturales effectus apparent, non ab- solute ex lapidibus proveniunt. Deus enim Opt. Max. instrumentaliter per Ministe- rium sanctorum Angelorum in illis ope- ratur, ut in Adamantem summi Sacerdotis ex caloris mutatione Hebræo populo ap- parebat. Aliquando etiam permissive per Angelos Sathanæ. Occultas vero cau- fas in Lapidibus reperiemus, si differentiam aliquam in quibusdam consideremus. Nam

in aliquibus eorum ejusdem qualitatis, differentia virtualis appareat. Alter enim virtute prædictus existit, quæ in alio simili minime viget. Aliqua ergo productiva & occulta virtus alteri eorum inest.

Pari ratione Magicas Metallorum vires tam activas quam passivam negamus: cum neque à Planetis influxus, & virtutes alias recipient, neque aliis concedere possunt. Si virtutem aliquam possident, Medicinæ præstabunt: nam aliqua ex illis per præparationem accommodata, ad varios à corporibus pellendos morbos, optima censentur. Tamen ne quis talem extremum & violentum medicamenti usum temere recipiat, consulo. Sæpe enim contingit, ut loco sanitatis & valetudinis, continui dolores & ægritudines acquirantur. Quinimo aliquando & vitæ finis acceleratur. Paracelsi tempore hominum complexio vigorosior erat, violentia humorum non superabat, neque etiam adhuc doctissimus vir est in vivis. Licet multi Paracelsistæ indies pullulare conspiciantur, Metalla, & que præparare, & ex illis olea, sales, & essentias extrahere non singulis tam facilime conceditur. Naturæ illud miraculum Paracelsus vixit, quid novissimi facturi sint, experientia continuo ex illorum medicamentis demonstrat. Metalla equidem septem, Planetis septem respondentia, ad septem præcipua hominum membra ac-

commodari aptarique per Medicinam uti-
que possunt ; ad Magiæ usum nullomodo.
Annuli ex tali Metallo confecti, sigilla,
imagines, & similia, qua ratione à Plane-
tis influxus & virtutes recipere possunt,
cum jam non in fieri existant? Causæ se-
cundæ influunt per qualitates insitas in
materia æque disposita. Metallo à loco suæ
consistentiæ egressa, depurata, & separata,
virtutem attractivam & dispositivam, non
secum inde asportaverunt, cum jam con-
clusum sit, locum ratione virtutis insitæ
dare esse productivum, aëre mediante in
ente producto : aér enim copulat inferio-
ra superioribus, ibi productio, non autem
in Metallo depurato. Arabes somniant
fieri posse per sculpturas sub constellatio-
nibus & aspectibus : Quantum erroneum
falsumque sit tale illorum dogma nunc ap-
paret. Dato ut veræ sint illorum falsitates,
impossibilitas tamen operationis clarissi-
me innotescit, cum nulli homini licet in
Astrologia peritissimo, liceat verum pun-
ctum alicujus signi sive Planetæ vel Syde-
ris, ex ejus motu signanter reperire, ut in
illo punto (juxta dicta Balemis) signare
& celare debeat ; Si per figuræ & calculos
Astrologicos, ex diversitate calculatorum &
computorum id minime fieri possit : adeo
ut verum punctum & motum alicujus Stel-
læ perdifficillimum sit reperire, qua ratio-
ne in recipiendis influxibus, in quibus ex-

ctissime punctum & conjunctio, vel quivis
alius aspectus requiritur, facili via secun-
dum Arabes operabitur?

Concludendum igitur Sympathiam non
se extendere nisi in Physicis: Fabulationes
vero, seu deceptiones Arabum dimitten-
das, ut vera Magia, & qui sunt veri char-
acteres, & quæ per illos nobis eveniant, co-
gnoscatur. His cognitis Deo gratias agen-
tes, Tractatus Sympathiæ terminabitur.

*Veræ Magiæ, verique Characteris
veræ Descriptio.*

Cap. X.

Magiæ naturalis fundamenta & radices
in rerum specificarum cognitione
versantur, sub cuius nomine universarum
scientiarum genera communerantur, quæ
merito ad tres tantum reducuntur scatu-
rigines, à quibus ut à fontibus infiniti pro-
pe rivuli pullulare & scaturire videntur.
Naturalem Philosophiam primam, Mathe-
maticam secundam, & Theologiam ter-
tiam appellamus. Magos equidem illos
novimus, qui omnium scientiarum cul-
men possidere conspiciuntur. Prius enim
à rerum exordio principia cognoscentes,
ac Naturæ occulta penetrantes unionem
causarum percepérunt, à quibus effectus
producí videntes confirmationem inde-
per experimenta habuerunt: lætantesque
ad tam mira naturæ arcana introduci, ex-

actissi-

actissimam eorum cognitionem conceperunt. Tandem ex cognitione internum affectum cogitantes mirabilia efficere visi sunt. Igitur cognitio alicujus rei per esse specificum ad perfectam scientiam absolutissime ducit, qua ad invicem per proprietates cognita & unita, mira apud imperitos visuntur: tamen res Physicæ apparent, & per naturalis Philosophiæ investigationem operantur: Sunt equidem quorundam hominum præclara ingenia, quæ sub mira celeritate & perfectione ea efficiunt, quæ ne longo quidem tempore ab ineptis & rudioribus excogitari possent. Secreta à natura abstensa per vigilantiam, studium, & laborem à profundo illius antro in lucem addere, multam admirationem parit. Nam de re occulta aliquid producere, quo hebetes hominum sensus illudi possunt, hoc eos à veritatis tramite sæpe deducit.

Scala igitur Naturæ primo describenda erit, ut inde ingressus pateat. Per duo intervalla, sensum nempe, & judicium, ascendendum erit, cuilibet gradui convenientem operationem adaptando. Intellige in sapientia, & disce in intellectu. Humanus intellectus quæ supra sunt in sapientia intelligit, quæ vero infra sapit, in intelligentia percipit. Iterum sensus exterior statuit rem ab objecto per species oblatam, interior vero per abstractiouem specie-

specierum & phantasiæ peculiaris. Judicium inter utrumque ex apparentibus investigando discernit. Ecce ex sensu judicio, ascensus præparatio, à qua rerum apprehensio per decem operationes in decem esseutias distributas elicetur. Prima votatur objectum, secunda aér, sensus exterior, sensus interior, fantasia, judicium, inferius, judicium superius, ratio, intellectus, & Mens. Mens ita agit, ut ex indistinctis distinctionem concedat, quæ sola equidem pars divina, anima animæ, & cor cordis nuncupari debet. Ascendendo à primo gradu usque ad ultimum, omnium scientiarum distributive per distinctionem fit cognitio. Si causæ cognoscuntur, inde effectus apparebunt, ecce objectum. Aér per diafanum ex visibili ad exteriorem sensum perducit, qui interiori repræsentans fantasiæ concedit & tradit. Statim pars inferior debilitate onusta ad ea quæ sua sunt conduci desiderat: à superiori judicio tamen retinetur, & rationi ut operetur tribuit. Intellectus triplici via per triplices suas distinctas operationes agit. Mens gaudens, quæ possidet miro ordine percipit, percipiendo intelligit, & intelligendo distinctione naturali distribuit. Ex triplici vero intellectus operatione unam dum taxat terminat. Simplicium apprehensio, ecce prima intellectus operatio: compositio, & divisio, secunda: discursus, tertia.

tertia. Mens licet tres æque bona cognoscat, tamen operationem tantum sibi ut spirituali portioni satis esse demonstrat.

Hinc est, quod cum Magiæ naturalis cognitio sit secretarum rerum rerum contemplatio, in naturis, proprietatibus, potentiis, qualitatibus, substantiis & virtutibus etiam consistentiam habere tenetur, & rerum unio per applicationem dicitur. Hæc est illa omnium scientiarum Domina & Regina, quæ in Philosophiæ cognitione versatur, regit, suumque dominium exercet.

In Mathematicis vero simili fere via eadem progreditur, dum de rebus a materia separatis agitur. Mathesis cognoscit protres sunt, in dimensionibus, numeris, speculationibus & similibus a materia omnino sejunctis & sublatis: & licet Astrologia in materiis conjunctis versetur, tamen non absolute in Mathematicis reposuit, merito enim Aristoteles libris quatuor de Cælo Physicas disputationes coniunxit, & propter rerum obscuritasem partes aliquas intactas reliquit, & ab omni motu, a quo longissime Mathematica recedit. Magia igitur in Mathematica, pari via (separatis exceptis) suas dirigit cognitiones.

Sacra vero Theologia, ab omni denique diversitate, a superioribus demonstratis suam sacratam Magiam producit, licet à rebus

rebus naturalibus originem trahat, devenit tamen ad effectus supranaturales. Nam in centro terræ omnia lustrat, in profundo maris cuncta nominat, in aere universa prospicit, in calore ignis omnia tangit. A quatuor animalibus per quatuor elementa firmissime stabiliterque vagatur. Quæ calida frigida, quæ frigida calida reperit, quæ vero mixta distinguendo nobilitat, quæ segregata segregando dirigit & colligit, in confusione ordinem præmonstrat, in ordinem distinctissimum confusa reproposit, & quæ tandem nullum ordinem cognoverunt, per illius accessum ordinantur. Hæc per alta maria sicco pede deambulat, sine pennis volat, & celsissima quæque montium cacumina, totiusque aëris Regionem transcendit. Per deserta ferarum lustra, per venenatorum serpentium ac draconum cubilia tanquam per regionem tutissimam, sine ulla læsione deambulat. Venti ad illius præceptum & iussum quiescunt : pluviæ ad illius præsentiam transeunt : grando, imbres, & tonitrua, illa apparente, fugiunt, impetumque dimittunt. Universorum Domina, triplici incedens, ornata corona, ab omnibus simul colitur, amatur, & sancto timore formidatur. Patres nostri priscis illis temporibus obnixe hanc cognoverunt, & mediante illius scientia mirabilia ubique perpetraverunt, omnique in eventu salvi facti

facti sunt. Primus omnium parens Adam
 hanc utique cognovit, dum ex lapsu mœ-
 rore pene exanimatus illam consolatricem
 habere meruit, & hominem justum pacifi-
 cumque suo peccato remedium allaturum,
 & a sua progenie nasciturum intellexit.
 Hæc primi hominis prima cognitio. O
 rem gratam desiderabilemque! Quid com-
 modius? quid acceptius? quid conveni-
 entius aut aptius præstari possit? Hanc
 Enoc cognovit & possedit, quando raptus
 fuit, & illuc sublatus, ubi inundantium
 aquarum motus penetrare minime value-
 runt. Non enim in aëre suspensus est, non
 inter aquarum vortices, non denique in
 Arca seipsum exhibuit, sed a Sacra Dei
 Scientia tutus illic permanxit, ubi pluviæ
 lacrimarum tutiorem viam demonstra-
 bant. Hanc Moyses absolutissimus Dei
 minister cognovit, & possedit, dum Ma-
 gnalia in Ægypto, Mirabilia in terra
 Cham, & Terribilia in mari Rubro per-
 petravit. Aquas saxum percutiendo
 produxit (loquendo tamen illi præ-
 ceptum fuerat, ut via æquitatis & cle-
 mentiæ, non judicii, aquæ impetrari
 possent) aquas hinc inde ut murum divi-
 dendo etiam superavit. Hanc Josue, Soli
 & Lunæ imperando ut sisterent, Ezechias
 etiam ut quatuordecim gradus retrocede-
 ret, cognoverunt. Hanc Gedeon, Sam-
 son, Jepte, cæterique Dei exercituum Ath-
 letæ

letæ possederunt. Paulus ille summi Dei altissimi a secretis, hanc vidit, cognovit, & ad tertium Cœlum usque cum illa ascendit, eaque revelante, arcana audivit, quæ hominibus revelanda non esse perhibuit. Per illius vocem fratribus annunciat, eorum sanctificationem Dei voluntatem extare. Patres nostri novissimi hanc in speluncis, in cavernis latitantes invenerunt: In melotis, in pellibus caprinis angustiati & afflicti, errantes semper secum asportabant, & ut opprobrium hominum apparerent se se occultabant: in occulto tamen radios emittens illos manifestabat.

Caldæi, Persæ, Indi, Brachmanæ, Me-
cubales, Magi denique singuli hanc ex no-
mine tantum haud cognoverunt: si utique
cognovissent, alio modo loquuti fuissent.
Optime equidem, divina luce illuminan-
te, tres illi Reges & Proceres cognoverunt,
& adoraverunt, & terribilium ira eos non
terruit, Angelum revelantem ab illa me-
ruerunt, ut ad propriam regionem alia via
pergerent, & Angelicis consolationibus
sunt gavisi. Regalis sapientia, sancta & il-
luminativa doctrina, quæ humilibus dat in-
crementum, superbos autem in sapientia
eorum dispergit. In duodecim pauperi-
mis adeo viguit, ut in omnem terram sonus
illorum audiretur, & in fines totius mundi
eorum verba perciperentur. Tantum uno
solo imbuti & signati charactere.

Sileant profani & stulti Arabes cum sua
falsa Magia & doctrina: Sanctam & divi-
nam Sapientiam annuimus: quæ unde sit,
& unde venit scimus, & per vera exempla
demonstravimus. Illa unde exierit nesci-
mus, immo a tenebrarum Principe exordia
& incrementa tenere fatendum. Nostra
evidem conversatio in Cœlis cum Patri-
bus nostris esse debet, quia Salvatorem ex-
pectamus, Judicem & Redemptorem. Co-
gnovimus redemptionem, expectemus ju-
dicium. Veniet evidem & non tardabit,
morulam ullam non faciet: ecce jam in
valuis domorum. Sancta Magia nos do-
cet, compellit & jubet, ut paratos nos ad ju-
dicem expectandum sistamus, ne lampades
extinctæ ex torpore inveniantur, ne januis
clausis illuc introire minime valeamus.
Charactere vero nos munitos ac armatos
esse oportet, qualis sit, & qua via invenia-
tur, dicendum.

Multi & prope infiniti Characteres in
Magicis apparent, quorum falsitatem &
detestabilem usum recolere & recensere,
non solum impium, noxiunque, verum
etiam impossibile foret. Varietas illorum
vanitatem demonstrat Quid signa volun-
tarie adinventa prodesse valebunt? Magi
impiorum & profani ex illorum perversitate
falsoque dogmate, ut discipulos & sequa-
ces post se haberent, simul etiam ad pœ-
nas socios, figmenta talia & ludibria repe-

rerunt, & quæ minime cognoverunt stellis ac Planetis tribuerunt. Quæ & qualia sint & cuius valoris, experientia ipsa huc usque demonstravit ac quotidie demonstrat. Signa nullius significati nil significare possunt. Cur ab aliis audire cupis, cum tu te ipsum non audias?

Illi veri sunt tenendi, qui in signis & figuris significata demonstrant, ut qui Hebraicis literis adnotantur & scribuntur. Literæ enim Hebraicæ Characteres dici possunt, qui per configurationem significatur habere valent, ut de nominibus divinis ex sacris libris deductis, ac filiis Israel pertribus concessis distributisque. Quatuor litterarum nomen ineffabile varie ordinatum & compactum varia quoque Dei summi attributa explicat, nec non ad diversa imploranda justa ejus significata deveniunt, quemadmodum tale nomen quatuor characteribns in Thiara summi Sacerdotis insculptum etiam prædemonstrabat. Litteræ sive characteres Hebraici laudandi sunt. Nam de illis dictum fuit. *Et hi sunt velut instrumenta in opere divino,* Ideo veriores & præstantiores cæteris, qui nullum sui principium demonstrant. Nomina Hebræa in quavis significazione minime immutanda esse sapientissimus Theologus & Philosophus asseverabat. Nam Hebræorum Characteres cælorum configurant imagines : *Qui Cœli instrumenta, quibus Deus*

Deus nobiscum agit, dicuntur. Dæmon ut aliquos per idololatriam perdat, alios velut simia, nullius significati, nullius efficaciam & valoris adinvenit. Nonne sanctissima Dei nomina, & Christi filii ejus Characteribus scribuntur? Nonne in Hebraicis Character Spiritus sancti apparet, per quem remissio significetur peccatorum? Sed cæteris Hebraicis postpositis ad sanctissimum, invictissimum, & infiniti valoris & efficaciam Crucis Characterem properamus. Nam quemadmodum qui hunc sacratissimum Characterem sanguine proprio facravit & fortificavit, tenet nomen super omne nomen, ut cælestia, terrestria & infernalia genu flexo ipsum adorent adorant & contremiscant: (Dæmones quidem usque adhuc contremiscunt, cum Christi nomen invocatur,) Sic Crucis benedictæ character insuperabilis ab omnibus colitur, adoratur, & obeditur. Hic est Character qui innumeram hominum multitudinem ab Angelo percutiente salvam fecit. Hic est ille Character quo nos signatos esse divina vox imperat. Per Crucem sanctam sanctæ magiæ demonstrantur & perficiuntur operationes. Per Crucis characterem cuncta nobis subjiciuntur, & Principes Rectoresque mundi & tenebrarum, obediunt, & mandata summo Imperio præcipientium exequi coguntur. Quid falsitas characterum? Quid signacula diaboli?

ca? Nunquid Regnum Sathanæ erit divi-
sum? Deceptiones apparent, fallaciæ de-
teguntur. Character Crucis Christi, per
quam mundus fuit redemptus, est omnium
efficacissimus. Per hunc maximæ autho-
ritatis Characterem Patres jam enumerati
suam sacratissimam scientiam & Magiam
demonstrabant, & adversus totius Orbis
Monarchs victores apparebant. Per hunc
Characterem ignis non ardet, terra move-
tur, aer induratur, & aqua sistitur: ad istius
præsentiam totus Mundus contremiscit.
Sancta Crux, invincibilis Character, sub
tuo dulcissimo nomine hanc meam repono
sarcinulam, & huic meo labori tuum Cha-
racterem infigo, tibi voveo, & ei, qui te
illustravit & decoravit, consecro. Ipse
enim est ille Lapis summus Angularis, qui
utraque unum fecit & connexuit, Petra
sine manibus a monte impolluto puroque
abscissa. Sanctus Lapis non sympathiam,
sed unionem cum Erraticis possidens, nem-
pe cum septem illis spiritibus Dei in om-
nem terram missis. Lapis magnus sacra-
tusque, ad quem si quis offenderit non col-
lisionem, sed unionem faciet. Agnus ab
origine mundi occisus, cuius pelle Adamo
vestimenta per septem Dei misericordia-
rum opera, ad sua nuda operienda, in ori-
gine illa, adaptata sunt. Agnus fortis
vincens de tribu Juda, cuius virtute, forti-
tudine & robore liber non tantum aper-
tus,

tus, sed & septem sigilla obserata, solutaque fuere. Non percutiendo a tali lapide aquas misericordiarum expostulo, & veniam sitiens imploro, sed rogando, orando, & gemendo ab Agno illo impetrare intendo. Sit illi, matrique sanctæ gloria in secula.

Pauca hæc de Lapidibus & Metallis ludens philosophabam. Sed ne locus contradictionis ullus relinquatur, pauca inferam supra fol. 407. differens de corporibus cœlestibus ipsa animata esse tribus argumentis probavi. Quæ opinio, & si juxta Platonicos extet, non tamen erronea & falsa, omninoque à fide aliena apparet; cum fidei Orthodoxæ, animata vel inanimata, esse corpora cœlestia, non repugnet: Nam ex Prophetarum, sanctorumque alloquiis potius affirmativa, quam negativa apparet. D. Aug. in Enchiridion 43. & super Gen. 2. D. Thom contra Gen. 2. sed clarissime in 12. Quolib. Quæ verba ut necessaria & mihi congrua adducam. Ego autem, (inquit) dico secundum August. super Gen. ad litteram, quod non refert ad fidem, sit vel non animatum cœleste corput. Idem tenet Scot. Sen. 14 dist. 2. & alii multi. Ne vero Scholasticorum compago amoveatur, & lubricam scrupulosorum opinionem offendam, infero opinionem D. Thom. in 6. de Spiritualibus Creaturis, a quo non recedo, & de tali in meis scriptis intelligendum censeo. Angelicus Doctor in di-

390 Symp. VII. Metal. & VII. Lap. ad Pl. Sel.
cto loco sic ait. Duplex ergo erit ordo substantiarum spiritualium , quædam unitæ corporibus cælestibus , ut Motores , quædam vero erunt fines horum motuum omnino abstracte. Et paulo inferius explicans , infert. Dicere autem ultius quod corpora cælestia sint hoc modo animata sicut inferiora corpora , quæ per animam vegetantur & sensificantur , repugnat incorruptibilitati cælestium corporum Tandem ad conclusionem dicti quæsiti concludit. Dicendum quod habent rectores spiritus , a quibus tamen non sic animantur , sicut inferiora animalia suis animabus. Hæc D. Thom. a qua sana sanctaque doctrina minime recedens supra in hoc libro infero. Ex hic patet animam motricem in cælis extare. Et de tali animatria illa adducta argumenta concludunt. Non enim de anima ut forma intelligibili intellecti , nec D. Thom. cum in cicato loco dixit , Quæ per animam vegetantur & sensificantur , nil de intellectione recensuit , Ex quo formam intelligibilem omnino excludere videtur , sicut & ego.

Singula determinationi & censuræ S.R. Ecclesiæ orthodoxæ sumitto & exhibeo , cuius Caput adhuc exstat ad mille annos) S.S. D.D. Paulus divina Providentia sapientia , quintus: Ad cuius beatissimorum pedum osculum humiliter propero , ac prostratus flexisque genibus supplex adoro.

F I N I S.

MAGIA ASTROLOGICA,

Hoc est:

PETRI CONSTANTII ALBINII

Villanovensis,

CLAVIS SYMPATHIÆ SEPTEM METALLORUM, LAPIDUM ad PLA- NETAS.

Pro majore illius illucidatione

Opus tam Astrologis,
quam Chymicis per utile
& jucundum.

Liber olim impressus PARIS. 1611. apud Carol.
Sevestre & David Gillium,

Jam propter ejus raritatem recusus

HAMBURGI ,

Apud CHRISTIAN. LIEBEZEIT. Anno 1716.



PRÆFATIO.

Non debemus vel tantillum quidem hæsitare, parentem nostrum Adamum omnium artium & scientiarum professorem primum authoremque fuisse, perque lumen sibi a Deo concesso sum & insufflatum, rerum omnium ante & post lapsum cognitione habituque indutum. Præfigavit enim Mundum per aquam renovandum fore, pauloque minus quam delendum. Hoc fuit in causa, ut successores ejus duas erigerent tabulas lapideas, quibus omnes artes naturales a principiis suis, characteribns hieroglificis insculperunt, ut posteris etiam innotesceret futurorum eventuum matura Provisio. Noach postmodum in Armenia unam adinuenit tabulam, & illam super monte Ararth diluvio transacto, in qua superioris Finnamenti, & inferioris globi, rationes, & Planetarum cursus designabuntur. Tandem universales hujusmodi notiones particulatim in diversa distractæ, viribus adeo diminutæ sunt, ut talis separatio hunc Astronomum, illum Magum, alterum Cabalistam, & quartum Alchimistam efficerit. Tubal ille Cain Astrologus & Arithmeticus maximus ex Ægyptio in Regionem Canaan traduxit, unde ad suos rediens, in tantum fastigium Ægyptii surrexerunt, ut ab ipsis ad alias rationes ejusdem rei etiam sapientia transferit. Patriarcha namque Jacob nonne ex tali dogmate oves, varias & pictas producere didicit? Semper enim Hebræi, Chaldæi, Persæ & Ægypti penes Theologiam has etiam Artes liberales uti summam Philosophiam suis proceribus atque sacerdotibus proposuerunt addiscendas. Moyses namque cura & impensis filiæ Pharaonis in Scholis ægyptiorum instructus fuit. Idem Danieli evenit. Nam ab incunte ætate Chaldæo-

rum suxit doctrinam, & in Cabala adeo perfectus appa-
 ruit, ut cabalistice convivantium leges ad Darii verissi-
 mam & propriam tradiderit sententiam. Profetiæ qui-
 dem donum in illo non negandum, attamen verba illa,
 Mene, Thecel, phares, Cabalistice exposuit, & ex pro-
 positis convivantium legibus, in Regem ipsum, & con-
 tra ipsum pervenerunt. Hujus aitis cabalisticæ tradi-
 tio apud Moysen & Profetas adeo familiaris fuit, ut ex
 eali scientia mirabilia perpetraverint, Antiqui sapientes,
 tam Hebrei, quam Chaldæi, hac arte naturali & mysti-
 ca Deum probe nosse dederunt, & in illius mandatis
 & legibus firmius ambulaverunt. Pari formiter in li-
 bro Samuelis habetur viros diaboli sortes sequutos
 non divina permissione visionum apparitionum
 que verarum fuisse particeps. Donum hoc saeculotis
 bus in divinis præceptis deambulantibus a Domino
 Deo concessum est. Mos Persis fuit, neminem in Regem
 præter Sophum id est Magum, re ac nomine sublima-
 tum admittere, quod patet suorum Regum nomine, qui
 adhuc hodie Sophi nuncupantur. Tales etiam extite-
 runt illi Sophi ac Magi Persæ, qui Christum ab Ori-
 ente quæsierunt, & naturales Sacerdotes appellati sunt.
 Ægyptii quoqne a Chaldæis & Persis hanc Magiam &
 Sophiam assecuti suos sacerdotes eandem sapientiam
 addiscere voluerunt; in qua tantum profecerunt, ut cir-
 cumvicinis omnibus regionibus in admirationem veni-
 sent. Hac de causa Hermes vere Trismegistus nomi-
 natus est, quia Rex sacerdos & Magus sive Sophus, id
 est rerum naturalium indagator erat. Talis & Zoroa-
 ster Rex; Postmodum ubi filius Noach tertiam Mundæ
 Partem a diluvio occupavit, hæc ars in Chaldæam &
 Persiam vi quadam irrupit, & inde in ægyptum. Id
 cum superstitioni & idolatræ Græci subodorassent, co-
 rum aliqui sagaciores ad chaldæos se contulerunt, &
 ad ægyptios, ut ex illorum Scholis eadem Sapientia Græ-
 ciam ornarent. Sed cum eis non arridaret Theologicum
 Mosaicæ legis studium, proprio suo confisi genio, a re-
 ato fundamento naturalium hujusmodi secretorum &
 artis Physices exciderunt. Exemplo patet, cum tam fa-
 bulose

bulosē de Mosaicē legis doctrina senserint ac titubarint.
Ægyptiis mos fuit ejusmodi traditiones tam excellentis
sapientiæ, no*n* i nisi figuris, ænigmatibus, & abstrusis
historiis, vocabulisque proponere; Quæ omnia postmo-
dum Homerus Græcus fabulosō artificio Poematum ad-
umbra it. Accessit Pythagoras, qui plurima ex lege
Moysi & veteris Testamenti permisit. Pariter & Hip-
pocrates, Thales Milesius, Anaxagoras, Democritus, &
alii, sua non desierunt ingenia humana his applicare,
quamvis eorum nullius Astrologiæ, Geometriæ, Arith-
meticæ nec Medicinæ Physicæ veræ peritus esset. Im-
pedivit eos nimirum sua superbia, quæ discipulos alia-
rum nationum admittere noluit, cumque non nihil a
chaldæis & ægyptiis perceperint longe superbiores
quam erant antea natura facti, subtilioribus segmentis
rem veram acuere non veientes, Philosophiam quan-
dam describere conati sunt, quæ postmodum ab istis
Græcis corruptissima ad Latinos & Italos derivavit, qui
tandem hac imbuti & instructi suis quoque dicterioris
onerarunt. Ab his omnibus ad hunc modum larvata
per totam Europam disseminata est, ut multas ubique
gentium Academias construxerint, in hujusmodi suo-
rum dogmatum propagationem, in quibus Juventus in-
stueretur; & penes Germanos & alias Europæ nationes
in hunc usque diem viget. Chaldæi vero, Persæ &
Ægyptii habuerunt eandem arcanorum naturæ primiti-
væque Physices incorruptæ cognitionem, item eandem
Religionem, mutatis duntaxat sapientiæ nominibus,
Chaldæi & Persæ suam doctrinam vocaverunt olim So-
phiam atque Magiam. Ægyptii vero ob annexum sa-
crificium, suam spientiam sacerdotium vocaverunt.
Persarum Magia & Ægyptiorum Theologia docebantur
olim in Scholis ambæ simul. Quamvis in Arabia, Afri-
ca, & Græcia, scholæ multæ, doctrique viri fuerint olim,
ut Albumazar, Abenzagel, Rasis, Geber, Avicenna apud
Arabes, Machaon, Podalirius, Pythagoras, Anaxagoras,
Democritus, Plato, Aristoteles, & Rodianus, apud Græ-
cos, nihil ominus varii sensus ac dissensiones inter ipsos
fuerunt, & quoad Ægyptiorum sapientiam discordes ex-
eiteruunt.

titerunt. Pythagoras ea de causa Sophus appellari voluit, quia suo tempore Sacerdotium & sapientia perfete, ut par erat, minime docebantur: etsi multa nihilominus inde reportasset mysteria arcana, sicut & Anaxagoras, pro ut ex disputatione illius, quam de Sole & ejus lapide fecit, patet. Ægyptiis tamen in multis contrarius fuit: ideo eorum discipuli Sophi minime appellare voluerunt, neque Magi, sed Pythagoram ea in re imitantes, Philosophorum nomen assumpserunt: ipsi tamen non nisi scintilias quasdam ut umbras ex Persarum & Ægyptiorum Magia reportarunt. Verum enim vero Moyses & Abraham, Salomon & Adam omnia primus, Helias & Magi qui ab oriente venientes Christum adoravere, veri Magi fuerunt, & Sophi divini, nec non & cabalistæ, quorum artis & Sapientiæ Græci parum aut nihil degustarunt. Quapropter istorum Græcorum Philosophicam sapientiam, ut sophisticatam speculationem ab aliis veris artibus & scientiis degenerem, longe lateque distantem ac separatam relinquimus. Plurimi tentarunt secretissimam istorum sapientum Magiam tum scrutari tnm in usum reducere: tamen haud factum fuit. Multi haec nostra tempestate Triteminii Abbatem exaltant, alii Baconem & Agrippam ob Magiam & cabalam, quæ tamen per omnia concordare non videntur in omnibus. Magia namque est ars & facultas per quam ad elementorum, corporum & structuum suorum proprietatem, virium & obstrusarum operationum cognitionem pervenitur, ut doctissime Author Sympathiæ fol. 484. nobilissimis verbis, & alta doctrina demonstravit, per totum fere illud ultimum sui libri Capitulum. At ipsa Cabala ex anagogia viam ad Deum hominibus struere videtur, ac docere quinam cum ipso vivendum, & ex ipso proficiendum sit. Nam plena est divinis mysteriis Cabala, uti Magia naturalibus arcanis: præfigia si quidem illa futurorum ex natura preteritorum & præsentium effari docet. Hujus autem operatio consistit in Creaturis omnibus, tam cœlestibus, quam terrenis corporibus cognoscendis intrinsecus, quod in ipsis occulatur, quæ vires atque virtutes lateant, cui destinata sunt

fint ab initio, tum quibus proprietatibus dotata. Hæc & similia vinculum exhibent, quo cælestia terrenis conjunguntur, ut oculariter etiam aliquando percipitur, ac sensualiter a suis operationibus. Talis in fluentiarum cælestium conjunctio, vel potius impressio, qua in inferiora corpora cælestes virtutes operantur, *Gamacheum* conjunctarum virium & proprietatum cælestium cum clementaribus corporibus dictum fuit olim a Magis & Sapientibus. Inde fluxerunt excellentissimæ conjunctiones astrorum superiorum cum inferioribus astris, id est Solis & Planetarum cum vegetabilibus, Mineralibus & Animalibus, ut per totum capitulum septimum, Author Symp. sui libri, Metaphysicis rationibus & demonstrationibus quasi divinitus descripsit. Diabolus vero miris conatibus tentavit, totisque viribus ejusmodi Naturæ lucem obfuscare, & non in toto sua frustratus specum totam Græciam ea privarit, & ejus loco speculationes humanas, & meras in Deum blasphemias & ejus filium, eq gentium introduxerit, ut Author Symp. in Epist. ad lectorem summopere dolet. Magia vero naturalis utique suam originem ex divino Ternario & ex Trinitate Dei duxit, quod Author Symp. in folio 471. demonstravit, & in triplici gradu illam ordinavit. Fœdus igitur divini ternarii per totam rerum substantiam diffusi indissolubile manet, per quod etiam habemus arcana totius naturæ ex quatuor elementis. *Ternarius* vero cum Magico quaternario perfectum septenarium producit, multis aenatum arcanis, notisque demonstratum. Et cum quaternarius in ternario quiescit oritur lux mundi in Orizonte aternitatis, totumque vinculum cum Deo nobis exhibet. Ad hæc etiam accedunt vires & operationes creaturarum omnium, & usus earum suis arcanis signis, characteribus, & figuris insignitarum, ut in ea vix minimum punctum occultum relinquatur, quod non examinatione pateat. Quandoquidem uti quaternarius & ternarius ad denarium ascendunt, eorum fit ad unitatem regressus. In isto concluditur arcano omnis occulta rerum sapientia, quam Deus cum verbo suo, tum creaturis manuum suarum, palam fecit tum hominibus bona voluntatis, ut veram corum

eorum haberent notitiam. Patet ergo Græcos (ut reverterat ad punctum periodi,) primos omnium artium fuisse corruptores. Isti Magiam (quæ antequam ad illos pervenisset, divina, sancta pureque ab Hebræis, Chaldæis, Persis & Ægyptiis tractaba ut) sophisticis suis inventionibus conspurcavunt, & quod soli Deo conveniebat, diabolo ascribentes, pias pieces, & sinceras orationes in superstitiones & nefarios ritus converterunt. Unde factum fuit ut loco Magiæ Necromantiam docuerint, & pro vera Phisica somniatam phantasiam inanem & vacuam, pro Astronomia fictum ædolorum Diabolicorum Regnum excogitaunt, cui Saturnum, Martem & Venerem ac Mercurium præesse voluerunt, sumptis nominibus latonum, furum & metricum, quibus suos decorarent Deos, & ita Cœlo non parcentes, hoc ipsum in infernum transmutare conati sunt, & licet corpora cœlestia, per motum suum varias cognitiones tradere t consuptione tamen eorum omnia pene in chaos confusissimum redegerunt & diabolicum figmentum, verum & reale prædicare minime cessabant. Hac via totum adeo mundum seduxerunt, ut nemo se Magum confiteri neque sapientem ob capitem pœnam audeat, ut conqueritur juste Author Symp. in sua epistola ad lectorem circa finem & documentum aliis præstans, se ipsum excusat: cum jam nulla differentia adhuc vigeat inter græcorum falsam Magiam, vel potius necromantiam, & pristinam Hebræorum Sapientiam & cabalam, & Ægyptiorum veram Theologiam, prout in Orphæi scriptis intelligentibus appetet. Maneamus ergo nos in incusso lapide fixi, & mundus, qui decipi desiderat & vult, decipiatur. Quid mirum si Author Symp. obscurè scripsérit, & suum librum Apostolicis dogmatibus plenum reliquerit? Si enim aperte & distincte, ut par erat, scripsisset, Græcam doctrinam elucidare prædicassent, ipsumque & suum librum damnassent, sapienter sapiens egit, & clavem inde tradendi laborem aliis reliquit, quæ quomodo & quæ sit, omni conatu tradere ausus fui, germanamque veræ opinionis interpretationem invenire omnino studui.

PETRI CONSTANTII ALBINII
Villanovensis,

Clavis Sympathiæ se-
ptem Metallorum
&
Septem Selectorum La-
pidum ad Planetas,

Pro majori illius elucidatione.

Percute Domine gentes impias cæci-
tate, ut videntes non videant, & au-
dientes non audiant. Deinde Do-
mine Sabaoth aperi oculos servorum tuo-
rum fidelium, ut cognoscant, sciantque te,
& mirabilia opera tua; & opera sanctorum
Angelorum tuorum. *Reg. 4. cap. 6.* Sacra-
mentum Regis abscondere bonum est,
opera Dei revelare & confiteri honorifi-
cum est. *Tob. cap. 12.* Non igitur seoreta
adeo sunt revelanda, ut profanentur, ne-
que ita omnino abscondenda, ut non per-
cipiantur penitus. Extremitates non ca-
rent vitiis, medio tutissimus ibis.

Author sympathiaæ, et si secreta a se adno-
tata, ut perciperentur curam adhibuit non
tamen id facillime fieri posse existimavit.
Si enim distincte & clare scripisset, secre-
ta dici non potuissent. Quæ enim prælo-
traduntur omnibus patent, & universis le-
genda committuntur.

Scripsit

Scripsit equidem distincte , non tamen
 ordinate , in ordine confusionem posuit,
 & in confusione ordinem demonstravit.
 Intelligenti & perito facillimus ingressus
 & regressus erit. Qui vero ingenio sunt
 adeo hebeti ut notitiam nullam inde per-
 cipient, quid illis distincta cognitio ? con-
 fusionem in distinctissima distinctione
 etiam reperiunt. Nevero tantus labor,
 tamque mira secreta omnino non reluce-
 ant, & ne ingenia nobiliora nimia inve-
 stigatione fatigentur, clavem tradere ne-
 cessarium mihi visum est, qua seræ illæ va-
 leant aperiri. Naturæ antro per eam re-
 serato , mira arcana quasi in promptuario
 visentur , quæ quisque pro modulo suo
 suaque capacitate sic accipere poterit , ut
 non satietur, neque condoleat. Antrum
 Naturæ in Sympathia appetet. Utrum
 Principia innotescant in dubio est. Qui
 tamen verba illius legerit, variam equi-
 dem doctrinam in ea conspiciet , secreta
 syderum , Planetarum , & elementorum
 formas videbit. Sed qua via, quave Me-
 thodo id assequatur & quorum illa , sine
 ductore , nequaquam scire poterit. Du-
 cetorem clavis præstabit : Clavis nemini
 nisi perito conceditur , Peritos omnes se
 esse somniant : omnibus ergo tradenda.
 Lata lectaque est sententia. Quod gratis
 accepimus, gratis dare debemus. Procul
 este profani, ecce clavis antrum aperit, si-
 stite

stite parumper. Nam exuberans rerum absconditarum vapor exhalat, mortiferus satis. Non adeo velociori gressu vobis introire licet, ne suffocemini. Sistite aliquantulum, donec evanescat virus violentum nimis. Considerate interim opera Dei, non naturæ. Tu nomen Dei naturæ mutas, Dei opera magnalia consideranda sunt, & ut boni consulas, admoneo, ne a nimio desiderio tractus in Centrum traharis, & præceps ruas.

Author Sympathiæ antiquos imitatus Philosophos, qui, cum secreta reperissent, ne ad pravorum hominum notitiam pervenirent, variis multisque modis ea occultabant. Quæ in multorum manus deveniunt, multis scatent mendis. Consultissime equidem actum. Cum vero sympathiæ liber variis expositus fuisset hominum palatis, varie tamen de illo multi senserunt, eaque se legisse præ gaudio publice professi sunt, quæ non ante annos plurimos in aliis compererant Codicibus. Suæ nihil ominus voluntati non plane satis factum fuisse clamarunt. Viderunt namque metalla Planetis dicari, Planetas lapidibus accommodari, lapides metallis, Metalla lapidibus deservire. Sed quo fine, qua utilitate, minime pervestigare, & invenire potuerunt. Quid tabella illa septem annulorum indicaret, ad eorum cognitionem minime pervenire potuit. Aliunde præparatio Metalorum,

Iorum, dispositio lapidum Sympathiae adinuicem, concursus qualitatum, uniformitas nominum, deductio vocum, applicatio formarum, receptio influxuum, & prope alia infinita, quæ hinc inde sparsim in volumine Sympathiae conspiciuntur, consideranda veniunt. Hinc animorum nostrorum antiqua illa sciendi voluntas, immortale desiderium, & rerum occultarum anhelitus adeo cruciat, torquet & clamat, ut ad aures curiosi viri clamor deve- nerit, qui labore suscepto quæsivit, investigavit & cognovit, prout author in Pag. 316. dicit. Quæras & invenies, non sine magno, eximioque labore, aperiendi An- trum Naturæ clavem adinuit, non a ve- risimili prorsus omninoque alienam. Ve- risim, equidem foret, si hoc ab Authore per- actum fuisset, ut plurimum & a plurimis ejus præcipuisque amicis rogatus fuerat: Verum ille principiis insistens defendit se, asseverando, se nil aliud sentire, quam quod ad litteram apparet (& revera dicit, tamen ordo nescitur) nil sub velamine aut amba- ge scripsisse: Si quis vero alia reperisse ja- ctatur, nugas, vanitates, imposturas esse ab omni sua mente alienas. Ne igitur in vanum cucurrisse videar, bravum hujus cursus præ cæteris consequi ambio, meam qualis cunque sit illa voluntatem ostenta- re, quam etsi alienam a suâ Author dixe- rit, suam tamen a meâ non alienam esse censeo.

Du.

Dubium non est , quin Author Sympathiae pro sui ingenii acumine & subtilitate, ea investigavit & adinuenit, quæ pro humano captu aliis nunquam, etiam per meliore annos innotescere potuissent. Nam ex antiquissimis probatissimisque Authoribus ea percepit & adinvenit, quæ ex varietate & novitate productionis potius incredibilitatem quam admirationem pariebant. Unde rumor de illius doctrina adeo crevit, ut etiam apud peritos pluriimos humanas vires excedere credita sit. Et propterea volens sui ingenii aliqua digna monumenta posteritati relinquere ac immortalitati consignare sic eum adnotare oportuit, ut conceptam de sua scientia opinionem destrueret, & penitus adnihilaret, ut ipsem in variis suæ sympathiæ locis enunciat, ut in epistola ad omnes, prope medium, & in folio. 248. apertissime protestatur. Evidenter cum sit religiosus Romanus caute propter cucullatos & scrupulosos incedendum illi erat, cum in rei veritate ubique terrarum & nationum optimum adeo Catholicon Romanum se exhibuerit, & tali charactere sit munitus, Cruce videlicet alba, ut aliter dici minime possit. Semper integerrime & religiosissime vixit, & varius nationes vidit & cognovit varias inquam & in Religione & in fide sed semper etiam sicut malus in lignis sylvarum, inconcussus, stabilisque

permansit. Ea vero quæ exanavit ita exananda fore censuit, ut scandalum pusillis non gigneret : Omnia tamen non nisi catholica & sanæ Doctrinæ. Etsi admirationem tribuit, non æque omnibus, ut ipsam c. 10. Symp. forsitan de se scribens, ait : Sunt equidem quorundam hominum præclara ingenia &c. usque in finem periodi. Et similiter in epistola ad omnes circa finem consilium dat, ut non libere, quod possidetur, coram omnibus propaleatur. Quibus rationibus secreta Magiæ naturalis per Astrologiam abscondisse credibile fuit, & occultandi modum invenisse, qui fuit, ea tantum scribere & adnotare, quæ potius ad aliorum opinionem contrariandam pertinerent, & ordine in ordinato observato, confusionem in rebus Magicis parerent, ut alia via crederetur, quod in una minime judicabatur. Hinc est, quod Sigilla, Imagines & Figuræ, tam Astrologicæ, quam Magicæ ante libros Sympathiæ videntur, de quibus ipse dolore demonstrans summopere gaudet, ac eorum inventores vera adnotasse ac scripsisse dicit, ut in Epistola Lazari Mozenighi prope principium. In quibus locis licet appareat, nullius valoris & utilitatis illas esse, tamen ut bonæ & perfectæ ex inventione laudantur. Verum enim uero non nisi naturalia docet & Magiæ naturalis operationes, quæ per Astrologiam operantur.

Fal-

Falsis characteribus non utitur, impias con-jurationes non adhibet, pacta noxia dete-stabiliaque non annuit: denique non nisi vera, absoluta, & pura naturalia a princi-piis Astrologie fluentia, & ab influxu pla-netarum currentia. Influxus etiam Scho-la Theologorum confitetur, necessitatem vero illis imponere absurdum impiumque cum illa dicimus. Ut igitur secreta in li-bro Sympathiæ contenta per clavem de-monstrem, aliqua paucis adnotanda sunt, quibus cognitis facilior patebit ingressus.

Primo Author Sympathiæ, volens de-monstrare vim & virtutem Metallorum & lapidum selectorum cum Planetis maxi-mam extare, ut qui sit lapis et quomodo Metallo Planetario sibi congruo aptetur: Annulorum Fabellam scripsit & depinxit, ut insipientibus per investigationem in-notescat aliqua occulta ibi demonstrari, & investigatione digna reperiri. Nam Sym-pathia illa ab ipso antiquis nuncupata non sine aliqua probabili & vera ratione ab antiquis Philosophis adinventa & via naturali ea agit, quæ supra captum naturæ apparent. Ex tali namque positione opus naturæ ex Metallis & lapidibus ad effec-tum supra naturalem ex Planetis posse ferri adinuenit, & summis antiquisque Philo-sophis consultis Magiam Astrologicam adaperuit, & per influxus in Metallo & la-pide receptos effectum producere de-

16. *Clavis Sympathiae VII. Metallorum,*
monstravit, ut in folio 259. sympathiae ap-
paret.

Secundo demonstravit, qui sint septem
lapides Planetarii, vere & non fictitie ideo
Sympathiam inter illos & Planetis demon-
strat, ut in libro Sympathiae folio 296. ap-
paret. In quibus eorum proprietates, tam
solas quam unitas docet, & quomodo sint
eligendi , ut perfecti censeantur folio
199.

Tertio, volens omnimodam scientiam
detegere per negationem veritatem de-
monstrat. Ideo confutando opinionem
Philosophi Balemis , illam demonstrat &
declarat, & de præparatione Metallorum
& de purgatione, ut pura existentia ad opus
Astrologicum accommodentur & dispo-
nuntur. Chymicam item in velamine
aperit , & tamen chymicæ secreta perfe-
ctissima & vera docet fol. 291. usque in fi-
nem, in quibus illa admirabilia in arte chy-
mica detegit, quæ usque modo a nemine
fuere libata , neque credo cognita. In
Particulari de vivo Argento, quod in alia
Metalla transformetur ut operi Magico
per Astrologiam deservire possit.

Quarto qua hora & sub quo Planeta id
fieri debet , in opinione Balemis confu-
tanda demonstrat & elucidat folio 291.
quæ quidem via Astrologis crit nobilissi-
ma, cum de horis Planetariis sit sermo, quæ
horæ quomodo perquirantur & a quo

tem-

tempore sit enumerandum, periti in arte bene norunt, ideoque ut prolixitatem vietemus, reticebo.

Quinto, idem de lapidibus cælandis & sculpidis docet non solum veram illorum electionem & perfectionem, sed viam & ordinem ut pag. cap. 9. Sympathiæ docens etiam, quomodo virtus Planetarum, & virtutes lapidum & Metallorum simul unitæ efficaciorem effectum producere valeant.

Sexto figuræ septem Metallorum apparent in libro 3. de lapidibus cap. 12. in quo sigillatim cuncta videntur & deinceps in Sigillis aliorum Philosophorum ibi apertos demonstrantur. Ibi de triplicitatibus, de figuris, de stellis, & de singulis ad Magiæ naturalis Astrolog. necessariis apertissime differitur.

Septimo docet, quomodo Planetæ valeant ad virtutes in Annulis, & quæ sit cuiuslibet Planetæ propria virtus & efficacia, & quales effectus producere valeat. fol. c. 9. Symp. Ubi de essentialibus Planetarum qualitatibus non inconsulto diffusius agit. Ad quorum majorem notitiam hæc infero. Saturnus habet ex bonis Agriculturam, Fodinas Metallorum, thesauros & similia. Ex Personis Senes, Agricolæ, Fossores & similes. Iupiter ex rebus dignitates Ecclesiasticas & seculares, juxta suam positionem & configurationem regna, justicias, hono-

38 Clavis Sympathiae VII. Metallorum, res & similia. Ex personis magnanimos, mansuetos, Prælatos, Præfectos & similes. Mars ex rebus, rixas, militiam, robur & similia. Ex personis milites, audaces, prædones, & similes. Sol in rebus magnarum potestatum, regnum, & similium est significator. In Personis Regum, Principum, magnatum & similium. Venus ex rebus, amore, affabilitatem possidet. In Personis mansuetos, amantes, musicos, Mercurius negotia, Mathematica studia. Ex Personis Studiosos, artistas, ingeniosos, mercatores. Luna, quæ in aquis & locis humidis, itinera. Ex Personis humiles, viaatores, peregrinos, pescatores &c. Ex quibus apparet, quibus configurationibus Planetarum sit conficienda Ars, ut Magia Astrologica per effectus demonstretur.

Octavo demonstrat cap. 9. Symp. quæ virtus sit in lapidibus Astrolog. accommodata, & adducit proprietates mixtas, ut in textu usque ad finem periodi. *Ex trina armonia, lapis, Metallum & Planeta apparet.* Fol. 323. per totum Cap. 8. ubi varia & mira secreta Magiæ naturalis apparent.

Nono negando influxus posse aliquid boni agere, non enim negat influxus absolute, cum sit suum assumptum firmiss. docet modum faciendi & recipiendi verum & essentiale punctum. Nam in folio 482. dicens nullum hominem posse verum punctum alicujus Planetæ vel aspectus expres-

se ex illorum velocitate recipere, insinuat id posse fieri & assequi cum formis jam præparatis & dispositis, ut in ipsa coniunctione & configuratione Planetarum & signorum, non celando, sed imprimendo statim influxus recipiatur, si in Metallo id faciendum esset. Si vero in Lapidibus sufficit, ut in puncto congruo insculpantur Lapi des jam præparati & dispositi: per horam & punctum Planetæ proprii celari & sculpi imaginem sive signum congruum, ut in fra ostendetur. Si vero in tempore coniunctionis & configurationis opus non terminabitur, cum jam major pars & præcipua sit completa in hora & puncto debito.

Decimo, docet modum certum, quomodo influxus a parte superiore in inferiora attrahantur. Nam c. 10. Symp. scalam admirandam describit, unde per decem gradus mens unita corporibus cælestibus id possit assequi. Nam in hora & puncto alicujus Planetæ, sub cuius imperio & dominio formandæ sunt imagines Metalorum vel lapidum, sic & totaliter debet esse dispositum, præparatum, & in semetipsum unitum, ut mens & anima adeo superioribus corporibus uniantur, ut invisibili via & spirituali medio anima ipsa, sive mens (quæ ab auctore c. 10. Symp. vocatur cor cordis & anima animæ) percipiat intelligentias illius orbis motrices fol. 336. & in ipsis productioni-

bus uniantur, ut per naturalem obedientiam influxus animae operatrici obedient & decurrant, quæ omnia verbis obscuris in scala demonstrat. Hæc omnia sub dio sunt operanda, ut influxus libere descendant, & facili via percipientur, ut folio 367 & 336. clarissime docet dum *de aere medio copulativo loquitur*. Quæ omnia clarissime demonstrant viam ad operationem Magicam per Astrologiam. Nam in folio 471. per totum usque ad finem, per trinam intellectuionem ad unicam operationem facili methodo pervenitur, qua de causa folio 332. cap. 8. per totum discurre, & varia secreta Magiae deteguntur, *trina armonia, Lapis, Metallum & Planeta*.

Undecimo, quando disputat de motu Planetarum, de qualitatibus & formis elementorum, & de ipsis propriis Elementis folio 395. exemplificat de homine, & de forma, puta de anima, quæ ad Magicam Astrologiam convenient, nempe de unione mentis ad Astra, & quomodo cognoscuntur operationes ad diversos effectus. Hoc tractat in dicto fol. & cap. septimo, in quo capite quantæ continentur litteræ, tanta secreta vigent: ideo caput illud maxima indiget consideratione.

Duodecimo in folio 241. ubi de præparatione Metallorum differit, præclara & mira admodum enunciat, & non abs re de *vivo argento in plumbum converso*. Et folio

242. dicit se non dixisse sine aliqua ratione & necessitate , cum ex vivo Argento opera Mercurii debent operari. Et necessario tale Metallum ad operationem accommodandum erat. Ex quo valde venit consideranda talis doctrina. Nam nullus Author a principio & origine Scientiarum occultarum tam admirabilem neque docuit, neque tractavit, sed in operationibus Mercurialibus alia Metalla accommodabant, quinam stannum , alii Auri-chalcum, alii plumbum, & alii alia somnia-bant, non tamen opus ad perfectionem ducere valebant, cum non de Metallo Planetae proprio operabantur : Author nova donans, brevi via id posse fieri demonstrat.

Ultimo non abs re librum Sympathiarum præcedunt sigilla, imagines & figuræ diversorum Astrorum, ex summa necessitate id factum fuit. Cum in illis omnes configurationes, triplicitates, positiones, & valores syderum appareant: & illorum figuræ & positiones a quibus, & cum quibus, quilibet in Astrologia peritus operari valebit, figuras construere, imagines formare, & in Magia Astrologica mirabilia perpetrare, ut fol. 143. Cap. 8. & deinceps usque in finem libri, quibus cognitis apparebit via operationis, prout in demonstrationibus sequentibus in particula-ribus figuris & annulis patebit.

His sic aptatis clavis patet, ad aperien-dum

dum antrum Naturæ adeo apta idoneaque, ut nil desiderari possit. Tamen antequam ad ultimam notitiam deveniatur, lectorem admonitum volo. Nam quemadmodum ex multa lectione & investigatione, multo labore & angustia hæc acquisivi: sic ne in profanis vanisque actionibus aptentur, deprecor, ne cuilibet petenti detur, ne avaritiæ quolibet genere animetur, ne profano lascivoque amore vincatur, ne denique taliter operetur, ut profanentur & evanescant. Nam licet clavis datur, non tamen nisi peritissimis Astrologis intrare conceditur. Non enim nisi per Astrologiæ principia operandum erit. Talis enim magia naturalis in configurationibus positionibusque Astrorum consistit superstitionibus quibuscumque remotis & relictis, qui enim recte, optimeque suum influxum recipere sciverit, tutissime finem suæ intentionis acquisiverit prout in decima notatione diximus. Nempe artifex in Principio artificii semper intentionem fixam immobilem & unitam fini suæ voluntatis operatricis, ut *anima & mens attrahant influxus aere mediante sub diu*. Ad Astrologos sermo, ut, quæ non necessaria sunt, sic tractent & revolvant, ut non in judicium magni Dei incident, & Authorem Sympathiæ summopere lèdant. Clavem trado, serræ alligataim trado, sera non disssecanda, sed ad tempus aperienda. Ad praxin igitur accedamus.

Vo-

Volens quisque annulum Saturni formare, ut per illum aliquos effectus videre possit, sive imaginem & Sigillum, sic debet agere.

Disposita mente & adeo unita in semet ipsa, ut non aliunde vacillet, accipiat primo Plumbum Metallum Saturni, hora saturni, sive matutina sive pomeridiana, Saturni in sua exaltatione non combustus, non offensus a radiis noxiis, in bona configuratione, melioreque aspectu, prout Astrologi in electionibus facere solent, & illam horam eligant, quam meliorem cognoverint, ascendentem cum decimæ Domino fortificant, & his ita peractis, oportet, ut luna sit in capricorno, vel prope, tunc fundant plumbum & præparent, ut in libro Sympathiæ dictum fuit, quo præparato, reponant in capsula plumbea, panno lineo nitido cooperto, omnia agantur sub dio vel in loco undequaque aperto puta in aliqua Galeria aperta. Similiter agatur de Turchesia, quæ eligatur, ut dictum fuit suo loco Sympathiæ, similiter reponatur simul cum Plumbo. Expectandum iterum, donec Saturnus configuretur cum potentissimo aspectu, fortis, potens, & in majori sua exaltatione, quia, quanto potentior, eo efficaciores influet influxus. Tunc hora opportuna, in qua conjunctio optima erit, incipiatur lapidem sculpere & signare. Hoc pacto si annulus faciendus sit, in lapi-

lapide pro sua capacitate & magnitudine illam figuram signabis, quæ Saturno propria & peculiaris dicitur, vel saltem proprius illius intelligentiæ Character: si hoc opus ab aliis artificibus faciendum venit, curandum erit, ut ipsem Artifex mentem unitam habeat operi, & operandum erit hora congrua & propria dictæ bonæ configurationi. Tamen tumet semper tuam intentionem in opere manda. Finito ope-
re lapidis fac similiter de Metallo, adeo ut omnia simul correspondeant, operando in fusione Annuli eadem via, sicut prius fecisti in descensu influxuum signando char-
acteres conjunctionis intus in Annulo. Si rite peregisti, effectus mirabiles inde ap-
parebunt, & qui supra vires naturæ cre-
dantur, prout dicetur. Eadem via tenen-
da erit in operationibus aliorum Annulo-
rum, sive Imaginum & Sigillorum, obser-
vando methodum in adnotatis descriptum.
*Ad inveniendam pecuniam absconditam in quo-
vis loco.*

Multi quærunt Thesauros via impia & infanda, nempe per conjurations spiri-
tuum malignorum, & aliorum modorum indebitorum & fallacissimorum. Illis
modis relictis tantum annulus Saturni rite & debite peractus sufficit. Nam in annu-
lo Saturni data figura Astrolog. in elec-
tione peracta, pergas ad locum pecunia-
rum, videbis effectus inde apparere, & anemine
impediri posse. Ut

Ut secreta revelentur.

Habeas Annulum Saturni in digito, quisquis libenter revelabit tibi, quicquid ab illo desideraveris. Sic etiam deferenti hunc annulum omnia saturnina opera obedient, etiam homines. Nam sicut Saturnini a Saturno denominantur, sic Saturno ipsi obedire in occultis tenentur. Unde qui defert Annulum, seu imaginem, vel sigillum Saturni Saturnum quodammodo representare videtur, unde ab aliis veneratur & honoratur, tanquam esset ab illo denominatus. Si quis cum tali annulo, sive imagine tetigerit aliqua comestibilia, & data in esu fuerint, vel immixta alicui li- quori, sanant infirmitates melancholicas.

Hæ & similes detalibus annulis, erunt virtutes & proprietates, quæ ut permanere valeant diu, & non perdant efficaciam, erit conservandus magna cum reverentia & decore, non feras continuo tecum, ne polluaris, & Annulus similiter, nec cubes cum muliere, neque coitum exerceas, neque quando pergis ad venatum. Et similiter dico de cæteris Annulis Planetarum.

Annulus Jovis fit eodem modo ut dictum fuit de saturno, mutatis mutandis, nempe Metallo & Lapide. Iupiter peroptime collocatus, liber ab omni maleficio, non combustus, non retrogradus, luna in sagittario vel prope, figura vel character sicut de saturno dictum fuit: in Metallo inscul-

pas

pas signum illius conjunctionis, prout in figura electionis inspexeris.

Annulus iste deferenti dat honores, dignitates, reverentiam, & dilectionem apud omnes, & proprie apud supremos Proceres, & in dignitate constitutos. Dat etiam gratiam & benevolentiam, dummodo bene tractetur, ut dixi. Confert bonam fortunam in aucupio, tam vola tilium quam terrestrium, & cuncta opera a fine dependentia obedient illi. Omines honorabunt deferentem, & quando loquetur, admiracionem induet.

Annulus Martis fit de Metallo & lapide Proprio, hora & tempore congruis, luna in capricorno existente, vel prope : ipse ab omni maleficio aspectu alienus, fortis potens, liber & dominans : fortunabis ascendenterem prout in hora tuæ electionis, accommodando omnia ut scis per viam Astrologiæ. Signum & character erit prout in sigillis Planetarum videbis fol. 191. In ferro sive in annulo sculps signa illius triplicitatis prout in figura electionis, adeo ut carnem tangant. Virtus hujus Annuli, sive sigilli, sive Imaginis multum valet & particulariter ad victoriam contra omnes inimicos, tam occultos, quam manifestos: in prælio tam publico, quam privato vietorem facit. Omnia opera Martialia illi obedient, prout supra dictum fuit. Annulus solis fit de Metallo & lapide illi proprio

prio & congruo : operabitur , die & hora Solis, in sua exaltatione, non offensus, non læsus, non denique male affectus, luna in Ariete, vel prope & operando mentem si-
ve animam (ut dixi) uni operationi. Si-
gnabis metallum signo melioris figuræ, &
fortunæ & habebit multas & prope mira-
biles virtutes, præcipue coram Regibus &
Imperatoribus : nam deferenti mirabiliter
auxiliabitur , & quicquid voluerit , impe-
trabit , præcipue a personis sublimioris sta-
tus & præminentia : tunc custodiatur ni-
tide, purusque existat & vivat, alioquin
profanabitur, in Symp. fol. 397. Præterea
in reconcilando dissidentes mirabilia per-
petrabit , omnia denique opera Solis illi
obedient , prout in septima adnotatione
dixi, ratione Planetarum, & in rebus, & in
Personis.

Annulus Veneris fit de Metallo & lapi-
de sibi convenienti, hora & tempore pro-
priis, fortunabis Ascendentem cum Domi-
no decimæ vel undecimæ auferendo ab il-
lo omnem malum aspectum, ipsa vero po-
tens, libera, non combusta neque læsa, *lu-
na in libra vel prope existente*. Figuram ejus
invenies loco solito characterem illius si-
gnabis in Metallo ponendo signum fortius
& validius in Metallo , ut carnem tangat,
Effectus & virtutes hujus annuli sive si-
gilli & Imaginis erunt mirabiles, nam tan-
gens quem volueris, juxta tuam intentio-

nem amaberis, miraberis, & gratiam a mulieribus acquires. Omnia venerea, tam in rebus quam in Personis deferenti obedient, valet præcipue in matrimonii contrahendis, tam mulierum quam virorum, a quibus summopere diligitur, pacem & concordiam cum dissidentibus componet, & consilium illius quasi oraculum auditetur. Cætera vide de aliis annulis, ubi etiam de isto. Annulus Mercurii conficitur ex Metallo & Lapide ad ipsum spectantibus. Argentum vivum primo præparabitur præparatione in Symp. demonstrata fol. 232. ut ad operationem aptetur, & malleationem sentire possit, quo disposito ad Magiam Astrologicam deveniendum. Tamen ad fixandum vivum Argentum incipies operationem in die & hora Mercurii, ipse bene affectus, & non retrogradus, sufficit tamen incipere in tali configuratione sit autem, parum refert, dummodo mens sit disposita & unita operationi. Accipias igitur vivum Argentum præparatum, fac ut de aliis Metallis jam fecisti, similiter de Lapide Mercuriali: In qua operatione expectandum, ut configuratio Mercurii sit æque peroptima, ut de aliis Planetis dictum fuit, eligas diem & horam, figuram componas, & fortunabis ascendentem via meliore, luna vero in Virgine vel prope existente, valeat ad aquirendam doctrinam inclusus ore, ut inde per meatus spirituales ad partes

memo-

memoriæ & cerebri ascendat, & acquisitio-
nem eorum quæ studes, faciat ; revelabun-
tur profunda & occultiora mysteria & in-
telliges faciliori via dicta summorum Phi-
losophorum, & altiora totius scientiæ se-
creta tandem omnia opera Mercurialia,
tam in rebus, quam in Personis deferenti
obedient, dum modo debito & recto mo-
do omnia peragantur, in Mercaturis ven-
ditionum & emptionum fortunabitur, in
ludo etiam efficiet lucrum, & pecunias ac-
quires, vel saltem de sua non perdet.

Lunæ Annulus conficitur de Metallo, &
de lapide sibi convenienti, debet fieri ipsa
in plenilunio existente, ab omni mala con-
figuratione aliena, non læsa, non affecta,
sed per omnia optime configurata hora &
die congruo : In electione illa eligatur ho-
ra, quæ magis sit favorabilis, & insigno in
quo habeat aliquam dignitatem, fortuna-
bis ascendentem cum domino septimæ, &
tale signum in Metallo prope lapidem scul-
pas, via jam demonstrata, quæ omnia si ri-
te & recte peragantur, Annulum sive Si-
gillum vel Imaginem habebis ad omnia
opera luna sufficientiss. & fortiss. & tam in
rebus, quam in Personis valebit, pro itine-
re, tam in mari quam in terra validiss. exi-
stet, & in periculis in illis occurribus
summopere opem ferendo auxiliabitur.
Cætera quære ab universalioribus.

Hæc spectant ad operationes Annularum,

30 Clavis Sympathiae VII. Metallorum,
Imaginum, & Sigillorum, quæ ab Authore
Sympathiæ sparsim in suo libello sunt po-
sita, & exarata. Jam via modus & tem-
pus fuerunt demonstrata, quæ ad alias ope-
rationes Magicas Astrologicas spectant, via
patet, facile est adiuentis addere. Sed cum
jam via præparata & disposita appareat, ne
in vacuum lapides elegisse tædeat, etiam
imagines & secreta Budasari summi Philo-
sophi inferam, qui libellus licet Ptolomæo
inscribatur, non tamen ab illo fuit com-
positus.

Pro quarum intelligentia advertendum
quod, quando formandæ sunt imagines,
debetur eadem via observari, quæ in supe-
rioribus Annulis observata fuit, tam in Me-
tallis præparandis, quam in aliis rebus ac-
commodandis, & de rebus & Personis pro
quibus faciendæ sunt imagines, illis Plane-
tæ sunt accommodandæ, qui talibus con-
venit verbi gratia, si ad amores, veneri, si
ad arma Marti, si ad honores, Jovi, & sic
de singulis, prout in septima adadnotatio-
ne dictum fuit. In electionibus vero illa
observabis, quæ necessaria & opportuna-
videbis. De verbis proferendis aperte non
est necesse absolute, sufficit tantem unio-
nem mentis & intentionis ad opus accom-
modare, sunt tamen apposita, ut per illa,
intentio intelligatur.

Creator omnium altissimus in firma-
mento posuit stellas, quibus virtutes ma-
gnas

gnas donavit, infundendi in inferiora, diversarum operationum effectus, quos qui studiosa inquisitione perquirunt, intelligunt multa, & mirabilia operari valebunt. Qui autem alienus fuerit a cognitione Astronomiae, impeditur ab operatione Magiae Astronomicae & scientiae Imaginum, quae omnibus scientiis est major, altior & profundior. Nam per eam perpetrantur maxima mirabilia ab illis, qui exactissime illam norunt. Nam *quemadmodum corpus sine anima non movetur, nec anima sine cibo in corpore subsistet;* Ita scientiae omnes sine cognitione Astrologiae non administrant intellectui lumen prudentiae, nec elevant illum ad cognitionem mirabilium summi opificis, qui omnium est causa absolutissima sine principio. Erit ergo necessaria scientia Astrologia ad cognitionem Magiae. Cum autem operari volueris, in scientia imaginum, ea consideres quae in adnotatis dicta fuerunt, & scientias ab aliis Philosophis traditas scrutaberis, ne quid minimum defeceris, qui enim in paululo defecerit, factus est omnium destructor. In compositione imaginum illamet sunt consideranda, quae in annulorum factione dicta fuerunt. Imagines tantum ad bonum effectum inferius demonstrabo, non autem in pessimum operationem: tamen contrariorum eadem est via. Time ergo Deum, memor fandi atque nefandi.

Incipiunt sigilla duodecim signorum viri Mathematicis & Magicis operationibus expertissimi.

Antiquorum solertia Cœlum in duodecim partes divisit, & hoc totum Zodiacum, partes vero totius Zodiaci signa appellavit. Sol autem totum signiferum in anno percurrens in quolibet signo triginta diebus movetur, in quolibet totidem gradibus manere dicitur, & quasdam in inferioribus agere potestates, in quibus diversi effectus fiunt in operationibus Magicis, per Imagines, annulos & sigilla, & licet de his omnibus antiqui sapientes multa & varia scripserunt, tamen cum satis obscura sint eorum dicta, placuit mihi nudis & sat apertis verbis duodecim sigilla hic per ordinem exponere, secundum motus Solis in quolibet Signo Zodiaci cum effectibus suis.

Signum Arietis.

Aspice introitum solis in Arietem die 21. fere Mensis Martii, hora Meridiei, & tunc accipe aurum vel Argentum purissimum, & funde Sigillum rotundum dicens inter formandum, Exurge Lux Mundi, IESU Christe, Agnus Dei Veri, qui tollis peccata mundi, illumina tenebras nostras, ut cognoscamus te per mirabiles effectus operum manuum tuarum. Deinde cum factum fuerit, sculpatur sigillum ipsum Sole existen-

existente, in Ariete & Lunain Cancro vel Leone in una parte, & in alia parte sicut aliud esse cernis, formatur. Inter sculpendum autem dicas semper repetendo: O Deus Creator omnium, qui firmamentum pulchritudine stellarum formasti, constituens eas in signa & tempora, infunde virtutem tuam operibus nostris, ut per opus in eis consequamur effectum. Virtutes hujus sigilli sunt multæ & valde mirabiles, quas ego sæpe in multis expertus sum, & paucis revelavi, quoniam scio, quam multis incredibiles videntur eorum effectus propter facilitatem operis. In primis valet contra omnes dolores capitis, & contra rheumata & fluxus, & confert fræneticis, squinanciis & passionibus oculorum, portans ipsum circa caput, si custodierit se ab imunditia & luxuria, valebit contra inimicos & maleficos, fulgura, tempestates & tonitrua, auget Lucrum, & bonam fortunam, & in causis victoriam præbet, & ad multa alia valet quæ sapiens experientia inveniet.

Sigillum Tauri.

Sigillum Tauri fit ex auro vel argento, & formabitur Sole in Tauro in prima facie existente, ante sextum gradum Libra ascidente, & venere in Tauro, vel in libra existente, cum bono aspectu lunæ, sereno aëre, sole splendente, & dicatur interr forman-

34 *Clavis Sympathiæ VII. Metallorum,*
dum, Exurge Domine Deus meus , & Psal-
mos Cœli enarrent, ex integro. Hoc au-
tem sigillum Tauri multarum constat esse
virtutum & mirabilium effectuum , & ma-
xime valet contra infirmitates oculorum,
& præsertim pellicularum in oculo nascen-
tium , & omnes eorum malas dispositiones
& contra omnes Passiones colli & tumo-
res gutturis mirabili effectu valet, sanat &
scabiem , & pruritum capitis, & alios mor-
bos multos. Debet autem portari ad col-
lum pendens , facitque portantem auda-
cem, fortem, & in omnibus fortunatum.

Sigillum Geminorum.

Sigillum Geminorum fit ex auro vel ar-
gento, Sole existente in Geminis, & lu-
na in Ariete, vel & sit Cancro, Mercurius in
Geminis & sculpatur ab utraque parte sigil-
lum in forma subjecta in quolibet Latere
unum & quando Materia pro rotundo Si-
gillo feritur, dicio, Exurge Domine JESU
Christe Sol justitiae in præcepto, quod man-
dasti: & Synagoga populorum circumda-
bit te. Et dic illum Psalmum totum : Deus
meus in te speravi. Hujus autem sigilli
virtus mirabilis valet contra morbum can-
cri & fistulæ, ad manuum quoque infirmi-
tates & ad omnes passiones humeri & bra-
chiorum, & ad omnes pene morbos & in-
firmitates infantum.

Sigillum

Sigillum cancri.

Sigillum cancri fit ex auro, vel Argento, Sole existente in Cancro, & luna in leone vel in Scorpione in bono aspectu Mercurii, & inter faciendum dicio: Exurge Domine, Deus meus, & exaltetur manus tua: ne obliviscaris pauperum. Et Psalmus: Confitebor tibi in toto corde meo, narrabo omnia ex integro. Hoc sigillum cancri valet contra omnes infirmitates cordis, pectoris, stomachi, pulmonis, ulnarium, arteriarum, costarum, & pleuresin, & contra vomitum sanguinis.

Sigillum Leonis.

Sigillum Leonis fiat ex auro vel argento, Sole existente in Leone ipso ascendentem, & luna in Geminis, & sit Jupiter in aliquo angulorum. Inter operandum dicio: Exurge leo de tribu Juda, & intende Dominem mihi, Deus meus, & Dominus meus in causam meam. Et haec figura est de utraque parte sculpenda. Valet hoc sigillum contra omnes passiones stomachi & lateris dorsi, & renum, & contra nimium fluxum menstruorum & febres acutas in ardore solis, & contra omnia apostemata.

Sigillum Virginis.

Sigillum virginis fit ex auro, vel argento, Sole existente in virgine, & luna in cancro vel in capricorno, & inter operan-

dum dic: Exurge Domine adjuva nos, & redime nos propter nomen sanctum tuum. Et subjunge Psalmum : Deus auribus nostris audivimus. Hoc sigillum valet contra dolores ventris, & colicam passionem & sedat cito oppilationes hepatis & splanchnis, & dolorem intestinorum.

Sigillum Librae.

Sigillum librae fit ex auro vel argento, sole existente in libra, & libra in capricorno, vel Aquario, & inter operandum dic: Exurge Domine in misericordia tua, & exaudi me. Et subjunge Psalmum totum, Dominus illuminatio mea. Hoc sigillum insidias dæmonum fugat, & prosperitatem in mari & in terra præstat portanti se, & facit ad amorem virorum ac mulierum, & maleficia in domo prohibet & plura.

Sigillum Scorpionis.

Sigillum Scorpionis fit ex auro vel argento, sole in ipso existente, & luna in capricorno, & inter operandum dic. Exurge Domine gloria mea, exurge Psalterium & cythara, exurgam diluculo. Et Psalmum, miserere mei Deus, miserere mei, quia in te confidit anima mea. Valet contra quartanam & tertianam, doloresque nervorum ventris, vesicæ, vulvæ & pudendorum, præsertim Epilepsiam, & alia plura.

Sigillum

Sigillum Sagitarii.

Facias sigillum sagitarii Sole existente in ipso, & luna in cancro, & dic. Exurge Domine IESU Christe in occursum meum, & miserere mei. Et Psalm. Eripe me de inimicis meis Deus meus. Valet epilepticis, Dæmoniacis, Artriticis, & amentibus, valet etiam contra flegma & choleram putrefactam, & multos alios morbos.

Sigillum Capricorni.

Cum sole est in capricorno, & luna in libra, facias ex auro vel argento sigillum capricorni, dicens, Exurge Dominus Deus meus, & libera me, quoniam tu es spes mea a juventute mea. Et Psalmum. Deus in adjutorium meum intende.

Sigillum Aquarium.

Quando Sol est in Aquario & luna in piscibus, facias sigillum Aquarii dicens inter percutiendum Materiam, vide licet aurum vel argentum. Exurge Domine Deus meus, excita potentiam tuam, & veni, ut salvos facias nos. Et Psalmum, qui Regis Israel intende. Hoc autem sigillum valet generaliter contra podagram, & omnes infirmitates tibiarum, & crurum, & ad alios morbos plures.

Sigillum pisium.

Quando sol intrat pisces, fiat ex auro vel Argento sigillum rotundum, & inter mal

malleandum dicio, Exurge Domine JEsu,
Christe in requiem tuam, tu & arca Sanctificationis tuæ sancta Maria. & Psalmus: memento Domine David. Valet hoc sigillum ad omnem ægritudinem pedum, generaliter, quoecunque nomine appellantur, sive podigra sit, sive alii morbi. Et nota primo quod inter sculpendum sigillum, bonum erit, quod Sol & Luna sint in eodem signo, secundo quod dies sit serenus, & hora Planetae conveniens operationi, tertio ut sancta verba non intermittentur, quia Orationes devotæ juvant, & mutant influxus stellarum, licet Ptolomeus in his non verba, sed figuram cœli observet.

Hæ imagines omnes ut effectum in re proposita sortiri possint debent fieri sub hora, signo & Planeta dominante illius rei, de qua, & per quam facere intendis imaginem, sive ad fuganda animalia, sive ad terrorem inimicorum vel ad fertilitatem, sive ad quævis alia. De quibus omnibus in sequentibus particularem notitiam damus: adeo ut si de Animali facienda erit, primo considerare debes animal illud cui Planeta subest, & Planeta cui Metallo, & sic simul junctis intentione & opere, bene operaberis: Si de civitate, vel castro de homine vel muliere, hora operationis accepta per electionem cognitam fortificando vel infortunando ascendentem, cum Domo proprii Planetae, vel cum Domino decimæ jux-

- ta finem & intentionem agentis, quæ omnia inferius per exempla demonstrabuntur.
Ad fugandos latrones, sive ad deterrendos.
Adminuendam virtutem alicujus operis.
Ad fugandum serpentem, sive draconem.
Ad fortificandum Civitatem sive castrum.
Ad sistendum equum in cursu,
Ad convocandos ursos sive lupos in loco,
ut occidantur.
Ad provocandum amorem vel odium.
Fortunabis vel infortunabis imaginem pro
ut scis in hora electionis Imag.
Ut mulieres transeuntes super imaginem,
rideant & cantent. Imago de Plumbo in
tertia facie cancri ascendentis.
Ut grandines non noceant alicui loco, Ima-
go de stanno in tertia facie Cancri ascen-
dentis.
Ad congregandos Cervos & alios feras,
Imago de cupro sub leone in prima facie
ascendentis.
Ad sanandas omnes febres & infirmitates.
Imago auri sub leone ascidente cum
Sole, in illius coniunctione.
Ut corvi conveniant simul. Imago stanni
sub Prima facie virginis, quæ sit dimidia,
alia dimidia sub secunda ejusdem.
Ad fugandos serpentes. Imago ænea, sub
prima facie scorponis.
Ad concipiendum filios. Imago auri, sub
prima facie scorponis.
Ut canes super transeuntes non latrent.

Ima-

Imago canis ex Stanno sub prima facie sagittarii.

Ad liganda animalia sylvestria. Fac imaginem illius animalis ex cupro sub secunda facie sagittarii. Servato ordine, cui Planetæ animal subest.

Ad fortunandum venatores. Imago auri sub tertia facie sagittarii, juncta luna secum vel prope.

Ut homines simul læti permaneant. Imago ex Stanno in prima facie capricorni.

Ad fugandos mures, Imago Stanni sub tercia facie capricorni.

Ad accipiendam piscium multitudinem, fac ex plumbo, vel ex Stanno in prima facie aquarii, juncta luna simul imaginem pisces.

Ad fortunandum apes sive columbas. Imago ex argento in prima facie libræ.

Ut Ranæ taceant, Imago ex Plumbo, sub secunda facie piscium.

Ad fugandas muscas, imago cupri in secunda facie Piscis.

Cognitis igitur quæsitis illa sunt quærenda, quæ ad fortificationem illius Imaginis necessaria erunt, nam formata imagine illius Animalis quem fortunare vel infortunare intendis, hora ascendentis cognita, figuram Astrolog. signare oportet sub ascendentí illius signi, sub quo Metallum erit dicatum, ad Planetam illius signi, prout Author symp. in folio 316. docet. Semper

per tamen intentionem præcedat opus, adeo fixe & attente, ut non vacillet, & influxus absque superstitione ulla recipientur.

Omnia namque per terminos Astrologiæ sunt accommodanda, in punctis, horis aspectibus, configurationibus & conjunctionibus, quod si quid minimum defuerit, opus dirimetur. Ideo sapientes antiqui in Imaginibus perficiendis longo tempore utebantur & expectabant congruam influxum receptionem. Ideo imagines perfectissimæ apparebant, & effectum verissimum demonstrabant. Tempore præsenti si quis imaginem vel annulum formare desiderat, & sub hora vel sub uno die perficere audet, metallum in se remanens nihil virtutis demonstrare potest.

Habita cognitione perfecta, primo querendum erit, sub quo Planeta vel in rebus, vel in personis talis res consideratur, de hinc cognito exactissime Planeta accipendum erit Metallum illi proprium, aptabis Signo illius exaltationis, sub facie illius exaltationis, sub facie illius horæ, & periodi in quo facies figuram per electionem, fortificando ascendentem omni via possibili, modo perfect. aptando Domos Dominibus Signa Signis, Planetas Planetis, & si tempus non erit congruum, expecta opportunitatem temporis, & horam certam tuæ electionis, & non pigeat expectare, dummodo opus, juxta tuam intentionem

terminetur. Alioquin nihil boni perfice-
re valebis. Trado exemplum, juxta quod
ceteras figuras formare poteris.

Imago ad recipiendam substantiam. Cum
ablatam volueris facere Imaginem homi-
nis, qui petit substantiam, aut vi aut dolo
ei ablatam, vel debitam aut negatam, aut
volueris ut ei omnimodo restituatur, fac
imaginem de Metallo competenti rei quæ-
sitæ, puta si est pecunia, de auro vel argen-
to: si est domus de stanno. Si est territo-
rium, de plumbo: si est Mercatura, de vi-
vo Argento præparato pro ut in adnotatis
fuit demonstratum. Et sic de singulis me-
tallis juxta petitionem rei petitæ. Incipi-
endo operari sub ascendentे ejus interro-
gationis facies conjungere Dominum do-
mus substantiæ, domino domus ascenden-
tis, sitque inter illos receptio vel conju-
ctio a trino vel sextili aspectu, & si con-
tigerit quod Dominus domus substantiæ
sit in signis obedientibus, & dominus ascen-
dantis in signis vel signo imperantibus,
eritque opus fortius, signa obedientia, &
imperantia Astrologi noscunt. Fortuna-
bis ascendentem & dominum ejus, & do-
minum domus substantiæ cum luna, Do-
minus ascendentis non sit retrogradus, nec
combustus, neque cadens, aut in domo suæ
oppositionis, & non sit impeditus a noxiis
aspectibus, & sit fortis & angularis. Cum
que juxta talem dispositionem talem Ima-
ginem perfeceris, serva eam. De

De hinc facies alliam Imaginem, quæ erit signatura ejus, apud quem est substantia petita. Si enim fuerit apud Regem, incipias imaginem sub Decimo ascendentे primæ imaginis. Et si fuerit apud alium Principem, vel amicum aut furem, aut contrarium, aut coeteros similes, tunc incipies secundam imaginem sub tali ascendentе, quod pertineat ad eum, apud quem est quæ sita substantia & portas significatorem ejus, eti facies imaginem significatori substantiæ secundæ secundæ imaginis junctam cum Domino ascendentis primæ imaginis, ita ut recipiat eum, & ponas utrosque & fortunatos, & absque impedimento, & ponas conjunctionem ejus cum primo trino vel sextili aspectu, & facies omnes malos ab eo cadentes, & fortunabis ascendentem decimam & quartam, si potes, vel saltem aliquod istorum, & cum secunda Imago perfecta fuerit, ponas cum prima faciem unius cum facie alterius, & involvas eas in panno mundo, & sepelias eas in medio Dominus quærentis sub signo fortunato, cum fortuna forti vertens faciem imaginis versus septentrionem, & si fuerit quærens multum ambulans, id est, si aliquando jungatur illi, apud quem substantia possidetur, tunc amabas imagines deferat secum quo cunque ierit, & scias, quod si perfecte operatus fueris, cum intentione existenti & permanente, substantem recuperabis.

Juxta hunc ordinem in cæteris imaginibus operandum erit, habita ratione rei quæsitæ Planetæ convenientis & Personæ, prout satis abunde disputatum fuit. Pro imagine seu imaginibus alicuius animalis unum duntaxat pono exemplum, quo cognito alia cognosci possunt, prout de hora, metallo & signo declaratum fuit. Planetæ omnes dupli in Zodiaco gaudent signo: in proprio gaudent & exaltantur, in contrariis & oppositis deprimuntur, & in casu existunt. Pro imaginibus congruis illa signa sunt fortunanda & accipienda, in quibus Planeta congruit, & proprias tenet dignitates & exaltationes, in imaginibus incongruis contraria signa sunt accipienda, ut contrarii effectus inde sequantur. Regula hæc in Astrologia patet, & in ante adnotatis clariores Regulas considerare debes, dono exemplum de fugandis animalibus, ut canes non latrent contra trans-euntes, sed obmutescant. Fac sub prima facie sagittarii exstante Canem, cuius caput ad caudam applicetur, prout si jaceret ac dormiret. Et in operando dicans intra te (ecce intentio) ligavi per hanc imaginem omnes canes, ut non erigant super me capita sua, nec surgant, nec se moveant de loco suo, nec latrent, nec impediant me. Et hanc imaginem involvas corio canino, & feras semper, & videbis experimentum. Oportet igitur in hora electio-

electionis illa eligere, quæ ad Planetam, cui tale animal subest, puta ad jovem, & fortunando ascendentem horæ cum persona quærentis, & ex Metallo æque disposito & præparato Imaginem formare.

Sic de sterilitate viri aut mulieris via naturali & Astrologica, fortunando Imaginem ad Domum filiorum cum persona quærente & hora electionis, & Domino ascendentis. Quod experimentum cum sit de re gravi, libet hic apertius apponere. Fac sub tertia facie scorpionis ascendentे ex auro vel chalybe Imaginem viri nudi, dicendo verba juxta intentionem, nominando proprium nomen & nomen Patris, fœcundando illum per Imaginem, ut nulla sit in illo sterilitas. De hinc sub tertia facie Piscium ascendentе, immediate ad Domum filiorum, fac ex eadem Materia Imaginem mulieris nudæ, dicendo verba juxta tuam intentionem, nominando illam, & nomen matris, pro ut in Imagine viri dictum fuit. De hinc cum tertia facies Scorpionis iterum redierit, conjungas Imagines tibi mutuo tangentes, ac sicoire vellent dicendo juxta tuam intentionem, nominando nomen utriusque, ut per mutuam copulam generent & fœcudentur involvendo in panno lineo mundo in lecto, quando simul dormiunt, & videbis effectum: quod fuit probatum, & verum experimentum apparuit. Ecce quomodo per Planetam &

horam fiunt Imagines , quæ fortificantur & deprimuntur per figuram radicis personæ quærentis, prout Astrologi norunt in rebus contrariis contrario utendo modo, qui non dicendus, sed investigandus.

Hæc enim non sunt Magiæ vetitæ experimenta, sed Astrologiæ Arcana, a patribus nostris Philosophis per investigationem reperta , & experientiis comprobata , ut Author Sympat. in epistola ad lectorem clarissime demonstrat.

Pro conclusione dicendum, quod qui re-
ete sciverit accipere veram horam, verum
que punctum & periodum alicujus influxus,
procul dubio mirabilia in Astrologia ope-
rabitur, quæ apud imperitos opera diaboli
judicabuntur, prout Author Symp. satis
clare declarat. Quid enim per Mentem,
intelligentiam & Sigillum intelligit, nisi
ministros Naturæ? legas capud illud in di-
cto folio, & bene considera, quia ibi tota
Astrologia Magica reperitur. Si enim ca-
pitulum tale intelligas & peroptime no-
scas, totam Machinam percipies. Ibi enim
de trina Armonia agitur, ibi de omni posse
sublunari tractatur, ibi tandem de rece-
ptione influxuum facilis datur Methodus.
Quid mirum, si indocti talem librū non
intelligentes spernānt? non omnibus da-
tur mysteria noscere. Non sunt ista re-
rum occultarum rationes. Si de oc-
cultarum rerum ratione loqueretur ,

ratio-

rationes non apparerent. Ibi tamen rationes in Astrologia apparent, quæ apud vulgus res occultæ judicantur. Tenant omnino principia ab aliis causis, omne enim, quod apparet, non est per se occultum, licet appareat, occulta unde deveniant, Varii doctores varias assignant rationes Hermes, Bocchus, Aron, Orfeus, Theofrastus, Thebit, Zenothemis, Zoroastres, Evay, Dioscorides, Isaac Judæus, Zacharias Babylonius, Albertus & Arnoldus, diversa dixerunt, tamen omnes concludunt magnam vim, herbis, lapidibus & Metallicis inesse. Alexander hæc ab elementis, & ab illorum qualitatibus provenire dixit, prout Author Symp. folio 410. usque ad finem per totum doctissime disputavit, quæ verba et si occultam intelligentiam possident, non tamen a vera Philosophia declinavit. Platonici & Academicci Ideis rerum formatricibus has virtutes attribuebant. Avicenna ad intelligentias referebat, Hermes ad stellas, Albertus ad formas rerum specificarum, & alii alia dicebant, quos Authores omnes licet contraria dicere appareant, nullus tamen eorum a recta veritate alienat se, cum eorum dicta ad eundem effetum in multis convenient. Deus eni in omnium causa, finis & origo, sigilla idearum ministris præstat, qui executores exactissimi res sibi creditas idealiter virtute consignant, cœlis atque stellis tan-

quam instrumentis materiam interim disponentibus ad suscipiendas formas illas, quæ, ut ait Plato in Timæo, in Majestate divina per astra deducendæ resident, easque dator formarum distribuit per ministerium intelligentiarum, ut AuthorSympath. 42¹. per Angelos & ministros intelligendum acutissime scripsit; quos super opera sua constituit rectores, ministros & custodes, quibus ea facultas in rebus commissis sibi credita est, ut omnis virtus lapidum, herbarum, Metallorum, & cæterorum omnium sit ab ipsis intelligentiis præsidentibus. Provenit ergo forma & virtus primo ab ideis, de hinc ab intelligentiis præsidentibus & regentibus, postea a cœlorum aspectibus disponentibus, porro ab elementorum dispositis complexionibus, correspondentibus cœlorum influxibus, a quibus elementa disponuntur. Habet igitur operationes hujusmodi in rebus istis inferioribus per expressas formas, in cœlis autem per virtutes disponentes, in intelligentiis per rationes mediantes, in Archetypo per ideas & formas exemplares, quas omnes in cujuscunque rei effectu & virtutis executione, convenire necesse est. Virtus igitur & mirabilis operatus est, in unaquaque herba & lapide, sed major in stella, sed maxima in intelligentiis præsidentibus, a quibus virtutes, quæ causæ occultæ apparent, deveniunt, &

in inferiora defluunt. Unde chameleontis jecur summis tegulis exustum imbræ excitat, remora velocissimas naves sistit, Anachitides lapis divisorum Imagines apparere facit, Cepparis suffitus omnes bestias evocat, Encites somniantibus suppositus oracula reddit, herba, quæ stagna siccatur & clausa aperit, & legitur Persarum Regem legatis deditisse, ut quo pervenissent omni rerum copia abundantaret. Est & alia herba a multis cognita, quæ Spartanina nuncupatur, quæ gestata & in ore retenta, duodecim dies sine cibo & potu quis perdurare valebit. Apulejus alia mira docet, dum asininam formam gestaret, se a divino numine dedicisse.

Quid mirum, si occultam causam occultas habere causas minime appareat, cum ab uno absoluto principio demonstravimus provenire, a quo diffusive in aliis procedens in inferioribus tandem gradum sistens mirabile prædicatur, pro ut de virtute numerorum continue etiam apud multierculas, ecce nullum subest sciendi principium per demonstrationem apparent. Numeros dicimus nationales, non mercatorios. De illo loquimur, de quo apud Clavium doctissimum in Mathematicarum scientiis absolutiss. Principem legimus in sua Algebra, cuius verba sunt: Quoties hujus disciplinæ (Numerorum) artificia exterriti etiam acutiores ita sunt, ut nullum

putarent tacitum pectoris arcanum esse; quod numerorum judicium effugiat, fallat Arithmeticorum ingenia. Hæc Clavius Jesuita.

De qua virtute & potentia Author sympath. folio. 341. pulcherrimam demonstravit armoniam, & mirabile experimentum docuit ab illo vulgratissimo Salomonis axiomate, Omnia Deum in numero, pondere, & mensura disposuisse, in lapidibus nempe Metallis & herbis, respectu inferiorum: respectu vero superiorum, in mente, in intelligentiis & Angelis, quæ quomo- do sint vera, & Author sympath. elucidat, pauca ex doctissimis Authoribus explica-bo.

Omnia quæcunque a prima rerum na-
tura constructa sunt, Numerorum viden-
tur ratione firmata. Hoc fuit exemplar
primi conditoris, hinc elementorum mul-
titudo mutata, hinc temporum vices, hinc
motus Astrorum & cœli conversio. Sunt
igitur numeri potentes ex effectu & illo-
rum determinata periodo. Neque enim
mirum esse debet, si in rebus naturalibus
tantæ appareant occultæ virtutes, cuni in
numeris multo majores existant, quatenus
ipi sint formaliores, perfectiores cœlesti-
bus insiti reparatis substantiis immixti, de-
nique maximam & simplicissimam haben-
tes cum Ideis in mente divina commixtio-
nem, a quibus proprias & efficacissimas vi-

res sortiuntur. Sic in rebus naturali, qua-
litates elementales in transmutando ad ali-
quod elementale multum valent atque
possunt, ut in Sympat. fol. prædicto Author
demonstravit de numero quadragesimo
octavo, de lapide artificiali tali numero
compacto. Omnia quæ sunt atque fiunt,
certo constant numero, tempus ex nume-
ro, motus & actio, locus & vacuum, &
denique cuncta in numero definiuntur
Voces & concentus per numeros armoni-
zant, & per proportionem vim habent,
proportionesque ex numeris ortæ per li-
neas figuræ universales & puncta, consti-
tuunt, denique omnes species naturalium,
& quæ supra naturam sunt, certis numeris
astringuntur, ideo Pythagoras numerum
esse, quo cuncta constant, dixit, & Proclus
dicebat: Numerus semper existit, alias in
voce, alias in alio &c. Et Philosophi omnes
celeberrimi sic Numeros extollunt, ut
neminem absque illis posse recte philoso-
phari putent. Loquimur de numeri ratio-
nali & formali, non autem de materia sen-
sili, & de numero Mercatorum, de essen-
tia nempe ex tali numero devenerunt &
provenerunt, non autem de ratione illa
numerandi, ex qua magna emanant Sacra-
menta, tam in naturalibus, quam in divinis
& cœlestibns. Per illum habetur proxi-
mus accessus ad Prophetiam naturalem, ut
multi ex Neotericis scripserunt, se non ali-

52 Clavis Sympathie VII. Metallorum,
unde, nisi per virtutem numerorum futura
prænunciasset.

In numeris itaque mirandum latere effi-
ciam & virtutem non solum Philosophi
unanimitate docent, sed etiam Doctores &
Patiens catholici demonstrant, Hieronym⁹,
Augustinus, Origenes, Ambrosius, Gre-
gorius, Nazianzenus, Athanasius, Basilius,
Hilarius, Rabanus, Beda, & alii multi con-
firmant. Hilarius in Psalmis dicit, septua-
ginta illos sapientes Interpretes, ex nume-
rorum efficacia Psalmos in ordine redigisse :
equidem carmina sunt quæ numeris
certis determinatisque constant. Viden-
dus est Rabanus de Numeris, qui in tali do-
ctrina doctissimum composuit librum.
Ex Neotericis Arithmeticis quis non scri-
psit de virtute & potentia numerorum ?
non enim de figuris illis numericis inten-
dere & remittere posse judicabant, sed de
numero aliquo ad talem præsignatam pe-
riodum juncto Materiæ five subjecto ex
tali positione & determinatione effectus
inde elucere. Nonne natura ipsa in her-
ba quinque foliorum mirabilem constituit
virtutem ? Sic de numeris, in granis, in
rebus, in personis, & in universalibus a-
ctionibus, ut hæc & plura in variis autho-
ribus videri possunt. Unde autem hæc
fiant, causam certam habent, quæ est ipsa
varia variorum numerorum ad se invicem
proportio, ut Author sympath. fol. 439.

de quadragesimo octavo numero per veram experientiam præmonstrat, quid de septenario? Nonne septimus filius masculus ordine successivo absque interpositione natus virtutem sanandi & vim curandi scrofulas possidet. Dicunt virtutem inesse creaturæ, non autem numeris. Si hoc esset, cur in octavo masculo, vel in sexto talis virtus non extaret. Non igitur hic attenditur numerus naturalis, sed ratio formalis, quæ in numero illo determinato consistit. Nam in numeris Mercatorum nulla vis, sed in natura illa Numerorum, puta septem, tria, novem & similia. Quicunque numeros vocales & naturales noverit cum divinis conjungere, & eandem consonantiam temperare, hio per virtutem numerorum mirabilia perpetrabit, prout inferius utique exempla proponemus. Pythagorici per numerum nominum multa prognosticabant. Johannes in Apoc. dicens, qui habet intellectum computet numerum nominis bestiæ, qui est numerus hominis, insinuavit virtutem & vim esse in numeris. Numeri enim simplices significant res divinas, Denarii cœlestes, Centenarii terrestre, Millenarii, quæ futuri sunt seculi. Partes animi etiam per Arithmeticam mediocritatem propter excessuum æqualitatem invicem copulantur. Corpus vero, cujus partes magnitudinibus differunt, secundum Geometricam mediocritatem compositum fit, Ani-

mal

mal vero ipsum ex utroque, anima scilicet & corpore, secundum eam, quæ armonia convenit, mediocritatem constat. Hinc est, quod numeri plurimum operantur in animam, figuræ in corpus, concentus vero in ipsum animal. Author Sympathiæ fol. 402. idem demonstrat, dum de unione animæ & corporis verissimam declarat doctrinam. Sed ut aliquibus exemplis virtus numerorum appareat, dicendum, quod si per numeros nomina computamus, intentionem alicujus operationis percipere possimus. Computa igitur nomen alicujus Personæ & cognito numero litterarum illius nominis. Si enim æqualis est numerus, complexionem æqualem demonstrat, si in æqualis, distemperata erit, Et ex tali temperatura, Et distemperatura naturam propriam Astrologia mediante cognoscere poteris. Si gradus alicujus ascendentis in radice cognoveris, & per combinationem numerum nominis proprii elicueris, nonne etiam illius genii nomen verum habebis? via certior illa ab Agrippa tradita, numero impari Dii gaudent.

Computa horam tuæ electionis & minuta, & per subtractionem illam partem subtrahas, quæ in ascidente excedit nomen, quæ si non excedit eaque deficiunt, & numerus remanes efficit armoniam a quo poteris scire quæ desideras, si per puncta projectionum inveneris. Non enim aliunde

aliunde illa sors devenire potest, nisi ex vi illius numeri, qui in ascendentे communicauit, cum hora electionis. Secretum adimitabile in Magia Astrologica, pro ut Auth. Symp. in dicto folio docuit, videmus in operationibus Astrologicis etiam partem fortunae per numeros eligere, quæ adeo stricte terminat suam propriam periodum, ut nil certius annuere possit.

Numerus triginta graduum Zodiaci nonne consistit in vera totius cœlestis machina armonia? Desideras eligere horam alicujus operationis, ut cognoscas, si bene vel male evenerit. Computa ultimum punctum illius horæ, in qua electionem fecisti de tali opera & de punctis inventis subtrahas illa tantum, quæ nomen proprium illius rei efficere valerent: quæ remanent divide per eundem numerum, quæ super sunt sine dubio finem illius operis tibi demonstrabunt, pro ut si æquali vel inæquali numero remanserit. Dum enim si ante figuram determinatum numerum tuæ intentionis constitueris. Non enim sortes erunt, sed numerorum efficacia, quæ in determinata & essentiali illius numeri virtute consistit. Sortes enim sunt, quæ per Geomantiam vel aliam fortilegam viam consistunt, nec determinato numero constant, sed prout sortes dant. De eligendo finem cujusque operis veram tradam Methodum. Vota peroptime omnes operationes, quæ a

-01705
quali-

56 Clavis Sympathiae VII. Metallorum,
qualibet Persona deveniunt, vel consistunt
in acquirendâ pecunia, vel in acquirendis
honoribus, vel in acquirendis voluptati-
bus, si aliæ adsunt accessorie illis insunt,
nempe si ad studium vel ad doctrinam hæc
vel sunt ad honorem, vel ad utilitatem:
Sic etiam si ad arma, vel ad honores, vel ad
utile. Rixa etiam & pugnæ ad tria redu-
cuntur capita, vel propter bona fortunæ,
vel propter bona animi, nempe honores,
vel propter bona corporis, nempe volup-
tates. Si propter fidem vel Religionem,
etiam ad finem honoris vel utilitatis termi-
natur. Itinera eosdem fines possident, &
sic discurrendo per singulas hominum ope-
rations & actiones, clariss. patebit, cuncta
ad tria universalissima capita respicere, quæ
capita ex se habent, & per Astrologicam
notitiam proprium & peculiarem plane-
tam, in quo suos fines claudent, nempe si
ad honores actio fuerit, Jovi inest actio.
Si ad bona, fortunæ, considera de rebus &
de Personis, & videbis partim Saturno, par-
tim Mercurio subjici, quemadmodum
etiam gradus honoris partim Jovi, partim
Soli etiam subjice, juxta; rei & Personæ si-
gnificationem, ut de itinere tantum Lunæ
damus judicium: si ad bella, rixas, & simi-
lia, Martierunt, si ad doctrinam & studium,
partim Mercurio, partim Jovi: si ad volup-
tates, quæ veneris propriæ sunt, tantum
Veneri dicamus. Tandem considerando

actio-

actiones omnes & per tria capita discurrendo, considera etiam, quæ res & quæ Persona sit & juxta illorum positionem Planetam eligas.

Dum igitur Planetam animantis cognovisti, elige horam & diem essentialiem illius Planetæ, & per electionem figuram astrologicam erigas per thema cœli, in qua multiplicando gradus ascendentis cum gradibus Domini illius rei, quos numeros reperies per subtractionem, nomen proprium eligas juxta ordinem numeri literarum in Alfabeto, quo facto iterum projecties vocales omnes, quibus conjungas literas similes rei quæsitæ, tunc apparebit aperte finis tui quæsiti, sive in Bonum sive in Malum, & numerus præcise distinctus, vel in æquali, vel in æquali. Experientia dabit tibi fidem, tamen pono exemplum, quæris finem itineris, considera primo causam itineris, si a te per honorem fuerit electus, vel causa lucri, vel causa mulierum, vel similia, eligas tempus & horam Planetæ convenientem prout dictum fuit, & si gradus ascendentis fuerit decimo octavo Capricorni, considera si minuta excedunt medietatem, applica ad gradus, si autem, projecte: erunt igitur decem & novem, & si iter fuerit causa lucri, vide dominus lucri quis fuerit, si mercaturas quæris, procul ducio Mercurius erit Dominus, qui si erit in gradus septem, debeas conjungere ad decem

decem & novem; & efficientur viginti sex
subtrahas nomen proprium juxta ordinem
numeri alfabeti, ut si erit Antonius, rema-
nebunt decem & octo, projice vocales, quæ
sunt quatuor, conjungas ad tuum iter, quæ
erunt duo, ecce quomodo sex resultabunt,
qui numerus æqualis dicitur. Nonne quasi
fatali coactione talis numerus evenire
conspicitur? quis igitur virtutem numero-
rum abnegabit? Sed pauca de singulis nu-
meris ediscerantur.

Quæ virtus in trino non adest, quæ arca-
na in illo non reluent? ipse est fons o-
mnium numeralium virtutum. Si virtus ul-
la in illo non esset, cur omnia pene essentia-
lia, tam in cœlestibus, quam in terrestri-
bus in illo terminantur, non ab re, & sine
verissima cognitione, nam ipse omnes
complet numeros. Constat enim ex uno
& duobus; ille Principium numerorum,
iste germen illius: qua de re omnes per-
fectiones universi in illo terminantur &
consistunt; quæ cum notissima sint, non
recensebo. Tantum quæ in sanctissimis,
sacratisimisque Personis divinis eluent,
omnibus innotescere debent. Si enim alius
nummerus convenientior illo extaret, uti-
que in illo appareret. Etenim creaturas
omnes hoc ternario Deus insignivit, ac di-
gito suo hunc characterem in illis inscul-
psit, ut nil in rerum natura valeat assigna-
ri, quod dono ternarii careat. Creatura
illa

illa creatorem nos decet intelligere ac credere, fœdus æternum tenet, & per totam rerum substantiam est indissolubilis.

Sic in quaternario, qui fons & origo dicuntur, in quo Deus universalis Dominus suum nomen aptari ordinavit, nam in quavis lingua semper quatuor litterarum nominatur. Et nomen ineffabile illius per quatuor inscribitur literas. Quinarius sacratissimus numerus; Nam salvator nostrar, cum infinita in sacratissimo suo corpore accepisset vulnera tantum in quinario cicatrices conservare voluit. Erit igitur mysterium absconditum. Sic de senario, qui non omnino, nam fortunæ in sexto semper vacillant ideo imperfectionis erit symbolum; & in sexto cuncta mala evniunt, ecce sacramentum. De septenario nihil dicendum, cum numerus iste adeo virtutibus, proprietatibus, & sacramentis sit plenus, ut cæcis etiam pateat. Conditor mundi die septimo quievit ab omni opere, & millies in omni scriptura tam sacra, quam morali talis numerus non sine evidentissimo miraculo miraculose apparet. Nonne sacratissimus ordo Angelorum a Conditore cœlorum in novenario & trino clausus est? Non sine sacramento numerus iste, cum ex novem ordinibus & tribus Hierarchiis constet, duodenarium constituit, qui mystice divina præcepta demonstrat, ut per selectionem duodecim

60 Clavis Sympathiae VII. Metallorum;
duntaxat Apostolos nobis innuere voluit.
In duodenario numero tota scriptura sacra
completur. Si enim per totam Numero-
rum seriem transcurrere vellem, mirabilia
apparerent. Quadragesimus, Septuage-
simus, & cæteri numeri non vacant myste-
riis. Musica etiam cum certis, determina-
tique numeris constet, maxima vi & virtu-
te ex illis præpollet, non solum in rebus di-
vinis sacrisque, sed in morbis pellendis, fa-
nandisque, animalia mulcentur, immota
moventur, ut de Insulis Nymphaeum in
Iydia Marcus Varo testatur. Animam
mulcet, mentem erigit, præliatores ad bel-
la invitat, singulorum operum labores, fa-
tigationes & lapsus corroborat. Ferentes
gravia onera cantant. Ecce virtus nume-
rorum, allevat labores, iratos mitigat. Ex
vi numerorum tristes lætificat, discordes
patificat, rabiem temperat, vanitates dissipa-
& multa prope infinita, quæ ex con-
cordantia & unione numerorum efficiun-
tur. Nam licet quis canendo nescierit ar-
moniam talis numeri, nihilominus cum
accederit consonantia, virtus operans ef-
fectum producit. David Saulem ex Mu-
sica mulcebat. Et ne diutius in re patenti
morer, tantum de Musico illo Dano pro-
feram, qui sonorum modulis tanta animo-
rum accidentia se posse affirmabat, ut a
Rege accersitus, & Regis jussum explens,
adeo inusitato severitatis concentu edito

accidentes mœstissima specie & dolore primo adimplevit, de hinc vegetioribus sonis severitate in plausum permutata ad jucundiorem mentis statum gesticulationes & petulantiores corporis motus inflebat, ultimo acrioribus concentis adhibitis, ad tantam amentiam audientium spiritus excitavit, ut furor usque ad rabiem processerit. Ecce armonia numerica. Sed ne a priscis temporibus exempla habeantur, in Apulia quotidie apparet in morsu parvi animalis, quod eorum lingua Tarantulam appellant, cuius virus non nisi per Musicam & saltus expellitur, & mitigatur. Talis namque concentus non aliunde nisi ab Astrologiæ principiis devenire cernitur. Cœlum Armoniacum esse videmus, ut Author Symp. folio 396. docuit & demonstravit, & armoniacis tonis atque motibus cuncta gubernari. Cantus enim ex mentis conceptu ac imperioso fantasæ cordis affectu proficiscens, simulque cum aëre fracto ac temperato aëreum audientium spiritum, qui animæ atque corporis vinculum est (Auth. Symp. folio 306.) motu facile penetrans, affectum, animumque canentis secum transferens, audientis affectum movet affectu, phantasia efficitphantasiam, animum animo, pulsatque cor, & usque ad penetralia mentis ingreditur, sensu quoque mores infundit, movet membra, atque sifit, & corporibus humores.

Hinc in movendis affectibus tantum confort armonia numerorum, ut non solum naturalis, sed & artificialis idem præstare valeat. Et cum tota musica in voce, sono, & auditu consistat, sine aëre audibilem fieri non posse fatendum, & quia aér ut aér per se non erit audibilis, nec sensus ullus nisi per accidens attingi potest, ideo licet sonus sine aëre non fiat, non sequitur sonum esse de natura aëris, nec e contra, sed corpus vitæ nostræ sensitivæ existit aér. Oportet igitur animam sensitivam aërem sibi conjunctum vivificare, & in vivificato & conjuncto spiritui aëre, sentire species objectorum in actu positas, idque in aëre vivo, ut septem Erraticis medianib[us] affectus varios producere, prout natura illius, vel illorum. Saturnus, Mars atque Luna, plus vocis habent, quam concentus. Saturnus habet voces tristes, graves, tardas, & veluti ad centrum coarctatos sonos. Mars temperat acutas, minaces, velocias & similia: Inter has Luna observat medias, Jupiter concentus graves, constantes, s[er]vaves, hilares & jucundos, sol venerabiles, intentos, puros & cum gratia dulces. Venus lascivos, luxuriosos, molles, voluptuosos & dissolutos. Mercurius vero habet concentus remissiores, multiplices, & cum quadam strenuitate lentos & jucundos. Jupiter (ecce armonia numerica cum Astrologia juncta) ha-
bet

bet gratiam vocis octavæ simul & quintæ nempe diapason cum diapente. Sol obtinet octavæ vocis melodiam nempe diapason per tonos quindecim. Venus tenet gratiam vocis quintæ, scilicet diapente. Mercurius habet gratiam quartæ, nemine diateffaron. Nunc patet, quomodo ex melodia vocis, & consonantia concentus per viam & essentiam numerorum varii affectus in animis produci possunt, mediabitibus Planetis tales numeros possidentibus, moventibusque. Sed quia multi doctissimi doctores absolutissimos tradidere testes, ideo silendum, & ad finem clavis deveniendum arbitror. Sed prius de ordine cœlestium spirituum ad colores lapidum per numeros convenientium demonstrabo, ut locus Authoris Symp. folio 375. elucidetur, in quo aliquando Deum per ministerium Angelorum instrumentaliter in lapidibus operari describit, qui locusexplandus tali modo evenit.

Tres Angelorum Hierarchias esse manifestum esse scimus, quælibet Hierarchia in tres ordines distinguitur, suprema nempe, media & infima. Suprema continet seraphinos, Cherubinos, & Thronos. Ad primos, rubeus color illis competit. Ad secundos, albus, ad tertios, flauus. Rubeus primis inest propter immensum illorum charitatis ardorem: sunt enim magis amore divino inflammati, ob illorum ad Deum

vicinitatem. Albus color secundis competit, ob illorum ad sapientiam proximitatem. Flavus color tertiiis tribuitur, quia illi sedes Dei nuncupantur, in qua Deus sedendo in æquitate acta hominum judicat.

Septem lapides ad primos attinent, nempe alabastrum, aurum pigmentum, adamas, Amethystus, Achates, Asbeston, & Apistos.

Septem alii lapides ad secundos, Alombardina, Argiristis, Astrion, Alectorius, Asterica, Amitides, & Berillus.

Alii septem denique ad tertios, Calculus, Sardonius, Carbunculus, Chrysoprasus, Calcedonius, Chrysolitus & Celidonius. Media Hierarchia Dominationes, Principatus & Potestates continet, ad Dominationes purpureus color spectat, niger ad Principatus, Cimbricus ad Potestates.

Purpureus Color primis tribuitur, quia ab illis nos instruimur deponere servilem timorem, & in Deum ferri. Color purpureus acuit sanguinem spargendum per Christum, ut non timeamus ab his, qui occidunt corpus.

Niger color secundis datur, a quibus instruimur in gradibus inferioribus, ut subditi simus hominibus propter Deum, qui gradus hominis in cœlestia dicitur.

Cimbricus Color tertiiis conceditur, quia sua potentia malignos arcent spiritus, ne tantum noceant, quantum cupiunt. Color cimbricus est fugator larvarum.

Alii

Alii septem lapides ad primos mediæ Hierarchiæ spectant, nempe Christallus, Ceraunus, Corallus, Corneolus, Dionysius, Diadochos, & electrum.

Ad secundos hujus Hierarchiæ Æthites, Æmathites Ælitropia, Enidros, Æpestides, Æschotiros, Gagates.

Ad tertios Galatides, Herasipen, Jaspis, Hyacinthus, Iris, Hiena, Cauma.

Ultima Hierarchia Virtutes, Archangeli, & Angelos possidet, primi aureum tenent colorem, secundi Christallinum, Tertiū Empireum,

Ad primos aureus spectat color, quia miracula perpetrant, cælesti & divina virtute & tali colore præditi, ut invisibilia Dei credantur, ad ostendendum virtutem mirabilium suorum.

Ad secundos Christallinus, quia nunciant maxima Dei arcana, & summa Dei opera administrant.

Tertiū Empireum tenent colorem, quia ob simplicissimam illorum naturam illi assimilantur, qui hominibus veritatem ostendunt & puritatem.

Lapides primi sunt Gabates, calcofanus, legurius, lepatiana, Margarita, Magnes, Mellastros, Mellantes.

Lapides secundi Menasites, Myrrhites, Medus, Melothites, Hosech, Onichinus, Opalus.

Lapides tertii, Pyrites, Pignites, Pantheon,

Qui hos lapides, colores & Angelos at-
trectare sciverit, vel intellecterit, totum se-
cretum in Magia absconditum possidebit,
tamen non adeo difficile cognitu, qui Au-
thorem Sympathiæ in prædicto folio opti-
me noverit. His dictis ad ultimam Sym-
pathiæ partem aperiendam per clavem ac-
cedamus. Ultima namque pars in opera-
tionibus chymicis versatur, & in antro Na-
turæ ultimumque obtinet, tanquam nobi-
liorem locum. Primo ad elucidandum lo-
cum Sympathiæ accedamus, in quo illius
Author de herbis differit, tribuendo illis
virtutem plurimam in operationibus Chy-
micis, & de Magicis nihil apertius, clarius-
ve differuit, tamen folio 242. Unum dun-
taxat annuit, nempe succi herbarum sunt
simplicissimi naturaliter producti, & quæ
sequuntur. Qui locus continuatur cum
alio, nempe folio 264. ubi de virtute her-
barum differens, naturam in illis mirabilia
posse operari docet, qua de re clavem quæ-
rere oportet, & Antrum petere, ut quæ in
illo appareat, in medio proferatur, ecce
ostensio.

Septem herbas septem erraticis conve-
nire a Philosophis tenetur. Prima voca-
tur Macedonia, secunda semper viva seu
barba Jovis, tertia Marrubium, quarta Sa-
xifraga, quinta Peonia, sexta Satyrion,
septima

septima Salvia , quæ omnes sigillatim suo
Planetæ per ordinem aptantur , de eorum
virtutibus , proprietatibus , excellentiis
differendum , cum non tantum ad Chymi-
cas operationes sint accommodanda , sed
etiam ad Magiam naturalem . De ista jam
satis dictum fuit via Astrologica , & de her-
bis Astrologicis differendum , non censeo ,
cum de aliqua superstitione appareat , & fi-
dem rebus veris ininuere possit .

Si enim experientia comprobare vel-
lem , multa prælibanda fore esset necessa-
rium , quæ potius ad vanitatem , quam ad
effectus probandos censeri possint . Igitur
quæ ad Metallorum substantiam & trans-
mutationem , potius accommodanda
erunt , quæ certiora apparebunt , & faciliter
experientia continuo comprobari possint .
Igitur ex herbis ad Metallorum Planetas
spectantibus , illas accipe , quæ proprius ad
Metallam illius Planetæ accedunt , & ex
illis vel succos , vel sales elicias , prout in-
ferius dicetur , & cum illis operare juxta
horam & naturam illorum , quæ via etsi a
Paracelso fuit tacta , non tamen integra de-
monstrata . Nam etsi hora , aspectu & con-
junctione id faciendum fore dixit , non
præcise annuit nomina illorum , & tantum
de omni metallo absolute id fieri dixit , nos
de herbis posse fieri demonstramus .

Herba igitur quæ Saturnio est propria , ad
plumbum accommodandum devenire

potest, si tamen mediis Astrologicis utitur, prout Author Symp. fol. 229. docuit usque ad finem tract. De Mercurio namque differens, omnia ibi complevit, & Sympathiam talem demonstravit, qua nihil certius, nihil verius dici potest, tamen non omnia ita scripsit, ut sine speculo quis videre possit, esset enim tunc absque secreto.

Herbis igitur aque dispositis & præparatis, sal ab illis eliciatur, primo enim suceus, a quo per calorem ignis facili via sales eveniunt, quibus misceas, quæ miscenda erunt & opus perficies. Exempla tradam de singulis.

Pro plumbo accipe Macedoniam, quam vulgo Cicream vocant, non tamen de communi, se de silvestri, quæ inter saxa crescit, & folia pilosa habet, sales, succos, oleaque extrahe, de quibus super plumbum operare, & servatis servandis ad tinturam procedes, prout Auth. Symp. in præparatione Metallorum diffusius demonstravit, quod si rectius operaberis, non tempus te perdidisse videbis. Ideo Author Symp. in prædicto folio & per totum, ad præparationem Metallorum herbis uti demonstrat, herbas necessarias docuit, sed expresse illas non nominavit nempe de Planetariis. Pròdeundo igitur ad transmutationem Metallorum cum succis, sale & oleo herbarum, ordo servandus erit, nempe

nempe herba proprio Planetæ peculiaris, tali metallo accommodanda , quod cum ea mutuam amicitiam & concordantiam habeat, nam si una herba tantum ad Plum-bum utens ipsa ad vivum Argentum sive aurum non tenet operis, clarissime apparet operatio, clave non indigens , cum experimenta aperte apparere debeant. Tantum de præparatione vivi argenti advertendum erit in folio 239. ubi verba illa... Numquid per horas Astrologicas &c. sunt maxime ponderanda, ut quæ Planetis inest per herbas demonstrari possit , & totam præparationem vivi Argenti possidere debes, quæ ad invicem copulata cum Sympathia ad Mercurium , maxime secreta ar- cana possidebis , quæ cum in operationi- bus chymicis consistat , clave uti non opus erit.

Aliqua experimenta apparentia ex An- tro Naturæ foras profero , ut simul junctis, antrum apertum videatur , & clavem homini strenuo ad custodiā traden-dam esse confirmo : Nam licet sit clavis, non tamen omnibus aperit , aperit & ne-mo claudit: claudit & nemo aperit. Eya igitur ad finem properamus , sed cautio prius advertenda. Nam quicquid operari desideras, fac pleno affectu ac cordis desi- derio , ut faveat tibi clementia cœli, cœle- stiumque omnium , quorum favorem ut magis prosequaris, mirum in modum con- ferunt

70 *Clavis Sympathiae VII. Metallorum,*
ferunt adaptatio loci, temporis, professio-
nis, consuetudinis, & similia, multum
enim confert fortunatio loci, quis & qua-
lis sit, ex propria genitura scrutandus erit:
quod si quis nequierit, observet, ubi potis-
sime spiritus suus recreetur, ubi sensus ve-
getiores sint, ubi corporis sanitas & ro-
bur plus proficiant, ubi negotia melius
succedant, ubi plures faveant, ubi infen-
si succumbant, hanc regionem, hunc lo-
cum sciat sibi a Deo superisque præordina-
tum, & a cœlis dispositum atque paratum.
Hunc locum tene, & pro tempore & ope-
ratione muta, infaustum vero fuge. No-
mina etiam fausta res nostras fortunatiores
reddunt, infausta vero infelicitant, personæ
similiter idem demonstrant: fuge infeli-
ciorum consuetudinem & male fortuna-
tos, fuge saturninos & mœstos, associare
cum Jovialibus & solaribus, in quibus ne-
gotia felicitantur, & operationes augmen-
tum suscipiunt. Horam etiam & diem pro
operationibus eligas, tempora enim for-
tunam operationibus concedunt, unde
Auth. *Sympathiæ* fol. 231. dixit elegan-
tissimum Symbolum: Tempore Tem-
pora Tempera, & sic omnia prudenter agun-
tur, per maximum interest quo temporis
momento, quave cœlestium dispositione
in hoc vel in illo suscipiatur. Tantam
enim vim unicum momentum habet, ut fe-
re omnem fortunæ cursum inde pendere
appa-

appareat. Igitur non locus tantum, sed dies, hora, momentum & Personæ ipsa adaptanda erit, ut opus recte perficiatur, quibus cognitis, difficile equidem rei eventus infortunatus succedere potest.

Paracelsus aliam demonstrat viam, attamen non illam docet. Omissa ea ad experimenta experimentata devenire oportet, quæ ut clariora videantur, illud censendum fore censeo, quod non est hominibus ad discendum artem transmutationis Metallorum, sed ipsamet ars viam parabit. Frustra laboratur, nisi ars laborem minuat. Elementales namque formæ specifice inter se differunt, ideo primo ad separationes deveniendum, apparent in terra vacua & sterili exempla, quæ per pluviam, & radios solares irrigata, absque semine ullo continuo herbas, animalia, & mineralia producit, quæ ab authore sympath. fol. 321. doctissime demonstratur, usque ad finem dicti Capituli, & talem transmutationem esse formalem, & non materialm docet, nec opus est querere, utrum elementa vegetabilium spoliata propriis formis valeant mineralē formam recipere. Nam cadaverum elementa interram conversa fiunt elementa vegetabilia, puta plantarum, herbarum. Cum igitur elementum unius generis alterius generis fiat elementum alterius speciei sub eodem genere; nemo rerum transmutationes

tiones negare poterit; qui formas ab elementis separari viderit. Experiatur, qui vult, sit lignum igne consumptum, in cineres versum, forma vegetabili illius in auras abeunte, si in spagirico vase per artem accipiatur ne evolet, & ad suos cineres accommodetur, putrefiant simul in muscilaginosam substantiam & terrae commutantur, in propriam formam redeunt, cineres quod per se minime efficere valerent: si propria forma separari potest ab elementis, ergo & ea induere totum Magisterium ut recte per artem spagiricam natura demonstratam consistat, fiat ergo separatio formarum a suis elementis. Spagirici Philosophi hoc a natura edocti perpetrarunt. Advertas: Ideo vitreis utuntur vasculis, ut natura Stomacho, quibus igne suam coquunt materiam, sicut natura naturali calore utitur, cibum in chylum macerat, coquendo subtiliat, solvit & putrefacit, priusquam separet, ars suam materiam calcinando sublimat, solvit, & putrefacit, antequam distillatione separet, ars suam materiam calcinando sublimat, solvit, & putrefacit, antequam distillatione segregat purum ab impuro, nempe partes firmamentales ab elementis, & utrasque postmodum a suis superfluis impuritatibus, ut ipsam natura in composito demonstrat. Patet namque vitam rerum naturalium post Deum deberi

deberi firmamento, & non elementis, materialia materialibus nutriri, quemadmodum formalia formalibus corporibus.

Dicimus elementa formam & vitam a firmamento etiam esse sortita, sed sola generare per se non valent, nisi alii peculiares firmamentales influxus adsint, non secus ac sine viro fœmina, quod Author sympath. folio supradicto curiosissime elucidat. Nam Deum per lucem vitam omnibus dedisse fatetur, ad propagationem vero semina, in quibus formas ordinavit. Sunt itaque influxus firmamenti semina, per quæ matrices elementorum concipiunt & pariunt, cum sine illis nihil ad generationem efficere valerent. Spagirica ars ut vehiculum vitæ a corporibus crassioribus liberet, continuo elaborat. Si enim talis operatio adsit, opus perficitur. Separantur & addantur, ut vis illa propagativa, quæ in uno consistit & viget, in alio similis speciei idem demonstret, operandum erit, qua via, quo ordine, & quali igne, ars te docebit, tamen per subsequentem practicam vegetiores producere effectus conspicitur. Omissis igitur tam patentibus, quam obscuris, ad producenda exempla accedamus, quæ etsi obscura appareant, investigantibus per lumen chymicum innotescent.

Nunc demus secreta. Antro damus, ut concedenti clavem omnia videre & frui diceat,

Varie-

Varietatem hujus artis Philosophi observantes varie illam occultare nitebantur. Vegetabilem quidam eam appellarunt, mineralē & animalem: non enim juxta sensum litteralem. Lunariam enim, quam flores mirandarum virtutum continere perhibent, non illam esse credendum, quam in montibus Alpestribus infra scissuras petrarum nasci & inveniri prædicant. Lunariam enim ex illius etymo nihil aliud esse tenendum, nisi fixationem vivi Argenti cum succis herbarum, prout Author sympat. fol. 240. doctissime asserit. Unde ex Sibyllinis versibus hæc habentur.

Novem litteras habeo, quatuor syllabrumsum, intellige me.

Tres primæ duas literas habent singulæ. Reliquæ reliquas, & sunt mutæ quinque.

Totius vero numeri centuriæ sunt duæ, octo.

Et tres ter decades cum septem: intelligens autem quis sim,

Non rudis vel ignarus eris, quæ in me est sapientia.

Hæc omnia convenient in dictione
Græca ἀρτεψικον.

Vide, quomodo lunaria ad suum significatum reducitur per hos versus. Et quamvis aliqua vegetabilia id efficere possunt, non nisi ob resinam in illis existentem evenit: pinquedo enim cum proprio sulphure id præstare valebit, hoc Mercurii humi-

ditatem attrahit, ejusque substantiæ permiscetur coagulando. Etsi non nulli succum titimalli albi ob illius intensem calorem mercurium coagulare tenent, tamen ad fixationem non potest reduci, ob crassitudinem vegetabilis oportet omnino a Mercurio frigiditatem abstrahere, & opus perfectum habebis, ut Author symp. fol. 311. demonstravit, relictis talibus operationibus, realia antro concedantur.

*Tinctura verissima ad rubeum de vitriolo, nota
bene & vigila.*

Vitriolum nobilissimum inter mineralia perfectam in se continet tincturam, unde de illo dictum fuit. Visitabis interiora terræ, rectificando invenies occultum lapidem, veram medicinam ex quibus dictionibus primæ literæ Vitriolum efficiunt, & quoniam in occulto vitrioli nobilissimus succus, & purum oleum latet, cuius modus extractionis non calcinatione vel distillatione erit accipiendus : etenim viriditate sua privari minime debet, quasi spoliatum fuerit, arcano & viribus caret. Vitriolum igitur multas imperfectiones lutosas & viscosas continet, ideo aqua ejus viriditatis saepe saepius erit rectificanda, donec terreas impuritates relinquat & purificationibus omnibus transactis caveas ne materiam soli exponas, nam viorem in pallorem verteret, & secretum perde-

ret, calido loco servetur ne pulveribus
sordeat. Cludas vitrum, & per duos men-
ses digeratur firmo, vel simili calore, donec
varii colores appareant, & suprema rubedo
nec talis rubedo erit omnino fixa, ideo
purganda venit ab interioribus terrae acci-
dentialibus ad hunc modum. Rectifica cum
aceto acerrimo destillato, donec feces sint
semotæ, & terreum inquinamentum om-
nino ablatum. Hæc est vera ejus tincturæ
rectificatio, de qua oleum eliciendum erit
hoc modo. Pone tincturam in alembico
optime clauso, & fissuras reclude omnes,
ne spiritus exhalent ; de hinc tenui igne
oleum habebis : residuebit in fundo cucur-
bitæ terra albissima, serva & tuere a pulve-
ribus. Accipe terram hanc in phiala vi-
trea, cui sensim oleum suam affundatur.
Animam suam corpus recipiet in instanti,
& amplectetur ipsum : hanc conjunctio-
nenem in arcanum furnum repone per qua-
draginta dies, quibus absolutis oleum ha-
bebis absolutissimum admirandæ perfe-
ctionis, quo Mercurius, & reliqua impura
metalla in Aurum vertantur, modo siper
circulationem egeris ad ignem lucernæ.
Multiplicationis modus hic est, Mercurium
corporalem per duas partes ad tres olei ad-
misceto, maneatque ut prius diebus qua-
draginta, hoc ordine & proportione mul-
tiplicatio erit in infinitum. Hoc secre-
tum in Antro invenies ad lævam sub arma-
rio

riolo vitreo, utere cum reverentia, & ne molestus sis avibus nocturnis, ne furiae de te poenas sumant.

Aliud simile per Antimonium probatum & expertum, nihil enim apponitur nisi probatum & verum. Habeatur de Antimonio crudo ad libituin, solvatur in aqua forti communi & de antimonio crudo, de hinc conjiciatur in aquam frigidam, cum parum de croco Martis ut rectificetur, solutum reponatur cum quarta parte tutiae in vitro puriss. optime luto clauso, tutia sit calcinata per sublimationem ad perfectum gradum ignis, ponatur simul ad sublimandum cum moderamine ignis, ne vas rumpatur. Nam una libra Antimonii sic preparati sublimatur ad summum per spatum duorum dierum, ab isto sublimato elicias oleum secundum artem, vel per balneum, vel per alembicum, caveas a fractione vasis, ideo ignem gradatim concedas: primo enim ad calorem Solis instar æstatis mediæ decimo quoque die augentur, dum vapores ascendunt, varii colores apparent, moderetur tunc ignis paulisper, donec rubea materia conspicatur. Rectificetur cum aceto acerrimo, de hinc cum aqua communi, tandem vase peroptime clauso destilletur oleum, & videbis totum corpus antimonii in oleum rubicundissimum destillari, rubini colorem habens, odore suavissimo praeditum. Hæc est prima operatio. De hinc

pari ab auro oleum elicias via.... fac solvere aurum purissimum a spiritu vini rectificato, calidus spiritus aliquoties abstractatur totiesque iterum Sol solvatur, ultima solutio servetur cum ipsomet spiritu vini, & circulationi per mensem tradatur, de hinc destilletur, & aurum volatile habeatur cum spiritu vini, & hoc ter vel quater iteretur, & in vas summissum fluat, & in summam ejus essentiam reducatur, & sic habebis oleum perfectissimum Solis. Ad medium unciam istius auri soluti addatur una unica olei antimonii, statim in calore balnei illud amplectitur, adeo ut non facile dimittat, etiamsi spiritus vini abstractatur. Bina haec olea simul unita modo dicto concludantur in ovo, & suspendantur supra tripodem per mensem, igne lentissimo foveatur, & si debita proportione ignis temperetur, & regatur triginta & unius dierum spatio negotium terminabitur, & omnia Metalla impura tinget in aurum, non tantum Mercurium, sed cætera corpora, & licet projectionis pondus rite assignari non potest, tamen ars ipsa & tempus ostendent modum. Nam ista medicina aliquando tinget triginta, aliquando quadraginta, aliquando etiam centum, si tamen bene operatus fueris. Advertas quod si continget operantem tinturæ nimium assumptisse, poterit hunc errorem corrigere additione illius imperfecti metalli, si tintura de-

debilis fuerit, cineritio vel cæmentationibus corrigatur vel per crudum Antimonium superfluum tollatur.

Quæras in dextra parte antri, in repositorio quodam lamina aurea cooperto, & rem parvam invenies, teneas caute & cariorem cæteris: in parva, maxima astat virtus, intelligas igitur & percipias.

Sumito Mercurium vel elementum Mercurii, separa purum ab impuro, ut Auth. symp. fol. 300. postmodum reverberetur usque in albedinem, quam sublimabis per salem armoniacum, tandem donec resolvatur, hic calcinetur & iterum solvatur & in Pelicano uno mense digeratur, tandem opus coagulabitur, hoc erit fixum: non enim uritur amplius neque consumitur, semper enim in eodem statu permanebit, corpora quæ penetrat, in cineritio erunt permanentia, ut in nihilum reduci minime possint, aut alterari. Sed a sensibilibus & insensibilibus qualitates omnes superfluas adimit. Hæc via licet brevis appareat, laborem tamen prolixum requirit, ac multis circumstantiis circumvolutum. Laborans tædio non afficietur, quia rem veram & expertam tractabit. Dixi in gratiam mei Principis Maximiliani cautius & attentius tractandum.

Tempus est, ut finis fini imponatur, & antrum clave claudatur, clavis custodienda, per optimo vigilanti & Prudenti tra-

datur. Et curiosos admonitos prius volo,
ut si quando forte fortuna clavis ad eorum
devenerit manus, ne stulte & inepte ape-
riant, & clavem in sera ponentes incurio-
se agendo seram disrumpant, & dimoveant
præterea stulte intrando & sine judicio, a
furiosis bestiis dilacerari possint, & non-
vestes tantum, sed etiam corpora dilaniari
sentiant. Recordentur elogium chymi-
cum ab Authore symp. fol. 323. positum,
Ideo omnis cura adhibenda erit, ut puri-
ficiati, instructi, & per optime ordinati an-
trum petant, & intrent, alioquin non de-
lectationem & fructum acquirent, sed do-
lores, dedecus & paupertatem. Nolui hæc
pauca silere, ne si per clavem decipientur,
de me conqueri possint. Magia Astro-
nomica multas quærunt conditiones, prout
superius declaratum & demonstratum fuit.
Igitur prudenter agentes filii prudentiæ
merito nuncupari poterunt, & de meo la-
bore haud dolores sentient.

Tandem in gratiam serenissimi mei Prin-
cipis Maximiliani Regni Poloniae primi &
summi Mareschalli, a cuius dominio & vo-
luntate clavis pendet unum trado proje-
ctionis via secretum verum, experimenta-
tum & maxime utilitatis. Omnes & sin-
guli suæ Celsitudini gratias agant, & bene
in operando vigilant, nám rudioribus &
male operantibus non æque succedet, pe-
ritis & optimis operatoribus optime omnia

ex animo evenient. Igitur ex tali secreto ultimo loco Antri reposito finem facio. Primo eligeridus est Mercurius ex Antimonio hac via. Habeas de Antimonio crudu libram unam, sublimati uncias sex, quæ omnia sigillatim ex se conterantur, dehinc simul misceas, macerando per optime super marmore, ponas pulveres in storta dando lentum ignem per spatum quadrantis unius horæ, & descendet in recipiens aqua alba, deinde rubea, tandem fumus albus, tunc vigora ignem gradatim, adeo ut in fine per horam sit ignis vehementiss. in quo tempore varii apparebunt in recipiente colores. Relinquenda erit storta ad ignem, donec fumus evanescat, vel parum remaneat. Signum hoc denotabit, materiam jam esse dispositam, auferendus ignis, & vas refrigerandum, frangendum de hinc ad locum apertum, ob fumos noxios, & infundo reperies materiam, & hoc experta operatione. Accipias materiam, & per optime conteras, & habeas tres uncias de pigmento, ex optimo, adeo ut sint in lapillis, non autem in pulveribus, qui lapilli per optime conterendi, & misceas cum tua materia, & simul iterum molas ad marmor, ponas in storta, & da ignem lentum per dimidium horæ quadrantem, in quo tempore sex aut octo aquæ guttulæ in recipiens descendent, & postea dum fumus apparebit, vigora ignem modo, quo supra fecisti, cum jam fumus incipiet eva-

82 Clavis Sympathie VII. Metallorum,
nescere, & pars inferior recipientis erit
crocea, tolle statim ignem, frangatur vas
ut supra, citius, ne materia comburatur,
& invenies materiam ardenter, & cum
baculo agitando frigescet, & sic secunda
erit operatio. Accipias materiam, & per-
optime conterito & ponas in storta absque
ullo additamento, fac ut prius de igne
quousque videbis collum stortæ crocei co-
loris, tunc augmenta ignem, & apparebit
ex alia parte collum stortæ viridis coloris,
vigora ignem, croceus color evanescet.
Auferas recipiens & in odore senties quasi
odorem combusti, rumpas vas & materiam
ignitam reperies, dimove cum baculo ut
frigescat, & erit materia ad modum tere-
binti, partes omnino combustas, tollas, &
quas optimas cognosces, eligas & si tertio
operatus fueris, reduc materiam in pul-
veres subtiliss. quos incorporabis cum un-
ciis octo tartari præparati ut infra, & un-
cias tres tartari crudi, & simul misceas ma-
cerando super marmore, ponas materiam
in storta, rege ignem ut soles, & variis co-
lores apparebunt, quando odores pessi-
mos senties, tunc rumores in vase sentiun-
tur, & vas tumet, tunc erit signum, quod
Mercurius vult progredi, tunc vigora-
ignem per unius horæ quadrantem, & ut
cognoscas si Mercurius jam est dispositus,
accipe de liquore in recipiente, & projice
super lapidem fictilem, & si fumus exit cæ-
ruleus, signum perfectionis erit operis. Au-
fe-

ferenda storta ab igne, declina paulisper in vase aqua pleno, & exsicca Mercurium de hinc frange vas, & in collo videbis Mercurium compactum, cum pede leporis accipias, & in fundo vasis invenies massam materiae, qua rupta totum Mercurium ibi conclusum reperies, quo accepto ponas ad aquam, advertas, nares claudas ob fumositates pestiferas, & sic opus terminasti perfectissime & Mercurium verum Antimonii habebis absque additamento, quod cæteri non faciunt.

Præparatio tartari. Accipias tartarum crudum & conteras subtiliter, & ponas in vase ferreo cum accensis carbonibus, per spatium dimidiae horæ, & vas ferreum sit rubicundum ex parte inferiori. Ponas sic tartarum calidum in vase fictili, & projice supra de aceto distillato, adeo ut sit ad modum pastæ, fac bis hoc opus, de hinc ponas ad ignem ad desiccandum, & fac pulveres. Advertas quod tartarum isto modo præparatum decidet per medietatem, ideo operare in quantitate, ex pondere congruo. Sequere ad eliciendū Mercurium ex Auro.

Habeas de vitriolo, quod mediocriter calcinabis, ponas cum aqua communi in vase vitro, fac bullire, quousque totam aquam in colore viridi conspexeris, extrahe aquam per inclinationem & remanebit vitriolum in vase addendo, de alia aqua fac ut prius toties, quoties non amplius viriditas in aqua apparebit. Filtra aquam vi-

84 Clavis Symp. VII. Metall. & VII. Sel. Lap. ad Pl.
ridem, vel fac evaporare ad lentum ignem,
& remanebit in fundo sal viridis vitrioli.
Accipe partes duas istius salis, & unam de
sale Petræ rafinato, & fac aquam fortem,
lan. & in unciis sex istius aquæ solvas
quatuor uncias Mercurii Antimonii, & per
destillationem extrahe aquam, & remane-
bit Mercurius solus, reitera opus per qua-
tuor aut quinque vices, & Mercurius rema-
nebit in fundo rubicundiss. quem pones in
vase vitro obtine clauso in vapore Balnei,
& infra 15. dies ad summum resolvetur, in
aqua pretiosiss. Aqua ista solvit Mercurium
Antimonii, & sic datur processus in infini-
tum. De tali aqua accipientur unciae qua-
tuor, & intus ponatur uncia auri puri in sub-
tilissimas bracteas, & solve in aquam rube-
am, quam claudas in ovo philosophico, &
ponas in athenore ad lentum calidum per
decem dies, & congelabitur in colore viri-
di, tunc da majorem colorem, & continua-
bis per decem alias dies, & efficietur pulvis
rubicundiss. cuius per projectionem una
pars cadit supra viginti quinque plumbi fu-
si in crucibulo, & efficiet aurum purissi-
mum. Melius erit fermentare prius & con-
firmare, projiciendo in decem partes auri
purissimi, quod ad augmentationem spe-
ctabit, de hinc fac, ut dixi projectionem.

Opera chymica si bene tractantur, utili-
tates varias tum corporis, tum animi præ-
stabunt; si contra, contrarias efficiunt
operationes.

F I N I S.



INDEX GENERALIS RERUM & VERBORUM NOTA- BILIA, QUÆ HOC LIBRO CONTINENTUR.

A.

- A**beston five Abestus lapis, ubi producatur, & ejus usus in candelabris deorum conficiendis apud Gentiles. p. 52.
Abistos lapis, ejus color ac virtus p. 55.
Achates, ejus colores, species, ac qualitates. p. 47-49.
Achates Pyrrhi, p. 131.
Adamas, ejus color, quantitas, proprietates, virtutes, ac species p. 46. 47.
Adamum imposuisse nomina omnibus rebus particularibus contra opinionem Hebræi. p. 269.
Ægyptiorum figuræ hieroglificæ. p. 271.
Aér conjungit cœlestia terrestribus omnium rerum semina continet. p. 336.
Æs quomodo præparandum. 228. & qua ratione album fieri possit. ibidem.
Æris sympathia ad Venerem. p. 289.
Agapis lapis unde sic dictus, ejus color ac virtus. p. 51.
Agirites lapis, p. 56.
Agitatoris imago, & ejus virtus. p. 155.
Agni imago in lapide. p. 169.
Alaban-

INDEX

- Alabandina, quis lapis, ejus color, ac proprietas. p. 51.
- Alabandicus lapis, ejus color ac utilitas, & ubi reperiatur. p. 54.
- Alabastrum, sive Alabastrites lapis, ejus color, ac proprietates, & ubinam reperiatur. p. 54.
- Album undenam causetur, p. 17. 18.
- Alectorius lapis, unde sic dictus, ejus color, ac proprietas. p. 50.
- Amandinus lapis, ejus color, ac virtus, p. 52.
- Ametistus, ejus colores, species ac virtutes 49. quomodo eligendus. 204. lapis Veneris ibid 339. cur ebrietatem prohibet 339. cur gratiam confert. 340. qua ratione in Adamantem verti possit ib. ejus lautio semen auget ibid. ex ejus pulvere lapis admirabilis ibidem. armonia numerorum ex ejus sympathia. ibid.
- Amianton lapis, ejus color, proprietas, ac usus in combutendis corporibus apud Gentiles. p. 53.
- Amiatus, sive Amiantus lapis, ejus color ac virtus. p. 56.
- Amites lapis, ejus color, ac virtus. ibid.
- Anachites, p. 81.
- Anancithidus lapis necromanticus, & ejus virtus p. 56.
- Andreas Patavinus, pictor egregius. p. 131.
- Androa lapis. p. 57.
- Andromantes lapis, ejus color ac proprietas. p. 51.

I N D E X.

- Androdamas lapis, quis, ejus figura, ac proprietas. p. 51.
- Andromeda, ejus figura ac virtus. p. 151.
- Anima nullo medio neque creari neque infundiri nisi a Deo potest. p. 238.
- Annularum, Planetarum, Lapidum & Metallicorum Tabella. p. 198.
- Antipathes lapis, ejus color ac proprietas, p. 56.
- Antitaneus lapis. p. 57.
- Antracites seu Antrachas, quis lapis, unde sic dictus, & ejus proprietas. p. 52.
- Apelles, pictor eximius. p. 131.
- Apolonides egregius sculptor. p. 129.
- Aquarii figura in viridi turchesia, 175. in viridi jaſpide. p. 164.
- Aquilæ figura in Kabrate seu Cristallo. p. 186
- Aquilæ stantis figura in ethite. p. 167.
- Aquilæ seu Vulturis cadentis imago ac virtus, p. 151. 152.
- Aquileus lapis. p. 57.
- Aquilinus lymphaticus ubi reperitur, & quis ejus usus. p. 56.
- Arabes quomodo procedant in electione lapidum. p. 197.
- Arabica, seu Arabus lapis unde sic ductus, ejus color & proprietas. p. 55.
- Arabum opinio de introductione formarum in lapides impugnatur. p. 303.
- Arboris figura. p. 180.
- Argenti sympathia ad Lunam. p. 295.
- Argenti præparatio 244, de eo experimentum

I N D E X.

- tum ibid. ut aurum eliciatur, 247. ut vas
vitrea fiant, & iterum in argentum redu-
cantur. ibid.
- Arietis figura in Saphiro. p. 205.
- Arietis & semileonis imago in precioso la-
pide. p. 179.
- Arietis figura cum medietate bovis. p. 172.
- Arietis ac Leonis figura in lapide aliquo
precioso. p. 179.
- Armenicus lapis, p. 124.
- Armenus lapis, ejus color & proprietas.
p. 56.
- Armonia trina Arabum ridetur. 368. nil
valet ad res supranaturales. p. 374.
- Arsenicum. p. 104.
- Asini imago in Chrisolito, p. 156.
- Asinius sive Asininus lapis, unde sic dictus,
eius color, species, ac proprietas. p. 55.
- Asius lapis, ejus color ac proprietaas, & ubi
gignatur. p. 53.
- Aspilaten Arabiae lapis, ejus color ac pro-
prietas. p. 54.
- Affyrii Astrologiae restauratores. p. 270. 271
- Astra nullam vim in vegetabilia influere.
p. 196.
- Astrites, Astrion, Asterius, sive Asterites,
quis lapis, ejus calor ac forma. p. 51.
- Astrolabii figura in Saphiro. p. 156.
- Astrologia a quibus restaurata post diluvi-
um. p. 270.
- Astrologica cur confundit ordinem in Ma-
themathica. p. 381.
- Astro-

INDEX.

- Astrologia & usus, p. 210.
 Asturis figura in Cornelio, p. 186.
 Attritus lapis, & ejus color, p. 52.
 Augusteum, quis lapis, ejus color, & unde
 sic dictus, p. 54.
 Avis figura, quæ in ore folium tenet, in la-
 pide parangoni, p. 175. 164.
 Aurigæ imago, & ejus vis, p. 155.
 Auripigmentum, p. 104.
 Aurum quomodo generatur in visceribus
 terræ, p. 297.
 Aurum virginale ridetur 221. novum con-
 ficere licet difficile, tamen non impossibi-
 le, 291. experimentum ad id 222. si u-
 na pars transformatur, transformari &
 aliæ possunt, p. 224.
 Aurum potabile, p. 226.
 Aurum ignitum occæcat oculos, p. 286.
 Auri sympathia ad Solem 283. ejus pulvis
 ad eum acceditur, p. 288.
 Authores qui de Lapidibus scripserunt, 188.
 vide Nomina.

B.

- B**abylonensium lapis, p. 97.
 Balanites lapis, & ejus species, p. 60.
 Balasius lapis, ejus color ac virtus p. 74. ex
 ardentium genere, p. 57.
 Balemis opinio de Sympathia Metallorum
 ad Planetas, p. 256.
 Basilisci figura, p. 162. pugnantis cum Dra-
 cone, ibid. & 174.
 Basilisci ac Syrenis maris imago, p. 174.
 Bazani-

I N D E X.

- Bazanites** sive Basaltem lapis, ejus color, &c
proprietates. p. 60.
- Beloculus** lapis, Deo Belo dicatus à Syriis &
eius proprietas. p. 60.
- Berillus** lapis, ejus color, species, & proprie-
tates, p. 57. 58.
- Bezoar** lapis, ejus color ac proprietas. p. 59.
- Bolus Armenus** cur inter lapides numere-
tur, & ejus proprietas. p. 59.
- Bonus** quis sit censendus. p. 372.
- Borax** lapis, & ejus species ac proprietates.
p. 58.
- Bronia**, lapis. p. 57.
- Bruta** nobis temporis seu aëris mutationem
ostendunt. p. 40.

C.

- Cæti** figura, & ejus virtus. p. 152.
- Calaminaris**, lapis, p. 71.
- Calcedonius**, sive Calcedon lapis, ejus co-
lor, species ac proprietates. p. 61.
- Calchophanus**, lapis niger, & ejus proprie-
tas, p. 89.
- Calcitis.** p. 72.
- Caldaicus**, sive Gallayca, lapis, cius color,
& ubi reperiatur. p. 69.
- Caliditas** in Planetis quomodo accidat,
p. 318.
- Calorites**, & ejus proprietas, p. 70.
- Cambnites** lapis, Kbrates aliter, p. 70.
- Cameli** capitis imago in Onyce, p. 26.
- Camites** lapis, p. 34.
- Canis** imago ac proprietas, p. 154.
- Canis**

I N D E X.

- Canis alabor figura, ac virtus, p. 153.
 Canis leporini figura in berillo, p. 182.
 Capitis hominis cum longa barbara imago in Adamante, p. 281.
 Capitis humani figura in Saphiro, p. 205.
 Capitis & colli figura in viridi Jaspite, p. 173.
 Caprarum duarum figura inter myrti arbores in Onyce, p. 206.
 Capricorni signum in Cornelio, p. 181.
 Caprioli fontis canales lapidificari soliti, p. 12.
 Carbunculus lapis idem, quod Antrax, ejus species, color ac proprietates, p. 60. 61.
 Garcina, p. 72.
 Caristeus lapis, p. 71.
 Cassiopeja, ejus imago ac proprietas, p. 150.
 Catel, lapis, p. 75.
 Catimia, lapis, p. 111.
 Catochites, lapis ubi reperiatur, & ejus virtus, p. 69. 70.
 Causæ secundæ quomodo influunt. p. 308.
 quomodo concurrunt ad productiōnem, p. 304.
 accidentia ex suis qualitatibus non sentiunt, p. 306.
 Celenia, p. 93.
 Celonites, seu Celontes, ejus genera ac virtutes, p. 66. 67.
 Centauri imago, & ejus virtus, p. 153.
 Cephalicus lapis unde sic dictus, p. 87.
 Cepheus, ejus figura ac vis p. 150.
 Cepio-

INDEX

- Cepionidus** p. 71.
Cepocapites seu Cepites, ejus color ac propria-
- **prietas,** p. 70.
Ceraunius, seu Ceraulus lapis, ejus forma,
- **genera ac virtutes,** p. 67.
Cervi figura, p. 161. 222.
in Jaspite 183. 169. in calcedonio, p. 182
Chael signorum insignis sculptor, p. 159.
Characteres signare impossibile, p.
Characteris veri descriptio, 484. & qui sunt
veri Characteres, p. 386.
Chelidonius lapis, ejus color, ac virtutes
variæ p. 62. & quando haberi possit. ibid.
Chemites lapis, & ejus virtus, p. 69.
Chrisanterinus lapis, p. 69.
Chrisites, p. 72.
Chrisoberillus, p. 72.
Chrisocollus, ubi reperiatur, & ejus pro-
prietas, p. 69.
Chrisolensis, p. 65.
Chrisoletus, Chrisolemus, seu Chrisolensis
unde dictus, ejus species ac proprietates,
p. 72.
Chrisolitus, ejus species ac virtutes, p. 66.
Chrisopilon, p. 72.
Chrisopis, p. 72.
Chrysoprasius, lapis, & ejus color, p. 71.
Chrisoprassus sive Chrisopressus, unde sic
dictus, & ejus virtutes, p. 69.
Chrysopteron, p. 72.
Chymicum Elogium pulcherrimum,
p. 248.

Cime-

INDEX.

- Cimēdia, lapis, ubi reperiatur, ejus forma
ac virtus, p. 68.
Cimilianitus, p. 72.
Coaspis, p. 71.
Cœlos esse corpora animata rationibus
probatur, p. 314.
Cœlum, animal sensibile. p. 313.
Cœlum mas, Terra fœmina, quomodo in-
telligatur, p. 321.
Cogolites, seu Cegolites lapis, ejus color ac
virtus, p. 67.
Colores extremi, albus & niger, p. 22.
Colores medii quomodo in lapidibus cau-
sentur, p. 22.23. & seq.
Colores varii quibus lapidum nomina ex
inspectione sola cognosci possunt p. 37.
seqq. septem 189.
Colores lapidum essentiales, p. 191. qui
nam ad Planetas spectant, & quare ibid.
quomodo omnes in Opalo intelliguntur
192. valent ad visionem oculorum.
p. 251.
Corallus, ejus magnitudo, species, ac virtu-
tes, p. 63.
Coroanus, p. 72.
Corintheus ex marmororum genere, p. 71.
Cornelius sive Corneolus, ejus color ac
proprietas. p. 64.
Corneolus, Jovis lapis, quomodo eligen-
dus, p. 201.
Corneolus lapis Jovialis, 328. de semiopa-
cis lapidibus, 327. lapis Imperatorum,
Hh 2 328.

INDEX.

328. cur partum accelerat & conservat
ibid. cur somnia vera facit 329. cur sanat
infirmitates coxarum & femorum, p. 330
- Cornutæ figura,** p. 161.
- Cornuti animalis figura,** p. 172.
- Coronæ imago, & ejus virtus,** p. 149.
- Coronæ australis figura, & ejus proprietas,**
p. 155. de **Corporis & animæ unione pulchrum**
experimentum, p. 313.
- Corpora cælestia quomodo juvant terram,**
p. 323.
- Corvia, sive Corvina,** p. 68.
- Corvina, lapis, ubi reperiatur, & ejus pro-**
prietas. p. 70.
- Crapondinus lapis,** p. 76.
- Crapundius.** p. 94.
- Cristallini lapides in Boemia,** p. 213.
- Cristallum, lapidis genus, quomodo indu-**
retur, ubi reperiatur, & quibus virtuti-
bis sit præditum, p. 64.
- Cristallum in hexagonam figuram tendens**
perfectissimum 211. negatur & probatur
non esse aquam congelatam 212. quomo-
do eligendum 213. & qua ratione boni-
tas ejus experimento probanda. p. 214.
- Cristallum, Lunaris lapis 211. 359. quomo-**
do de eo efficiantur instrumenta pro lu-
mine Lunæ 361. ejus viginti quatuor pro-
portiones. p. 363.
- Crocus Martis optimus ad dysenterias sa-**
nandas. p. 332.
- Croc.

I N D E X.

- | | |
|--|---------|
| Crojus sculptor eximius, | p. 167. |
| Crux verus Character, | p. 387. |
| Crucis sculptæ in jaspide figura, | p. 169. |
| Cygnica, sive Cyaneus, | p. 71. |
| Cygni figura ac proprietas, | p. 150. |
| Cysteolitos. | p. 69. |
| D. | |
| Demonius lapis, ejus colore ac proprietas, | p. 72. |
| Delphini imago, & ejus proprietas, | 199. |
| Dentrites, | p. 95. |
| Deus quid ex Orpheo, | p. 39. |
| Dei nomina in Ceraunio, | p. 158. |
| Diacodus, sive Diacodus, ejus color ac virtus, | p. 73. |
| Dionysia, ejus color ac proprietas, | p. 72. |
| Doctus lapis, | p. 74. |
| Doriatides ubi reperiatur, & ejus virtus, | p. 74. |
| Draconis formidolosi imago in Rubino, | p. 177. |
| Draconis vultus habentis duo capita in cristaallo, | p. 232. |
| Draconites, ejus color ac proprietas, | p. 73. |
| Draconius, | p. 74. |
| Drome, | p. 87. |
| Drosolitus, | p. 74. |
| E. | |
| Echidnes, lapis. | p. 103. |
| Echistes, | p. 79. |
| Effestis, seu Effestites, | p. 79. |
| Egyptilla, | p. 78. |

I N D E X.

- Elebron, p. 105.
Electruon, p. 102.
Elementa, prima corpora, ex quibus fiunt
alii corpora, p. 1. 2.
Elementorum unio summa in homine,
p. 402.
Elitropia sive Elitropus, ejus color ac pro-
prietates, p. 74.
Elopsites, p. 79.
Emathius sive Emathites unde dictus, ejus
color, species, p. 98. 99.
Emetrem, lapis, p. 78.
Emites, lapis, p. 78.
Enydros, sive Ethyndros, unde dictus, ejus
color ac virtus, p. 77.
Epistrides, seu Epistrites, ejus color, ac pro-
prietas, p. 77.
Equi figura in Jaspide, p. 183.
Equi gerentis supra dorsum crocodilum, fi-
gura in jacinto albo. p. 171. spummatis
ac gerentis virum cum sceptro in manu,
p. 225.
Equi spumantis figura in Ematite. p. 171.
Equi imago habentis crocodillum super se
in jacintho. p. 210.
Equi alati figura, p. 180. & ejus virtus,
p. 2351.
Equi alati figura integra in Achate. p. 244.
Estimion, sive Exmission, p. 78.
Ethides, sive Endes, ejus color, figura, ac
proprietas, p. 76.
Evantus, p. 141.
Eume-

INDEX.

- | | |
|--|-------------------|
| Eumetis, | p. 78. |
| Eunophius, | p. 78. |
| Exacolitus, & ejus virtus. | p. 77. |
| Exebonus sive Exebenus, ejus color, ac
proprietas. | p. 78. |
| Exeonthalitus, & ejus virtutes. | p. 78. |
| F. | |
| Falcones, & ejus virtus. | p. 79. |
| Falconis imago in Topatio. | p. 156. |
| in Cornelio. | p. 244. |
| Fascinatio non solum in hominibus, sed
etiam in brutis. | p. 39. |
| Ferri Præparatio secreta. | p. 287. |
| Ferri sympathia ad Martem, | p. 280. |
| in Ferro a Magnete imbuto attractio di-
versa p. 243. ejus qua parte imbuitur
contradicto, | p. 355. |
| Filaterius, & ejus color ac proprietas, | p. 79. |
| Fingites, ejus color ac virtus, | p. 79. |
| Fixationis Mercurii experimentum p. 312. | |
| periculosum p. 319. melius. | p. 317. |
| Flavus color unde in lapidibus perspicuis, | |
| p. 23. | |
| Fœminæ imago habentis in una manu a-
vem, in altera piscem. | p. 171. 172. 169. |
| in una speculum, in alia ranaum. | p. 227. |
| Fongites lapis, ejus color ac proprietas. | |
| p. 79. | |
| Forma quid. | p. 45. |
| Formicæ figura trahentis spicam seu gra-
num, | p. 185. |

INDEX.

- Fragula** figura cum ramo olivæ in ore.
p. 172,
- Franciscus Nichinus Ferrarensis** sculptor
egregius. p. 168,
- Franciscus, Bononiensis, aliter Fraza, scul-**
ptor itidem clarissimus. p. 168.
- Frigius, & ejus color ac proprietas.** p. 79.
- Fusio Metallorum quid sit.** p. 311.
- G.
- Gagates**, unde sic ductus, ejus species ac
proprietates, p. 83.
- Galadicem,** p. 84.
- Galactides, sive Galaricides.** p. 81.
- & ejus miræ virtutes apud Magos, ibid.
- Galatides, sive Galactica, seu Gelacia,**
p. 82.
- Galaxia.** p. 84.
- Galbates.** p. 105.
- Galgatromeus.** p. 106.
- Gallerica,** p. 84.
- Galli imago in Achate.** p. 239.
- Galli figura tenentis in rostro coronam,**
p. 185.
- Galli cantu suo distinctionem horarum
diei nobis indicant,** p. 40.
- Gallinaceus lapis, vide Alectorius.**
- Gallinæ figura,** p. 150.
- Garamantica.** p. 84.
- Garamantides,** p. 84.
- Garatides.** p. 107. 108.
- Garatronicus, & ejus utilitas,** p. 106. 107.
- Gafidana,** p. 84.
- Gela-

I N D E X.

- Gelacides, p. 82. 83.
 Gemmæ qui nām lapides proprie dicantur,
 p. 3.
 quomodo cognoscantur num naturales
 sint an artificiales, p. 22. 23. 24. 25.
 Gemmæ diversæ simul junctæ repertæ.
 p. 3: 2.
 Gerades, p. 84.
 Glosopetra, p. 84.
 Græci rejectis Ægyptiorum figuris alium
 sua secreta occultandi modum repere-
 runt. p. 352.
 Graffites, p. 105.
 Granatus, lapidum ardentium genus p. 80.
 & ejus species, ac virtus, p. 105.
 Griffonis figura in Cristallo, p. 157.
 Grisoletus, p. 84.
 Grogius. p. 84.

H.

- H**ammochrisos. p. 85.
 Hamonis lapis sacer, ejus figura ac
 proprietas, p. 85.
 Herculis imago, & ejus vis. p. 180.
 Herculis figura tenentis in dextra clavam
 pag. 149. 150.
 Hexaconta, lapis, p. 101.
 Hierarcites, p. 85.
 Hirci figura in calcedonio, p. 240.
 Hirundinis imago in Celonite. p. 158.
 Homo cælesti forma ornatus, p. 40.
 Hominis bene ornati imago in Cornelio.
 p. 206. 207.

I N D E X.

- Hominis cum ense in manu figura in Cornelio. p. 184.
Hominis armati imago in magnete. p. 162.
Hominis figura sedentis post aratum cum longa barba, &c. p. 159.
Hominis imago habentis ad collum clypeum &c. in jaspide rubeo. p. 210.
Hominis figura sedentis, ac mulieris stantibus ante eum, in Cornelio. p. 171.
Hominis sedentis cum accensa candela in manu imago in Chrysolito. p. 211.
Hois flexis genibus sursum respicientis figura. p. 161.
Hominis armati habentis supra dexteram crucem cum stellis figura, p. 213.
Hominis nudi inflati figura, in gagate. p. 174. 163.
Hominis figura habentis caput bovinum, p. 163.
Hominis stantis, ac magnæ staturæ imago in diadoco, p. 163.
Hominis figura tenentis fasciculum herbarum appensum collo, p. 163.
Hominis figura habentis vultum leonis, &c. in cristallo, p. 164.
Hominis sedentis super Aquilam figura in efestide seu cristallo. p. 165. super equum in pyrite, p. 166. super pisceum in lapide rubeo ibidem.
Hominis nudi stantis, & a dextra puellam stantem habentis figura, p. 166.
Hominis imago tenentis in manu flores. p. 166. Homi-

INDEX

- Hominis barbati figura habentis vultum longum p. 167. 219. tenentis falcem in manu p. ibid. gladium, ac sedentis supra draconem, ibidem. stantis ac tenentis mucronem in manu. p. ibid. 195. habentis in manu palmam. p. 168.
- Hominis imago, habentis scutum insinistra, in jaspide p. 168. habentis fasciculum herbæ in collo, ibidem. palmam inscriptam in manu p. 168.
- Hominis sedentis super aratrum figura, &c. p. 223. habentis clypeum pendentem collo 224. sedentis, & mulieris stantis ante eum habentis capillos extensos usque ad femur, ibidem.
- Hominis flectentis genua imago in Turchesia 226. arantia. p. 227.
- Hominis nudi inflati & coronati imago. 228. stantis cuius caput sit bovis, &c. 174. 219. erecti ac magni, ibid. stantis, habentis humeros magnos p. 175.
- Hominis litigantis figura, 238. volentis instrumentis ludere ibidem. in simul litidine mercatoris, p. 239.
- Hominis sublimati figura, 171. armati cum ense in manu. ibid.
- Hominis cum ense in manu imago 184. armati in equo cum lancea ibid. tenentis laurum seu palmam in manu 168. interficientis leonem. ibidem.
- Hominis alati figura habentis sub pedibus serpentem, 243. cum hircino capite loco sui, ibidem. Hor-

INDEX;

- Horus, lapis niger. p. 85.
Hormesion, p. 85.
ex Humoribus quatuor quid resultat, p.
Hyena, lapis pretiosus unde sic dictus, &
eius proprietas, p. 85.
Hymeri. p. 85.
- I.**
- Jacinthus, ejus tres species, ac proprieta-
tes, p. 85. 86. 85.
Jacobus Taglicarne, sculptor eximius, p. 168.
Jaguntia, p. 89.
Jaspis, ejus color, species ac virtutes. p. 87.
Idæus lapis, p. 88.
Ideæ omnium compositorum à Platone
constitutæ, p. 42.
Jerarchites, p. 89.
Imagines in Lapidibus tripliciter sculptæ,
171. 172. & earum virtutes 175. 176. & seq.
Imagines sculptæ in Lapidibus quomodo di-
cantur habere effectum. p. 185. 186.
Imagines quæ similitudinem habent con-
stellationum cœli, & ad quid valeant, p.
148. 149. & seqq.
- Imagines Magicæ quæ à Ragiel positæ sunt,
p. 155.
- Imagines seu sigilla Chael, p. 159.
Imagines seu sigilla Thetel, p. 168.
Salomonis, 170. Hermetis, 181. diverso-
rum authorum, p. 183.
Imperatoris figura in Jaspide. p. 169.
Imperatoris imago habens caput erectum,
p. 184.
- Incli-

INDEX

- Inclinatio dat difficilem regressum, p. 369.
Indica, lapis unde nomen sumpsit, p. 88.
Indorum, Chaldaeorum & Ægyptiorum
vanitas ac confutatio. p. 386.
Intelligentiae sunt Angeli. p. 390.
Intelligentiarum cælestium numero. p. 397.
Joannes Maria Mantuanus clarus sculptor,
p. 168.
Joannes Bellinus Venetus, summus pictor,
p. 169.
Jon, p. 89.
Jonicus quartus Noe filius Astrologiæ post
diluvium restaurator, p. 351.
Josephi opinio de Metallorum sympathia
cum Planetis, p. 337.
Jovis natura, p. 89.
Jovis gemma, p. 115.
Jovis figura quid possit, & quomodo scul-
patur in lapide, p. 191.
Jovis figura in jacinthro, p. 164.
Iris lapis, ejus figura, color ac proprietas,
p. 88.
Iscistos, seu Iscistos, p. 88.
Israelitici primi sculptores, p. 166.
Judaicus lapis, p. 89.
- K.
- Kabrates, sive Kakabres, lapis, ejus co-
lor ac virtus, p. 89.
Kamam, sive Kakamam, p. 89.
Karabe, idem quod Succinum, p. 89.
Kbrates, p. 91.
Kenne, p. 89.
Kime-

INDEX.

- Kimedini lymphatici,** p. 90.
Kimedius, p. 95.
Kinocetus, p. 116.
- L.**
- Lacteus lapis.** p. 92.
Lampadis figura in cristallo, p. 238.
Lapis mirabilis ex Ametisti pulvere, p. 438.
Lapis e nubib. cecidit in Lombardia, p. 10.
in parte Thraciae ibid.
- Lapides in dupli genere secundum Alber-**
tum. p. 3.
- Lapides cur non fluxibles, cum aquo a-**
bundent, p. 7.
- Lapides duobus modis sunt secundum Ari-**
stotelem. p. 7.
- Lapides quibus in locis ut plurimum gene-**
rantur, p. 8. seqq.
- Lapides rubei.** p. 22. **flavi, virides, ac vario-**
rūm colorum, p. 16. seqq.
- Lapides falsificati quibus cognoscantur**
modis, p. 22. 23. & quibus naturales,
p. 24. 25.
- Lapides nullam virtutem supranaturalem**
habere. p. 26.
- Lapides habent idem principium cum Me-**
tallis. p. 327.
- Lapides habere vim vegetandi,** p. 394.
- Lapidum principia quæ, & qualia.** p. 1. seqq.
- Lapidum quænam causa effectiva seu gene-**
rativa. p. 5. seqq.
- Lapidum quænam forma substantialis,**
p. 7. seqq.

INDEX.

- Lapidum perspicuitas ac opacitas , ae eo-
rum colores unde, p. 16. seqq.
Lapidum mala ac bona compositio, p. 13.
seqq.
Lapidum accidentia varia, p. 13.
Lapidum gravitas & levitas , densitas ac
ponderositas unde, p. 21. 22.
Lapidum ardantium species duodecim, sed
quinque præcipuæ, p. 79.
Lapidum generationis causa in terra, & ex-
tra terram, p. 329. in animalibus, p. 330.
Lapidum sculpturæ , ac imagines diversæ
p. 171. 172. & seq. usque ad finem lib. 3.
Lapidum septem selectorum ad septem Pla-
netas relatio. p. 255.
Lapidum septem selectorum sympathia ge-
neralis ad Planetas, p. 390, particularis,
p. 417.
Lapidibus an insint virtutes, p. 27. 28. 30.
unde & quomodo p. 31. 32. 33. seqq.
Lapidibus unde durities ac mollities eve-
niant, p. 19.
a Lapidibus effectus tantum naturales pro-
cedunt 477. supranaturales instrumenta-
liter aliquando in eis apparent 480. quæ
occultæ causæ in eis, ibid.
Lauraces lapides, p. 93.
Lazolus lapis, p. 93.
Leonardus Mediolanensis sculptor egre-
gius, p. 168.
Leonis bene formati figura in Granato,
p. 156-239. in Jaspide, p. 157
Leo-

INDEX.

- Leonis vultus in cristallo, p. 177.
Leopardi figura, & ejus proprietas, p. 211.
Lepidotes, p. 93.
Leporis imago, & ejus virtus, p. 201.
Leporis imago in jaspide, p. 183. 184. 168. 243.
Leucochrysol, p. 92.
Leucoptalmus, p. 91.
Leucostyctos, p. 93.
Ligdinus lapis, p. 93.
Lignites, ejus color ac virtus, p. 93.
Ligurius, & ejus proprietas, p. 92.
Limacie, ejus color ac proprietas, p. 91.
Limoniates, p. 92.
Lymphicus, p. 93.
Lippares, seu Liparia lapis Lybiæ, & ejus
virtutes, p. 91.
Lisimachus ex marmorum genere, p. 92.
Litos seu Magnes, p. 93.
Locusta marina in Berillo, p. 184.
Luna vires recipit a cæteris Planetis, p. 385.
Luna producit æstatem & hyemem, p. 468.
Lunæ imagines variaæ, & earum virtutes in
lapidibus, p. 147.
Lunæ in aquis demonstratio p. 462. virtus
in inferioribus, p. 467.
Lunarius lapis, p. 93.
Lupi figura in Iaspide p. 223. 222. 240.
Lychinus, sive Lychinites, ejus color ac
proprietas, p. 90.
Lychnitens, marmoris genus, p. 93.
Lyncis lapis, ejus color & proprietas, p. 90.
Lyncurius, ubi repertatur, ejus species ac
proprietates. p. 90.

M.

- M**aculæ in Luna quænā insint, p. 299. 300
 Magiæ falsæ usus a quo- p. 384.
 Magiæ naturalis tres ordines. p. 378.
 Magiæ veræ descriptio, p. 378.
 Magiæ sacræ descriptio & encomia. p. 378.
 Magnasia, sive Magnesia. p. 102.
 Magnes, ejus genera ac virtutes. p. 99. 102.
 Magnes ferrum trahit. p. 36.
 Magnes Mercurii lapis, quomodo eligen-
 -dus p. 99. non est Metallum ibid. non
 recipit virtutem à Planetis ibid. habet
 sympathiam cum Mercurio, 205. cur fer-
 rum trahit ibid. & de hac attractione
 impugnata opinio. ibidem.
 Magnes habet virtutem communicativam
 non solum per contactum, sed per diffu-
 sionem, p. 208. virtus ejus non semper
 eadem. 209. ab una parte attrahit, & ab
 altera expellit p. 210. attrahit medio vi-
 tro, ligno, cæterisque corporibus ibid.
 in Alba & Italiae Insula perfectissimus in-
 venitur p. 210. in montibus item Æthio-
 piæ ibid. & quinam requiratur ad experi-
 mentum a Porta faciendum ibidem.
 Magnes, Mercurii lapis 242. cur alium ma-
 gnetem trahat 244. cur in mineris Metal-
 lorum reperiatur ibid. unde communi-
 cat suam virtutem 345. quid requiritur
 ut se aliis communicet 346. cur ejus par-
 tes ad idem punctum semper respiciunt

INDEX.

347. cur Orientales pollent cæteris 348.
locus nil valet, sed virtus loci ibid. cur
partes ejus oppositæ sibi contrariantur
351. non semper polum precise ostendit,
P. 352.
- de Magnetis virtute nova Hispalenfis cujus-
dam opinio 352. & quomodo ea debili-
tata senio reparanda sit, p. 353.
- in Magnete quomodo centrum reperiatur
354. demonstratio nova de eo, p. 356.
- Malachites, ejus species, ac virtutes, p. 98.
- Marchasitarum species variæ. p. 102. 103.
- Margarita, prima inter geminas candidas
& quomodo procreetur p. 93. 94.
- Margaritarum binæ species, p. 94.
- & earum virtutes, p. 95.
- Marmor lapis notissimus, & ejus varia ge-
nera, p. 96.
- Martis armati figura 180. cum lancea ibid.
- in Saphyro, p. 282.
- Martis imago qualis, & quid valeat in lapi-
de sculpta, p. 192.
- Medeæ lapis, ejus color ac proprietas, p. 10;
- Medus lapis, ejus color ac proprietas, p. 124.
- 125.
- Melites, p. 103.
- Memphitis lapis unde sic dictus, & ejus pro-
prietas, p. 98.
- Mercurius cur alatus cum Caduceo pinga-
tur, p. 347.
- Mercurius pro vivo Argento: vide Vivum
Argentum.

Mercurii

I N D E X

- Mercurii figura qualis, & ejus virtus. p. 193.
 Metalla quomodo generentur, p. 293.
 Metallorum septem cum septem Planetis
 convenientia, p. 195.
 Metallorum sympathia ad Planetas. p. 255.
 Balemys opinio de ea rejicitur 2. 5. 256.
 Josephi item 258. Syrani Caldæi cum se-
 quacibus. p. 261.
 Metallorum virtus in Medicina, p. 376.
 in Metallis nullæ virtutes magicæ, p. 376.
 Militis super equum currentis imago, p.
 172.
 Mineralia duplicitia, fluxibilia, & liquefacti-
 bilia, p. 2.
 Mineralium sympathia ad lapides, p. 249.
 de Mineris aliqua, p. 254.
 Mirites. p. 98.
 Mitridax. p. 103.
 Mixta magis abundant terra & aqua, quam
 reliquis duobus elementis, & cur, p. 23.
 Morion, Cyprius ac Gallicus lapis, p. 103.
 Motus cælestis 313. non est accidentalis, p.
 314.
 Motus stellarum diversus p. 314.
 de Motibus cœlorum, p. 316.
 Mulieris figura imaginem habentis in una
 manu. p. 161.
 Mulieris sedentis cum tuba super equum fi-
 gura, p. 61.
 Mulieris in superiori parte in inferiori Pi-
 scis figura in jacinthro, p. 162.

I N D E X.

- M**ulieris imago habentis crines sparsos, &c.
in jacintho seu cristallo, p. 165.
Mulieris figura habentis crines sparsos vel
mamillas nudas, p. 165.
Mulieris sedentis figura cum corona in so-
lio, p. 285.
Murilagæ figura in granato, p. 239.
Murina, ejus color, & usus in vasis fabrican-
dis, p. 97.

N.

- N**affonites, p. 104.
Natura potius admirari, quam percipi
desiderat, p. 207.
Navis imago ac virtutes, p. 200.
Nemessitis. p. 104.
Nicolus lapis, ejus color ac proprietas,
p. 104.
Nicticoracis imago. p. 184.
Nigrum undenam causetur, p. 18.
Nitrum quomodo producatur, & ejus vir-
tus p. 103.
Nodositates cur in lapidibus aliquando ap-
parent, p. 4.
Nomina omnibus rebus particularibus ab
Adamo imposita, p. 269.
Nomina omnium Doctorum qui de lapidi-
bus olim scripserunt. p. 36.
Nosa lapis, p. 76.
Nose, seu Nisus, p. 104.
Numerorum armonia mirabilis ex ametisti
sympathia. p. 34.

INDEX.

O.

- O**bsianus lapis, p. 95.
 Obsius sive Obsianus, p. 106.
 Obtalius, sive Obtalmius, & ejus mirabilis
 virtus, p. 106.
 Okitokius, & ejus virtus, p. 108.
 Olea, lapis, p. 108.
 Ombria, p. 108.
 Onagri lapis, p. 108.
 Onicinus, p. 105.
 Onix, ejus color, species, ac proprietates,
 p. 104. 105.
 Opalus, ejus colores, ac miræ proprietates,
 p. 105. 106.
 Opalus, num lapis vel gemma. p. 247. ejus
 virtutes ac proprietates p. 246. mirabilia
 in illo apparent, p. 247.
 Opalus bonus & non bonus quomodo di-
 stingantur. p. 188. ejus historia, p. 188.
 virtus ad oculorum sanitatem. p. 253.
 Ophicardelon, p. 108.
 Ophites, & ejus species ac virtutes, p. 106.
 Optalius, p. 120.
 Orfanus lepis unde sic dictus, p. 106.
 Orionis imago, ac ejus proprietas. p. 200.
 Orites, ejus species ac proprietates, p. 106.
 Ornicus, p. 108.
 Ostracites, p. 106.
 Ostratias, p. 107.

P.

- P**anconus, lapis. p. 111.
 Panthera, lapis, ejus colores, & virtu-
 tes, p. 109. Pa-

INDEX.

- Parabolæ ac symbola de Metallis, p. 271.
272.
Paragonius lapis duplex, p. 112.
Pauli raptus, p. 384.
Pavonis imago, p. 112.
Pavonius lapis, p. 112.
Peantes, seu Peantides, & ejus virtus, pag.
109. 110.
Pegasus, ejus figura ac proprietas, p. 171.
180.
Pentaura lapis, non reperitur, p. 189.
Perseus, ejus figura ac proprietas, p. 198.
Perspicuitas quid, p. 16.
Petrus Perusinus, egregius pictor, p. 128.
Pheonicites lapis, p. 112.
Philoginos, p. 112.
Phrygius lapis, ejus species ac virtutes, p. 110.
Pictores eximii tam antiqui quam moderni
p. 128.
Pirgoteles, summus sculptor, p. 129.
Piscis imago ac virtus, p. 199.
Planetæ cur & quomodo dicantur inclina-
re p. 372.
Planetarum quænam vires ad productio-
nem p. 300.
Plumbi præparatio secreta, cap. 7. symp.
sympathia ad Saturnum, p. 272.
Podros, ex gemmis carentibus p. 111.
Pontica gemma, & ejus species, p. 119.
Porphirites marmoris species. p. 111.
Præconissus lapis p. 111.
Præ-

INDEX.

- Prassius lapis, ejus species ac proprietates,
p. 108. 109.
 Protogenes, egregius pictor, p. 128.
 Puellæ imago in cristallo. p. 181.
 Puellarum trium imago in Berillo. p. 182.
 Pumex, lapis omnibus notus, p. 112.
 Punicus lapis, ejus species ac virtutes, p.
111.

Pyrites unde sic dictus, & ejus proprietates,
p. 110

Q.

- Q**uaidros, p. 112.
 Qualitatum diversitas armoniam de-
monstrat, p. 307.
 de Qualitatibus Planetariis, p. 305.
 Quirinus, sive Quirus, lapis præstigiosus
p. 112.

R.

- R**abri, lapis, p. 113.
 Radaim, lapis niger, ubi reperitur,
& ejus virtus, p. 112.
 Ragiel insignis imaginum sculptor. p. 28.
 Rami, lapis, p. 146.
 Ranæ figura in Berillo, p. 157.
 Ranius, lapis, p. 113.
 Rubeus color unde in lapidibus perspicuis
evenit, p. 17.
 Rubinus, lapis ardens, p. 79. species carbun-
culi, p. 113.
 Rubith, lapis ardens. p. 79.

S.

- S**acrarii figura, & ejus proprietas, p. 202.
Ii 4 Sagas-

INDEX.

- Sagada, sive Sadda, p. 120.
 Sagittarii imago in Jaspite, p. 157.
 Sal qua via à Saphiro habeatur, p. 435.
 Samius lapis, & ejus virtus, p. 119.
 Samothratia, p. 121.
 Sanctus lapis, p. 122.
 Sandastros, sive Sadasius, p. 120.
 Sanguineus lapis, p. 121.
 Saphirus, ejus color, species ac virtutes, p. 113. 114. 115. quomodo eligendus, 202.
 lapis Solaris, & cur, 265. 333. amat ca-
 stos, 434. mas & fœmina ibid. quomodo
 in Adamantem vertatur ibid. cur præst
 cordi 435. qua via sal ab eo habeatur ib.
 utilis ad cordis hilaritatem & sanitatem
 ibid. antraces curat, p. 36.
 Sarco fagus lapis, unde sic dictus, & ejus
 apud antiquos usus, p. 120.
 Sarda, sive Sardius. p. 122.
 Sardius, sive Sarda, ejus color, species, ac
 proprietates, p. 117.
 Sardius, Imperatorum lapis, p. 117.
 Sardonix, sive Sardonius, & ejus virtus. p.
 118.
 Saturni figura quæ & æqualis, ejusque vir-
 tus. p. 146.
 Scalæ naturæ descriptio, p. 485.
 Scorpionis ac Sagittarii figura ad invicem
 pugnantium, p. 212. 226.
 Sculptores primi lapidum quinam fuerint
 p. 128. 129.

Scul-

I N D E X.

- Sculptura de sigillis lapidum, paucis hodie cognita, p. 127. 128.
Sculpturæ planetarum in lapidibus, quid valeant, p. 191. 192.
de Sculpturis lapidum non Astronomicis,
& quomodo in earum cognitionem de-
venire possumus, p. 141.
Sedenec, la pis. p. 122.
Selenites lapis, p. 121. ejus color, species ac
virtutes, p. 118.
Semen in terra à Cœlo, p. 414.
Semen humanum quomodo agat in gene-
ratione 233. & quæ ad eam concurrant.
254. extra matricem utrum possit gene-
rare, p. 27.
Senochitem, p. 157.
Senochites, p. 122.
Serpentarius, ejus imago ac virtus, p. 151.
Serpentinus lapis. p. 161. 162
Serpentis figura, & ejus vis, p. 202.
Serpentis figura, habentis supra dorsum vi-
rum p. 231. 232.
Siderites, p. 118. 121.
Sifinus, p. 121.
Sigilla varia in diversis lapidibus sculpta,
vide Imagines.
Signa primæ triplicitatis, p. 143. 144. secun-
dæ 144. tertiae 144. quartæ 145.
Sinodontides, p. 22.
Sirites, p. 118
Smaragdus, & ejus diversa genera ac pro-
prietates, p. 114. 115. quomodo eli-
gen-

INDEX.

- gendus, p. 202. lapis Martialis, & cur 201
 331. cur sanat dysenterias, 332. & quo-
 modo maculae ejus reparentur. p. 334
Smeriglius p. 11.
Smirillus, ejus color ac usus, p. 119.
Sol Planetarum armonia 260. ejus virtutes
 in terra 307. cur medius Planetarum ex-
 istat, p. 338.
Solis gemma, p. 120.
Solis virtus non deficit ex se. p. 309.
Solis figura in lapide quid possit, p. 192.
Specularis lapis, p. 122.
Sperma animalis quid, p. 5.
Spicæ figuræ, p. 236.
Spinella, lapis ardens. p. 121.
Spiritus in animali quid sit 236 unde gene-
 ratur, & quomodo vires paulatim acqui-
 rit ibid. non anima, sed vehiculum illius
 217. esse corporeum duobus exprimen-
 tis probatur. p. ibid.
Spongius lapis, p. 122.
Stanni præparatio secreta, p. 219.
Sympathia ad Jovem. p. 276.
D. de Stella quid de Sympathia metallorum
 ad Planetas sentiat, 263. eam ad Medicas
 artes accommodavit, p. 368.
Stuxites, p. 121.
Succinum, ejus color, inventio, species ac
 virtutes, p. 116. 117.
Sulphur & vivum argentum ad operatio-
 nem tendunt, p. 393.
Sympathia quid est. p. 372.
Syrani

INDEX.

- Syrani Chaldæi opinio de Metallorum sympathia ad Planetas. p. 261.
Syrenis figura, p. 213. cum basilisco, p. 228.
Syrius lapis, p. 119.
- T**alc, Alchimicus lapis. p. 123.
Tartis, p. 124.
Tauri imago in Prassio. pass. in Magnete,
p. 239. obiq*bi*ni i*l*l*o* q*et*u*n* a*to*ne*v*
Tegolitus. p. 124.
Telitos, p. 124.
Terra recipit omnes qualitates. 371. & ratio cur distet à cœlo 318. est immobilis
319. quomodo concurrat ad productio-
nem 320. & qui sint ejus filii. p. 322.
in Terra nulla res q*ue* sum sydus in firma-
mento non habeat. p. 335.
Thetel insignis lapidum sculptor, p. 128.
Thirsitis, p. 123.
Trachius lapis. p. 123.
Trapendanus, p. 124.
Tubalcain cognovit essentiam Metallo-
rum, p. 270.
Topatius, sive Topasion, ejus color, species,
ac proprietates, p. 122. 123.
Turchion, sive Turquesia, ejus color ac pro-
prietas, p. 123.
Turchesia, quomodo eligenda, 200. cur sit
lapis saturninus, p. 323. cur franga-
tur, 325. ejus sympathia cum Saturno
probatur experientia Camelorum. p. 326
Turturis figura in parangone. p. 229.
Turtu-

I N D E X.

- Turturis marini imago in lapide nigro.
p. 215.
- V. Varach. lapis, & ejus virtus, p. 124.
Varietas colorum in lapidibus unde,
p. 20.
- Vatrachius, p. 124.
- Vejentana Italica, p. 124.
- Venatoris figura, p. 211. in jaspide, 222. 243.
- Veneris imagines variæ, & earum virtutes,
p. 192.
- in Venere & Mercurio non esse oppositio-
nem ad Solem, p. 317.
- Veneres duæ, p. 290.
- Vernix lapis, & ejus virtus p. 124.
- Vespertilionis Imago in Elitropia, p. 206
- Vexilli imago, & ejus proprietas. p. 203.
- Virginis figura in cristallo 181. cum veste
profusa in jaspide. p. 169. stolatae figura in
jaspide. 184. tenentis in manu laurum. ib.
- Viri juvenis figura tenentis in capite coro-
nam 45. sedentis super piscem 176. bar-
bati tenentis florem in manu ibidem.
- Viri stantis ac tenentis falcem figura, 171.
stantis supra draconem ac tenentis gladi-
um in manu 177. equitantis ibid. haben-
tis loricam indutam 178. nudi & cui fit
puella nuda a dextris. p. 178.
- Viri barbati figura habentis longum vul-
tum & curata supercilia 178. 179. tenentis
in manu mutationem, p. 179.
- Viriditas unde in lapidibus. p. 18.
- Virites,

I N D E X.

- Virites,** p. 124.
Virtutes inferiorum omnium unde ex Her-
mete & aliis Astronomis. p. 42. 43.
Virtutes figuram sculptarum in lapidibus
num virtutem particularem lapidum
dearticulant, & num earum effectus ævo
totaliter desperdatur, p. 175. 176. & seq.
Virtutes quomodo in Imaginibus dicantur
universales, & quo modo particulares
seu significatinæ virtutum lapidum, p.
181. 182. 183.
de Virtutibus lapidum opiniones variæ p.
32. 33. & quomodo aut undenam eæ la-
pidibus insint p. 33, & seq.
Visio quomodo fiat. p. 38. 39.
Vitis figura, p. 236.
Vituli imago in Magnete. p. 239.
Vivum argentum neque metallum, neque
corpus p. 229. ejus optima præparatio p.
230. impugnationes & solutiones de
transmutatione illius p. 231. non est
idem in terra, sicut extra apparet p. 232.
ejus cum semine similitudo. p. 233.
Vivum argentum in terra cum sulphure
producit Metalla p. 238. extra terram alio
modo disponitur ad productionem Me-
tallorum, ibid. ejus reductio ex omni
metallo. p. 239. & illusio ejus extractio-
nis ex metallis ibid.
Vivi argenti fixatio p. 240. lapis per plum-
bum, ibi. congelatio per succum herba-
rum p. 242. alia fixatio, sed periculosa p.
243. per projectionem melior, p. 61.

I N D E X.

- Vivi argenti sympathia ad Mercurium. p.
292.
- Vnio, vide Margarita.
- Vpupæ figura cum dracontea herba ante se
in Berillo. p. 158.
- Vrsa duplex, major & minor, ac earum ima-
gines, & proprietates. p. 148. 149.
- Vrsi imago in Ametisto, p. 208.
- Vrsi a serpente circundati figura. p. 236.
- Vulnera ab Æte sanantur facilius quam a
ferro. p. 368.
- Vulturis lapis. p. 124.
- Vulturis imago, p. 198. 199. in Chrysolito,
p. 157.
- Vulturis imago cum ramo olivæ, in Pyrite
p. 161.

X.

- Xiphinos lapis. p. 124.

Y.

- Ydræ figura, & ejus virtus. p. 202.
- Ydrinus lapis, & ejus virtus, p. 125.
- Yecticos lapis, ejus color & usus, p. 125.
- Ypestionus, lapis, p. 142.
- Ysoberillus. p. 125.

Z.

- Zarites, p. 125.
- Zemech. p. 162.
- Zeusis, pictor egregius. p. 128.
- Ziaraa, color ejus ac virtus. p. 126.
- Zmilaces seu Zmilanthis, p. 126.
- Zoronyfios, p. 126.
- Zumemellazuli, p. 125.

F I N I S.

1954

